

OPUSCULA
THEOLOGICO-MORALIA

P. DOMINICI VIVA
SOCIETATIS JESU.

OPUSCULUM PRIMUM
DE PRINCIPIIS MORALITATIS.

1000

1000

1000

1000

1000

OPUSCULA THEOLOGICO-MORALIA


Ad usum Tyronum elucubrata,

Et in Quotidianis Praelectionibus

A P. DOMINICO VIVA SOCIETATIS JESU

SACRÆ THEOLOGIÆ PROFESSORE

Suis AUDITORIBUS Tradita

 In Palæstra Collegii Neapolitani ejusdem Societatis,

Cupientibus, atque instantibus Theologiae Candidatis

IN LUCEM PUBLICAM EDITA,

Atque ab Auctore DICATA

EMINENTISSIMO, ac REVERENDISSIMO PRINCIPI

FRANCISCO

SABINENSI EPISCOPO

S. R. E. CARDINALI PIGNATELLO

ARCHIEPISCOPO NEAPOLITANO.

OPUSCULUM PRIMUM.

DE PRINCIPIIS MORALITATIS,

Seu DE ACTIBUS HUMANIS


Prout universam Moralem Theologiam fundantibus.



PATAVII, Ex Typographia Seminarii, MDCCXXI.

Apud Joannem Manfrè.

SUPERIORUM PERMISSU, ac PRIVILEGIO.



EMINENTISS. ac REVERENDISS. PRINCIPI

FRANCISCO

SABINENSI EPISCOPO

S.R.E. CARDINALI PIGNATELLO

ARCHIEPISCOPO NEAPOLITANO.

DOMINICUS VIVA E SOCIETATE JESU

Perpetuam Felicitatem.



Pera in lucem edituri sua, PRINCEPS
EMINENTISSIME, non parum saepenumero
laborant Auctores, ut praestabilem, insignemque, atque omni
Tom. I. 3 virtut-

virtutum genere ornatum, cui ea consecrent, Macenatem nanciscantur, qui vel ipsomet suo ea Nomine illustret, iisdemque victtricem oblivionis non tam spondeat, quam pariat immortalitatem. Mihi vero pertenuem hanc Opellam praelis commissuro, in eo laborandum non esse existimarem, si a quorvis alio, quam a Te faustissima auspicia desumpta vellem; aut quemlibet alium prater Te Principem Inclytum, ut faventibus illam oculis aspiceres, deprecarer. Laborant itidem non semel plurimi in perquirendo, quibus de causis evulgandas lucubrationes Patronis commendent suis, benevolentiam ab illis aucupaturi. Ast ipse in eo quam maxime laborare me fateor, ut rationes, causasque in medium proferam universas, quæ iturientem, ac festinantem licet, admotis tamen calcaribus acrius impulerunt, ut Tibi qualecumque hoc mei in Te obsequii levиденсе seu pignus, seu argumentum nuncuparem. Quis enim Tua in me, Parentemque meam amantissimam Societatem tot, ac tanta explicet pro dignitate merita? Quis meritis prosequatur laudibus? Quis digna admiratione excipiat? Quis debitis illa gratibus exequet? Tantum quippe abest, ut nos illis qualitercumque respondere possimus, quin potius in dies illam, ac me magis, magisque ad invidiam pene oneres. Quamvis (bona Tui pace dixerim) non hanc Tu laudem primus es auspicatus, sed verius prosequutus; Cum a Majoribus Tuis insitam in nos benevolentiam non tam in hereditatem accepisse, quam ipso cum lacte hausisse videaris. Intra Tue siquidem domus parietes, Regali sane Hospitalitate, prima sui Neapoli Societas nostra sortita est Cunabula; cum eam vixdum partem non tam domo, quam animo familia Tua exceperit, recentemque, ut ita dixerim, a lacte meliori munificentia succo, ac sanguine nutrierit. Proh quantus sane, vel una in re, se mihi offert rationum cumulus, quo et premi me, et prorsus obrui intelligo! Quid vero de Tuis in me meritis dicam? An non verear, ne, si vel delibare tantum ea velim, elevem potius, quam extollam; ne lux potius, quam laudandi materies me deficiat; necve mihi quodammodo aut plaude-

re videar, aut tacite superbire? Luce se illa produnt sua, nec alio indigent, quam eo, quo se ipsa commendant, Encomio: Majora quippe ea sunt, quam ut animo contineri omnia, nedum vobis exornari queant. Animis ergone Societas, atque ipse prorsus excidamus? Minime sane gentium. Quinimmo generosa ipsa indoles Tua mihi animos facit, ut ad Te accedam, ac vœtigal hoc qualecumque mei in Te obsequii, Tuis si minus, meis saltem viribus accommodatum exhibeam; Hoc quoque maximi beneficii habiturus loco, quod aequo nempe Tuo illud animo excipias. Theologico-Moralia, quæ in hoc libello Opuscula prosequutus sum, ad pedes E. T. pro-volvo fidenter. Quem enim magis illa deceant, quam Te, Princeps Eminentissime; cum abdita, altissimaque Sublimioris Theologiae arcana pene sub atatis Tue florem in præclarissime Parentis, Theatine nempe familiae, sinu magno ubique exceptus plausu, admirationeque reclusis; et nunc temporis inter Purpureos Patres a divinis facultatibus commendatos nulli secundus numerere? Tametsi nulla seu divina, seu humana facultas sit, quam non apprime calleas, quæ maxime non floreas. Quid, quod tanta Morum luce semper, et ubique præfulseris, ut Clericali Ordini universo quæ dictis, quæ jussis, quæ exemplis mores Sanctissimos instillarveris? Quid, quod eo virtutis commissos Tibi populos evexeris, ut satis sit, Diæcesim intueri Tuam, quo statim omnium vel nolentium in oculos coacta in parvum Ecclesie Majestas non tam incidat, quam incurrat? Non sine quadam tamen aliorum populorum omnium invidia, qui Tibi uni parere omnes certant, maximumque a Te olim Maximo, ac Supremo Orthodoxæ Ecclesie Hierarcha capturos se ornamentum fore, jure meritoque confidunt. Quidni igitur Theologico-Moralia isthac Opuscula Te unum in Auspicem deposcant, cum et a Theologiae disciplina, et a Morum sanctimonia tantum Tibi ornamenti comparaveris? An vero quis miretur, quod beneficiis Tuis in me tantis tantulo Opere respondeam? Sed hoc omnino suum Maximi Principes, hoc maxima habent beneficia, ut nihil non minimum sit, ubi cum illis conferatur: Cumque id

præclarissimorum quoque Virorum conatibus usquevenire, nemo unius ignoret. Quis non mihi, (cui tam angusta supellex) jure succenseat, si angusta Tui Nominis fretus clientela, in lucem, Solemque audeam prodire, cum de meo nihil nisi umbratile quidpiam asferre possim? An non arrogantis ista sint animi? At eo enim vero ductus consilio, Te in benemerentissimum Macenatem ut cum maxime statui; Is enim es, ut me Tua latentem sub umbra Purpure me hujusce Tue Splendore satis, superque illustres. Sileant profecto, sileant gratificantis illa animi voces, quibus Antiquus ille Encomiastes publica in Pancgyri suum mirum quantum exornavit Cæsarem Theodosium dicens: Amicitiam, nomen antea privatum, non solum intra aulam vocasti, sed indutam Purpura, gemmisque redimitam folio recepisti. Tuam quanto potiori jure hæc Purpuram decent, qua repentem humi tenuitatem meam sublevas, omni denudatam ornamento foras, ac contegis, atque in sublime Tecum extollis. Cum jubeas, ut quæ propriis antea se tenebris involvebat, Purpura Tue luce fulguret, ac tantum non intumescat. Illa quippe non gemmis, auroque luxuriat, sed clarius tamen multo irradiat, utpote quam Virtutes certatim omnes, quæ In-victi, Integerrimique Præfulis sint, ad oculorum suspensum distinguunt. Inopes, Pupilli, Vidue, miserorum genus omne, qui Tua sub Purpura levamen omne experiuntur, pro Superi, quantum illam in Cælum evehunt, ac superno Splendore collustrant! Testem hanc Urbem universam appello, quæ nullo non loco ferventissimis Amoris Tui flammis calet, nullo non tempore Tuarum Virtutum exemplis omnibus abunde affluit; itaque affluit, ut quocumque oculi se convertunt, stupore defigantur. Sed conqueri quodammodo, mihi succensere Tarentum, Roma, ac Polonia universa non immerito videntur, dum intra nostra Urbis fines immoror. Non ita patrios intra fines Virtus Tua continere se potuit; quin longe, lateque pervaderet, ac rebus præclarissime gestis non minus, quam admiratione omnia compleret. Ad Poloniam de Latere Legatus missus arduam, supra quam cuiquam credibile sit, demandatam Tibi provinciam splendide, atque e Romana Ecclesiæ

re ita obiisti, ut bona omnium pace dixerim, nescio, an parem sis habiturus; Qui Te vero praeuenerit, habueris sane neminem. Omnium animos, Regium quoque, Comitatus Tua mirabili, ac melliflui sermonis affabilitate Tibi arctissime deuinxisti. Unus ea cumulatissime implesti, quae nec singuli quique longissimo, nec omnes simul tam exiguo temporis spatio praestitissent. Iris turbatissimo illi Caelo uisus es assurgere, omnem importune calamitatis nubem longe prorsus aruens. Quanta enim in arduis, ac summi momenti rebus Tua emicuit Prudentia! Quanta eluxit dexteritas! Quantum (quod Tuum discrimen, atque Insigne, ut ita dixerim, est praestantissimum) quantum, inquam, Humanitas triumphauit! Humanitas illa, quae propemodum tantundem Te ad aliorum placita deprimit, quantum Tua Te magnitudo supra omnes alios extollit. Quam periculosa plenum opus alee, Deus immortalis, obuiuidum Tibi commissum? At quam expediisti feliciter? In quam difficilem, ac salebrosam adducta locum res erat? Quas ipse delatus in Syrtes, ut quocumque minimum deslecteres, haerere non immerito timeres? At quam secundo cursu ad Gloriam uelificatus es! Quam fauste, prospereque optatum expeditionis portum tenuisti! Vix uisus, omnium in Te oculos conuertebas; vix auditus, omnium demulcebas, omnium in Te animos abripiebas. Verbo, Poloniam triumphis magis Tuis, quam passibus perlustrasti; At rebus omnibus e voto, (e voto autem? an supra vota ipsa?) confectis, Victor, ac Polonus ad Capitolium, plaudente Urbe, atque Orbe uniuerso, Triumphantis in moerem ascendere uisus es. Ostro Te Polonia insigniuit, an potius Ostrum ipsum in Te insignire est rata? Atque hoc unum in expeditione Tua habuit, quod doleret; nimirum, quod Te iusto afficere premio minus posset. At ad tantum honoris apicem multa Te iampridem prouehabant: Tarentina sanctissime a Te Ecclesia gubernata; Ipsa necessitudinis, ac cognationis cum Summo Hierarcha vincula; Majorum Tuorum erga Ecclesiam merita; Pontificia Legationis munus; Sanguinis splendor, qui potiori, quam de Nilo flumine dictum est, jure Caeli uerius, hoc est Heroum, quam terrestri uena fluere; Qui ortus suos praeclarissi-

clarissimos celari maluit, quam nosci; ut a Longobardorum Principibus ne, an a Beneventanae Urbis Ducibus, an vero a Patritio Romanorum fonte profluat, non satis in comperto sit; Qui Hispaniam, Italiam, atque Europam late universam tot exercituum Imperatoribus, tot Maritima rei Praefectis, tot Sublimibus Insulis, tot ad Reges, ac Pontifices Legatis nobilitavit; ut non immerito asseruerim, Trabearum, fasciumque vestrarum pondere laborare. Qui ipsam etiam Americam, novum nempe Orbem, Vaglii dominatu illustravit; Ac tot Aurei velleris Equites, tot Hispania Magnates edidit; Tot Proreges invictissimos procreavit: Quos inter Principem sibi vendicat locum Germanus Tuus, Tuique omnino similis Dux Vibonensis, quem Sardinia olim suspexit pro Rege moderantem; Ac Trimacria nunc Regis gerentem Vices ea laudum segete onustum intuetur, ut latissima se prae gaudio non capiat Insula; Quae triumphalibus semper Augustissimi Caroli armis devicta, Illius ex omni parte Amoris expugnari armis se animadvertit; Atque Hectorem illum Pignatellum, suo bene respondentem Nomini, Vibonensi etiam dominatu insignitum, veluti redituum intueri, ac suspicere, morem ei gerendo obsequentissimum; Is quippe anteaetis seculis assertam pariter Regi suo Siciliam felicissime est moderatus. Hac, aliaque sexcenta huiusmodi Sanguinis Tui decora, quae libenter missa facio (ne nunc primum malemeritis de Te videar, Tuamque prae ipsamet Purpura rubescere cogam modestiam), Hac, inquam, decora Ostrum jam Tibi non uno Nomine deferebant; Sed indignum Te existimasti, quod nullo Tibi labore non staret; quod Tuo sudore non imbueres. Unus effecisti, ut magis ipse Tibi uni fumose Majorum imagines, Marmorataeque laudes, quam Tu ipsis deberes; ut Posteris Tuis laudum prerogativam praeiperes; ut Nature in Te uno ad maxima omnia effingendo conatus Virtute superares. Eo denique devenisti Celitudinis, ut non modo supra famam, ultra Invidiam, trans omnem ancipitis fortunae aleam Magnitudinis Tuae securus constas; atque ad supremum Ecclesiasticae Hierarchiae Solium, quo Tua Te merita provehunt, votis omnium evocaris; Sed etiam incolumes, atque

*que in tuto locatos reddas, quos Tuo Patrocinio tueri non dedignaris.
Vale, & diu, felixque Ecclesia Catholica, ac Tuis praesertim obse-
quentissimis famulis Vire.*

E Collegio Neapolitano 1721.

LECTORI

Benevolo.

Miraberis profecto, quod paucis hisce Opusculis Theologico-Moralibus ad Te veniam, ubi Universa, prout in Scholis traditur, Moralis Theologia jamdiu a me in lucem danda expetebatur, & expectabatur. Ut verum fatear; post absolutam utcumque, Superis annuentibus, Trutinam Antiquessellianam, a Moralibus in posterum quæstionibus ex professo pertractandis supersedendum statui; Siquidem vix calamo ad id operis admoto animadverti, plurimum studii, ac laboris, plurimum ingenii, ac perspicuitatis, plurimum dexteritatis, ac prudentiæ opus esse ad illud pro dignitate peragendum, atque ad Sapientium, ac Insipientium notas declinandas. Præsertim quia Moralem Cursum aggressuro immensum esset pelagus enavigandum, innumeris ubique disseminatum Syrtibus, in quas vel peritissimi ex Naucleris non raro impegerunt; Nec cuique facile est alterutrum scopulum declinare, aut laxitatis, aut nimii rigoris in opinando; passimque Incidit in Scyllam cupiens vitare Charybdim. Quare impar ego tanto oneri, atque non minus ingenio hebes, quam acie oculorum, animis excidi; grates Deo bonorum omnium Largitori rependens plurimas, quod in exponendis Confixis Thesis (nisi mea mihi sententia, ac non paucorum opinio blandiatur) incolumis evaserim.

Instantibus tamen, ac percipientibus Theologiæ Candidatis; Aliis etiam quotidiano pene convivio efflagitantibus, aut missis ad me literis perquirentibus, Necnon iis, quorum iussa declinare non poteram, suo nomine quasi debitum officium postulantibus, ut Theologico-Moralia saltem Opuscula in lucem ederem, prout olim in Scholis tradideram, quippe qui fore sperabant, ut humaner, & citra nausæam, ac stomachum exciperentur; non secus ac benigne Cursus Theologicus, Scholastica pariter methodo in Scholis traditus, necnon Opusculum de Anni Sancti Jubilæo excepta fuere, quod toties iteratæ illorum editiones non obscure

tc-

testantur, imperata facere oportuit: Ac tandem aliquando reſectis, Deo miſerante, quantum proveſta paſſa eſt ætas, viribus, apoplecticorum vitæ inſidiantium inſultuum vi non parum acciſis, animûm induxi, ut ea incudi redderem, & ad limam pro modulo meo revocarem. Ea quippe multis ab hinc luſtris inter alia ſelegeram in Palæſtra Theologica explicanda, velut ad Curſum Theologicum prodroma, utpote quæ magnam eruditionis, ac doctrinæ ad praxim ſpectantis ſegetem proferunt, nec Moralem dumtaxat, ſed Scholaſticam, immo & Poſitivam etiam ſapiunt Theologiam. In primo ſiquidem ex his, quæ ad uſum Tyronum elucubrata fuere Opuſcula, diſceptatur de Principiis Moralitatis, ſeu de Actibus Humanis prout univerſam Theologiam Moralem fundantibus. In ſecundo de Conſcientia Dubia, & Scrupuloſa; ubi etiam nonnulla de Conſcientia Certa, Erronea, ac Probabili deliſbantur. In tertio de Beneficiis Eccleſiaſticis; ubi ſuſe etiam de Simonia univerſim. In quarto demum de Uſuris, quippe quæ aſſinitatem cum Simonia habent, quatenus quod in Spiritualibus Simoniam, in Temporalibus redolet Uſuram; atque utrobique perſæpe contractus, qui ſpeculative, ſeu circumſcriptis adjunctis, ab utraque labe depurati deprehenduntur, in praxi tamen ab ea non ſunt immunes. Tradideram pariter Auditoribus meis quintum Opuſculum inſcriptum De Jubilæo, præſertim Anni Sancti, ac de Indulgentiis univerſim. Sed illud hic ſuperaddere non eſt opus, utpote quod occasione Anni Sancti tunc temporis imminentiſ, videlicet anno 1699., Illuſtriſſimus D. Fabius Caracciolus e Ducibus Montis Sardi inter meos Auditores nemini ſecundus, ſanguinis claritate ſatis notus, præſtanti ingenio, ac virtute ornatus, Præſectura jamdudum Romæ inſignitus, ac ad Purpuram, Deo auſpice, evehendus, vix exceptum, in ſui, ac mei obſequium Eminentiſſimo Urſino Archiepiſcopo Beneventano in lucem editum dicare cenſuit; Ac deinde Typographus, tanquam Appendicem, ſemper illud annexuit in quavis ex tot editionibus Trutinæ Theologicæ Theſium damnatarum, ut plurimæ Indulgentiæ paſſim aſſequibiles omnibus innotefcerent; atque ad eas cum fructu lucrandas quilibet incitaretur.

At audire videor plurimorum querimonias, qui ab innumeris, ubique obviis, de re Morali pertractantibus libellis abhorrentes, nil niſi cramben recoctam in hiſce Opuſculis apponi poſſe autumant. Quid enim ſuperaddi poterit iis, quæ tot præclariffimi Auditores in ſuis Voluminibus eaſdem quæſtiones revolventibus, ac diſſi-

difficultates enodantibus candidissime enuclearunt? Qui fieri poterit, ut quidpiam de novo prodeat, quod in Veterum monumentis non habeatur in bono lumine collocatum? Non unus dumtaxat aptare hic posset illud Martialis: *Quem scribis, mens est, o Fidentine, Libellus; Sed male dum scribis, incipit esse tuus*. At cur querimoniis istis non pariter Martialis illud reponatur? *Cum tua non edas, carpis mea carmina Casar; Carpere vel noli nostra, vel e-de tua*. Si quidpiam querimoniarum istarum, quae passim obtruduntur, praesferrent; Nonne pariter evincerent, incallum celeberrimos superioris Saeculi Auctores defudasse in rebus Moraliibus universum discutiendis; ubi de iisdem pariter Auctores longe praestantiores, ac non pauci, Saeculis anteaetis disputarunt? Cum tamen in comperto sit, Superioris Saeculi Auctores multum splendoris Reipublicae literariae contulisse, ac ornamenti plurimum Bibliothecis addidisse! Siquidem quod Veteres profunde, ac dilucide prodiderunt, illud ipsum, sed alia via, alia methodo, aliis ratiocinationibus, ac doctrinis illustratum a Neotericis proditum est, non sine magna ingeniorum, ac animorum utilitate. Idipsum in hisce Opusculis praestare conatus sum, animo revolvens, quod post tot Thesum proscriptiones malint Theologicae Facultatis studiosi Opellis istis, quae nec mole obruunt, nec brevitate confundunt, sedulam navare operam; quam aliis utut praestantioribus, in quibus evolvendis scopulorum ignari saepenumero haerent, ac timore trepidant etiam ubi non est timor. Non abs re itaque quaestiones plurimas ad praxim passim occurrentes, quas alii fusiore calamo pertractarunt, veluti in compendium perstrinxi, brevitati simul consulens, & claritati, ut eas praemanibus Tyrones habere facile possent; iis opinionibus meum calculum superaddendo, quae magis veritati consonae visae sunt. Hisce de causis, mutato consilio, post haec elaborata Opuscula animum etiam induxi ad incudi pariter reddendum Moralem Cursum, & jam nonnullos huiusce rei Tractatus pro modulo meo ad umbilicum perduximus; ac labori non parcens confido post non multum temporis alios pariter perducturum, ut simul omnes typis committantur; si tamen divina inde gloria (quae tantorum laborum unicus est scopus) promoveanda sit. Interim Lector, si quid boni in revolvendis meis lucubrationibus deprehenderis, Clementissimo bonorum omnium Auctori gratias age; si quid mali, tribuas tenuitati meae. Vale..

JOAN.

JOANNES BAPTISTA GRIMALDI

Præpositus Provincialis

SOCIETATIS JESU

In Regno Neapolitano.

CUM Librum, cui titulus est, OPUSCULA THEOLOGICO-MORALIA, a P. Dominico Viva Societatis nostræ Sacerdote conscriptum, aliquot ejusdem Societatis Theologi, quibus commissum fuit, recognoverint, & in lucem edi posse probaverint; facultate nobis ab Adm. Rev. P. Nostro Michaelæ Angelo Tamburino Præposito Generali communicata, concedimus, ut typis mandetur, si ita iis, ad quos pertinet, videbitur. In quorum fidem has literas manu nostra subscriptas, & sigillo Societatis nostræ munitas dedimus.

Neapoli die 7. Octobris 1720.

Joann. Baptista Grimaldi.

NOI REFORMATORI

Dello Studio di Padoa.

HAvendo veduto per la Fede di revisione, & approbatione del P. F. Ambrosio Lisotti Inquisitore di Padoa nel Libro intitolato: *Opuscula Theologico-Moralia ad usum Tyronum elucubrata a P. Dominico Viva Societ. Jesu*, &c. non v'esser cos' alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza a Gio: Manfrè Stampatore, che possi esser stampato, osservando gli ordini in materia di Stampe, & presentando le solite copie alle Publiche Librarie di Venetia, & di Padoa.

Dat. 4. Agosto 1720.

{ Gio: Francesco Morosini Cav. Ref.
{ Pietro Grimani Cav. Proc. Ref.

Registrata.

Agostino Gadaldini Segr.

INDEX

I N D E X Q U Æ S T I O N U M,

Quæ in hoc primo Opusculo continentur
DE PRINCIPIIS MORALITATIS,

S E U

DE ACTIBUS HUMANIS

Quoad ea, quæ fundant Theologiam Mora-
lem universam.

Q U Æ S T I O P R I M A.

Quid, & quotuplex sit Voluntarium, & Liberum? pag. 1

ARTICULUS PRIMUS. *Quomodo definiatur Voluntarium? Quo-
modo Liberum?* ibid.

ART. II. *Quotuplex sit Voluntarium?* 3

ART. III. *Satisfit quibusdam quasitis ad praxim necessariis.* 4

ART. IV. *Num dicatur Voluntarius, & aperiendus sit in Con-
fessione effectus procedens ex causa libere volita, quan-
do non potest ea amplius vitari?* 8

Q U Æ S T I O II.

Utrum Peccatum ex genere suo Mortale evadat Veniale ex
defectu Voluntarii? Ubi plurima de Delectationibus Mo-
rosis. 11

ART. I. *An Peccatum ex genere suo Mortale evadere possit Ve-
niale ex defectu Voluntarii, seu plena libertatis?* 12

b

ART.

ART. II.	<i>An Delectatio Morosa de objecto turpi secundum se pertingat ad Mortale?</i>	14
ART. III.	<i>An Delectatio Morosa de objecto turpi indirecte voluta sit etiam mortale?</i>	18
ART. ULT.	<i>Utrum desideria objecti pravi sub conditione tollente ejus malitiam vacent lethali culpa?</i>	22

QUÆSTIO III.

Quænam Ignorantia circa Leges, aut Præcepta tollat, vel minuat Culpam? 25

ART. I.	<i>Quid, & quotuplex sit Ignorantia, & quam reddat actum Involuntarium?</i>	ibid.
ART. II.	<i>Utrum a culpa excuset Ignorantia Invincibilis, etiam si sit Concomitans?</i>	28
ART. III.	<i>Ex prædicta doctrina plurima difficultates resolvuntur.</i>	30
ART. IV.	<i>Utrum Ignorantia Invincibilis solius pænæ per legem impositæ excuset ab ea pænâ Delinquentem?</i>	35
ART. V.	<i>Quandonam Ignorantia censeri debeat Invincibilis, etiamsi proveniat ab Ignorantis culpa, itaut excuset a pænâ?</i>	36
ART. VI.	<i>An possit dari Ignorantia Invincibilis Dei, & Juris naturalis?</i>	38
ART. VII.	<i>Utrum Ignorantia Vincibilis semper peccatum minuat, præsertim in Transgressione legum Humanarum?</i>	40
ART. VIII.	<i>Utrum legis Ignorantia mortaliter vincibilis excusare possit a pænâ, quamvis non excuset a gravi culpa?</i>	42
ART. ULT.	<i>Utrum peccata ex Ignorantia vincibili commissa sint ejusdem speciei moralis cum peccatis scienter admissis?</i>	44

QUÆSTIO IV.

De Vi, Coactione, ac Metu excusantibus a Legum, & Votorum observantia. 46

ART. I.	<i>Quid, & Quotuplex sit Metus, Vis, & Coactio?</i>	47
---------	---	----

ART.

ART. II.	<i>Enodantur plurima Difficultates quoad metum cadentem in Constantem Virum.</i>	50
ART. III.	<i>An metus gravis excuset a culpa Transgressorem Legum Humanarum?</i>	51
ART. IV.	<i>An Metus gravis excuset a Transgressione Legis Divinae Positiva?</i>	55
ART. ULT.	<i>An Metus gravis excuset a Transgressione Legis Naturalis?</i>	57

QUÆSTIO V.

De Ignorantia, ac Errore Contractus irritante ex defectu Voluntarii.	62
--	----

ART. I.	<i>Prænotantur Prænotanda.</i>	ibid.
ART. II.	<i>Utrum Error, vel dolus antecedens reddat Contractus irritos jure natura?</i>	64
ART. III.	<i>Ex præjacta doctrina resolvuntur plurima Difficultates.</i>	68
ART. IV.	<i>An Dolus, vel error antecedens dans causam Contractus illum irritet, saltem jure Positivo?</i>	71
ART. ULT.	<i>An Error concomitans circa rei substantiam irritet Contractum jure Natura?</i>	74

QUÆSTIO VI.

De Metu irritante Contractus, aut Vota ex defectu Voluntarii.	76
---	----

ART. I.	<i>An Metus gravis injuste incussus ad extorquendum Contractum irritet illum jure natura?</i>	ibid.
ART. II.	<i>Utrum Contractus metu injusto extorti sint jure Positivo irriti, an solum irritandi?</i>	80
ART. III.	<i>Utrum Metu etiam levi extorta restituenda sint in foro Conscientia?</i>	81
ART. ULT.	<i>Resolvuntur plurima Difficultates ex præjacta Doctrina.</i>	84

QUÆ-

QUÆSTIO VII.

Utrum Juramentum confirmet Contractus metu irritos, aut obligationem implendi Contractus inducat? 87

ART. I. *Prænotantur Prænotanda.* ibid.

ART. II. *Utrum Juramentum universim confirmet actus jure positivo irritos?* 88

ART. III. *Utrum Juramentum confirmet Contractus metu invalidos, aut saltem obligationem inducat eos implendi?* 89

ART. ULT. *Quisnam Prælati possit Juramenta contractibus adjecta relaxare?* 94

QUÆSTIO VIII.

De Concupiscentia minuente, vel augente Voluntarium? 99

ART. I. *Utrum Concupiscentia minuat, aut etiam quandoque tollat Voluntarium?* ibid.

ART. II. *Utrum restituenda sint in foro Conscientiæ, qua blandis verbis extorquentur.* 101

QUÆSTIO ULTIMA.

De Actibus humanis quoad eorum moralitatem. 102

ART. I. *In quonam consistat bonitas, & malitia Moralis.* 103

ART. II. *Utrum a Fine, an ab Objecto desumatur bonitas, aut malitia moralis Actuum humanorum?* 104

OPUSCULUM PRIMUM.

DE PRINCIPIIS MORALITATIS.

S E U

DE ACTIBUS HUMANIS

Quoad ea, quæ fundant Theologiam Moralem
universam.

P R O O E M I U M.



IN Tractatu de Actibus Humanis Scholastici viam muniunt ad Moralem Theologiam, ejusque fundamenta jaciunt, examinando nostrorum actuum bonitatem, ac malitiam moralem, motusque animi voluntarios, ac liberos; Cum enim moralitas in actu esse non possit sine libertate, & actus non possit esse liber, nisi sit voluntarius, idcirco anxie discutiunt, quomodo ratio voluntarii, ac liberi ab Ignorantia, Metu, Concupiscentia, & similibus lædatur, ut dignosci possit quandonam actus ex defectu voluntarii, aut plenæ libertatis, vel culpa simpliciter vacet, vel saltem gravi culpa. Hæc nos, Numine aspirante, in præsentem præstabimus, ut facilius percipi possint, quæ Scholastica Theologia discutit, de Actibus humanis in ordine ad speculationem.

Primo itaque quæremus, quid, & quotuplex sit Voluntarium, ac Liberum? Secundo, An peccatum de se mortale evadere possit veniale, sive ex defectu plenæ deliberationis, sive ratione puræ delectationis morose de objecto prævo non pertingentis ad desiderium, aut operationem; sive ratione delectationis, vel desiderii sub conditione tollente malitiam ab objecto? Tertio, Quanam ignorantia circa leges, ac præcepta, seu tollat, seu minuat culpam? Quarto, Quanam ignorantia, aut error in contractibus illos irritet, sive naturali jure, sive positivo? Quinto De vi, coactione, ac metu excusante a legum, ac votorum observantia. Sexto De Metu, tam iuste, quam injuste incusso reddente contractus sive irritos, sive irritandos. Septimo nonnulla examinabimus de Concupiscentia, seu de passione partis inferioris mentem perturbante, quæ sæpe tollit, aut minuit voluntarium, & subinde malitiam, aut bonitatem moralem augeat. Demum quæ ad essentiam moralem actuum humanorum spectant paucis perstringemus; Superfedendo a quæstionibus de Con-

scientia, seu ultimo rationis dictamine, quæ proxima regula est humanarum actionum, cui se conformando voluntas dicitur moraliter bona, & difformando mala; cum de ea in Opusculo insequenti de conscientia dubia, & scrupulosa, Deo dante, agendum sit.

QUÆSTIO PRIMA.

Quid, & quotuplex sit Voluntarium, ac Liberum?

Discutienda est primo Voluntarii, ac Liberi definitio. Deinde multiplex eorundem acceptio. Tertio satisfaciendum nonnullis hæc de re quæsitis ad praxim necessariis.

ARTICULUS PRIMUS.

Quomodo definiatur Voluntarium, quomodo Liberum?

- I. *Definiunt voluntarium, & Violentum.*
- II. *Definiunt liberum libertate a coactione, & libertate indifferentia.*
- III. *Pura Omissio quomodo dicatur voluntaria, & libera.*

I. **V**oluntarium ex Philosopho 3. Ethic. 1. dicitur, *Cujus principium est in agente cognoscente singula*: Quare tria requiruntur, ut actio sit voluntaria. Primum est, quod sit a principio intrinseco; nam Violentum est, quod sit ab extrinseco *nullo vim conferente passo*. Secundum, quod procedat a principio cognoscente, eo quod voluntas non feratur in incognitum. Tertium, quod cognoscantur singula, idest ea omnia, ex quibus operationis substantia, tamquam ex objecto dependet: Sic, ut Parricidium, v. g. sit voluntarium debet esse a principio intrinseco cognoscente, non solum quod qui occiditur sit homo; sed etiam quod sit pater; aliter non erit voluntarium in quantum parricidium est.

Voluntarium sic definitum opponi-

tur, tam Violento, quod scilicet procedit ab extrinseco; quam Naturali, quod scilicet sit a natura, absque cognitione ejus, quod geritur, ut sunt operationes vegetativæ, quæ licet sint a principio intrinseco, non sunt tamen voluntariæ, sed naturales: Coincidit tamen cum Spontaneo, ut notat D. Th. 1. 2. quæst. 6. art. 2., quod reperitur etiam in Brutis; nam Bruta etiam operantur cum cognitione ejus, quod agunt, quamvis careant cognitione perfecta, & libero arbitrio. Quare voluntarium prescè sumptum in quantum est proprium Hominis definitur, *Quod procedit a voluntate*; in quo sensu non competit Brutis ratio voluntarii, quamvis iis competat ratio spontanei.

Porro differt Voluntarium a Volito, ut notat Cajet. quæst. 154. art. 5., quia volitum comparatur ad voluntatem tanquam objectum ad suam potentiam; voluntarium vero ad voluntatem comparatur, tanquam effectus ad suam causam; unde solus actus voluntatis, & omissio dicuntur voluntaria, quamvis possint esse etiam Volita actu reflexo.

II. Liberum vero definitur: *Quod procedit a Potentia, quæ possit omnibus requisitis ad agendum potest agere, & non agere*. Ita communiter cum

Suar.

Saar. lib. 1. de Gratia cap. 3. ; quod colligitur tum ex Scripturis, tum etiam ex Tridentino sess. 6. cap. 5. , ubi Libertatem nostram, qua ad Deum convertimur in eo reponit, quod Deo tangente cor nostrum sua gratia, possumus illi assentiri, si velimus, aut dissentire; quod est posse agere, vel non agere. Quicquid sit, utrum hoc intelligendum sit in sensu composito, an diviso? Quod fuscè discutit contra Thomistas Coninch disp. 2. de actibus humanis dub. 3.

Hæretici docentes cum Calvino, & Luthero, Gratiam efficacem non tollere libertatem, quamvis necessitet ad assensum, duplicem libertatem distinguunt, alteram a *coactione*, quæ habetur, quoties voluntas non coactè, sed spontaneè, & cum inclinatione fertur ad unam partem contradictionis; etiam si nequeat ad alteram ferri; Alteram verò libertatem vocant a *necessitate*, seu indifferentiæ, quæ habetur, quoties voluntas indifferenter se habet ad utramque partem contradictionis. Verum libertatem a coactione non esse dicendam libertatem ad meritum, vel demeritum sufficientem in natura lapsa, constat ex Tridentino adducto: Unde Innoc. X., & Alex. VII. proscripserunt tertiam illam Jansenii thesim; in qua dicitur, *Ad merendum, & demerendum in statu naturæ lapsæ non requiritur in homine libertas a necessitate, sed sufficit libertas a coactione.*

III. Ex dictis sequitur primò, differre voluntarium a libero, tamquam superius ab inferiori: etenim omne liberum est voluntarium, sed non e converso; amor enim v. g. in Patria, & amor, quo Deus semetipsum diligit est plene voluntarius, non tamen liber, nisi tantum a coactione. Notandum tamen sæpe confundi Voluntarium cum Libero, ita ut nomine actus voluntarii significetur actus liber;

& juxta hunc sensum locutus est August. lib. 1. de vera Relig. c. 14. , ubi dixit: *Usque adeo peccatum est malum, ut nullo modo sit peccatum, si non sit voluntarium*, hoc est liberum: & in hoc eodem sensu a Nobis deinceps usurpabitur.

Sequitur secundo, definitionem Voluntarii posse etiam applicari puræ omissioni liberæ; hæc enim quatenus libera procedit a principio intrinseco cognoscente singula; & in omissionem influente, non quidem positive, sed privative, ut notat D. Th. loco laudato art. 2. : Voluntas enim, quæ est causa positiva suæ operationis dici potest causa privativa suæ omissionis; Causa enim dicitur id, per quod respondemus interroganti propter quid res sit; interroganti autem propter quid sit Omissio, respondemus, quia voluntas liberè se determinavit ad non operandum, seu ad omittendum.

ARTICULUS II.

Quotuplex sit Voluntarium?

- I. *Quid sit directè, quid indirectè voluntarium, seu liberum?*
- II. *Explicatur Voluntarium elicium, ac Imperatum.*
- III. *Item expressum, & tacitum.*
- IV. *Voluntarium voluntate propria, & aliena.*
- V. *Necnon actuale, virtuale, & habituale.*

I. **D**ividitur primo voluntarium, prout confunditur cum libero: Aliud enim est voluntarium directè, quod scilicet est voluntarium in se: puta si quis occidat hominem advertens esse hominem, hujusmodi homicidium dicitur directè voluntarium: Aliud est voluntarium indirectè, seu in alio, tanquam in causa, soletque appellari voluntarium interpretative,

A 2. quod

quod dupliciter contingit : Primò si quis ponat actionem , ex qua prævidetur secuturus aliquis effectus : V. g. si sciens te in ebrietate facile alios occisurum , adhuc inebrieris , homicidium inde secutum erit tibi indirecte voluntarium . Secundò si quis effectum aliquem impedire possit , & impedire omittat : V. g. si videns mergi navem omittat submersionem impedire , cum possit , submersio censetur voluntaria indirecte .

II. Dividitur secundò voluntarium in Elicitum ; quod scilicet libera voluntas elicit immediate ; & Imperatum , quod non elicitur ab ipsa voluntate , sed ab aliis potentius , quibus voluntas imperat , ut sunt actus loquendi , legendi &c. : imò ipse actus intellectus potest a voluntate imperari , dummodo non sit prima cognitio , cum voluntas ferri nequeat in incognitum ; potestque etiam unus actus voluntatis alium imperare , ut quando posita intentione finis imperatur electio mediis : Quicquid sit , an circa actus a voluntate sibi imperatos exerceatur immediata libertas ? in quo disputant Doctores .

III. Dividitur tertio in Expressum , quod scilicet verbis , aut aliis signis ad id institutis exprimitur , & Tacitum , quod scilicet ex solo pacto , aut conventionione perpenis circumstantiis prudenter colligitur . Hinc est regula illa quarta Juris in sexto . *Qui tacet consentire videtur* ; quando scilicet taciturnitas aliis adminiculis adjuvatur , ut notat Azor. tom. 1. lib. 1. cap. 4. , aliter militabit regula quadragesima quarta dicens , *Is , qui tacet , non facitur , sed nec nunquam negare videtur* : Unde Doctores apud Sanch. l. 1. disp. 5. varias tradunt conjecturas , quibus tacentis consensus , aut dissensus præsumi possit ; videlicet si quid fiat in favorem tacentis , taciturnitas habetur pro consensu ; sicut etiam si facile

contradecere possit , & non contradicat : secus verò si quid fiat in ejus incommodum , & contradecere non debeat , aut non possit sine periculo , vel scandalo .

IV. Dividitur quartò in Voluntarium voluntate propria , quod scilicet a singulis elicitur , & imperatur , & Voluntarium voluntate aliena : sic actus voluntarius Tutoris censetur esse voluntarius Pupilli , voluntas Patris censetur voluntas Filii impuberis , & voluntas nostri Protoparentis censetur esse voluntas Posterorum .

V. Denique dividitur in Actuale , Virtuale , & Habitale : dicitur voluntarium Actuale , quando quis aliquid facit , advertens ad id , quod agit ; dicitur Virtuale , quando quis ex vi actus præcedentis aliquid facit , non advertens hic & nunc ad id , quod agit , v. g. si Confessarius distractus absolvat ex vi voluntatis antecedentis , qua ad Confessionem audiendam accessit . Dicitur Habitale , quando quis aliquid facit , neque sciens id , quod agit , neque id faciens ex vi alicujus actus præcedentis , ita tamen dispositus , ut si sciret , adhuc faceret ex vi actus præcedentis , non amplius perseverantis moraliter , sed interrupti v. g. per somnum , ebrietatem , amantiam ; ut si quis post somnum non advertens occidat inimicum , quem olim vigilans volebat occidere . Hoc tamen voluntarium habituale non sufficit ad tunc peccandum , nec ad valorem contractuum , nec ad sacramenta conferenda , licet satis sit ad quædam sacramenta suscipienda .

Hinc potest amens , qui aliquando habuit usum rationis , voluitque christianè mori , recipere in articulo mortis Eucharistiam (si citra irreverentiam possit) & Extremam unctionem ; potest etiam baptizari , & absolvi , dum caret usu rationis , qui Baptismum , aut absolutionem petit ante quam

quam sensibus destitueretur, quia in his Sacramentis recipiendis satis est habitualis intentio: Non potest tamen valide matrimonium, verbi gratia contrahere, absolvere, consecrare; quia in his requiritur intentio virtualis. Et ratio disparitatis est, tum quia suscipiens Sacramenta habet se passive, conferens verò active; major autem perfectio requiritur in agente, quam in patiente; tum etiam quia quamvis sapientem deceat aliquando dispensare bona amentibus, nunquam tamen decet ea dispensare per amentes; unde quamvis Christus Dominus voluerit quædam Sacramenta conferri amentibus, & cum sola aut interpretativa, si nunquam rationis usum habuerint, aut cum habituali intentione, si rationis usum præhabuerint, nulla tamen Sacramenta voluit conferri per amentes, & sine intentione saltem virtuali, & humana.

ARTICULUS III.

Satisfit quibusdam quæstis ad praxim necessariis.

- I. Num requiratur ad voluntarium directe, non solum expressa scientia, sed etiam expressa voluntas?*
- II. Utrum dicatur indirecte voluntarius effectus prævisus in causa sua, si non deatur obligatio illam vitandi?*
- III. Qui pravo suo exemplo alium inducit ad furandum, num teneatur ad restitutionem?*
- IV. Quid si Confessorius culpabiliter omittat Patientem monere de restitutione facienda?*
- V. Num peccet contra iusticiam Gubernator, inducens suo exemplo alios ad furandum?*

I. Circa primam divisionem Voluntarii, seu Liberi, dubitatur primo, an ad Voluntarium directe requiratur non solum expressa scientia, sed etiam expressa voluntas? v. g. si quis propinet venenum, advertens solum esse mortiferum, non tamen intendens mortem, quaeritur an homicidium secutum dicatur directe voluntarium, ita ut propter illud incurratur irregularitas proveniens ex homicidio directe voluntario, cujus dispensatio semper excipitur in omnibus privilegiis.

Negant nonnulli apud Vasquez 1. 2. disp. 24. cap. 2.; & ratio videtur esse, quia ut homicidium dicatur directe voluntarium debet esse volitum in se, & per hoc distinguitur a casuali, quod casuale debet esse volitum in sua causa, quod habetur in casu adducto.

Sed præstat sentire cum Avila de censuris p. 7. disp. 6. sect. 2. Henriquez, Navar., Sa, dicentibus homicidium esse directe voluntarium, si sit volitum vel in se, vel in causa adeo propinque, ut sit moraliter impossibile velle illam; & nolle mortem: puta si quis velit mortaliter ferire, venenum propinare &c: Contra vero esse casuale, & indirecte voluntarium, quando est volitum in causa remota, ex qua casu, & veluti per accidens mors sequatur, v. g. si quis velit leviter aliquem vulnerare, & deinde non temperavit manum, unde mors præter intentionem secuta est, quamvis cum culpa gravi.

II. Dubitatur secundo, Utrum dicatur indirecte voluntarius eventus, proveniens ex aliqua causa positiva, ex qua prævidetur futurus, etiam si nullum sit præceptum, ne fiat tale opus positivum, in quo ille eventus prævidetur, v. g. si quis audiendo confessiones, vel comedendo temperatè prævideat delectationem carnalem,

lem, vel aliam spirituum commotionem scuturam, quaritur, an hæc dicatur indirectè voluntaria?

Affirmat Vasquez 1. 2. disp. 24. c. 3. probatque ex definitione voluntarii, quod est a principio intrinseco cognoscente singula; talis autem delectatio carnalis est a principio intrinseco illam prævidente; ergo est indirectè voluntaria. Etenim voluntas, dum vult causam, in qua prævidetur eventus futurus, vult patitur eundem eventum *ex lege* p. de *Usus fructus petitione*, & qui vult antecedens vult consequens inde deductum.

Sanchez vero lib. 9. disp. 45. putat, effectum prævisum in causa, quam non tenetur quis vitare, non dici indirectè voluntarium; cum non imputetur ad culpam operanti, si causam vitare non teneatur: Hinc peccata non dicuntur Deo voluntaria per hoc, quod prævideantur secutura ex collatione auxilii inefficacis; nec dicitur voluntarium Scandalum Pharisei, cum ponenti actionem de se bonam, quamvis prævideatur illud præter intentionem benè operantis secuturum.

Utramque sententiam conciliat Merolla, Franciscus Lugo, Layman, & alii, dicendo dupliciter posse aliquem effectum dici indirectè voluntarium, videlicet Physice, seu quasi Physice, & moraliter, seu imputative ad culpam: Ut effectus in casu adducto sit voluntarius Physice, docent non requiri obligationem vitandi causam; secus vero ut sit voluntarius moraliter.

Dico equidem primo cum Martino disp. 9. de actibus humanis; Effectus prævisus in sua causa liberè volita dicitur moraliter, seu imputative ad culpam voluntarius, si detur obligatio vitandi causam. Ratio est, quia si nullum detur præceptum non ponendi causam, in qua effectus prævidetur, sicuti ad culpam non imputatur causa, ita nec effectus: Quare si

ex comestione calidorum, v. g. prævideatur secutura spirituum commotio, hæc non dicitur imputative ad culpam voluntaria, si non datur obligatio vitandi eam comestionem: Quando tamen ea intentione quis ponit causam, ut sequatur effectus (v. g. ea intentione comedit calida, ut spirituum commotio consequatur) hæc dicitur voluntaria moraliter, & imputative ad culpam, quia quamvis non teneatur ab ea comestione abstinere, tenetur tamen abstinere a comedendo cum ea intentione, ut talis: conpurcatio sequatur. Non est autem mirum, quod possit aliqua citra culpam poni causa, ex qua prævidetur malus effectus secuturus, quin possit ea poni cum hac intentione quod talis effectus sequatur. Sic potest aliquis indigens mutuo petere illud ab usurario prævidens, quod ille petitor sit usurarius; non tamen potest ea intentione petere mutuum, ut ille petat usurarius. Potest pariter semina cum decente ornatu ire ad Ecclesiam, prævidens quod ab aliquibus vage sit concupiscenda, quin possit ea intentione ad Ecclesiam ire, ut ab aliquibus concupiscatur.

Dico secundo: Effectus prævisus in sua causa per se liberè volita dicitur indirectè voluntarius, tantum physice, seu quasi physice, si nulla detur obligatio vitandi causam, ut est v. g. commotio spirituum prævisa in comestione calidorum. Ratio est; quia ex lege laudata, Qui vult causam per se vult effectum ex illa provenientem: Quomodo enim intelligi potest, quod quis velit lethaler ferire, & non velit etiam occidere? Ergo effectus in sua causa per se prævisus dicitur voluntarius physice, seu quasi physice: Non est tamen moraliter voluntarius, si non detur præceptum non apponendi talem causam, juxta dicta in prima conclusione.

Disco

Dico ultimo, effectus prævius in sua causa per accidens, neque physice, neque moraliter dicitur voluntarius indirecte, si non detur obligatio vitandi causam. Ratio est, quia voluntas relate ad talem effectum neque influit physice, cum solum physice influat in causam, quæ de se non trahit talem effectum; neque influit moraliter, cum non detur obligatio vitandi causam, ex qua provenit.

Hinc peccata creaturarum non dicuntur Deo voluntaria nec physice, nec moraliter; non physice, aut quasi physice, quia prævidentur secutura per accidens ex libertate collata; nec moraliter, quia non tenetur Deus abstinere a conferendo libertatem. Idemque dicas de scandalo Pharisaico.

III. Ex dictis sequitur, quod si Titius suo pravo exemplo moveat Cajum, v. g. ad furandum, huiusmodi furtum sit indirecte voluntarium moraliter Titio, etiamsi per accidens sequatur. Ratio est, quia Titius prævicit Cajum accepturum ansam furandi, & debebat impedire. Notandum tamen, quod quamvis furtum Caji imputetur ad culpam Titio inducenti illum ad furandum suo pravo exemplo, non per hoc Titius tenetur ad restitutionem, ut docent Sanch. lib. 1. cap. 6. Layman. lib. 1. tract. 3. cap. ult. Bonacina de restitutione disp. 1. quest. 1. Ratio est, quia Titius peccavit solum contra charitatem, non contra iustitiam; etenim iustitia non violatur; nisi quis influat positive in damnum alterius, sive physice, sive moraliter, v. g. consulendo, mandando &c., aut cum quis ex contractu, vel officio tenetur damnum impedire, & non impedit. Titius autem neque influat positive ad furtum, neque ex contractu, aut officio tenetur impedire, ne Caju furctur; ergo quamvis furtum Caji imputetur Titio, non peccat proinde Titius contra iustitiam,

unde non tenetur ad restitutionem.

IV. Idemque docent multi de Confessario, qui culpabiliter omittit monere pœnitentem, ut restituat. Docent enim probabiliter, Confessarium hunc ad restitutionem non teneri; quia ex officio non tenetur consulere damno temporali aliorum, sed solum bono spirituali pœnitentis; unde non videtur peccare contra iustitiam erga alterum, si omittat culpabiliter monere pœnitentem de restitutione facienda: secus vero si positive dixerit pœnitenti, nullam habere obligationem restituendi; tunc enim moraliter influeret suo consilio in damnum alterius; unde contra iustitiam peccaret, & ad restitutionem teneretur.

V. Utrum autem Princeps, aut Gubernator Reipublicæ, si suo malo exemplo inducat alios ad furandum, peccet solum contra charitatem, an etiam contra iustitiam? disputant Doctores: Docent multi apud Bonac. peccare contra iustitiam, & consequenter ad restitutionem teneri, quia ex officio suo videntur Principes, & Gubernatores teneri ad impedienda furta, & sic consulere bono temporali subditorum: Sanchez-vero probabiliter docet, non teneri ex iustitia, seu ex proprio munere facultates subditorum custodire, aut bonum exemplum præbere, cum non sint Pastores; sed solum debere consulere bono pacis, unde si pravo exemplo moveant alios ad furandum, aut aliter damnificandum, ad restitutionem non tenentur.

ARTICULUS IV.

Num dicatur voluntarius, & aperiendus sit in Confessione effectus procedens ex causa libere volita, quando non potest ea amplius evitari?

- I. Num effectus peccati clavibus subji-
ciendus sit, non secus, ac pec-
catum externum?
- II. Videatur, quod sic, eo quod sit pec-
cati complementum.
- III. Sed peccati effectus non habet am-
plius rationem peccati, si retrahetur
voluntas prava, antequam il-
le sequatur.
- IV. Secus vero, si non sit ea revocata;
& in tali casu peccati effectus cla-
vibus subjiiciendus est.
- V. Non tamen, si prava voluntas an-
tecedenter fuerit revocata; & si-
mul praecesserit etiam Sacramenta-
lis Confessio.
- VI. Quid si Confessio non praecesserit?
- VII. Utrum irregularitas, aut censura
incurratur effectui secus post vo-
luntatem pravam retrahatam?

I. **D**ubitatur acriter, num effectus, vel omissio procedens ex ac-
tione voluntaria, quando non po-
test amplius impediri, ita sit indirecte
voluntarius, & ad culpam imputabi-
lis, ut debeat necessario subijci cla-
vibus, perinde ac actus externi pec-
caminosi. E. g. si quis propinavit ve-
nenum, ita ut non possit amplius
mors impediri, quaeritur, an mors
deinde secuta ita sit effectus peccati
volitus in causa, ut sit novum pec-
catum aperiendum in Confessione? Pa-
riter si quis culpabiliter neglexit scire
obligationem sui muneris, v. g. an ho-
die sit audiendum Sacrum? & adve-
niente tempore audiendi non possit
illud audire, quaeritur, utrum hoc sit
novum peccatum confitendum? Sic si

praevideas homicidium in ebrietate pa-
trandum, satis ne erit in Confessione
aperire ebrietatem, cum ea praevisione,
aut etiam intentione factam, an
debeat etiam aperiiri ipse effectus se-
cutus? Ad eum modum quo necessa-
rio aperiendi sunt in Confessione ac-
tus externi, praeter internos, quam-
vis externi actus nullam addant mali-
tiam internis; sicuti re vera isti effe-
ctus contingentes eo tempore, quo
vitari non possunt, nullam addunt ma-
litiam peccato praesupposito: Cum e-
nim nullam addant de novo libertatem,
quae fundamentum est bonitatis, &
malitiae moralis, nullam possunt adde-
re malitiam, ut docet D. Th. in 4. dist.
10. quaest. 2. Suar. Valq. Sanch. lib. 1.
c. 10. Recolinus hic paucis, quae in
tractatu de Poenitentia satis diximus.

II. Prima itaque sententia cum San-
chez loco laudato, & l. 9. de Matr.
disp. 45. Palao tract. 2. disp. 1. punct. 3.
putat, eodem modo aperiendum in
Confessione effectum secutum ex cau-
sa voluntaria, pro quando impediri
non potest, ac actus exteriores: Qua-
re, inquit Soto in 4. dist. 12. q. 1., si
quis percussit graviter Petrum, & sta-
tim post percussione hanc confessus
sit, morte deinde secuta ex percussio-
ne, tenetur iterum homicidium confite-
ri. Ratio est, tum quia huiusmodi
effectus est veluti complementum pec-
cati antecedentis, ut actus externus
est complementum interni, atque adeo
tunc peccatum confitendum
est; tum etiam quia in foro externo
punitur v. g. per irregularitatem, per
Censuras &c. ergo signum est, esse pec-
catum, atque adeo confitendum.

Secunda sententia docet, huiusmodi
effectus pro quando vitari non possunt
non esse peccata in se, sed in causa,
& proinde vocari peccata, ut vocan-
tur peccata actus externi peccaminosi,
sed esse effectus peccati; unde satis
est in Confessione causam tantum il-
lorum.

lorum aperire. Ita Vasq. Bonac. de legibus disp. 2. q. 4. p. 4. Azor., & alii apud Dia. p. 1. tract. 1., resol. 64.: Et ratio est, quia nemo dicitur peccare, quando peccatum impediri non potest, aliter peccatum non esset liberum; ergo huiusmodi effectus pro quando vitari non possunt nullatenus habent rationem peccati, atque adeo non sunt in Confessione aperiendi. Intantum actus externi, licet non habeant propriam, & formalem libertatem, sunt tamen vere peccata in Confessione aperienda, quia pro quando ponuntur vitari possunt, & sic liberari possunt: At effectus illi pro quando ponuntur vitari non possunt; ergo nullatenus induunt rationem peccati in Confessione aperiendi.

III. Dico equidem primò cum Sanchez loc. cit. de matrim., Henriquez., Becan., Salas, & aliis apud Dia. loc. laud., si voluntas prava v. g. patrandi homicidium veneno propinato, antequam sequatur effectus, retractetur, huiusmodi effectus non habet rationem peccati.

Probatur, quia effectus hic non est voluntarius; ergo non habet rationem peccati, quod essentialiter debet esse voluntarium, ac liberum. Antecedens probatur: causa præterita, puta venenum propinatum, quando sequitur homicidium, non erit amplius voluntaria; cum fuerit revocata per Pœnitentiam; quamvis ergo effectus procedat ex causa olim voluntaria, & voluntarie posita, non oritur tamen hic, & nunc ex causa voluntaria, atque adeo non est voluntarius.

Confirmatur: Qui mandat Procuratori, ut nomine suo matrimonium contrahat, si revocet mandatum, & antequam ad notitiam Procuratoris ea revocatio perveniat, hic contrahat matrimonium nomine Principalis, profecto hic contractus, quamvis processerit a causa voluntarie olim posita, vo-

luntarius tamen non est; unde matrimonium non est validum; ergo idem in casu: potest enim causa in ratione voluntarii revocari, quamvis effectus inde sequatur naturaliter, perinde ac si revocata non esset.

IV. Dico secundo, si voluntas ista prava non fuerit revocata, antequam sequatur effectus, puta homicidium post venenum propinatum, in tali casu homicidium dicitur verè peccatum externum, aut saltem complementum peccati externi participans malitiam per extrinsecam denominationem a causa præterita. Ita Doctores citati cum Palao, Suar., Becano, & aliis. Probatur, quia ad rationem peccati non requiritur actualis libertas, sed satis est, quod maneat moraliter liberum, vel habitualiter, quatenus non fuit retractatum, vel virtualiter, quatenus voluntas tunc operatur per causam appositam; sed totum hoc habet homicidium, quando post propinatum venenum non est retractata prava voluntas; ergo huiusmodi homicidium habet rationem peccati externi; Major probatur, quia in communi hominum sensu dicitur v. gr. voluntarie omisisse recitationem Horarum, qui projicit Breviarium, etiam si deinde non possit eas recitare: Sic voluntarie dicitur peccare peccato somni ventiti, qui contra præceptum sui domini ad dormiendum libere se composuit, etiam si deinde non possit amplius vigilare; ergo ejusmodi effectus habet vere rationem peccati per malitiam extrinsecè derivatam a causa voluntaria moraliter perseverante in ratione voluntarii post non retractionem.

Confirmatur, quia projiciens Breviarium, ne possit Horas recitare, non incurrit Censuram (si forte ea esset imposita propter omissionem recitationis Horarum) quando Breviarium projicit, sed circa mediam noctem, quando peccatum talis omissionis con-

sum.

summat; Atqui Censura non incurritur, nisi ponatur peccatum; ergo omisso illa recitationis Horarum, quamvis necessaria post projectionem Breviarii, adhuc est peccaminosa, & voluntaria in sua causa, perseverante moraliter ejus voluntarietate.

Dico tertio cum Sanchez, Palao, Salas: Ejusmodi effectus promanantes a voluntate prava non retractata subijciendi sunt clavibus, non secus ac peccata externa. Probatur, quia aliter universim non teneremur confiteri v. g. aut mortem ex propinato veneno secutam, aut pollutionem, vel alium effectum contra castitatem, sed satis esset dicere, datam esse culpabilem causam morti, aut pollutioni, vel aliis effectibus adversus castitatem; & similiter qui, fornicatus est, posset dumtaxat dicere, se habuisse tactus impudicos cum soluta ex intentione consummandi copulam: Quod tamen est contra sensum fidelium, & Doctorum: Quidquid in contrarium videatur docere Valquez 1. 2. disp. 94. cap. 4. n. 16.

Confirmatur, quia si quis emissam sagitta interficeret hominem, posset solum confiteri jaculationem sagittæ animo occidendi, & præscindere, imo etiam citra mortale negare homicidium; quod tamen nemo dixerit; Et ratio a priori est, quia, ut aliquid in se verè, & formaliter sit peccatum non est necesse, quod sit in se, & directè volitum, sed sufficit, si saltem indirectè, & in sua causa sit voluntarium.

V, Dico quarto, effectus orti a prava voluntate jam retractata non sunt iterum clavibus subijciendi post Confessionem de causa illis data. Ita Fagund. Salas, & alii apud Dian. p. 3. trac. 6. resol. 52.

Probatur: nam, ut ostendimus in 1. conclusione, hujusmodi effectus non habent rationem peccati, aut volun-

tarii, & consequenter non habent malitiam in confessione aperiendam; quæ enim malitia præcessit in causa, jam in confessione explicata fuit; effectus verò, qui consequitur retractationem, non dicitur voluntarius, quia indirectè volitus in sua causa; nam non perseverat, nec communicatur effectui voluntarietatis.

VI. Utrum autem clavibus subijciendi sint hujusmodi effectus, si non præcessit Confessio, sed sola interna revocatio prave voluntatis? Negant Azor., & Palao, quod probabile putat Sanch. lib. 1. cap. 16. n. 46., quia, cum hujusmodi effectus non sint voluntarii, non habent rationem peccati, & consequenter non continent malitiam in Confessione aperiendam: Conveniunt tamen Doctores, tutius esse eos aperire, ut ex illis clarius elucescat prior culpa. Imò Bonac. de leg. disp. 2. q. 4. punct. 4. n. 36., & alii communius docent, confitendos omnino esse, quando ad illos consequitur irregularitas, censura, aut obligatio restituendi, quæ solum actum externum consummatum comitantur.

VII. Non est tamen improbable, quod docet Henriquez lib. 5. cap. 3. n. 3. lit. A., Tabiena, & alii, nullam censuram effectu secuto incurri, quando voluntas prava antecederet fuit retractata; etenim cum Censura sit poena medicinalis ordinata ad infringendam contumaciam, si voluntas prava, antequam effectus sequatur retractetur, jam non habetur deinde contumacia; unde nec incurritur censura; Et sanè si post incursum censuram tollatur contumacia per Penitentiam, censura debet a superiore tolli; ergo si antequam sequatur effectus, contumacia tollatur, censura non debet incurri.

Dices cum Meroll. disp. 2. c. 1. n. 5. Si Presbyter iter faciens projiciat Breviarium, ne possit recitare horas per decem

decem dies sui itineris, & post quinque dies cum pœniteat projectionis, & statim confiteatur peccatum suum, dicens: Projei Breviarium animo o-mittendi horas per dies decem, sed solum quinque diebus omisi; juxta hanc sententiam non teneretur deinde confiteri, quod per alios quinque dies omiserit recitationem horarum: hoc tamen videtur absurdum, quia re vera per decem dies recitationem omisit, & solum confiteretur omissionem quinque dierum.

Sed Sotus, Medina, Sanch. Henriq. farentur, non teneri hunc confiteri alias omissiones, ut pote non volunta-

rias. Quare negatur esse absurdum eo pacto confiteri omissiones illas: Sicut enim juxta doctrinam traditam, qui propinavit venenum, & ante quam mors sequatur confitetur peccatum suum, non tenetur deinde iterum confiteri homicidium post mortem secutam; ita in casu adducto non sunt necessario aperiendæ in confessione omissiones horarum in quinque ultimis diebus, si post quinque primos illos dies facta fuit confessio de projectione Breviarii, cum animo o-mittendi horarum recitationem per decem dies, ita ut de facto tunc temporis per quinque dies jam illam omiserit.

Q U Æ S T I O II.

Utrum peccatum ex genere suo mortale evadat veniale ex defectu voluntarii?

Ubi plurima de Delectationibus Morosis.

Peccatum, quod ex Augustino contra Faustum est *dictum, factum, concupisum contra legem æternam*, seu contra voluntatem divinam, aliud est ex genere suo mortale, quod scilicet secundum se graviter lædit charitatem Dei, vel Proximi, ut sunt peccata contra virtutes Theologales, contra justitiam, contra castitatem &c. Aliud est ex genere suo veniale, quod scilicet secundum se leviter lædit charitatem erga se ipsum, aut erga proximum, ut risus, esus, potus immoderatus, mendacium jocosum, verbum otiosum, vanæ cogitationes, aut desideria &c. Peccatum, quod est ex genere suo veniale, potest multipliciter evadere mortale; videlicet, vel ratione finis mortalis adjuncti (ut si quis

mentiatur ad mœchandum) vel si committatur ex contemptu, non quidem legislatoris humani, sed ipsius legis, & potestatis præcipiendi, vel ratione periculi incidendi in mortale; aut ratione gravis scandali; vel ratione conscientie erroneæ; ut si quis putet esse mortale proferre mendacium jocosum &c.

Pariformiter peccatum ex genere suo mortale potest multipliciter fieri per accidens veniale, vel ratione ignorantie, ut si quis invincibiliter putet esse veniale perjurium in re levi; vel ratione parvitatibus materia; si tamen in eo genere detur materia parvitas; nam hæc non excusat, quando integra irreverentia, & offensionis ratio repetitur, tam in materia parva, quam

quam in magna, ut accidit in peccatis, quæ immediate contra Deum versantur, puta in odio, & contemptu Dei, in infidelitate, perjurio assertorio, divinatione superstitiosa &c. sicut etiam in simonia juris naturalis, & in re venera.

Illud hic inquirimus, an possit peccatum ex genere suo mortale evadere per accedens veniale, ex defectu voluntarii. Primo scilicet ex libertate imperfecta, vel quia intellectus non plene advertit ad malitiam objecti, vel quia voluntas non plene consentit in illam: Triplex enim in voluntate nostra reperitur motus, ut notant communiter cum Almayno, & Soto; quidam dicitur motus primoprimus, qui nullatenus est liber; quidam vero secundo primus, qui liber est, sed libertate imperfecta, ac tenui; quidam demum perfectus, qui plene liber est; quare de moribus secundo primis instituitur quæstio, an vacent mortali culpa ex defectu plenæ libertatis, etiam si malitia objectiva de se sit gravis? Secundo quæritur, an peccatum de se grave possit esse veniale, præcisa ratione delectationis morosæ, nullatenus pertingentis ad desiderium, aut ad opus? Tertio, an saltem ratione delectationis, ac desiderii tendentis in objectum malum, sub conditione tollente malitiam ipsius; ut si quis dicat, vellem furari, aut fornicari, si liceret?

ARTICULUS I.

An peccatum ex genere suo mortale evadere possit veniale ex defectu voluntarii, seu plenæ libertatis.

I. Videntur peccatum de se mortale non posse, aut ex defectu plenæ deliberationis in intellectu, aut ex defectu perfecti consensus in voluntate per accedens evadere veniale.

II. Sed dicendum id non repugnare, imo passim accidere, præsertim in semidormientibus.

III. Distinguitur objecta.

IV. Quid si dubitentur de plena deliberatione, aut perfecto consensu?

V. Utrum ex opposito peccatum de se veniale ratione consuetudinis possit in mortale transire?

I. **N**egant Palud., & alii apud Jo: Sanch. disp. 18. putantes, nullum huiusmodi peccatum esse veniale ex semiplena deliberatione, sed peccatum de se mortale semper vel esse mortale, vel nullum. Primo, quia committens v. g. homicidium ex semiplena deliberatione, vel potuit plene deliberare, vel non; si potuit, peccat mortaliter non deliberando; si non potuit, ne venialiter quidem peccat patrandò homicidium; quia Deus non ligat suis legibus semihominem, sed hominem integrum, ac plene liberum; ergo si non sit homo suarum operationum plene dominus, non peccat, ne venialiter quidem.

Secundo, vel semiplena deliberatio excusat a veniali, quando peccatum est de se veniale, ut est mendacium iocosum, vel non excusat; si primum, ergo pariter excusat a mortali, quando peccatum est de se mortale; aliter semiplena deliberatio magis favet veniali, quam mortali, cum illud a propria culpa excuset, hoc non; si secundum, ergo neque excusabit a mortali, quando peccatum est de se mortale, & consequenter posita semiplena deliberatione peccatum de se mortale vel erit mortale, vel nullum.

Tertio, quia non potest explicari, in quo consistat ista semiplena deliberatio; vel enim consistit in remissa cognitione malitiæ, & contra est, quia cum cognitione quantumcumque remissa potest haberi voluntas plenè libera; vel consistit in difficultate vi-

tan-

tandi culpam ; & contra etiam est , quia affluet culpis maximam habent difficultatem vitandi peccatum , & tamen mortaliter peccant .

II. Dicendum tamen cum Sanch. lib. pr. cap. 1. Vasquez disp. 107. cap. 4. Palao , & aliis communiter , peccatum de se mortale evadere veniale , tam ex imperfecta cognitione intellectus , quam ex imperfecto consensu & deliberatione voluntatis . Ratio est , quia cum mortale divinam amicitiam dissolvat , & reatum poenae aeternae inducat , non est credendum illud contrahi , ac tam diro supplicio hominem propter illud puniri a Deo clementissimo , sine plena mentis deliberatione , ac perfecto voluntatis consensu . Et ratio ulterior est , quia sicut ad rationem peccati essentialiter requiritur libertas , ita ad rationem peccati mortalis , quod propriissime peccatum est , requiritur voluntas plena , ac perfecta , & consequenter , quando in semidormientibus , aut etiam in plene vigilantibus alio distractis tenuis , ac confusa habetur mentis consideratio ad malitiam peccati , tunc lethalis culpa non contrahitur .

III. Ad primam rationem in contrarium respondetur , committentem homicidium , cum semiplena deliberatione , non posse plene deliberare , sed non proinde ab omni peccato excusari ; solum excusatur a mortali , cum ad veniale sufficiat deliberatio semiplena : Deus enim homines libertate utentes suis praeceptis ligat , ita tamen , ut si libertas sit semiplena , solum venialis culpa contrahatur .

Ad secundam ; semiplena deliberatio sicut excusat a mortali , redditque illud veniale , ita excusat aliquatenus a veniali , reddendo illud inter venialia levissimum ; non tamen ab omni omnino culpa excusat , quia ad declinandum quamcumque culpam in amplexi mali , debet homo simpliciter li-

bertate carere , quod non contingit quando habetur semiplena deliberatio .

Ad tertiam ; hæc semiplena deliberatio non confiluit , aut in difficultate vitandi peccatum , aut in cognitione malitiae remissa , sed in cognitione malitiae confusa , ac tenui , quia homo non redditur plene liber , sed similis semidormienti , ac semiebrio .

IV. Quando autem dubitatur de consensu , num fuerit plenus , an semiplenus , ex variis conjecturis discerni potest ; puta ex peccantis ætate , proposito , moribus &c. Quod si adhuc dubium perseveret , sub eo dubio peccatum in confessione aperiendum est , ut explicetur , prout est in conscientia . Quicquid sit , an peccatum mere negative , seu suspensive dubium sit materia necessaria confessionis ? Qua de re fufe in cursu Theologico part. 8. disp. 4. qu. 3. n. 10.

V. Posset hic inquiri , num ex opposito possit peccatum de se veniale in mortale transire , ratione consuetudinis ? videtur enim , quod sic , teste Auguit. tr. p. in Epist. D. Jo. , ubi ait : *Multa peccata levia faciunt unum grande ; multa gutta implent flumen , multa grana faciunt massam* . Idemque docent D. Antonin. 2. p. tit. 9. cap. 3. , & alii . Et ratio videtur esse , quia consuetudo peccandi venialiter fert legis contemptum , qui non vacat culpæ lethali .

Sed communissime id negant apud Sanch. lib. 1. cap. 5. : Etenim ex D. Th. 2. 2. quæst. 186. art. 9. non habetur contemptus , quando ex malitia aut ex prava consuetudine præceptum violatur ; sed solum quando contemptus præcepti est causa , cur præceptum violetur , videlicet quando quis præceptum violat , quia præceptum est , seu quia ipsi præcepto , aut superiori præcipienti renuit subijci . Solum itaque pro foro externo , ut notat Navarr. ,

varr., consuetudo peccandi multum facit ad contemptum præsumendum. Tunc autem verum est, quod consuetudo peccandi leviter ferat mortale, quando quis ex tali consuetudine exponit se periculo proximo peccandi graviter, juxta illud Eccles. 19. *qui spernit modica, paulatim decidet*, & in hoc sensu loquitur August. loco laudato. Propterea communiter docent apud eundem Sanch.; quod propositum committendi quodcunque veniale occurrat, & solum abstinendi a mortali, sit culpa gravis, præcisè ob periculum proximum labendi in mortale vi talis propositi: Immo etiam propositum committendi quodvis veniale in aliqua determinata materia, puta in materia luxuriæ, quæ de se tert lubricitatem ob periculum proximum labendi in mortale, censetur culpa gravis. In alio pariter sensu ex venialibus iteratis potest committi mortale; quando scilicet materia levis, ratione cuius transgressio est levis, per multas iterationes coalescit in unam gravem sufficientem ad peccandum lethaler, ut accidit in furtulis iteratis, & quando quis dictis esurialibus sapius modicum quid comedit, ex thesi 29. proscripta ab Alex. VII. Quomodo autem, & quando id accadat, vide quæ fusc habentur in hujus thesi expositione in codice Thesium damnatarum, ubi assignatur regula ad dignoscendum, quando materiæ leves in unam notabilem coalescunt.

ARTICULUS II

An delectatio morosa de objecto
Turpi secundum se pertingat
ad mortale.

- I. *Quid interest inter desiderium objecti pravi, & simplicem ejus complacentiam?*
- II. *Delectatio morosa alia est de re turpi,*

pi, alia de cogitatione rei turpis, & hæc potest non esse culpabilis.

- III. *Delectatio isthac de objecto formaliter pravo procul dubio est peccaminosa; dubitatur tamen, an vacet gravi culpa, si ea sit de objecto materialiter pravo?*
- IV. *Delectatio deliberata quesita in re venerea excludit parvitatem materiam in solutis.*
- V. *Discutitur, num etiam in Sponsis? num in Viduis, num in Conjugibus, quando sunt absentes?*
- VI. *Delectatio morosa videtur non desumere specificam diversitatem a diversitate objecti, sicut desumit desiderium.*
- VII. *Si delectatio morosa sit de objecto jure tantum positivo prohibito, poterit vacare culpa gravi: Secus vero si sit de objecto prohibito jure naturali, si nullatenus a malitia denudari possit?*
- VIII. *Conciliantur varia hæc in re Doctorum sententia.*

I. **D**uplex est nostræ voluntatis affectio, altera dicitur desiderium, seu volitio ethicæ consequendi quodd delectat, & fugiendi quodd displicet; & hujusmodi desiderium est ejusdem omnino malitiæ cum opere voluto; eo quod exterior executio, quæ intenditur non possit a sua malitia, & ab omnibus suis circumstantiis scingi. Hinc dicitur Matth. 5. *Omnis qui viderit mulierem ad concupiscendum eam, jam mæchatus est eam in corde suo*: Sicut enim quando desideratur objectum turpe quoad ejus substantiam, contrahitur malitia propria talis objecti, v. gr. si desideratur furtum, peccatur contra Justitiam: ita si desideretur idem objectum sub circumstantia turpi, quæ adversatur alteri virtuti, contrahitur malitia talis circumstantiæ concupiscitæ, unde si desideratur furtum sacrilegum, peccatur tum

con-

contra iustitiam, tum etiam contra Religionem. Altera voluntatis affectio dicitur Simplex complacentia boni, vel displicentia mali, absque desiderio executionis; & hæc dicitur delectatio morosa; non a mora temporis, cum possit in instanti ea haberi, sed a mora rationis; quatenus voluntas post plene cognitam talis affectus malitiam, adhuc illam plena libertate admittit.

II. Porro delectatio isthæc morosa, vel potest esse de cognitione rei, v. gr. turpis, vel de ipsa re turpi. Si sit de ipsa re turpi procedens ex ejus consideratione, & affectu, procul dubio culpabilis est: Sin autem delectatio sit solum de cognitione rei turpis, potest non esse peccaminosa; sicut citra culpam delectari possumus de ipsa narratione, vel lectione præliorum, hæresum, incantationum, absque ullo affectu ad res ipsas; Nec peccat, qui delectatur de notitia, quam studendo acquirit de gravitate malitiæ, quæ est in actibus luxuriæ, vindictæ, &c. Et ratio a priori est, quia cognoscere rem malam non est malum, cum id competat Deo; ergo nec delectari de hujusmodi cognitione; imo talis delectatio erit honesta, si finem honestum habeat; erit vero venialis, si procedat a cognitione otiosa, aut curiosa; erit etiam sæpe mortalis, si conjungatur cum periculo delectationis morosæ circa rem ipsam turpem, atque adeo cum periculo peccandi graviter; Idemque dicas, si quis delectatur de modo quodam mirabili, aut artificioso pravis objectis adjuncto; ut si quis delectatur de fortitudine, dexteritate, ingenio, quæ pravis actionibus adiunguntur, potest enim delectatio nullatenus terminari ad ipsa objecta prava: Sicuti quando videmus aliquem labentem ridere solemus, etiam si graviter ille sit læsus, quia non de malo proximi, sed de modo cadendi latamur. Ad discernendum tamen, utrum

delectatio morosa sit de re ipsa turpi, an vero de cogitatione illius, aut de artificio, ingenio &c. variz conjecturæ adducuntur a Sanch. lib. 1. cap. 2., Palao tract. 2. disp. 2. & aliis; Præcipua est, si simile piarum rerum artificium, aut cognitio, & cogitatio non delectet, aut si quis ad rem ipsam valde atticiatur.

III. Notandum denique, delectationem de re ipsa cognita aliquando esse de objecto formaliter pravo, aliquando vero de objecto materialiter malo. Dicitur esse de objecto pravo formaliter, & quæ tali, quando voluntas fertur in objectum sub motivo illicito, v. gr. si quis delectatur de morte hominis quatenus injuste illata, in quo casu procul dubio peccat, qui finit se moveri a motivo pravo. Et quia actus specificatur a suo motivo, ideo tale erit peccatum, quale ejus motivum; unde delectatio de malo proximi, quatenus conducente ad bonum proprium est actus Invidiæ; delectatio de proximi doloribus, quia illum torquent, est actus crudelitatis; delectari de obscænis ob delectationem veneream est luxuria; delectari de peccato, quatenus est Dei offensæ, est odium Dei; delectari de eodem, quatenus est transgressio legis, est actus inobediendiæ &c. De objecto vere materialiter pravo delectamur, quando voluntas fertur in objectum illicitum, sub motivo aut licito, aut indifferenti, ut si quis de morte alicujus delectetur, ob bonum inde sibi proveniens, vel si delectetur de furto factio Joanni, ut ab eo tollatur avaritiæ occasio. De hac autem delectatione respiciente objectum materialiter tantum pravam queritur, an vacet culpa gravi?

Prima sententia docet cum Medina, Valentia, & aliis, omnem delectationem de objecto graviter turpi, sive sit contra jus naturale, sive contra jus posit-

positivum, esse peccatum mortale, quia scilicet grave peccatum est conformari per affectum peccato gravi, ut docet D. Thomas 1. 2. q. 74. a. 8.

Secunda sententia cum Martino de Magistris, quam probabilem putat Corduba lib. 1. disp. 23. dub. 11., negat, huiusmodi delectationem etiam in re venerea esse de se mortalem, sed ad summum esse venialem, si motivum habeat otiosum, praescindendo a periculo consentiendi in affectum ethicam. Ratio est, quia quamvis virtus Castitatis omnes motus ad delectationes circa res venereas reprimat, at non videtur reprimere sub mortali delectationes inefficaces, sed solum ethicas, quae tendunt ad opus.

Tertia sententia cum Lessio l. 4. c. 3. Sanchez l. 1. c. 9. Navarro, & aliis docet, delectationem morosam de objectis graviter prohibitis iure naturali esse mortalem, non vero de prohibitis iure positivo; ut si quis diebus e surialibus delectetur de comestione carni, qua tali, non qua prohibita.

IV. Dico primo, omnem delectationem deliberate quaesitam circa rem veneream in solutis hominibus esse mortalem, adeo ut non detur in ea parvitas materiae. Ita Vasquez, Less. Palans, & alii communiter docentes, oppositam sententiam esse omnino improbabilem, & temerariam.

Probatur, quia delectatio ista sejungitur non potest a proximo periculo consentiendi in luxuriam; cum natura sua excitet appetitum sensitivum ad turpes affectus, & commoveat spiritus vitales generationi deservientes, accendatque corpus facibus libidinis; ergo, per se est graviter opposita castitati, non minus, quam oscula, & amplexus venerci, quos esse mortalia constat ex propositione 40. ab Alexandro VII. proscripta, quae habet: *Est probabilis opinio, quae dicit esse tantum veniale osculum habitum ob delectationem*

carnealem, & sensibilem, quae ex osculo oritur, secusso periculo consensus ulterioris, & pollutionis.

V. Hinc sequitur primo, graviter etiam peccare Viduas, si deliberate admittant delectationes venereas de copula praeterita, necnon Sponsas, si delectentur de copula futura; tum quia in iis etiam est proximum periculum consentiendi in luxuriam; tum pariter, quia cum iis non sit licita copula de praesenti, nec licita est delectatio, quae via est ad copulam, & quaedam copulae inchoatio: Solum Coniugibus, quibus licita est copula, licitum est de ea delectari, quia si licet terminus, nempe copula, licere etiam debet via, & initium viae, qualis est huiusmodi delectatio. Quod si haec habeatur, quando non est via ad talem terminum, v. gr. quando Coniuges sunt absentes, dissidium est inter Doctores, num ea sit mortalis? Afirmant Silv., Corduba, Navarr., Vasquez in 1. 2. tom. 1. disp. 173. Azor. lib. 4. cap. 6. dub. 8., quia hic, & nunc talis delectatio ad copulam non ordinatur. Negant verò Reginaldus, Less. Sanch. lib. 9. disp. 44., Gaspar, Hurtado de matrim. disp. 10., tum quia delectatio isthaec natura sua ordinatur ad copulam, quod videtur sufficere, ut ea non sit graviter illicita; tum etiam quia propter bonum matrimonii sicut excusantur a mortali tactus, & oscula inter Coniuges, abique animo consummandi copulam, ita haec delectatio morosa de actu conjugalī, etiam si hic, & nunc ad illum non ordinetur. Prior tamen sententia videtur solidior.

Sequitur secundo, nec licere delectari de conspurcatione in somnis habita: Quamvis possimus de ea gaudere propter tentationes sedatas, aut propter sanitatem inde secutam; quia hoc est solum gaudere de bonis ex illa provenientibus, ut notant Bonac. Vasquez 1. 2. d. 115. Sanch. lib. 1. c. 2.

Sequi-

Sequitur tertio, nec licere delectari de copula illicita, sub conditione, si non esset prohibita; quia huiusmodi delectatio etiam commovet spiritus generationi deservientes, ac libidinem accendit, & exponit hominem proximo periculo consentiendi in luxuriam.

VI. Dubitatur apud Doctores, an delectatio morosa circa rem veneream speciem suam desumat a varietate materię, circa quam versatur, ita ut delectatio de copula cum moniali, v. gr. sit sacrilegium, cum conjugata sit adulterium, cum consanguinea sit incestus; eo modo, quo omnes fatentur de desiderio. Videntur multi affirmare cum Sanchez lib. 1. cap. 2. n. 11., Suar. tom. 3. de Religione lib. 9. c. 2., Salas, & aliis apud Meroll. d. 2. c. 4. n. 21., quia scilicet delectatio morosa ideo est peccatum; quia versatur circa objectum pravam; ergo pro diversitate specifica objecti diversa est ejus malitia. Probabiliter tamen multi negant cum Vasquez d. 112. c. 2. Azor., Reginal., Palao, Sā, Bonac., Filiuc., & aliis apud Dianam p. 1. tr. 3. ref. 48. Nam in tantum consensus efficax, seu desiderium contrahit malitiam omnem circumstantiarum, in quantum tendit ad executionem operis intenti, a qua circumstantiæ non separantur ex parte objecti: At delectatio morosa potest præcindere ex parte actus a circumstantiis; potest enim quis venere delectari de copula cum Berta conjugata, attingendo illam, quatenus femina est, non quatenus conjugata; ergo delectatio morosa potest non contrahere malitiam circumstantiarum, si ab iis præcindat. Unde sequitur in Confessione aperiendas quidem esse circumstantias objecti efficaciter positi, nec sarsieri dicendo; Concupivi feminam, quando quis concupivit conjugatam; Contra vero, si quis delectetur de copula cum Conjugata, non qua tali, sed qua quadam femi-

na est, præcindendo a circumstantia conjugii, satsitit dicendo: Delectatus sum de copula cum femina, quam obviam habui, quia cum circumstantia Conjugii non sit objectum motivum, non variat speciem delectationis.

Hinc si quis desideret intelligere vultus inimico in loco sacro, tenetur circumstantiam sacrilegii aperire: at si solum delectetur de vulneribus inimico inflictis in loco sacro, sine consideratione loci sacri, peccatum erit solum odii, non sacrilegii, ut notat Less. l. 4. c. 3.: Et qui delectatur de verbis obscenis, & contumeliosis in alterum prolatis, præcisè quia impura sunt, non quia contra proximum, non peccat contra iustitiam, sed contra castitatem: secus vero si desideret ea verba proferre, quia desiderium est quidam motus, & progressus ad opus sub iis circumstantiis, sub quibus representatur; Unde eandem habet malitiam, ac ipsum opus: Delectatio vero speciem suam ab objecto, quod movet ad illam, & quia potest movere objectum ad delectationem præcindendo a circumstantia, quæ etiam representatur, ideo non sumit ab eo malitiam.

VII. Dico secundo: Delectatio morosa de objecto prohibito tantum iure positivo potest vacare culpa mortali, si scilicet proponatur voluntati objectum præcindendo a circumstantia, qua redditur malum: V. gr. potest quis diebus efurialibus delectari de comestione carnum, si præcindatur a circumstantia prohibitionis, quamvis non possit talis comestio desiderari. Ita Less., Vasq., Sanch., & alii communiter: Et constat ex hæcenus dictis, quia objectum hoc secundum se non est malum; ergo nequit secundum se consideratum transiungere malitiam in delectationem; Potest autem per intellectum denudari a conditione vitante; quia sicut ab illo objecto se-

paralis est prohibitio, ita & malitia; unde potest praescindendo a conditione vitiantis repraesentari, & ad delectationem movere, quae proinde non est de objecto secundum se malo, & a quo in ipsam delectationem malitia transfundatur.

Dico tertio: Quoties objectum jure naturali prohibitum sub nulla circumstantia denudari potest a malitia (ut est odium Dei, mendacium, perjurium, infidelitas) tunc delectatio morosa de tali objecto semper est mortale; si vero possit sub aliqua circumstantia denudari a malitia, ut est homicidium (quod si fiat in bello iusto, aut auctoritate publica, vel in defensione non est prohibitum) tunc delectatio pura de hostium internecione sub circumstantia, in qua a malitia depuratur, poterit vacare culpa mortali. Prima pars constat ex dictis, quia delectatio contrahit malitiam ab objecto suo pravo, si quatenus pravum est moveat: atqui quando ab objecto denudari non potest ejus malitia, tunc quatenus pravum est, movet, quia quatenus tale est pravum; ergo delectatio de tali objecto semper est peccaminosa.

Secunda pars probatur, quia delectari, v. gr. de hostium internecione, quatenus facta auctoritate publica, est delectari de objecto secundum se bono; ergo quoties delectatio ista non procedit ex odio Proximi, aut non trahit illud, non potest esse graviter peccaminosa. Idcirco enim dicimus, in re venerea quamcumque delectationem deliberate quaesitam esse peccatum mortale, etiam si quis, v. gr. delectetur de copula cum Berta sub hypothese, quod esset Uxor, quia quamvis copula cum Uxore non sit objectum de se malum, quod desiderari non possit sub ea conditione; at delectatio de tali objecto exponit hominem proximo periculo consentiendi in

luxuriam: in exemplo tamen adducto hoc non habetur; ergo delectatio de objecto jure naturae prohibito sub circumstantia, sub qua non est prohibitum, potest vacare culpa mortali, quod clarius apparebit articulo quarto.

VIII. Ex dictis sequitur, primam sententiam Medinae, & Valentiae supra relatan veram esse, quoties delectatio morosa in objectum jure seu naturali, seu positivo prohibitum tendit sub motivo illicito, cui subinde per affectum conformetur. Secunda sententia est vera extra rem veneram in iis objectis, in quibus potest malitia gravis per intellectum separari. Tertia sententia non est universaliter vera relata ad objecta jure naturali prohibita; cum ab iis aliquando separari possit malitia: quod si homine objecti jure naturali prohibiti veniat objectum sub ea circumstantia, sub qua jure naturali prohibetur, v. gr. homicidium prout commissum contra Dei voluntatem, tunc tertia illa sententia est universim vera, sed voce tenus discrepat a nostra.

ARTICULUS III.

An delectatio morosa de objecto turpi indirecte volita sit etiam culpa lethalis.

- I. *Dupliciter potest delectatio isthae morosa esse volita indirecte, aut volendo illam in causa, aut non repellendo.*
- II. *Si primo modo sit indirecte volita, dubitatur, num possit vacare culpa gravi?*
- III. *Si autem sit indirecte volita per hoc, quod non repellatur, speculative loquendo poteris vacare culpa gravi.*
- IV. *Non tamen practice.*
- V. *Ilabetur quippe consensus interpretativus in illam, si minus formalis.*
- VI. *Dis.*

VI. Dissolvuntur, quæ in contrarium ob-
jellantur.

VII. Quamvis non semper consensus in-
terpretativus in gravitate culpa æ-
quivaleat formali; æquivalens tamen
in casu nostro.

I. **H**Aftenus locuti sumus de Vo-
luntario directo, & expresso,
quod consistit in positivo voluntatis
consensu libere amplectente delecta-
tionem ex cogitatione objecti pravi
promanantem; dicendum nunc de ead-
em delectatione indirecte voluntaria,
quæ duobus modis contingere potest:
Primo si quis voluntarie, & directe
ponat operationem, puta lectionem,
aut locutionem, prævidens, aut pro-
babiliter suspiciens inde secuturam de-
lectationem de objecto turpi. Secun-
do, si quis plenè advertens ad cogi-
tationem naturaliter subortam de ob-
jecto pravo, & ad delectationem sen-
sitivam inde naturaliter etiam proma-
nantem, illam repellere negligat, aut
actu positivo eidem opposito, aut sal-
tem animo ad alia avocando.

II. Et sane si primo modo sit indi-
recte, & in sua causa volita delecta-
tio de objecto pravo, communiter Do-
ctores distinguunt cum Sanch. lib. 9. d.
46. Vsq. d. 108. c. 3., Corduba, Lay-
man lib. 1. tr. 3. c. 6., dicendo, quod
si actio directe volita, ad quam ea de-
lectatio confurgit, exerceatur ob cau-
sam aliquam secundum se honestam,
& simul utilem, ac necessariam, v. gr.
ad discendum, aut docendum, tunc ne
venialis quidem culpa subsit, si nullum sit
periculum consentiendi in talem de-
lectationem, si verò actio directe volita
sit solum vana, & inutilis, ut est, v.
gr. collocutio, lectio, aspectus curio-
sus, tunc habebitur solum culpa ve-
nialis, si pariter absit periculum con-
sentus.

III. Circa secundum modum, quo
potest esse indirecte voluntaria dele-

ctatio morosa de objecto turpi, est gra-
vissima difficultas, num scilicet vacet
mortali culpa mere negative se habe-
re in repellenda delectatione sensitiva
orta ex cogitatione turpi naturaliter
confurgente. Et certe si quis ideo ne-
gligat repellere talem cogitationem,
ac delectationem, quia ea placet, pro-
cul dubio peccabit mortaliter pecca-
to Delectationis morosæ, quia habe-
tur positivus consensus voluntatis in
illam: Si verò ideo negligat positive
eas repellere, quia concitus de con-
stantia suæ voluntatis continuit de-
lectationem partis inferioris tanquam
passionem non voluntariam, nec suffi-
cientem ad inclinandam voluntatem;
Nonnulli docent in hoc casu haberi
dumtaxat veniale, si nec periculum ha-
beat consensus, nec pollutionis. Ita
Sanch. l. 1. c. 2. Tolet, Corduba,
Arnil, Salas, Cajet., Navarr. apud
Laym. loco laudato; idemque videtur
docere D. Thomas de veritate quæst.
15. art. 4. ad 10. Ratio hujus sententiæ
est, quia licet voluntas teneatur ap-
petitum sensitivum gubernare, at suffi-
cienter huic obligationi satisfacit, si ip-
sa non consentiat; Quod si non re-
primat positive motus appetitus sensi-
tivi, peccabit quidem venialiter, eo
modo quo si reprimat remissè solum
venialiter peccabit.

Confirmatur ex Layman, quia in
tantum permissio talis delectationis ef-
fet gravior peccaminosa, in quantum
voluntas non impedit grave aliquod
malum, quando commode potest;
quod si malum impediendum non sit
grave, voluntaria ejus permissio non
erit peccatum grave, atque mortua-
ta commotio appetitus sensitivi, si na-
turaliter oritur, non videtur esse gra-
ve malum; ergo si permittatur, non
habebitur culpa lethalis. Minor pro-
batur, quia talis commotio, & sensi-
tiva delectatio potest circa culpam per-
mitti ob causam aliquam honestam,

etiam non valde gravem, ut nuper diximus; imo si actione aliqua vana, puta verbis jocosis detur causa tali commotioni citra periculum consensus, erit solum venialis culpa; ergo talis commotio, supposito originali peccato, ac natura infirmitate, non est censenda grave malum.

Confirmatur secundò, quia tam est indirecte, & interpretative voluntaria hujusmodi commotio spirituum, ac delectatio appetitus sensitivi, si ea solum permittatur, & non impediatur actu positivo animum ad alia avocando, quam si actione aliqua vana ad illam causam præbeatur; atqui in hoc secundo casu, in quo agens voluntarium ad illam concurrat positivè, & indirecte, non habetur culpa mortalis, ergo a fortiori nec in primo casu, in quo ne indirecte quidem positivè concurrat.

IV. Quamvis autem hæc speculativè loquendo videantur probabilia, communius tamen, & probabilius Doctores cum Lessi. Val. Azor. Med. Vasc. d. 108. c. 2. Kuriel. Zumel, Merol. d. 2. c. 6. dub. 4. docent, in praxi non vacare lethali culpa hanc voluntatis permissionem, & negationem resistentiæ positivæ. Quod videtur aperte sentire Divus Thomas 1. 2. qu. 74. art. 8. ad 3., ubi dicit, delectationem appellari morosam, non ex mora temporis, sed ex eo, quod ratio deliberans circa eam immoratur, *Nec tamen eam repellit*; Er Vasquez loco laudato dicit, plerisque nostri temporis Doctoribus oppositam sententiam videri omnino improbabilem.

Ratio conclusionis est, quia idcirco communiter docent non dari parvitatem materiæ in delectatione venerea deliberate quæsitæ, quia hæc ita est intrinsece mala, ut non possit sejungi a proximo periculo consuetudinis in luxuriam, ut diximus articulo superiore (adeò ut P. Claudius Aquaviva Præ-

positus Generalis Societatis Jesu anno 1612. in virtute S. Obedientiæ præceperit nostris, ne contrariam sententiam doceant ullo modo, non solum ut probabilem, sed ne ut tolerabilem quidem, aut secundum illam dent consilium, & quod manifestetur Superioribus, qui in hoc deliquerit) atqui hoc etiam asseri debet, si voluntas negative se habeat, cum moraliter fere nihil intersit inter parvam materiam, ac nullam, seu inter parvam delectationem deliberate quæsitam, ac inter nullam delectationem quæsitam, sed deliberate non repressam; ergo sicut ratione periculi proximi consentiendi in libidinem sine lethali, non potest minima isthæc delectatio deliberate quæri, ita nec potest deliberate non reprimi: Est enim objectum natura sua vehementer alliciens, ut difficile sit illi resistere, nisi vi, & actu positivo repellatur; unde de ea dici potest: *Mus in pera, ignis in sinu, serpens in gremio male suos communerat hospites*, ut habetur ex cap. *Esti Judeos de Judeis*.

V. Ratio ulterior, quam communiter Doctores proniovent, est, quia ad mortale committendum sufficit solus consensus in objectum pravum interpretativus, qui in moralibus æquivalet consensui expresse formali, & directo: sed in casu nostro haberetur consensus interpretativus in delectationem appetitus sensitivi, quæ continet malitiam mortalem, ut proinde non possit directe intendi; ergo in casu nostro habetur culpa mortalis. Probatur minor, quia consensus interpretativus habetur universim, quoties quis potest, & tenetur facere aliquid, & non facit; atqui in casu potest voluntas eam delectationem reprimere, & tenetur (ut adversarii ipsi concedunt dicentes, ad id teneri sub veniali), non tamen reprimi, si negative se habeat; igitur erga illam exercet consensum interpretativum.

VI. Ad rationes in contrarium dicendum, delectationem istam sensitivam ferre grave malum, & incommodum, quia exponit hominem periculo consentiendi in libidinem. Verum quidem est, quod ex causa honesta possit licite ea permitti: & citra mortale etiam ob causam venialiter malam; & ratio est, quia nimis durum esset cogere homines ad desistendum ab actibus honestis, & sub gravi compellere ad desistendum ab actibus leviter malis, ne detur causa his effectibus naturaliter provenientius: Etenim plurimæ, & frequentes hujusmodi causæ contingunt, unde sicuti impossibile est sine speciali Dei auxilio, per longum tempus abstinere a venialibus; ita impossibile moraliter esset abstinere ad longum tempus a mortali, si sub mortali teneremur vitare omnes actiones leviter malas in hujusmodi delectationem influentes. Quare potest citra mortale in his casibus permitti, dummodo absit periculum consensus: Contra verò in casu nostro non est durum obligare homines sub gravi ad positive resistendum his delectationibus vehementer allicientibus ad libidinem; sicut non est durum obligare homines sub gravi, ne minimam delectationem in re venerea deliberate quærant, quia hoc exigit regimen debitum partis inferioris.

VII. Dices. Si communis ratio fundamentalis hujus sententiæ obligantis hominem ad resistendum actu positivo delectationibus venereis, consistens in hoc, quod permissio talis delectationis esset consensus in illam interpretativus, quicquam evinceret, indivisim evinceret esse etiam mortale exercere actiones vanas, ad quas naturaliter confurgit hujusmodi delectatio, sequela non admittitur; ergo nec id unde sequitur. Probatur sequela, quia etiam in hoc casu haberetur consensus interpretativus, & indirectus in ta-

Tom. I.

lem delectationem æquivalentis directo, quatenus voluntas potest, & tenetur illam impedire, & non impedit.

Respondeo, negò sequelam. Ad probationem concedo, etiam in tali casu haberi consensum interpretativum erga delectationem, sed nego hunc æquivalere in gravitate culpæ consensui formali, & directo. Nam, ut notat Laym. l. 1. c. 3. c. 6., non semper in gravitate culpæ consensus interpretativus æquivalere formali, & directo, sed solum quando eadem ratio militat ad utrumque prohibendum. Sic petere mutuum absque necessitate ab usurario parato, consentiendo interpretativè in peccatum usuræ, probabiliter ex Mendoza apud Dianam p. 5. t. 7. ref. 8. est tantum veniale, quamvis directè velle peccatum usuræ ab eo committendum esset mortale. Sic etiam si femina egrediatur domo absque necessitate, ut sua libertate utatur, prævidens se ab adolescentibus vagè, non verò ab aliquo particulari concupiscendam non peccat, nisi venialiter consentiendo tantum interpretativè in peccatum illorum; peccaret tamen mortaliter, si directè illud intenderet. Et ratio est, quia non militat in utroque consensu eadem ratio prohibitionis: etenim grave incommodum esset feminx privari sua libertate ad egrediendum, ne ab aliis ametur, quia cum hoc sæpe contingat, deberet fere semper clausa detineri; unde solum venialiter peccabit, si absque necessitate velit sua libertate uti ad egrediendum, ut communiter docent apud Busem. l. 2. tr. 3. c. 2. Idem dicas in casu nostro; esset gravissimum incommodum sub mortali obligare homines ad abstinendum ab actionibus vanis frequentissime occurrentibus, ad quas confurgit naturaliter delectatio sensitiva; & ideo consensus interpretativus in talem delectationem non æquivaleret in gravitate culpæ

B 3

culpæ consensui formali : Contra vero in casu conclusionis non est grave incommodum sub gravi obligari homines ad positivè resistendum his delectationibus ; sicut non est grave incommodum sub mortali teneri ad non admittendam deliberatè ne minimam quidem delectationem in re venerea, & idcò consensus interpretativus in huiusmodi delectationem aequivalet in gravitate culpæ consensui formali.

ARTICULUS ULTIMUS.

Utrum desideria objecti pravi sub conditione tollente ejus malitiam vacent lethali culpa?

I. Diversimodè loquendum de desideriis circa objectum venietum sub conditione possibili, quod non prohibeatur, ut est comestio carnis die Veneris, ac sub conditione impossibili, ut est mendacium, perjurium, &c.

II. Videtur hoc etiam posse vacare culpa.

III. Sed dicendum ea non licere ; quippe quæ in praxi ferunt absolutam, & actualem propensionem in malum, ac pravam voluntatem.

IV. In casu nostro conditio impossibilis habetur pro non adjecta.

V. Pra oculis habende theses 13. 14. & 15. ab Innoc. XI. proscriptæ circa desideria inefficacia de malo alterius, non quidem ex displicentia personæ, sed ob aliquod temporale emolumentum.

VI. Desideria isthac tam absoluta, quam conditionata graviter ledunt Charitatem.

Certum est, quod sicut vacat lethali culpa delectari de objecto prohibito jure positivo, aut etiam jure naturali sub circumstantia, sub qua non prohibetur juxta dicta articulo 2., ita vacat lethali culpa idem

objectum desiderare sub conditione, quod non esset prohibitum ; ut si quis diebus scurialibus dicat, Vellem comedere carnes, nisi prohiberentur ; aut si quis dicat, Utinam essem Judex, ut malefactorem hunc occidere possem ex amore justitiæ. Potest pariter citra mortale conjugatus dicere, Ducerem Bertam, si uxore carerem ; & Religiosus potest etiam dicere, Ducerem uxorem, nisi a voto impediret ; dummodo tamen isthæc desideria non influant de præsentī in veneream delectationem ; Er ratio est, quia eo actu Religiosus vel exprimeret naturalem aliquam propensionem ad uxorem ducendam ; & in hoc nulla est culpa : vel exprimeret desiderium, quod habet, carenti voto Castitatis, ut possit uti Conjugio ; & huiusmodi desiderium conditionatum de se non est culpa gravis, cum feratur in objectum denudatum malitia mortali : Ita Cajet., Palaus, Sà, Sanch. lib. 1. cap. 2. num. 24., & alii communiter.

Dubium solum est, an si voluntas feratur in objectum jure naturali prohibitum, quod sub nulla circumstantia potest esse licitum, (ut est odium Dei, mendacium, perjurium, peccatum contra naturam) tunc desiderium ad id terminatum sub conditione impossibili, quod non prohiberetur, vacet lethali culpa?

II. Affirmant Vasquez 1. 2. disp. 116. cap. 2. Palaus, Sà, Bonac., tum quia desiderans v.g. mentiri sub conditione, quod per mendacium Deus non offenderetur, re vera non desiderat ethicaciter mentiri, cum videat id esse impossibile citra Dei offensam ; s.d. solum exprimit propensionem suæ voluntatis ad mendacium, a quo detinetur propter ejus malitiam ; cum quæ propensione bene stat voluntas absoluta nunquam mentiendi ; tum etiam quia qui vult mendacium, si liceret, non

non vult objectum malum, qua tale, sed sub hypothefi impossibili, quod non esset inaleum; ergo non peccat.

III. Sed Azor., Adrian. Sanch. loco laudato verius docent, hujusmodi desideria, si non exprimant solum naturalem propensionem ad hujusmodi objecta, non vacare culpa gravi: Quis enim dixerit, sine gravi culpa posse hominem desiderare Deum destruere, si liceret? Nonne in hoc desiderio conditionato relucet absoluta, & actualis Dei displicentia? Idemque dicas, si quis desideret alapam v. gr. Crucifixo infligere, si liceret; hæc enim non videntur posse in praxi esse absque prava voluntate in objectum pravam inclinata.

IV. Confirmatur, quia qui dicit, Peccarem, si liceret, eo ipso videtur absolute desiderare, quod perjurium sit licitum; atqui hujusmodi desiderium absolutum est graviter peccaminosum; ergo etiam illa voluntas conditionata. Adde, quod conditio impossibilis haberi debet pro non adjecta ex cap. *Si tale, De Conditionibus appofitis*: atqui si abesset ea conditio, procul dubio desiderare objectum pravam esset peccaminosum; ergo etiam si ea impossibilis conditio apponatur.

Neque dicas, solum in favorem Matrimonii sancitum esse, quod conditio impossibilis in eo contractu habeatur pro non adjecta. Nam contra est, quia si universim conditio impossibilis non haberetur pro non adjecta, actus voluntatis tendens in objectum sub hypothefi impossibili esset nugatorius, & fatuus; ergo etiam in casu nostro habetur pro non adjecta. Et per hæc patet ad rationes in contrarium pro prima sententia.

V. Denique quod attinet ad desideria ineticacia de malo alterius, non quia illius malum est, sed quia inde bonum provenit desideranti, consulenda, quæ habentur in expositione

thesium 13. 14. & 15. ab Innoc. XI. proscriptarum; in quarum 13. dicitur: *Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere, & desiderare, non quidem ex displicentia persona, sed ob aliquod temporale emolumentum*: In 14. verò habetur: *Licitum est absoluto desiderio cupere mortem patris, non quidem ut malum patris, sed ut bonum cupientis; quia nimirum ei obventura est parentis hereditas*. Denique in 15. legitur: *Licitum est filio gaudere de patricidio patris a se in ebrietate perpetrato propter ingentes divitias inde ex hereditate consecutas*.

VI. Desideria isthæc esse graviter peccaminosa, ex eo constat, quia per illa graviter læditur ordo Charitatis; Charitas quippe erga proximum postulat (sicut etiam Pietas erga Parentes) quod vita proximi, & a fortiori vita Parentis præferatur bono temporali proprio; adeo ut pauperi in extrema necessitate constituto teneamur etiam de necessariis statui subvenire ad ejus vitam conservandam; atqui cupiens, quamvis ineticaciter, sicut etiam complacentiam habens de morte proximi, aut Parentis, præfert affectivè lucrum temporale proprium vitæ illorum, ut patet; ergo graviter per isthæc desideria ineticacia, & per similem complacentiam læditur Charitas erga proximum, & Pietas erga Parentes. Et sanè quilibet ægrè ferret, & graviter contristaretur, si sciret alterum sibi mortem ineticaciter exoptare ob finem sordidum acquirendi ejus divitias; quare a posteriori etiam constat ineticacibus istis desideriis graviter lædi Charitatem. Quoniam autem ipsa Charitas postulat, ut vita etiam propria, nedum proximi, posthabeatur bono altiori, puta bono fidei, aut Reipublicæ, ideo desideria

inefficacia de morte proximi non sunt illicita, quando ad hos fines altiores ordinantur. Propterea non peccat v. g. filia, si inefficaciter exoptaret, aut etiam complacentiam haberet de morte Patris, qui volebat illam prostituere, ut ab hoc ingenti malo liberaretur.

Neque obstat, quod affectus isti non oriuntur ex odio, aut displicentia personæ, sed solum ex amore boni temporalis, quod ex ejus morte provenit. Nam ut graviter Charitatem lædant non est opus, quod oriuntur ex odio personæ, sed satis est, quod vita proximi, quæ est in ordine altiori, bono exiguo emolumenti temporalis præferatur. Sic pariter invidia non tristatur de bono alterius ex odio personæ, sed solum ex amore inordinato propriæ excellentiæ, ægrè ferente, quod alter sibi præcellat, & tamen etiam, ut habetur ad Galat. 5., excludit a regno Dei. Quæ omnia fusiùs in expositione harum coniugarum thesium pertractantur; Ubi pariter explicatur, quomodo illicita, & contra charitatem sint non solum desideria inefficacia absoluta de aliorum morte ob lucrum temporale inde proveniens (de quibus solum in hisce thesibus proscripitis est sermo) sed etiam desideria conditionata, ut si quis diceret: Vellem mortem proximi, vel mei Parentis, si Deus ita disponderet juxta altissimos fines suæ Providentiæ, ut possem divitias consequi ab iis mihi relinquendas: Sicut e-

nim desideria conditionata de objecto turpi sub hypothese, quod non essent prohibita (v. g. vellem mentiri, pejerare, aut Deum odio habere, si liceret) non vacant lethali culpa, ut ostendimus, quia quamvis videantur a culpa depurari propter talem conditionem appositam, adhuc tamen culpam imbibunt propter actuale affectum erga objectum illud turpe, qui rapit animum ad exprimendam illam vellicitatem conditionalem; ita prorsus desiderium conditionatum de morte proximi, aut Patris sub hypothese, quod Deus ita disponderet ad divitias comparandas, non vacat lethali culpa; quia licet videatur a culpa depurari propter illam conditionem appositam, adhuc tamen culpam imbibit propter actuale affectum erga mortem illorum ob illud sordidum motivum, quod rapit animum ad exprimendam illam conditionalem vellicitatem: Cum autem talis affectus actualis graviter repugnet Charitati erga proximum, ac Pietati erga Parentes, ideo adhuc isthæc desideria conditionata de aliorum morte propter emolumentum temporale sunt graviter peccaminosa. Vacat quidem saltem lethali culpa complacentia de hæreditate acquisita post mortem Patris, aut proximi; necnon desiderium de illa acquirenda quandocunque Deo libuerit independentem ab aliorum morte; Sed complacentia de illorum morte, aut desiderium inefficax mortis, ad illam acquirendam, lethali culpa non vacat.

Q U Æ S T I O III.

Quanam Ignorantia circa Leges, aut Præcepta
tollat, vel minuat Culpam?

QUærendum primo, Quid, & quotuplex sit Ignorantia, & quanam reddat actum involuntarium? Secundo, Utrum Ignorantia invincibilis, non solum antecedens, sed etiam concomitans excuset a culpa? Tertio, Utrum ignorantia invincibilis solius pœnæ per legem impositæ excuset delinquentem a pœna incurrenda? Quarto, Quandonam ignorantia censeri debeat invincibilis, etiamsi proveniat ab Ignorantia culpæ, itaut excuset a pœna transgressoribus imposita? Quinto, Utrum dari possit ignorantia invincibilis Dei, & juris naturalis? Sexto, An ignorantia vincibilis, quæ non excusat a gravi culpa, excusare possit delinquentem a pœna? Demum, An peccata ex Ignorantia vincibili commissa sint ejusdem speciei moralis cum peccatis scienter commissis?

A R T I C U L U S I.

Quid, & quotuplex sit Ignorantia,
& quanam reddat actum
involuntarium?

- I. *Quid intersit inter Ignorantiam, Nescientiam, & Errorem?*
- II. *Sub nomine ignorantia comprehenditur oblitio, & inadvertentia.*
- III. *Multiplex est ignorantia Invincibilis, & Vincibilis, seu Antecedens, & Consequens; quæ scilicet actum culpabilem voluntatis consequitur; daturque ignorantia Concomitans, quæ non antecedit, sed comitatur actum.*
- IV. *Ignorantia antecedens excusat a culpa, actumque reddit omnino involuntarium.*
- V. *Ignorantia concomitans neque reddit actum voluntarium, neque involuntarium positive, sed tantum negative voluntarium.*
- VI. *Ignorantia consequens actum, quem causat, reddit indirecte voluntarium, & secundum quid involuntarium; propterea peccati gravitas*

*a tali ignorantia minuitur. Sed
quid si ea sit affectata?*

I. **I**gnorantia ex Divo Thoma 1. 2. quæst. 76. art. 2. in hoc differt a Nescientia, & Errore, quod Nescientia importat negationem scientiæ in subiecto, aut non apto simpliciter ad sciendum, ut in lapide, aut non apto pro tali tempore, aut statu, ut in Infante, vel Amente: Ignorantia verò importat scientiæ privationem, ut quando alicui deest scientia eorum, quæ aptus natus est scire: Error autem supra Ignorantiam addit positivam deceptionem; ut si quis contractum usurarium putet esse licitum, ut notat Sanch. lib. 1. cap. 16.

II. Dividitur primo in ignorantiam Juris, & Facti. Ignorantia Juris habetur, si ignoretur jus, seu præceptum; ut si quis ignoret prohiberi accessum ad non suam: Ignorantia facti habetur, quando res ipsa præcepta ignoratur; ut si quis ignorat, feminam, ad quam accedit, non esse suam, vel si quis sciens prohiberi carnium comestionem in pervigiiliis, non advertat

rat hodie esse pervigilium; huiusmodi enim oblitio, aut inadvertentia, aut inconsideratio nomine ignorantie comprehenditur in presenti, ut notat idem Sanch.; quia sicuti inadvertentia est ignorantia actualis, ita ignorantia est quædam inadvertentia habitualis.

III Dividitur secundo in Ignorantiam Invincibilem, & Vincibilem. Invincibilis habetur, quando ignorans vel non potest illam superare, vel non debet; ut si quis adhibeat diligentiam omnem debitam humano modo ad veritatem inquirendam, quam tamen non assequitur. Solet hæc ignorantia appellari Antecedens, quatenus omnem operationem liberam antecedit, unde dicitur etiam involuntaria, inculpabilis, probabilis, & iusta; vincibilis verò habetur, quando ignorans potest, ac debet illam superare: Hæc appellari consuevit Consequens, quatenus consequitur ad illam operationem liberam; unde dicitur etiam voluntaria, culpabilis, improbabilis, & iniusta.

Porro ignorantia vincibilis triplex est, Affectata, Crassa, & generico nomine dicta Vincibilis. Affectata est directe voluntaria, ut cum quis data opera vult ignorare; juxta illud Psalmi, *Noluit intelligere, ut bene ageret*. Crassa, seu supina est voluntaria indirecte, quatenus ignorans nullam, aut fere nullam adhibet diligentiam ad illam superandam, quamvis non sit directe volita. Vincibilis absolute dicta est etiam indirecte voluntaria, & dicitur illa, ad quam superandam adhibet quidem ignorans aliqualem diligentiam, non tamen quantam debet, unde ea non pertingit ad crassam. Utrum autem dari possit ignorantia vincibilis, quæ non sit affectata, neque crassa, & tamen sit mortaliter culpabilis? Negant communiter cum Suar., Vasq., Azor., Coninch. disp. 13. n. 95. putantes, ignorantiam, quæ non

est affectata, nec crassa, esse solum venialiter culpabilem, si sit vincibilis. Admittunt verò Sanchez lib. 1. cap. 16. Bon. de censur. d. 1. q. 2. Valentia, Salas, & alii. Equidem censo cum Francisco Lugo, ignorantiam huiusmodi mortaliter culpabilem, & non crassam vix posse in praxi discerni, etiam si esset possibilis. Quod si ea daretur, deservire posset solum ad vitandas censuras Ordinariorum, quæ ex Cap. *Ut animarum de Confit.* non ligant Ignorantes, nisi eorum ignorantia sit crassa, vel supina.

Subdividitur deinde utraque Ignorantia, tam vincibilis, quam invincibilis in Antecedentem, & Concomitantem. Ignorantia antecedens est causa actus, qui ignoranter fit, atque adeo illum antecedit; ut si quis putans occidere fratrem occidat Patrem, quem non occidisset, si cognovisset: Concomitans ignorantia est illa, quæ non antecedit, nec causat actum, sed illum comitatur; ut si quis credens occidere fratrem occidat inimicum, quem si cognovisset, adhuc occidisset: Illa occisio Patris, quæ fit cum ignorantia antecedente, ab Arist. 3. Ethic. 1. dicitur fieri ex ignorantia: hæc occisio Inimici, quæ fit cum ignorantia Concomitante, dicitur fieri ignoranter, quia occisio Patris causatur ab Ignorantia, non vero Occisio Inimici: Ignorantia tamen illa antecedens, ut notat Suarez in 1. 2. tract. 2. disp. 4. sect. 1. est causa occisionis Patris solum per accidens, & tanquam removens prohibens, seu quatenus tollit cognitionem Patris, quæ si adfuisset, actum impedivisset. Ignorantia verò Comitans nullatenus est causa actus, quia licet tollat cognitionem Inimici, hæc tamen si adfuisset, actum non impedivisset. Sicut autem ignorantia invincibilis appellatur Antecedens, quia antecedit omnem actum voluntatis; ita ignorantia vincibilis appellatur Consequens,

sequens, quia consequitur ad culpam voluntatis obligatæ ad ignorantiam superandam, & tollendam; Ut si quis occidat hominem, quem putat esse feram culpabiliter, quatenus antequam sagittam intorqueret, debuisset investigare, essetne fera, an homo? Utraque tamen ignorantia, tam Antecedens, quam Consequens antecedit, & causat actum (pura homicidium) quatenus illud non fieret, si ignorantia abesset: Quia tamen ignorantia vincibilis consequitur ad culpam voluntatis, secus vero ignorantia inculpabilis, idcirco hæc ignorantia dicitur antecedens, ignorantia vero vincibilis dicitur consequens.

Notandum denique, quod ad discernendum quando quis operatus est cum Ignorantia antecedente, & quando cum concomitante, ex Philof. loco laudato illud est indicium, quod operans cum ignorantia antecedente, adveniente scientia, dolet de facto, puta de homicidio Patris, operans vero cum ignorantia concomitante, adveniente scientia, lætatur de facto, puta de homicidio Inimici. His explicatis:

IV. Dico primo: Ignorantia antecedens reddit actum simpliciter Involuntarium, atque adeo omnino a culpa excusatur; ut si quis occidat hominem, quem invincibiliter putat esse feram, illum non occisurus, si nosset. Ratio est, quia actus, qui fit cum hac ignorantia, neque est directe, neque indirecte voluntarius; imo est contra impetum saltem habitualem voluntatis, quatenus occidens sic hominem est habitualiter dispositus ad illum non occidendum, si sciret.

V. Dico secundo: Ignorantia Concomitans, prout præscindit a vincibili, & invincibili, neque reddit actum voluntarium, neque involuntarium positive, sed tantum negative voluntarium; ut si quis occidat hominem, putans

esse feram, illum occisurus etiam si sciret: Ita communiter cum Divo Thoma, & Philosopho 3. Ethic. 1.

Probatur prima pars conclusionis, quod non reddat actum voluntarium; huiusmodi enim occisio hominis neque est voluntaria directe, cum non possit esse directe volitum, quod est ignoratum; neque est voluntaria indirecte, quia solum ignorantia consequens, & vincibilis reddit actum indirecte voluntarium. Secunda pars conclusionis, quod scilicet non reddat actum positive involuntarium, etiam probatur; quia ut aliquid sit positive involuntarium debet esse contra impetum voluntatis, sive actualem, sive habitualem; quod autem sit cum ignorantia concomitante, non solum non est contra impetum internum voluntatis, sed potius est iuxta habitualem dispositionem voluntatis; unde multi docent, huiusmodi occisionem esse potius voluntariam habitualiter; ergo actus, qui fit cum ignorantia concomitante, non est positive involuntarius: Quare remanet, quod sit negative tantum voluntarius. Utrum autem hæc ignorantia excuset a culpa, si sit invincibilis, explicabimus articulo sequenti.

VI. Dico tertio. Ignorantia Consequens, seu vincibilis reddit actum voluntarium indirecte, & solum involuntarium secundum quid, quando est causa actus: ut si quis occidat hominem culpabiliter putatum feram, quem non occideret, si sciret.

Prima pars probatur, quia ignorantia isthæc, ad quam sequitur occisio, est voluntaria, cum sit culpabilis; ergo voluntaria redditur indirecte occisio, quæ ad illam sequitur. Secunda pars ab Angelico ostenditur, quia si ignorantia ista est causa occisionis, adeo ut occisio non poneretur, si haberetur notitia hominis, qui occiditur, eo ipso occisio ista est secundum quid

quid involuntaria: Unde fit, rationem voluntarii relate ad occisionem hominis minui sub hac ignorantia consequente; & idcirco peccatum hoc homicidii est minus grave, quam si scienter poneretur: Universim enim minus voluntarium est, quod ignoranter, etiam si culpabiliter, quam quod scienter ponitur. Quicquid sit, an hoc sit verum de ignorantia affectata? quam Valentia, & alii apud Meroll. d. 1. c. 2. dub. 7. putant minuere culpam; Alii cum Navar., Becan., Layman ex Divo Thoma 1. 2. q. 36. ar. 4. putant augere. Verius tamen est, quod si ea procedat ex animo peccandi liberius, & sine conscientie remorsu, culpam augeat; si vero procedat ex cædō addicendi, seu ut transgressio levior sit, culpam minuat; ut docent Corduba, Salas, Sanch. lib. 1. c. 13.

ARTICULUS II.

Utrum a Culpa excuset Ignorantia Invincibilis, etiam si sit Concomitans?

- I. Ignorantia invincibilis antecedens excusat a Culpa solum secundum illam rationem, qua ignoratur.
- II. Ignorantia invincibilis concomitans probabiliter excusat a malitia objecti ignorata, necnon a pœna illi annexa.
- III. An, & quale peccatum sit affectus annexus Ignorantia concomitanti?
- IV. Qui putat invincibiliter sagittam intorqueri in feram cum animo intorquendi illam in Clericum Inimicum, si ibi adestet, probabiliter non incurrit irregularitatem, nec excommunicationem, aut onus restitutionis, si forte illum occidat.
- V. Quodnam homicidium casuale trahit irregularitatem?

I. **D**iximus, Ignorantiam Invincibilem antecedentem omnino a culpa excusare, cum reddat actum simpliciter involuntarium. Hoc tamen intelligendum est, si tota malitia actus invincibiliter ignoretur; aliter excusabitur a peccato actus solum secundum illam rationem, secundum quam habetur ignorantia invincibilis, e. g. si quis occidat Clericum, ignorans invincibiliter Clericatum, sed non ignorans, quod sit homo, erit solum homicidii reus, non sacrilegii; Quod si actus apprehendatur ut continens malitiam levem, invincibiliter ignorando, quod contineat gravem, solum venialis culpa committitur per talen actum. Dubitatur dumtaxat de Ignorantia concomitante invincibili, an etiam excuset a peccato?

II. Censent a peccato non excusare Ugolin. Sayr. Durandus, Gabriel, quia talis ignorantia non reddit actum positive, & simpliciter involuntarium, ut diximus articulo superiore, sed solum negative voluntarium, cum habituali propensione voluntatis ad illum: Unde inferunt, quod si quis occidat Clericum, cum ignorantia invincibili concomitante, non solum peccet, sed etiam excommunicationem incurrat; Nitunturque auctoritate Divi Thomæ 1. 2. quæst. 76. art. 3., ubi apertè dicit ignorantiam concomitantem non excusare a peccato.

Communius tamen, & verius cum Suar. d. 4. de-Censuris sect. 8., Vasquez, Molina, Sanchez l. 1. cap. 16. n. 13. docent, Ignorantiam hanc si ve juris, si ve facti excusare a malitiâ objecti ignorata. Quare excusatur a peccato homicidii, & consequenter ab excommunicatione, ac irregularitate, necnon ab onere restitutionis, qui occidit Clericum Inimicum, invincibiliter putans esse feram, quamvis esset habitualiter dispositus ad illum occidendum, si cognosceret sagittam

in Inimicum esse intorquendam, non in feram.

Probat, quia actus non potest esse peccaminosus, nisi prosequatur objectum, quod apprehendatur malum; atqui posita illa ignorantia concomitante, homicidium illud non apprehenditur ut malum: ergo. Confirmatur, quia quod non est volitum, non est culpabile; quod autem est ignoratum non est volitum; ergo quod est ignoratum non est culpabile; sed posita ignorantia concomitante in casu nostro ignoratur homicidium; ergo homicidium sub ea ignorantia non est culpabile. Ex quo fit, ad rationem peccati requiri, quod actus sit voluntarius positive, nec satis esse, quod sit negative voluntarius, prout est sub ignorantia concomitante; nam quod est negative voluntarium non est simpliciter voluntarium; ergo non est peccatum.

Ad rationem in contrarium, verum est, quod huiusmodi homicidium sub ignorantia concomitante non sit actus simpliciter, & positive involuntarius, hoc tamen non sufficit ad culpam inducendam; cum ad hanc requiratur positiva voluntarietas, saltem indirecta, quæ in casu nostro habetur. Ad auctoritatem Divi Thomæ respondet primo Vasquez, Angelicum voluisse solum, quod ignorantia concomitans non excuset a culpa gravi affectus interni concomitantis, non vero quod non excuset a culpa actus externi, qui solum trahit onus restitutionis, censuram, & irregularitatem. Respondent 2. Soto, & Medina apud Merollam, ignorantiam concomitantem, utpote præcipientem a culpabili, & inculpabili, secundum se neque excusare a culpa, neque accusare, sed si sit inculpabilis, excusat a peccato, secus vero si sit culpabilis.

III. Dubitatur tamen an, & quale peccatum sit ille affectus annexus I-

gnorantiæ concomitanti, quo quis vellet occidere inimicum, si sciret ibi non esse feram, prout invincibiliter putat, sed Inimicum?

Ad quod respondendum, triplicem posse esse dispositionem operantis cum hac ignorantia. Prima est habitualis tantum, quatenus ea voluntate habituali est, ut Inimicum vellet occidere; at, dum projicit sagittam, non habet actu hanc voluntatem; Et in hoc casu certum est, non haberi peccatum ullum, ne internum quidem, quia per dispositionem habitualement non peccamus, donec ea in actum prodeat. Secunda dispositio potest esse actualis, quam haberet projiciens sagittam, si tunc in actum hunc prorrumpet; Utinam illa fera esset Inimicus meus, libenter illum occiderem: & in hoc casu habetur quidem peccatum homicidii internum, non vero externum; quia actus ille internus nullatenus influit in projectionem sagittæ ad hostem interimendum, posito quod invincibiliter putetur, ibi adesse feram; & ideo huiusmodi actus internus peccaminosus non trahit onus restitutionis, nec censuras, aut irregularitatem. Ita Suar. Vasq. Sanch. contra Cordubam lib. 7. qu. 19. Tertia dispositio est, quando mittens sagittam cum Ignorantia concomitante voluntatem habet occidendi quodcumque ibi sit, sive fera, sive homo, etiamsi sit Clericus; in quo casu dubitatur

IV. Utrum hic peccet peccato homicidii externi, & si occidat Clericum, an incurrat etiam excommunicationem, præter onus restitutionis, & irregularitatem? Affirmant communiter cum Suar. d. 4. de Censuris, sect. 8. Azor., Sanch. lib. 1. c. 16., Reginal. Bonac., Corduba, quia sub illa voluntate generali configendi quicquid appareat, sive fera sit, sive homo, sive etiam Clericus, continetur actua-

aqualiter occiso Clerici, unde, si ea sequatur, habetur peccatum homicidii, & sacrilegii externi, quod eas penas secum trahit.

At Zumel, Lorca, Curiel, & Lessi, c. 7. n. 25. non improbabiler putant, peccatum illud internum homicidii, & sacrilegii non esse peccatum externum, quod eas penas trahat. Ratio est; quia actus ille exterior, quatenus est occiso Inimici Clerici, non potest esse imperatus ab illo actu interno peccaminoso occidendi quidquid apparet, posito quod invincibiliter ignoretur, ibi esse hominem, & credatur adesse fera: unde licet in tali casu occiso hominis possit dici volita, non potest tamen dici voluntaria, atque adeo non est actus externus peccaminosus; cum ex dictis ratio voluntarii essentialiter requiratur ad rationem peccati. In eo tamen differt, ut notavimus, volitum a voluntario, quod volitum comparetur ad voluntatem, tamquam objectum ad potentiam; voluntarium vero tamquam effectus ad causam, ut constat ex definitione voluntarii, quod est id, quod procedit a principio intrinseco cognoscente singula.

Confirmatur; quia hic actus mere internus, Vellem occidere Inimicum Clericum, non trahit irregularitatem, excommunicationem, aut onus restitutionis; ipsa etiam occiso Clerici, si non procedat a voluntate illum occidendi, neque trahit has penas: atqui in casu nostro habetur voluntas illa interna occidendi Clericum, & habetur occiso Clerici, non tamen procedens ab ea voluntate, sed casualis, cum credatur ibi adesse fera; ergo non incurruntur illae pœnae, ut docent etiam Molina d. 128., & alii apud Meroll. loco citato.

V. Et sane occiso Clerici neque fuit voluntaria directe, cum non adfuerit ulla cognitio, quod ibi adesset

homo; neque fuit voluntaria indirecte, quia, cum supponatur invincibilis ignorantia illa concomitans, non habebatur debitum comparandi talem notitiam; ergo occiso illa simpliciter non fuit voluntaria, sed omnino casualis, non trahens post se irregularitatem, & censuras; Quicquid in contrarium dicat Avila. l. 2. c. 5. d. 5. dub. 5.: Illud enim homicidium casuale trahit irregularitatem, quod ita sequitur præter intentionem, ut tamen non adhibeatur debita diligentia, ne sequatur, puta quando quis volens solum graviter percutere Petrum, illum occidit: at in casu nostro cum ignorantia illa sit invincibilis, non debet ulla diligentia adhiberi, ne sequatur homicidium; ergo, ea secuta hoc pacto casualiter, irregularitas non incurritur.

ARTICULUS III.

Ex præjacta doctrina plurimæ difficultates resolvuntur.

- I. Num incurrat excommunicationem, & onus restitutionis, qui volens occidere Inimicum Clericum occidis invincibiliter amicum etiam Clericum?
- II. Quid si volens comburere agrum inimici, comburat invincibiliter agrum amici?
- III. Num ignorantia vincibilis leviter culpabilis relate ad legem excuset a pœna gravi per legem imposita?
- IV. Num invincibilis ignorantia legis peccatum reservantis excuset a reservatione?
- V. Quando nam reservatio peccati habet rationem pœnae; quando vero fert limitationem jurisdictionis in Confessario?
- VI. Pœna privationis petendi debitum non incurrunt ab eo, qui invincibiliter illam ignorat.

VII. In-

VII. Invincibiliter immemor voti penalis, v. gr. de non furando sub pena Jejunii, non tenetur jejunare, si fuerint; nec ad id tenetur, si obliuio fuerit venialiter culpabilis.

VIII. Beneficiarius inculpabiliter omit- tens Horas recitare, non tenetur ad fructuum restitutionem.

I. SEquitur ex dictis primo decisio illius questionis, an incurrat onus restitutionis, irregularitatem; & excommunicationem, qui volens occidere Titium Clericum Inimicum, occidit invincibiliter Cajum Amicum, etiam Clericum?

Respondendum cum Suario de Censuris disp. 45. sect. 2., & disp. 32. sect. 1. n. 54., dupliciter posse casum contingere. Primo quidem, quod volens occidere Titium Clericum inimicum adhibeat omnem diligentiam debitam, ne alia persona occidatur. Secundo si talem diligentiam non adhibeat. In hoc secundo casu occidendo Cajum Clericum amicum tanquam irregularitatem, quam excommunicationem incurrit, & consequenter etiam onus restitutionis; quia vere est homicida relate ad Cajum culpabiliter illum occidens, esto noluerit talem hominem occidere. Idemque docent Sanch. l. 9. d. 332. Henriq., & alii communius apud Croix de Censuris n. 9. In primo vero casu, cum omnem diligentiam adhibuerit, ne alia persona a Titio inimico occideretur, nec irregularitatem, nec excommunicationem incurrit occidendo involuntarie, & inculpabiliter Cajum amicum Clericum; sicut qui volens occidere feram omnino inculpabiliter occidit Clericum, non est irregularis, nec excommunicatus, nec subit onus restitutionis. Monet tamen in praxi idem Suarius, sanum consilium esse, quod petatur dispensatio ab irregularitate propter dubium; & horrorem facti. Equidem communiori

huic sententiae adherendum censeo. Quamvis Tambur. lib. 6. cap. 4. §. 3. n. 29. aliique apud eundem Croix putent absolute, quod volens percutere Titium, si præter intentionem Cajum Clericum percutiat, censuram non incurrat, quia talis actio exterior neque est formaliter injuriosa Titio, cum illum non tangat, neque formaliter injuriosa Cajo, quem non cognoscit, & omnino involuntarie percutit.

II. Quod si objicias: Qui vult comburere agrum A, quem putat esse Titii inimici, & re vera est Caji amici, adhuc ad restitutionem tenetur; ergo pariter qui vult occidere Titium inimicum, si invincibiliter occidat Cajum amicum, etiam tenetur ad restitutionem, & incurrit irregularitatem; quandoquidem vere habet animum patrandi homicidium, & illud patrat de facto.

Respondent, concessio antecedente cum Lugo, disp. 17. de Just. n. 75 negatur consequentia. Disparitas est, quia in primo casu intenditur substantia delicti, & error est in circumstantia; re vera enim agrum A intendit comburere, quamvis erret in hoc, quod putet esse inimici, & est amici; ergo debet restituere damnum illatum: At in secundo casu error est circa substantiam; siquidem nullatenus intenditur occisio amici; & ideo cum omnino casualiter hoc accidat, non trahuntur ea onera. Sicut communiter docent, quod si volens occidere feram, omnino casualiter, & inculpabiliter occidat Clericum, non incurrat excommunicationem, nec onus restitutionis. Sicut autem in Sacramento Matrimonii error circa Personam est error circa substantiam, ut proinde qui contrahit cum Berta, putans illam esse Tereciam, invalide contrahat: Secus vero in Sacramento, v. gr. Poenitentiae error circa Personam est error accidentalis, unde qui absolvit Petrum, putans,

putans esse Paulum, secundum se valide illum absolvit: Ita in casu nostro error circa Personam est error substantialis relate ad homicidium, vel percussionem; secus vero error relate ad dominum hujus Agri, quem vult damnificator comburere; & ideo hic ad restitutionem tenetur, secus vero ille homicida: Et pariformiter dicimus, collationem beneficii, v. gr. factam Petro, qui putatur esse Paulus, non esse validam, quia error hic circa personam spectat ad substantiam collationis: Contra vero collationem beneficii factam Petro, qui putatur esse castus, & quæ non fieret, si sciretur ejus improbitas, esse validam, eo quod talis error sit accidentalis, & quoad circumstantiam. Idem dicunt occidere in casu nostro; error relate ad Dominum Agri, quem vis comburere, est accidentalis; & quamvis non combustisses, si scivisses, quod esset Ager tui Amici; adhuc teneris ad restitutionem; error vero circa Personam, quam percussis, vel occidis, est substantialis; & ideo: si ex errore omnino inculpabili percussis Amicum Clericum loco Inimici Clerici, actus est omnino involuntarius, relate ad Clericum amicum; atque adeo non incurris excommunicationem, nec onus restitutionis. Sed his non obstantibus non est recedendum a communi sententia, quod irregularitatem, excommunicationem, & onus restitutionis incurrat, qui volens occidere Titium Clericum inimicum, ita occidit Cajum Clericum amicum, ut non adhibuerit debitam diligentiam, ne alia persona occidatur; Et enim licet homicidium Caji fuerit involuntarium relate ad Cajum, utpote amicum, non facit involuntarium homicidium ut sic, si non adhibita est diligentia debita, ne alius occidatur. Illud solum admiserim, quod si volens occidere feram, adhibita debita diligentia ne ibi subsit ho-

mo, intorquet sagittam eo animo, ut vellet ibi subesse inimicum & illum occidere, si per accidens ibi subsit inimicus, & occidatur, ad restitutionem ille non teneatur: Etenim illa occisio externa non prodit ex illo pravo animo conditionato, atque adeo ille pravi animus, cum non prodeat in actum externum, non trahit onus restitutionis: Secus vero si volens occidere inimicum per accidens occidat amicum, non adhibita debita diligentia ne alius occidatur, tunc enim occisio externa prodit ex actu pravo interno, & ideo trahit onus restitutionis.

III. Sequitur secundo, Ignorantiam invincibilem, tam antecedentem, quam concomitantem legis prohibentis aliquam operationem excusare a pœna per legem imposita; Cum enim excuset a culpa, ut hæstenus ostendimus, excusat etiam a pœna; Immo si ignorantia vincibilis legis pœnam imponentis sit tantum venialiter culpabilis, excusat etiam a pœna; quia non incurritur pœna gravis propter culpam levem; ergo si Ignorantia vincibilis venialem culpam contineat, non trahit pœnam gravem per legem impositam: Et quod dicimus de ignorantia, dicendum etiam de inadvertentia, ac oblivione, juxta superius dicta. Adde ignorantiam invincibilem tam juris, quam facti excusare; quamvis enim in regulis juris in 6. dicatur Ignorantia facti, non Juris excusare; id tamen intelligendum est pro foro externo, in quo ignorantia Juris non præsumitur, ut notat Laym. lib. 1. tr. 4. c. 26. & Sanch. lib. 4. c. 22.

IV. Sequitur tertio, quod si nova aliqua constitutio reservetur aliquod peccatum in odium illius, & in pœnam delinquentis; ut fecit Sixtus V. contra male promotos ad ordines Sacros, tunc Ignorantia invincibilis talis legis excusaret a reservatione; non secus ac excusaret ab excommunicatione,

tionem, si in pœnam alicujus delicti imponeretur excommunicatio. Ratio est, quia, qui committeret peccatum illud sic reservatum, quamvis transgredere- tur legem Divinam, atque adeo pec- caret; at non transgredere- tur legem humanam imponentem in pœnam delicti reservationem, aut excommunica- tionem, cum talis lex invincibiliter i- gnoretur; ergo quamvis mereretur pœnam æternam debitam transgredien- ti legem Divinam, non mereretur tamen pœnam reservationis, aut ex- communicationis debitam solum trans- gredienti legem illam humanam. I- demque probabilis, & coherentius docent de irregularitate Sanchez l. 9. d. 32. Navarr. Reginal., Bonac. contra Avilam 2. parte cap. 5. disp. 5. dub. 10. Suar. de censur. disp. 40. sec. 5. Azor. Alvar. Cordub.; cum etiam irregularitas ex delicto imponatur in pœnam: Quare licet simul sit impedi- mentum Canonicum, ut est irregulari- tas ex defectu; at quia quando conse- quitur ad culpam, habet rationem pœnæ, ideo ignorata non incurritur.

Dices: Reservatio peccati non est pœna delicti, sed est limitatio jurisdi- ctionis in Confessario; atqui limitatio jurisdi- ctionis non reddit validam ab- solutionem per hoc, quod peccans i- gnoraverit illam, quando peccavit; ergo ignorantia invincibilis legis re- servantis peccatum non impedit, quo- minus peccans reservationem incurrat: Est verum sit, quod impedit quo- minus incurrat excommunicationem impositam per legem, quia excommu- nicatio est pœna, quæ ex Cáp. *Ut a- nimarum*, *De Constit.*, ut supra dixi- mus, non incurritur ab ignorante il- lam, nisi ignorantia esset crassa, aut supina.

Sed contra est, quia reservatio pec- cati dupliciter imponi potest, Primo limitando jurisdictionem in Confessa- rio, idque ad bonam Ecclesiæ guber-

nationem, ut scilicet graviora delicta Superioribus reserventur, a quibus me- lius curari possunt: Secundo potest in lege aliqua imponi reservatio in pu- ram pœnam delicti: Si primo modo imponatur, verissimum est, quod ad illam vitandam nullatenus fuitragetur Ignorantia; secus vero si imponatur in pœnam; ut videtur imponi, quo- ties in odium delicti superadditur.

Et sane neque arridet sententia Ja- nuarii de Januario disp. 1. de casibus reservatus putantis cum Gratii, re- servationem semper esse pœnalem, & in odium delicti impositam, & sic nunquam incurri ab ignorante illam; sicut nec etiam a non advertente ad illam, dum actu peccat. Hanc enim opinionem esse improbabilem jure me- rito docet Hurtad. apud Dian. p. 6. tract. 6. resol. 42. Neque arridet sen- tentia aliorum communis putantium, reservationem semper esse limitatio- nem jurisdictionis, & nunquam habe- re rationem pœnæ, atque adeo nun- quam per ignorantiam declinari.

V. Censeo siquidem cum Sanch. l. 9. d. 32. Merolla disp. 1. cap. 2. 12. Bo- nac. Dia. l. c. habere rationem pœnæ, quoties lex ipsa videtur reservationem in pœnam comminari; habere vero rationem limitationis jurisdictionis, quoties ad bonam Ecclesiæ guberna- tionem imponitur, quæ postulat, ut a Superioribus graviora delicta cognos- cantur. Utrum autem reservatio ha- beat rationem pœnæ, semper ac per legem universalem imponitur, & so- lum habere rationem limitationis ju- risdi- ctionis, quando imponitur Con- fessario per modum præcepti? Affir- mant Fagun. 2. Eccl. præc. l. 8. cap. 1. n. 28., Gratius, Navar., Januarius, & alii apud Dianam p. 10. tract. 14. ref. 63. Equidem tamen non subscribo; potest quippe lege aliqua Confessarii jurisdictio limitari. Quare id ex te- nore legis inspicendum est. In du-
C bio

bio tamen, num reservatio sit pœnalis, an vero jurisdictionis limitativa? dicendum, eam esse pœnalem, quia in dubio melior est conditio possidentis; est autem in possessione jurisdictionis, quando ea confertur absolute, & dubitatur de ejus limitatione; sicuti dicitur esse in possessione lex, quando absolute est lata, & promulgata, & dubitatur, num sit usu recepta, & dicitur esse in possessione votum, quando constat, quod sit emissum, & solum dubitatur, an sit emissum cum animo obligandi se sub gravi.

VI. Sequitur quarto cum Sanch. l. 9. disp. 32. n. 49., Navar., Sylv. contra Cordubam, Henriquez, Sotum, Gutierrez apud Dia. p. 3. tr. 5., ref. 12., quod si conjux contrahat cum altero conjuge affinitatem, aut cognationem, videlicet aut cognoscendo consanguineam conjugis, aut tenendo in Baptismo, vel Confirmatione filium communem, aut filium alterius conjugis, vel ipsam conjugem, & simul invincibiliter ignoret Jus Ecclesiasticum, privans in his casibus conjugem petitione debiti, immunis erit ab hac pœna; Etenim ignorantia invincibilis Juris excusat a pœna eo jure imposita, quamvis factum sit cæteroqui jure naturali prohibitum; atqui pœna privationis debiti solo Jure Ecclesiastico est imposita; ergo quamvis conjux peccet contra legem naturalem, cognoscendo consanguineam alterius conjugis, quia tamen ignorat invincibiliter legem Ecclesiasticam imponentem hanc pœnam, ideo ea non incurritur.

VII. Sequitur demum, quid dicendum ad quæsitum, Num transgressio voti pœnalis, si vacet culpa sacrilegii, excuset a pœna? V. g. voveat quis non furari, vel non ludere sub pœna jejunii; si deinde immemor hujus voti furetur, aut ludat, teneturne ad jejunium? Dicendum cum Sanch. lib. 4. c. 22. n. 18. non teneri, quia cum ob-

litus sit invincibiliter voti illius pœnalis, quod habet rationem legis sibi impositæ cum comminatione pœnæ, sicut hanc legem non transgreditur, ita nec pœnam incurrit. Immo nec ea pœna incurritur, si tantum cum culpa venialiter vincibiliter sit oblitus voti; nec incurritur, si transgressio sit levis, ut notat idem Sanch.; quia pœna illa censetur imposita transgredienti votum mortaliter.

VIII. Unde etiam sequitur quod docet Diana p. 3. tract. 6. resol. 41., Beneficiarium omittentem recitationem Horarum inculpabiliter non teneri ad restitutionem fructuum, non obstante lege pœnali fructuum acquisitionem irritante.

Utrum autem immunis sit a pœna, qui memor voti, & immemor pœnæ sibi impositæ votum transgrediatur furando, aut ludendo? constabit ex mox dicendis. Illud hic adverto, quod omittens culpabiliter recitationem Horarum post sex menses ab adeptione Beneficii, quamvis non advertat, aut ignoret, quod omittentes culpabiliter hanc recitationem teneantur fructus Beneficii restituere, & illos non faciunt suos, adhuc teneantur illos restituere. Et ratio est, quia (ut fusc diximus in expositione thesisi vigesimæ ab Alex. VII. proscriptæ, quæ habet: *Restitutio a Pio V. imposita Beneficiatis non recitantibus non debetur in conscientia ante sententiam declaratoriam iudicis, eo quod sit pœna*) lex ista, quæ imponitur restitutio fructuum non recitantibus culpabiliter, non est lex pœnalis, sed conditionalis, quatenus sub hac conditione dantur fructus, quod recitatio non omittatur culpabiliter; Quare hac conditione non impleta, fructus retineri non possunt. Ad eum modum, quo si relinquuntur scemina centum sub conditione, quod caste vivat, non possunt retinere hos nummos, si vivat turpiter, non quidem

in pœnam turpitudinis, sed ob conditionem non adimpletam, ut notat Less. & Salas apud Dian. p. 1. tr. 10. ref. 23.

ARTICULUS IV.

Utrum Ignorantia Invincibilis solius pœnæ per legem impositæ excuset ab ea pœna delinquentem?

I. Communius docent, Conscium legis pœnam imponentis, immemorem tamen invincibiliter talis pœna, culpa simul, ac pœna reum esse, si legem violat, exceptis Censuris, quæ contumaciam supponunt. Quod autem attinet ad irregularitatem ex Delicto Doctores variant.

II. Sed non est improbabile, universim pœnam hanc non incurri, si ea sit extraordinaria, & exorbitans.

III. Hinc non incurritur in tali casu privatio petendi debitum, nec irregularitas ex delicto invincibiliter ignorata.

IV. Pariter in voto pœnali, quoties pœna est exorbitans, ad illam non tenetur; qui illius tantum invincibiliter immemor votum transgreditur. In dubio tamen, an pœna sit extraordinaria, censenda est Ordinaria.

I. Communiter Doctores docent cum Laym. l. 1. tract. 4. c. 20. Sanch. l. 9. disp. 32. Suar. l. 5. de legibus cap. 12. Avila p. 2. c. 5. disp. 6. conscium legis, quamvis pœnam annexam ignoret invincibiliter, culpæ simul, ac pœnæ reum esse, si legem transgrediatur. Primo, quia obligatio delinquentis ad pœnam est naturalis, nec requirit consensum delinquentis in ipsam pœnam, sed solum in culpam, ad quam naturaliter consequitur reatus pœnæ. Secundo, quia alias Infi-

deles ignorantes pœnam inferni annexam esse mortali ab ea excusarentur; & rustici, ac mulieres ignorantes legum pœnas in nullam earum inciderent; quod non est admittendum. Qui enim vult antecedens, videlicet culpam, quæ est causa pœnæ, vult necessario consequens, nempe pœnam, ex l. *Illud*, ff. de acquirenda hereditate.

Excipiuntur tamen a Layman, Sanchez, Suario disp. 4. de Censur. sect. 4., & aliis apud Dianam p. 3. tract. 5. ref. 12. omnes censuræ, quæ cum supponant essentialiter contumaciam, supponunt consequenter sui notitiam, sine qua consistere non potest adversus potestatem Ecclesiæ contumacia.

Excipitur etiam a Sanchez, Palao, Navarro, Diana loco laudato, irregularitas ex delicto, quia licet non sit propriæ censura, habet tamen rationem censuræ; Quod tamen negant Suar., Laym., Salas, cum ea non sit pœna medicinalis imposita propter contumaciam, sed perpetua.

II. Equidem censeo, communem hanc Doctorum sententiam esse veram solum relate ad pœnas ordinarias, ac delictis consentaneas, quod scilicet excurrantur a delinquentibus, etiamsi ignorentur. Cæterum non est improbabile, quod docet Layman. loc. cit. Navar., Sà, Sylv., Sanch., & idem Suar. disp. 4. de censur. sect. 9. n. 102., quod si pœna delictis imposita sit extraordinaria, & exorbitans, ea non incurritur a delinquentibus, si ignoretur, v. g. si Peregrinus transeat per locum, ubi præter morem puniatur venatio ferarum pœna gravissima, quamvis delinquat venando, & pœnam infligi solitam mereatur, non tamen illam gravissimam. Ratio est, quia quamvis non requiratur consensus delinquentis in pœnam, ut ad illam obligetur, requiritur tamen consensus in causam pœnæ, non solum

materialiter, sed etiam formaliter ut causa est; qui certe non datur, quando ea poena exorbitans ignoratur.

Confirmatur: In tantum ea poena extraordinaria est debita delinquenti, in quantum per legem imponentem eam poenam delictum prohibetur gravius; unde peccans contra huiusmodi legem, quia gravius peccat, gravius puniendus est; ergo si quis ignoret invincibiliter transgressoribus legis impositam esse poenam illam extraordinariam, non peccat contra huiusmodi legem quatenus gravius prohibentem delictum: ergo delictum in hoc casu non est puniendum gravius, atque adeo poenam extraordinariam non meretur. Et per hæc patet ad rationes pro communi sententia adductas, quæ non impugnant hanc nostram limitationem de poenis extraordinariis.

III. Hinc sequitur primo, quod si conjux contrahat cognationem, & affinitatem cum altero conjuge, ex ignorantia non solum juris, vel facti, de qua diximus articulo superiore, sed etiam solius poenæ, non privetur petitione debiti; quia huiusmodi poena est extraordinaria, & supra delicti secundum se considerati gravitatem imposita; ut contra nonnullos docent Sanchez l. 9. d. 32. n. 47., & Dian. p. 3. tr. 15. rel. 12.

Sequitur secundo, non solum excommunicationem, & alias censuras, sed etiam irregularitatem ex delicto probabiliter non incurri ab ignorante invincibiliter huiusmodi poenam, quia ea est poena exorbitans, ut docent Sanchez loc. cit., Coninch., Bonac., Merolla disp. 1. cap. 2. n. 85. contra Filiuc., Reginal., Alvar. Et confirmatur, quia in cap. *Ut Animarum de Constitutionibus* indefinite deciditur, Ignorantes non ligari sententiis Ordinariorum, nisi ignorantia sit crassa, vel supina; Irregularitas autem est sententia, quam supremus omnium loco-

rum Ordinarius imponit: ergo invincibiliter ignorata non incurritur.

IV. Sequitur tertio, quod si quis voveat v. g. non furari, sub poena servandi castitatem, aut ingrediendi in Religionem, & deinde memoret voti, sed immemor huius poenæ furetur; quamvis sacrilegium committat, nihilominus hanc poenam, utpote exorbitantem non incurrat; secus vero si poena voto promissa non esset exorbitans. In dubio tamen, num aliqua poena sit extraordinaria, an ordinaria, quæ ab ignorantibus incurri debeat, ea censenda est ordinaria; quia possessio stat pro lege, & in dubio melior est conditio possidentis.

ARTICULUS V.

Quandonam Ignorantia censeri debeat Invincibilis, etiam si proveniat ab Ignorantis culpa; itaut excuset a poena:

- I. Ignorantia est inculpabilis, quando non est in potestate nostra illam repellere.
- II. Ignorantia, qua finis vincibilis in causa, potest hic, & nunc esse omnino invincibilis, & a culpa excusare.
- III. Quomodo peccant non jejunando Rustici, qui culpabiliter neglexerunt audire Sacrum, in quo Parochi promulgant jejunia illius hebdomadae.
- IV. Unumne, an duplex peccatum committit, qui culpabiliter neglexit inquirere de tali lege, & deinde jejunare omittit?
- V. Num peccet contra Justitiam, qui vacans v. g. venationi illicita aliquem inadvertenter occidit?

I. C Onvenient Doctores in hoc; quod ignorantia invincibilis, & inculpabilis ea sit, ad quam super-

ra-

randam homo facit, quod facere debet, quin possit illam vincere; Quare dicitur v.g. invincibiliter ignorare Myſteria Fidei, qui licet poſſit, non putatamen tamen teneri adire Parochum, a quo inſtituatur.

Sed quamvis hæc doctrina ſit vera, non tamen explicat, quandonam homo teneatur diligentiam adhibere ad vincendam aliquam ignorantiam; unde non explicat, quando Ignorantia ſit invincibilis, quando vincibilis.

Clarius itaque dici poteſt cum Vaſquez 1. 2. diſp. 123. Suar. dec. 4. de cenſur. ſect. 3., Sanch.; Coninc. d. 14. de actibus humanis, tunc ignorantiam alicujus legis, vel inadvertentiam, ſeu oblivionem eſſe invincibilem, quando nulla notitia, dubitatio, aut ſcrupulus de ea venit in mentem, unde poſſit homo excitari ad inquirendam ſcientiam talis legis. Ratio eſt, quia, quoties non occurrit naturaliter menti aliqua notitia, dubitatio, aut ſcrupulus de re aliqua, non eſt in poteſtate noſtra de ea conſultare, amplecti, aut reſpuere; ergo talis ignorantia eſt invincibilis, cum ſit ſupra humanam diligentiam eam expellere.

II. Hinc ſequitur primo contra Navarr. Valen. apud Meroll. d. 1. c. 2. n. 110., quod licet peccet, qui negligit addiſcere ea, quæ ſcire tenetur (v.g. licet Medicus ignorans pharmacum expropto applicandum peccaverit, ſi olim negligens fuerit in ſtudento iis, quæ ad ſuum munus ſpectant) at ſi hic, & nunc non advertat, quod ſcire cæteroqui hic, & nunc teneretur, nunc nullatenus peccet; idque ratione ignorantie invincibilis, quamvis in cauſa ea fuerit vincibilis, & culpabilis.

Neque dicas, Jura ſæpe clamare, quod ignorantia non excuſet, quando quis debuit ſcire; Et quod paria ſint ſcire, & debere ſcire. Nam hæc intelligenda ſunt, ſi adſit hic, & nunc aliqua advertentia, dubium, aut ſcru-

pulus de tali obligatione: Ve Intelligenda ſunt pro ſoro exteriori, in quo non præſumitur ignorantia eorum, quæ quis ſcire tenetur. Et ratio a priori eſt, quia, ut hic, & nunc peccemus, requiritur hic, & nunc libertas ad faciendum, quod præcipitur, & conſequenter advertentia ad præceptum; nec ſatis eſt libertas in cauſa: unde damnata eſt ab Alex. VIII. prima illa propoſitio, dicens: *In ſtatunaiſya lapſa ad peccatum formale, & demeritum ſufficit illa libertas, qua voluntarium, ac liberum fuit in cauſa ſua, peccato originali, ac libertate Adami peccantis.*

III. Sequitur ſecundo, quod Ruſtici non ſervantes jejunia, ac feſta intra hebdomadam occurrentia, non peccent, ſi non advertant ad præceptum, etiamſi culpabiliter non interſuerint die Dominico Miſſæ, in qua Parochus ea ſolet promulgare. Quod ſi die Dominico, quando Miſſæ noluerunt culpabiliter intereſſe, occurrit dubitatio de promulgatione facienda jejunii, aut feſti intra hebdomadam, & culpabiliter neglexerunt ea ſcire, aut alios ea de re interrogare, peccarunt quidem tunc tam contra præceptum audiendi Miſſam, ſi illam ſimpliciter non audierunt, quam peccato interno contra præceptum Jejunii, quod obligat ad inquirendum, quando occurrit aliqua dubitatio de aliquo jejunio præcepto: At ſi deinde non jejunent, non peccant novo peccato, ſi tunc nulla ſuboritur advertentia de tali obligatione. Verum quidem eſt, quod iſta transgreſſio jejunii fuerit indirecæ, & virtualiter volita ab eo, qui neglexit interrogare, imo fuit etiam indirecæ voluntaria, ſi culpabilis omiſſio illius diligentie debitz fuit cauſa, ut hic, & nunc violaretur jejunium; at non proinde iſta jejunii transgreſſio eſt novum peccatum; ſed ſolum ſe habet, ut effectus peccati, qui utrum in Con-

tesione aperiendus sit, examinavimus quaest. 1. art. ult.

IV. Dubitatur hic, Unum ne, an duplex peccatum committatur ab eo, qui culpabiliter neglexit inquirere de aliquo jejunio, si deinde non jejundet? Corduba, Rodr. Alvar. putant, duplex peccatum committi, alterum omissionis diligentiae debitae, quod profecto committitur, etiam si deinde nulum occurrat jejunium in hebdomada, alterum violationis jejunii, si re vera occurrat jejunium praecipuum. Sed dicendum cum Merolla, unum tantum committi peccatum, si revera occurrat jejunium, & violetur; Unde non esset opus in Confessione dicere: Omissi culpabiliter inquirere de jejunio praecipuo, & deinde illud ea de causa violavi; sed satis esset dicere: Violavi Jejunium praecipuum. Ratio est, quia obligatio inquirendi de jejunio non oritur per se ex aliquo speciali praecipuo, sed solum a praecipuo jejunii; quod obligat per accidens ad inquirendum, tamquam ad medium requisitum, ut servetur jejunium: Sic qui proficit lapidem e fenestra, omittens culpabiliter inspicere, ne quis tunc transeat per viam, si forte aliquem occidat, unum tantum peccatum homicidii committit; quia quamvis omissio illius diligentiae sit peccatum internum homicidii (quod certe committeretur, etiam si nullus occideretur) ac quia diligentia illa praecipitur per accidens ab eodem praecipuo non occidendi, idcirco, secuto homicidio, unum tantum peccatum homicidii actu externo completum-commissum est. Sic etiam Sacerdos, qui post mortale sine contritione ministrat Sacramentum, non committit duo peccata, alterum omitendo contritionem, alterum ministrando Sacramentum absque pravâ contritione, sed unum tantum peccatum sacrilegiæ ministratio- nis; quia non obligatur tunc speciali

praecipuo ad contritionem, sed per accidens ab eodem praecipuo, quo tenetur Sancta sancte tractare.

V. Sequitur ultimo, quod dans operam rei illicitae, puta venationi prohibita, si inadvertenter, absque praevisione, aut dubitatione damni forte secuturi aliquem occidat, aut damnet, non peccat contra Iustitiam, nec tenetur ad restitutionem. Ita Valsg. Suar. Sanchez l. 1. c. 16. contra Covarr. in cap. *Alma Mater* parte 1. §. 10., unde D. Augustinus l. 22. contra Faustum (ut refertur causa 15. quaest. 1. cap. *Inebriabuntur*) docet incestum Loth in ebrietate secutum non imputari illi ad culpam, quia nullatenus fuit praevius.

ARTICULUS VI.

An possit dari Ignorantia Invincibilis Dei, & juris naturalis.

- I. *Juris Divini positivi, ac nonnullorum Mysteriorum fidei dari potest non solum ignorantia, sed etiam error invincibilis.*
- II. *Etiam nonnullorum praecipiorum naturalium.*
- III. *Ignorantia isthaec excusat a culpa.*
- IV. *Nequis homo culpa esse obnoxius, & ignorare Deum, saltem sub conceptu Supremi Legislatoris obligantis ad abstinendam a tali operatione quibuscunque Creaturis ad illam invitantibus.*
- V. *Num possit ad longum tempus ignorari Deus sub conceptu Numinis ab omnibus colendi?*
- VI. *Quid dicendum de enervitis in Sylvis?*

I. **O** Stendimus articulo superiore, eorum omnium dari Ignorantiam invincibilem; de quibus potuit nulla incidere ratio cogitandi, aut dubitandi. Difficultas nunc est, An

An possit juris naturalis, & ipsius Dei dari huiusmodi invincibilis ignorantia? Etenim Jus humanum, seu leges humanas posse invincibiliter ignorari non dubitatur: Et quamvis leges humanæ communes omnibus difficilius ignorentur, quam municipales, possunt tamen invincibiliter ignorari, adeo ut Azor. tom. 1. l. 7. c. 7. putet, Pastores aliquando, & alios rusticos usque adeo rudes esse, ut invincibiliter ignorent præceptum, ipsum audiendi Sacrum.

Dico equidem primo. Potest dari invincibilis ignorantia Divini Juris positivi, & mysteriorum Fidei.

Probatur, quia multis Infidelibus nunquam proposita fuit Catholica fides; ergo ignorarunt illam invincibiliter; Unde non damnabuntur ob infidelitatem, sed ob alia mortalia delicta.

Neque dicas, ideo Infideles istos carente Prædicatore, a quo instruantur, quia non servarunt legem naturalem; ergo Ignorantia mysteriorum Fidei est culpabilis, & vincibilis.

Nam contra est, quia cum non prævideant ad transgressionem legis naturalis sequi carentiam illuminationis, & Prædicatoris, non potest ipsis culpa imputari, quod non illuminentur, & non credant; quamvis verum sit, idcirco non illuminari, quia legem naturalem non servant, ut docent Vasquez, Azor., Sanch. loc. cit.: Qui addit posse dari non solum Ignorantiam, sed etiam errorem invincibilem circa Fidem, ut si quis instruat ab hæretico, aut imperito, quem putat veritatis præconem: esto fides erga Mysterium falsum ab hæretico, vel ab imperito propositum non possit esse supernaturalis.

II. Dico secundo. Potest pariter dari invincibilis Ignorantia, etiam aliquo præceptorum naturalium; ut de non accipiendo lucro ex mutuo, de

non ulciscenda propria injuria; Et ex Bonac., & Azor. multi putant, licitum esse mentiri ad cavendum malum proximi; Imo ex Layman, Sanchez, & Diana. par. 3. tr. 4. d. 108. multi, præsertim Pueri, invincibiliter ignorant malitiam Mollitiei. Vasquez (ut habet p. 2. d. 122. cap. 2.) novit Rusticum putantem invincibiliter, pius esse morti proximum in alteram partem versare, ut citius decedat, ne diu patiatur. Quædam prima principia ignorari nequeunt, ut *Quod tibi non vis, alteri ne feceris*; quia sunt maxime obvia; sicut nec quædam Decalogi præcepta, nempe Deum esse colendum; Parentes honorandos: Alia vero Decalogi præcepta possunt invincibiliter ignorari, saltem, ut notat Corduba, & Vasquez loco laudato, si vestiantur aliqua circumstantia, quæ a culpa excusare videatur; ut si quis putet, furtum licere ad succurrendum Pauperi, vel Perjurium ad vitam tuendam.

III. Quod autem Ignorantia Præceptorum naturalium excuset a peccato, si sit Invincibilis, constat, tum quia repelli non potest, unde absque culpa non repellitur; tum etiam ex propositione secunda ab Alexandro VIII. damnata, quæ habet: *Tamest deus ignorantia invincibilis Juris naturæ, hæc in statu naturæ lapsæ non excusat a peccato formali.*

IV. Dico tertio, impossibile est, aliquid honeste, vel inhoneste operantem non cognoscere Deum, saltem sub conceptu confuso Legislatoris, seu obligantis ad hanc, vel illam operationem seu ponendam, seu vitandam; & consequenter impossibilis est ignorantia invincibilis Dei, sub hoc conceptu confuso.

Probatur ex propositione damnata ab Alex. VIII. 24. Augusti 1690. de peccato pure Philosophico, quod scilicet non sit offensa Dei, nec æterna

pœna dignum, quia apprehenditur solum ut contrarium naturæ rationali, & rectæ rationi, absque ullo respectu ad Deum, qui vel ignoratur, vel tunc actu non cogitatur: Ideo enim peccatum hoc pure philosophicum non datur, quia cum a solo Deo obligari possumus ad non peccandum quibuscumque Creaturis aliud suadentibus, idcirco dum homo peccat, cognoscere debet Deum sub conceptu Obligantis, seu Legislatoris; Unde fit, peccatum quodcumque non esse pure philosophicum, sed etiam Theologicum, quia opponitur non solum naturæ rationali, quam considerant Philosophi, sed etiam Deo, qui a Theologis consideratur; ergo Deus ignorari invincibiliter non potest sub aliquo conceptu confuso ab eo, qui peccat. Sed hac de re fufe in expositione thesium ab Alex. VIII. confixarum.

V. Dico ultimo: Deus sub conceptu explicito Numinis ab omnibus colendi non potest invincibiliter ignorari ad longum tempus, præsertim ab eo, qui in communitate vivit. Ita communiter Patres, & Doctores. Ratio est, quia cogitatio Numinis, Cœli, ac Terræ Conditoris est maxime omnibus obvia, ut Cœli ipsi ejus gloriam enarrent. Potest tamen aliquis in sylvis educatus, aut in familia Atheistarum per aliquod tempus ignorantiam Numinis invincibilem habere, cum Numinis noticia non habeatur ex ipsis terminis; Nemo tamen potest in præsentis providentia tota vita hanc Numinis Ignorantiam habere absque ulla culpa, saltem mediata, & in causa. Ratio est, quia in præsentis providentia necessaria est necessitate medii cognitio Dei explicita, etiam ut Remuneratoris; quod constat ex propositione 22. damnata ab Innoc. XI.; ergo cum Deus in præsentis providentia nulli denegat auxilia necessaria ad salutem, idcirco est impossibile, dari

ignorantiam Dei inculpabilem saltem inculpabilitate remota in causa; ut proinde peccans contra dictamen rationis privetur in pœnam cognitione hac Numinis ad salutem necessaria.

VI. Hinc fit primo, quod si quis in Sylvis nutritus legem naturalem semper servasset, & Numinis ignorantiam invincibiliter haberet, teneretur Deus illi ante mortem Prædicatorem mittere, ut notat D. Th., ne cum ea ignorantia decedat, & absque propria culpa damnetur.

Fit secundo, quod si vera est sententia Bonac. & Sanch. (contra communioem) putantium fidem explicitam Trinitatis, & Incarnationis esse necessariam ad salutem, etiam necessitate medii post Euangelii promulgationem, neque poterit dari tota vita ignorantia invincibilis horum mysteriorum, absque culpa saltem mediata, & in causa; secus vero, si Fides explicita horum mysteriorum sit solum necessaria necessitate præcepti, ut doceat communis, prout habetur in expositione thesis sexagesimæ quintæ ab Innocentio XI. profigata; ubi dicitur: *Sufficit illa mysteria semel credidisse.*

ARTICULUS VII.

Utrum Ignorantia Vincibilis semper peccatum minuat præsertim in Transgressione legum Humanarum.

- I. Etiam crassa, & Supina Ignorantia alicujus legis minuit peccatum adversus talem legem.
- II. Non tamen affectata.
- III. Potest Ignorantia vincibilis ita minuire aliquando culpam, ut excuset a mortali, & a censuris, ac penis per legem impositis.
- IV. Ignorantia, qua est graviter culpabilis relate ad transgressionem legum humanarum.

naturalium, potest aliquando esse solum venialiter culpabilis, relate ad leges humanas.

V. Quare lex humana non obligat cum eo rigore, quo lex divina?

I. Regulariter omnis Ignorantia vincibilis alicujus legis, vel obligationis est etiam culpabilis; si enim eam vincere, ac depellere possumus, tenemur. Dubitatur solum, an ea semper peccatum minuat in legum ignoratarum transgressione?

Dico primo: Ignorantia etiam crassa, & supina alicujus legis minuit culpam, quæ in talis legis transgressione committitur. Ita D. Th. 1. 2. q. 76. art. 4., quem communiter sequuntur. Ratio est, quia ignorantia minuit voluntarium ex dictis; ergo minuit peccatum, quod quia tale est, voluntarium est.

II. Dico secundo: Ignorantia affectata, qua quis vult legem ignorare, ut liberius, & sine remiorum operetur, quamvis reddat peccatum contra legem illam secundum se levius, utpote minus voluntarium, at relate ad hunc animum internum peccandi liberius, culpa fit gravior; unde talis ignorantia non minuit, sed auget peccatum. Ita D. Th. loc. cit. Becan. Navarr. contra Valen., & alios, apud Meroll. n. 154., putantes etiam affectatam ignorantiam minuire peccatum, quia reddit illud indirecte solum, & in causa voluntarium, non directe & in se: Quod certe verum est, si spectetur peccatum sine relatione ad animum illum peccandi liberius, ut diximus.

III. Dico tertio: Ignorantia vincibilis potest aliquando ita culpam minuire, ut excuset a mortali, & consequenter a censuris, & aliis poenis gravibus per legem impositis. Ita Sanchez. l. 1. c. 17. Suar., Avila 2. parte cap. 5. disp. 5.

Probatur: Quando quis non adhi-

bet diligentiam illam, quam adhibere tenetur ad ignorantiam legis superandam, sed committit levem aliquam negligentiam, tunc certe excusabitur a mortali. propter parvitatem in negligentia, & quia ratio voluntarii indirecte est satis diminuta. Quare si quis putans vincibiliter ob omissionem levis diligentiae occidere feram, occidat hominem, non est reus graviter homicidii secuti; unde nec ad restitutionem tenetur, nec irregularitatem, aut censuram incurrit.

IV. Difficultas præcipua hac in re est, Utrum ignorantia graviter vincibilis, hoc est proveniens ex gravi negligentia, excuset a mortali transgressionem legum humanarum?

Negant Suar. tom. 3. in 3. par. d. 82., sect. 3., Palaus tract. 2. disp. 1., puncto 16., & alii apud Fran. Lugo p. 2. quest. 8. Probant autem, quia, si quis, v. gr. cum ignorantia mortaliter culpabili occidat hominem putatum feram, eo ipso habet voluntarium sufficiens ad mortale; ergo eo ipso peccatum homicidii committit, penasque annexas incurrit: Idemque docent, si ex Ignorantia culpabili violatur præceptum humanum, puta Jejunii. Confirmant, quia ignorantia culpabilis opponitur eidem præcepto, cui opponitur peccatum ex ignorantia commissum; ut in casu adducto præceptum naturale, quod obligat ad non occidendum, obligat etiam ad tollendam Ignorantiam vincibilem, vicujus posset sequi homicidium: ergo quoties hæc est gravis, graviter violatur præceptum sive naturale, sive humanum.

V. Sanchez vero loco laudato, S2, Val., Cajet. Vasquez in 1. 2. d. 148. n. 61. censent, ignorantiam vincibilem gravem excusare a gravi culpa transgressore legum humanarum, dummodo ignorantia non sit crassa, vel supina, & operans sit dispositus ad non

non violandum præceptum, si innotesceret. Ratio est, quia lex humana non obligat cum tanto rigore, sicut lex naturalis: Quod ex eo patet, quia quæ excusant a violatione legis humanæ (ut metus mortis) v. gr. non excusant a violatione legis naturalis; idque ex suavi Legislatoris humani intentione, quæ non cogit cum nimio rigore, nec tantam exigit diligentiam ad legem prænoscentiam.

Et ratio, cur lex humana non obliget cum eo rigore, sicut lex Divina, est, quia non confert auxilia ad legis observantiam Legislator humanus, sicut confert Deus; ut proinde facilius sit, legem Divinam, etiamsi rigidam servare, quam legem humanam minus rigidam, quatenus humana est; quamvis quatenus Deus reflexe nos obligat ad illam servandam, non desit suis auxiliis supernis nostras vires confortare.

Equidem cenſeo, ſententiam hanc in hoc ſolum ſenſu eſſe veram, quod ſcilicet ea ignorantia vincibilis, quæ in Tranſgreſſione legum naturalium eſſet mortaliter culpabilis, in tranſgreſſione legum humanarum ſit tantum venialiter culpabilis, ſi non ſit craſſa, vel ſupina. Quod probat ratio adducta: Sicuti quando dicitur, quod ſi in aliquo contractum, puta Depoſiti, Commodati, Pignoris ſequatur aliquod damnum ob negligentiam contrahentis, teneatur hic ad reſtitutionem, docent communiter, quod ad reſtitutionem teneatur ex leviſſima culpa juridica, ſi contractus ſit in ſui favorem, ut eſt contractus commodati; teneatur vero ex culpa levi, ſi contractus ſit in favorem utriuſque contrahentis, ut eſt contractus Pignoris; teneatur tamen ſolum de culpa lata, ſi contractus ſit in favorem alterius, ut eſt Depoſitum. Et ſenſus eſt, quod negligentia juridica, quæ non eſt culpa mortalis, & gravis Theologicæ obligans ad reſtitu-

tionem in contractu Depoſiti, vel Pignoris, ſit culpa mortalis in contractu Commodati, qui eſt in bonum proprium contrahentis. Hinc inferunt Leſſ. l. 4. c. 2. n. 34., Henric. l. 9. c. 25. n. 10., & Azor., ſæpe a mortali excuſari tranſgredientes præcepta Eccleſiæ, puta jejunii, vel audiendi ſacrum, ſi ſcilicet bona fide reputent dari ſufficientem excuſationem, quamvis ea revera non ſit ſufficientis; adeo ut iſta bona fides, & ignorantia, quæ reſpectu juris naturalis ſufficeret ad mortale, reſpectu Juris humani non ſufficiat.

Ad argumentum itaque prioris ſententiæ reſpondetur, poſſe haberi ſufficientem voluuntarium ad conſtituendam violationem præcepti naturalis mortalem, quæ reſpectu præcepti humani non ſit voluntarium ſufficientem, niſi ad conſtituendam violationem illius venialiter culpabilem, ratione negligentiae, quæ relate ad leges naturales eſt gravis, relate ad humanas eſt levis.

Ad confirmationem, conſeſſo antecedente, & prima conſequentia negatur ſecunda, quia poteſt Ignorantia vincibilis eſſe gravis, & mortaliter culpabilis relate ad leges naturales, quæ tamen non eſſet niſi venialis relate ad humanas.

ARTICULUS VIII.

Utrum Legis Ignorantia mortaliter vincibilis excuſare poſſit a peccato, quamvis non excuſet a gravi culpa?

- I. Ignorantia mortaliter culpabilis, quæ non pertinet ad craſſam, excuſat a peccato Tranſgreſſoribus impoſita, ſive ea ſit cenſura Episcopalis, ſive Pontificia, ſive irregularitas &c.
- II. Excusatur etiam ignorantia craſſa, ſi peccata imponatur facientibus ſciometer, aut temere præſumentibus.

III. Et

III. *Et probabiliter etiam affectata, quippe qua solum æquiparatur scientia pro foro exteriori, quando scientia præsumitur.*

IV. *Num legens hæreticorum libros ex ignorantia affectata incurrat excommunicationem Bullæ Cænæ latam contra Legentes scienter?*

V. *Num excommunicatio lata contra Percussores Clericorum incurritur, si adsit ignorantia crassa sive Juris, sive facti?*

I. **N**egant id fieri posse, Suar. d. 4. de censur., sect. 4 n. 10., & Villalobos, putantes non dari ignorantiam mortaliter culpabilem, quæ non sit saltem crassa, vel supina; hæc autem Ignorantia legis sicut non excusat a gravi culpa, ita nec a pœna per legem imposita, prout deciditur in cap. *Ut Animarum*, *De Constitutionibus*, ubi dicuntur sententiis ordinariorum non ligari Ignorantes, nisi eorum Ignorantia sit crassa, vel supina: Sed Sotus, Grass., & alii admittentes possibilem ignorantiam mortaliter culpabilem, quæ non pertingat ad crassam, docent, huiusmodi Ignorantiam excusare solum a censuris Episcopalibus, non vero a Pontificiis, ac latis a Jure communi, quia in Capite laudato dicuntur ignorantem excusari a sententiis ordinariorum; ergo solum ab Episcopalibus.

Dico equidem primo cum Sanch., Bonac. Dia. par. 3. tract. 5. ref. 135.: Ignorantia legis, etiamsi sit mortaliter culpabilis (permisso quod ea dari possit in legibus etiam humanis, de quo diximus articulo superiore) si non pertingat ad crassam, excusat a pœna Transgressoribus imposita, sive ea sit censura Episcopalis, sive Pontificia, sive Irregularitas, aut alia similis.

Probatur, quia in cit. cap. dicuntur excusari Ignorantes a sententiis Ordinariorum, nomine autem sententiæ

veniunt omnes pœnæ enumeratæ, & nomine Ordinariorum venit etiam Pontifex, qui Ordinarius est Ordinariorum: Constatque ex ratione ibi adducta, videlicet, ut occurratur periculis animarum, quæ pariter militat pro pœnis pontificiis, præsertim quia facilius illæ ignorantur, cum minus publicentur.

II. Dico secundo cum Sanch., Molin., Avila apud Dia. loc. cit., pœnam per legem impositam non incurri ab ignorantibus legem, etiamsi ignorantia sit crassa, & supina, quando pœna imponitur facientibus scienter, aut temere præsumentibus, &c.

Probatur, quia per hæc verba significatur excludi culpabiliter ignorantem, dummodo ea ignorantia non sit ingens temeritas, quæ dolo æquiparetur.

III. Dubitatur, An in hoc casu excuset Ignorantia affectata? Negant Suar., Laym., Henr., Sanch. l. 9. d. 32. n. 40., & l. 7. d. 48., quia ex Capite *Eos, qui De temporibus ordinationum* in 6. Ignorantia affectata æquiparatur scientiæ, & ex D. Thoma l. 2. q. 76. a. 4. auget, non minuit peccatum.

Sed verius affirmant Bonac., Filiuc., & idem Sanch., veluti palinodiam canens in Summa l. 2. cap. 10. n. 38., quia ignorans affectate revera non delinquit scienter. Tunc æquiparatur scientiæ ignorantia affectata, quando scientia præsumitur, idque solum habetur pro foro exteriori. Propterea peccatum ex ignorantia affectata procedens est gravius, quam peccatum scienter commissum per relationem ad peccatum internum, quo quis vult ignorare, ut liberius legem violet; secundum se tamen peccatum hoc est minus grave, utpote minus voluntarium, quia est tantum voluntarium indirecte, & in sua causa, videlicet in ipsa ignorantia. Præterquamquod, ut notat Franc. Lugo p. 2. qu.

1. qu. 9. Ignorantia affectata potest minuire peccatum, si scilicet quis ob bonum finem velit legem ignorare, puta ut non ita præceptum violandum contemnat, nec ita directe legi repugnet.

IV. Hinc infertur, quod legens v. g. libros hæreticorum hæresim continentes, vel de Religione tractantes ex ignorantia affectata non contrahat excommunicationem Bullæ Cœnæ; quia ea fertur contra scienter legentes. Negat hanc illationem Merolla n. 252., quia quamvis in odiosis ignorantia affectata non æquiparetur scientiæ quoad penas incurrendas, æquiparatur tamen in favorabilibus; lex autem prohibens lætionem librorum hæreticorum, probabilis est quod sit favorabilis, quia principaliter lata est in favorem Fidei, & Animarum, ut docet Suar. de Fide d. 20. sect. 2. n. 10. Sed contra est, quia si doctrina hæc subsisteret, nulla lex esset pœnalis, & stricte interpretanda; quia sic omnis lex, in pote principaliter lata in bonum publicum, & animarum, esset favorabilis.

V. Dubium denique est de excommunicatione lata in Canone, *Si quis suadente* contra Percussorem Clerici, an incurrat ab ignorante illam ignorantia crassa? Negant incurri Rodriq., Sylvest., Alvar. apud Meroll. n. 241., quia Canon videtur requirere scientiam, ac dolum, cum dicat, *suadente Diabolo*. Sed probabilius dicendum cum Suarez, Vasquez, Molina, Sanchez lib. 9. d. 32. num. 41., eam incurri, si crasse ignoretur; quia ea verba non videntur importare dolum, ac requirere scientiam, sed solum significant excommunicationem incurri, quando percussio non est licita; non vero si fiat ad correctionem, aut si non sit mortalis.

ARTICULUS ULTIMUS.

Utrum Peccata ex Ignorantia Vincibili commissa sint ejusdem speciei moralis cum peccatis scienter admissis?

- I. *Probabilis ejusdem speciei sunt peccata scienter commissa, & peccata commissa cum ignorantia graviter culpabili; quamvis illa directe sint volita, hæc vero indirecte, & in causa.*
- II. *Quod verum est etiam de peccatis, quæ in sola voluntate consummantur.*
- III. *Quomodo peccata isthac clavibus subiicienda?*
- IV. *Quandonam ignorantia vincibilis est speciale peccatum in Confessione aperiendum?*
- V. *Non solum est speciale peccatum ignorantia vincibilis, si sit directe volita, sed etiam quando ex speciali præcepto tenemur eam removere, ut est ignorantia Mysteriorum Fidei.*

I. **V**ariant in hoc Doctores: Med. & Adrian. putant univèrsim specie differre, atque adeo hanc circumstantiam in Confessione esse exprimendam, quia videtur diversa ratio malitiæ, & magis a recta ratione abhorrens transgredi præceptum scienter, quam per ignorantiam culpabilem: Cajet. 1. 2. q. 76. a. 4. putat, specificam hanc diversitatem reperiri solum in peccatis contra jus naturale, non vero in peccatis contra Jus positivum. Azor. & Vafq. in 1. 2. d. 101. cap. 5. specificam hanc diversitatem agnoscunt in peccatis, quæ in sola voluntate consummantur, ut sunt odium Dei, vel Proximi, inobedientia &c., non vero in iis, quæ consummantur opere externo, aut per actus alterius

potentiæ a voluntate; quia scilicet malitia peccatorum, quæ interius consummantur, consistit in speciali intentione odio habendi Deum, non obediendi, &c. quæ malitia in iisdem peccatis per ignorantiam vincibilem commissis non videtur reperiri; & ideo in his dumtaxat peccatis videtur dari ea specifica diversitas. Demum alii cum Curiele, & Maldero putant, Ignorantiam legum vincibilem esse speciale peccatum, quod ante legis transgressionem committitur.

Sed communis Doctorum sententia fert, peccata quæcumque esse ejusdem speciei, sive scienter, sive per ignorantiam vincibilem committantur, ut videre est apud Suar., Sanch., Bouac., Conink., Dia. p. 3. tr. 4. ref. 141. Ratio est, quia in hoc tantum differt homicidium v. g. scienter commissum ab homicidio patrato ex Ignorantia vincibili, quod illud sit volitum directe, & in se, hoc vero indirecte, & in ea ignorantia, tanquam in causa; sed hoc non facit diversam speciem malitiam actus; cum velle directe, vel indirecte spectet tantum ad modum, quo idem obiectum pravam voluntas prosequitur; ergo ejusdem speciei sunt peccata, quæ sunt directe, & quæ sunt indirecte voluntaria, seu commissa scienter, & ex ignorantia vincibili.

II. Nec est ratio, quare non idem debeat dici de peccato, quod interius consummatur, ut est odium Dei; cum specialis illa intentio odio habendi Deum æque habeatur per ignorantiam culpabilem, non secus ac in peccatis, quæ opere externo consummantur, puta in fornicatione, malitia oppolita virtuti castitatis æque habetur in fornicatione habita per ignorantiam vincibilem. Idemque etiam dicas tam de peccatis contra jus naturale, quam de peccatis contra jus positivum.

III. Hinc sequitur in Confessione non debere universim explicari, ut

notant Sæ, Coninch., Bouac., num peccatum commissum fuerit scienter; an ex ignorantia vincibili, dummodo ignorantia non fuerit leviter vincibilis, quæ reddat peccatum de mortali veniale, aut nisi censura aliqua sit annexa contra scienter perpetrantes aliquam culpam (tunc enim ignorantia vincibilis excusare posset a tali censura incurrenda, ut notat Sanch. lib. 1. cap. 17. n. 23.) aut demum iusti peccatum sit hæresis: hæc enim probabilius ex Suar., Valsq., Sanch. l. 2. c. 7. n. 20. contra Sayruni, Tol., Lop. requirit scientiam, quod propria opusio sit contraria doctrinæ Catholicæ; aliter non haberetur pertinacia, quæ est constitutiva peccati hæresis.

IV. In eo tantum casu puto cum Alvar., & Merol. n. 699., veram esse sententiam Malderi, & Curiel. supra relatam, quod ignorantia vincibilis sit speciale peccatum, quando scilicet ea est directe volita, quia tunc est contra specialem virtutem studiositatis, ut docet Filliuc. tr. 21. c. 10. n. 365. Sicuti quamvis in qualibet transgressione præcepti reperiat inobedientia; at si quis directe velit inobedientiam, seu si quis transgrediatur præceptum ex hac intentione directa, quod nolit obedire, & velit præceptum contemnere, committit speciale peccatum contra virtutem specialem Obedientiæ in Confessione exprimendum, ut notat D. Thom. 2. 2. qu. 104. art. 2. Quando vero ignorantia non est directe volita, sed est tollenda ad removendum impedimentum ad executionem præcepti, tunc ex eodem præcepto, quo obligamur ad opus, obligamur ad removendum hoc impedimentum; unde cum eidem præcepto opponatur, non est speciale peccatum; E. g. præceptum Jejunii, quod obligat ad jejunandum, obligat etiam ad inquirendum quo die teneamur jejunare: unde si quis vincibiliter hoc ignoraret,

ret, & ex hac ignorantia comederet carnes, unum peccatum committeret contra temperantiam, quod sufficienter in Confessione explicatur, dicendo: Violavi jejunium præceptum.

Verum quidem est, quod si post ignorantiam vincibilem, qua quis exposuit se periculo comedendi carnes illas, non comedat, debet solum ignorantiam istam vincibilem in Confessione explicare, quia illa de se est grave peccatum, ut notat Sanch. & Dia. p. 3. tr. 4. ref. 165. At si deinde carnes comedat, non parat novum peccatum, sed solum opere externo in Confessione aperiendo complet illud prius peccatum internum, juxta dicta art. 4.; cum enim in illa carniū comestione non sit nova libertas, & nova ratio voluntarii adversus præceptum ex defectu cognitionis, non potest haberi novum peccatum.

V. Denique est speciale peccatum ignorantia vincibilis, quando quis negligit addiscere, quæ scire tenetur; puta mysteria Fidei; in hoc enim casu ista scientia est opus præceptum; unde in hoc casu recurrit doctrina u-

niversalis jam tradita, quod scilicet tam peccat contra obligationem addiscendi articulos Fidei, qui advertenter non vult eas addiscere, quam qui ex ignorantia culpabili hujus obligationis eas non addicit. Communiter enim Doctores docent cum Vasq., Filliuc., Sanch. l. 1. c. 17. n. 2. contra Meroll., Scientiam Mysteriorum Fidei præcipi non solum per accidens, videlicet ne quid contra Fidem asseramus (eo modo, quo præcipitur per accidens notitia de diebus esurialibus, ne tunc carnes comedamus) sed etiam per se, & speciali præcepto: Et ratio discriminis est, quia potest v.g. quis servare jejunia præscripta absque illorum notitia, si quotidie velit jejunare, aut si imponat alteri, ne sibi ministrentur carnes diebus vetitis &c.; at sine notitia Mysteriorum Fidei elici nullatenus possunt tempore debito actus Fidei; & ideo ea notitia per se requiritur. Idemque dicas de scientia omnium illorum præceptorum, quæ per se servari nequeunt absque prævia illorum notitia.

QUÆSTIO IV.

De Vi, Coactione, ac Metu, excusantibus a Legum, & Votorum observantia.

Metus etiam minuit rationem Voluntarii, atque adeo culpam, non secus ac Ignorantia. Ideo explicabimus primo, Quid sit Vis, Coactio, Metus, & Quotuplex? Secundo, Quinam dicatur metus cadens in constantem virum? Tertio, An metus gravis excuset ab observantia legum humanarum? Quarto, An excuset ab observantia legis Divinæ positivæ? Demum, An a lege Divina naturali?

ARTICULUS I.

Quid, & quotuplex sit Metus, Vis, & Coactio?

- I. Vis, seu Coactio absoluta reddit actum simpliciter involuntarium, seu coactum, & violentum. Actus tamen elicited voluntatis non potest esse simpliciter coactus.
- II. In actibus humanis magis late patet involuntarium, quam coactum: Quod enim per ignorantiam fit, est quidem involuntarium, sed non coactum; ut nec motus primo primi.
- III. Simpliciter tamen magis late patet coactum (quippe quod etiam brutis competit) quam involuntarium. Magisque late patet violentum (quod etiam inanimatis rebus competit) quam coactum.
- IV. Definietur Metus, qui cum Vi, & Coactione conditionata confunditur.
- V. Qua sunt ex metu, sunt simpliciter voluntaria positive; aliquando tamen sunt positive involuntaria secundum quid, ut est propositio mercium; aliquando solum negative, ut est actus attritionis.
- VI. Transgressio legum meticulosa, nunc potest simpliciter voluntaria, non vacat culpa gravi, nisi quando ratione motus obligatio materia variatur.
- VII. Consensus meticulosus sufficit naturali iure ad contractum, dummodo non desit titulus legitimus.
- VIII. Probabilis valida est iure naturali donatio, ac promissio, quamvis sit metu extorta, esto iniuria compensanda sit.
- IX. Metus alius est ab intrinseco, alius ab extrinseco, alius cadens in virum constantem, alius in inconstantem.

I. Vis, seu coactio, quæ reddit actum violentum, seu coactum, duplex est, Altera propria, absoluta, & simpliciter talis, quæ reddit actum simpliciter, & absolute violentum, & coactum: Altera impropria, conditionalis, & secundum quid, quæ reddit actum secundum quid involuntarium, seu violentum, & coactum: & hæc confunditur cum metu, ratione cuius aut non fieret actus, aut non ita prompte, si metus abesset.

Vis absoluta reddens actum coactum simpliciter, & involuntarium, leg. 2. De eo, quod meus causa dicitur esse Maioris rei impetus, qui repelli non potest; unde ab Aristotele 3. Ethic. 2. definitur violentum: Quod fit ab extrinseco, nullam vim conferente passo; hoc est, ut explicant Philosophi, passo contrahente. Hinc dicitur vim pati v. g. & violenter operari, qui reluctanter ad Idoli Tempia pertrahitur. Quia tamen actus internus voluntatis, cum sit vitalis, atque adeo dimanans essentialiter ab intrinseco principio, non potest ab extrinseco procedere, ut communissime docent cum Philosopho 3. Ethicor. 1.; ideo actus elicited voluntatis nunquam potest esse simpliciter coactus, & violentus; immo nequit voluntas ab illo agente creato necessitari, ut notat Palaeus tom. 1. tract. 2. d. 1. pun. 4., nec potest ullatenus ad peccandum cogi.

II. Ubi vides, In actibus humanis Involuntarium magis late patere, quam Coactum; etenim ad coactum duo requiruntur: & quod motus proveniat ab extrinseco, & quod sit adversus naturalem appetitus inclinationem; Ad involuntarium vero satis est, quod sit contra inclinationem appetitus; etiam si procedat ab intrinseco; unde quod per ignorantiam fit dicitur involuntarium, non coactum; sicut etiam motus

tus

tus primo primi, qui in membris suboriuntur, reluctante voluntate.

III. Caterum simpliciter magis late patet Coactum, quam Involuntarium; nam hoc proprie convenit agentibus per voluntatem; Coactum vero, sicut & invitum convenit etiam brutis. Et eodem modo magis late patet Violentum, quam Coactum; nam coactum solis animantibus convenit; violentum vero etiam rebus inanimatis; Motus enim sursum lapidis dicitur violentus, non coactus; at animalia, & homo ipse possunt pati tum violentiam, tum coactionem, non quidem secundum actus voluntatis elictos, ut diximus, sed secundum actus imperatos exteriorum membrorum, quæ ab extrinseco moveri possunt; Quare dum quis ad carcerem detruditur, violentiam simul pati dicitur, & coactionem.

IV. Metus autem (qui confunditur cum vi, & coactione impropria conditionali, & secundum quid) definitur leg. i. ff. *De eo, quod metus causa* a Vulpiano esse *Instantis periculi, vel futuri causa mentis trepidatio*. Dicitur Trepidatio mentis, quia provenit ex Imaginatione periculi imminentis, aut futuri. Et sane quædam a nobis fiunt cum metu, seu metu concomitante, ut quando Martyres vincendo metum fidem profitentur; quædam vero fiunt ex metu, quia metus cogit, seu inducit voluntatem ad operandum: De hoc autem metu nobis agendum. Porro quæ fiunt ex metu dicuntur esse mixta ex voluntario, & involuntario, sed voluntaria simpliciter, & involuntaria secundum quid, ut notat Divus Thomas q. 6. a. 4., quatenus voluntate efficaci sunt volita, & solum inefficaciter noita, seu cum simplici quadam displicentia, ratione cujus voluntas possit dicere: Nolle v.g. projectionem mercium, nisi naufragi periculum ad id cogeret.

V. Ubi notandum, vi metus non poni necessario, sed solum posse poni huiusmodi actum conditionalem, *Nollem*, aut simplicem displicentiam; nam qui metu gehennæ non peccat, non tenetur dicere, Nolle abstinere a peccato, nisi gehennæ metus urgeret, ut docent Catholici contra Luther. ex Trid. Sess. xiv. cap. iv. & can. v.; unde quæ fiunt ex metu sunt solum negative, non positive involuntaria secundum quid, & simpliciter voluntaria positive: Solum quæ fiunt ex metu cum contranitentia, ut est projectio mercium, sunt positive secundum quid involuntaria; quæ vero fiunt ex metu, cum inclinatione potius naturæ, quam cum contranitentia, ut est dolor de peccatis, sunt negative involuntaria, & secundum quid, hoc est non omnimode, & perfecte voluntaria; & ideo qui dolet de peccatis ex metu gehennæ non dicit implicite, & positive: Nolle dolere, si abesset gehenna, quamvis id posset dicere ex eo, quod voluntarietas non est omnimoda, & perfecta.

VI. Ex quibus sequitur primo, non vacare culpa mortali transgressionem legum, etiamsi metu v.g. mortis ponantur; cum sint simpliciter voluntariæ, dummodo tamen cætera ex parte materiæ non desint; siquidem aliquando propter metum incussum solet obligatio materiæ variari: Sicut sæpe variatur in lege positiva, quæ regulariter non obligat concurrente metu gravi, & aliquando nec lex naturalis; non enim cum periculo mortis teneor subvenire proximo in necessitate constituto; aut negare domino enssem depositum, quando vult eo abuti ad occidendum innocentem.

VII. Sequitur II. Consensum meticulousum naturali jure sufficere ad contractus perficiendos, cum sit simpliciter voluntarius; dummodo tamen præter consensum ad contractus requi-

situm

fiunt detur titulus legitimus; nam quæ dantur v. g. Usurario non possunt ab eo retineri, non quia in Mutuario deest liber consensus ad dandum, sed quia deest titulus legitimus, quo dominium transferri possit; Non enim datur titulus liberalis donationis, ut constet, quia ea non dantur liberaliter, sed in pretium mutui; neque titulus alterius contractus onerosi, ut ostenditur cum de usuris.

VIII. Utrum autem donatio, vel promissio metu extorta jure naturæ obliget, ut obligant alii contractus? dissidium est apud Doctores. Negant Azor., Mol., Vafq. 1. 2. d. 27. cap. 3. n. 19., quia hi actus videntur natura sua postulare, quod liberaliter fiant, atque adeo non coacte. Sanch. tamen l. 4. d. 14., & Less. c. 17. verius docent, naturali jure esse validam donationem, & promissionem metu extortam, non secus ac venditionem, aliosque onerosos contractus; cum eadem libertas videatur sufficere universum ad quemcumque contractum.

Ex hoc autem quod donatio debeat esse liberalis sequitur solum, quod nihil ob eam possit in compensationem accipi, non vero quod debeat esse omnino libera, absque mixtione involuntarii; unde invalida sit jure naturæ, si metu extorqueatur. Verum quidem est, restituenda esse, quæ donatione metu injusto extorta accipiuntur, idque quia per injuriam accepta sunt, non quia donatio fuit invalida: Sicut etiam qui metu induxit aliquem ad vendendum equum, tenetur in conscientia ad arbitrium vendentis contractum rescindere, quamvis venditio fuerit valida. Si tamen metu iuste incusso aliquid accipiat, non datur onus restituendi, cum desit injuria, & injustitia: Unde fit, quod si deprehensus, v. g. in adulterio, aliquid donat marito, ne occidatur, illud restituendum sit, quia hujusmodi metus injuste in-

cutitur, cum non possit maritus occidere uxorem in adulterio deprehensam, quamvis leges civiles illum non puniant, quia præsumunt occisionem hanc fieri citra libertatem ex vehementia passionis: contra vero non debet restitui, quod forte ab uxore adultera donetur marito, ne illam accuset apud Judicem; cum hic metus iuste incutiat, eo quod licite possit illam accusare.

IX. Circa divisionem metus, dividitur I. Nam alius provenire dicitur ab intrinseco, ut si quis capite plectendus ob sua delicta ad mortem vitandam promittat ducere in uxorem filiam judicis, vel promittat huic pecuniam; Sicuti etiam si proveniat ex causis naturalibus; ut si quis metu naufragii vocet ingressum in Religionem. Alius provenire dicitur ab extrinseco, quando scilicet ab extrinseca persona directe incutitur ad consensum extorquendum, sive incutiat iuste, sive injuste.

Dividitur II., quatenus alius dicitur cadere in virum constantem, alius in inconstantem. Ille appellari solet metus iustus, probabilis, & gravis, quia non repugnat constantiæ, ac fortitudini, sed iuste, ac probabiliter, seu rationabiliter eo terretur vir constans, ac fortis. Hic vero dicitur metus injustus, improbabilis, & levis, quia constantiæ, ac fortitudini repugnat, & inconstantis hominis est, vani, ac levis illo terri, ut notat D. Th. in 4. dist. 29.

Dux autem præcipuæ conditiones requiruntur, ut metus cadere possit in constantem virum, ut notat Sanch. l. 4. d. 1. Altera est, quod malum imminens sit grave, ex leg. 1. ff. de eo quod metus causa; in dubio autem, num malum sit grave, an leve? censendum esse leve ex Farinac. 2. p. fragmentorum, v. Metus, quia scilicet in dubio standum pro valore actus, qui

D

est

est in possessione. Altera conditio est, quod timens non vane, ac leviter, sed probabiliter, ac rationabiliter credat malum illud sibi imminere; cum hoc sit proprium viri constantis, prout opponitur inconstanti, ac levi, ex D. Thoma loco laudato. Sed quoad hæc nonnullæ difficultates emergunt enodandæ, quod sequentibus conclusionibus præstabimus.

ARTICULUS II.

Enodantur plurimæ difficultates quoad metum cadentem in constantem virum.

- I. *Metus cadens in constantem virum debet esse gravis respective.*
- II. *Malum, quod timeri debet, satis est, si timeatur in consanguineis, vel affinibus, aut alio arctissima amicitia conjuncto.*
- III. *Malum grave non est mors dumtaxat, sed etiam infamia, & amissio rei valde notabilis, necnon gravis pœna, ut excommunicatio, carcer diuturnus, servitius.*
- IV. *Quandonam metus reverentialis dicatur cadere in constantem virum?*
- V. *Quandonam sponsalia celebrata a patre pro filia presente, & tacente sunt invalida?*
- VI. *Num preces importuna superioris de se metum gravem incutiant?*

I. **D**ico I. Metus, ut sit cadens in virum constantem, debet esse gravis, non absolute, sed respective; quandoquidem idem metus potest esse gravis respectu unius infirmioris, non vero respectu alterius robustioris. Ita communiter cum Sanch. l. 4. d. 3. Unde inferitur, minorem metum requiri in femina, quam in viro; quia ea facilius terretur: Minor autem metus habetur vel ex minori

probabilitate ejusdem mali, vel ex minori malo, etiam si sub eadem probabilitate.

II. Dico II. Malum grave, quod timeri debet, non semper debet in propria persona timeri immediate, satis enim est, ut timeatur in persona consanguineorum, ut colligitur ex cap. *Sciant cuncti de electione in sexto*, quia natura ipsa amore conciliat consanguineos, ita ut malum illorum reputetur proprium. Idemque dicitur de affinibus; cum sint consanguinei alterius ex conjugibus, qui sunt duo in carne una. Idem etiam dicitur, si malum imminet alicui arctissima amicitia conjuncto, quia ex Philosopho, Amicus est alter Ego, & Horatius Amicum vocat, Animæ dimidium suæ. Idem etiam aliqui putant apud Meroll. n. 31. si malum imminet domesticis. Sed immerito; nisi forte gravis injuria inde domino resultaret. Malum autem imminens consanguineis, vel affinibus, ut reputetur proprium, debet consanguinitas, vel affinitas non extendi ultra quartum gradum, ex Sanch.; nam usque ad hunc gradum dirimitur matrimonium, & censetur affectio naturalis durare; Potest tamen per accidens damnum reputari proprium aliquando, etiam si imminet consanguineis ultra hunc gradum, si forte imminet toti prosapiæ gravis dehonoriatio.

III. Dico tertio: Mala, quæ metum justum, & cadentem in virum constantem causare possunt, non solum est mors, vel mutilatio, sed etiam gravis corporis cruciatus, servitius, carcer diuturnus, amissio honoris &c. Ita Sanch., & alii. Idemque dicas de infamia gravi, ac de amissione majoris partis bonorum, imo etiam amissionis rei magnæ, & notabilis; cum hæc omnia virum constantem jure optimo deterreant. Idem etiam docent aliqui de amissione magni lucri cum Suar.

Suar. l. 6. de leg. c. 7., apud Meroll. disp. 4. c. 8. dub. 2. n. 29. cont. Sanch. l. 4. d. 5. n. 28.; quia talis amissio censetur grave damnum; unde putant aliqui apud Tambur. & Diauam p. 2. tr. 15. r. 34. contra communionem excusari ab auditione Missæ, e. gr. qui illam audiendo magnum lucrum amitteret. Sed non est aperiendum facile huiusmodi ostium avaritiæ; Cum universim non deterreatur eodem modo Vir constans a cessatione lucri, sicut ab enterfione damni. Denique idem dicendum de excommunicatione injusta, quia gravis pœna est hominum consortio privari, ex leg. *Hi, qui vi C. de Apostatis*. Præterquamquod etiam injusta excommunicatio timenda est, II. quæst. 3. c. 1., cum sæpe ad vitandum scandalum sacramentis privet, & infamix notam aliquam inurat.

IV. Dico IV. Metus reverentialis non est cadens in constantem Virum, nisi minx, aut verbera, vel quid simile metui adjungatur. Ita communis cum Sanch. l. 4. disp. 6. n. 7. contra Baldum, Menoch., & alios. Probatur; Metus viri constantis Professionem Religiosam annullat, ut communiter docent cum Suar. tom. 3. de Religione l. 3. c. 4.; sed metus reverentialis Professionem non annullat; ergo hic non est metus Viri constantis. Minor probatur; etenim ita decisum est in Rota Romana apud Farinac. tom. 2. decif. 579., & colligitur ex capite finali, *Qui Clerici, vel juvenes*, ubi dicitur Votum emissum præcepto regio, vel Parentum non esse nullum. Et ratio a priori est, quia huiusmodi metus non terret constantem Virum, nisi minx graves adjungantur.

Neque dicas: Minas graves, etiam secluso metu reverentiali parere metum constantis Viri; ergo e converso metus reverentialis cadit in Virum constantem, etiam minis seclusis. Nulla enim est consequentia; inde enim so-

lum sequitur, quod secluso metu reverentiali graviore debent esse minx, ut constantem deterreant; minus graves vero, si adjungantur metui reverentiali.

V. Hinc colligitur, valida esse Sponsalia, si Pater ea contrahat pro Filia præsentē, & tacente; ut habetur cap. unico de *Dispensatione Impuberum in sexto*: quamvis forte Filia ob reverentiam Paternam consentiat, ac taceat; dummodo tamen Sponsalia non sint admodum præjudicialia, & indigna tali Filia; quia tunc, ut notat Sanch., in foro exteriori non præsumitur consensus, quando Filia ob reverentiam Patris taceret.

VI. Dico ultimo, neque Preces importunæ Principis, ac Superioris de se incuriunt metum gravem cadentem in Virum constantem. Ita etiam communis cum Sanch. d. 7. Henric. lib. 11. c. 9., & aliis contra Baldum, Rebut. Ostensum. Etenim preces istæ non videntur habere tantam vim, ut concutiant animum constantem, nisi tamen fuerint a Superiore consuetudo tyrannice se gerere adversus non sibi acquiescentes. Putat tamen Sanch. contra Suar. & Henric. preces assiduas, & instantissimas, si metui reverentiali superaddantur, constituere metum Viri constantis. Ratio est, quia si utrumque conjungatur, minuitur valde libertas.

ARTICULUS III.

An Metus Gravis excuset a culpa Transgressorem legum Humanarum?

- I. Videtur Lex humana universim obligare etiam cum discrimine vitæ.
- II. Alii docent nunquam cum tali discrimine posse legem hanc obligare.
- III. Sed verius solum per accedens in aliquibus casibus non excusat.

D 2

IV. Eva-

- IV. Evacuantur rationes in oppositum.
 V. Excommunicatus vitandus potest ad mortem declinandam Sacramenta ministrare; non tamen Sacramentum Pœnitentia ex defectu Jurisdictionis.
 VI. Quamvisurgens metus gravis non sit causa iusta simulandi Sacramentum Pœnitentia; est tamen causa sufficiens ad simulandum contrarium matrimoniale.
 VII. An liceat consummare Matrimonium celebratum cum impedimentis impedientibus, puta cum voto simplici Castitatis, ad mortem vitandam.
 VIII. Num contrahat excommunicationem laici contra homicidas, qui metu mortis alium occidit?
 IX. Num possit Carthusianus vesci Carnibus in extrema necessitate?
 X. Metus gravis excusat a transgressione legis humanae, quamvis ea penam capitis imponat.

I. **C**Ajet. 1. 2. q. 92. a. 4. cum Adriano, & Durand. docet, leges humanas obligantes ad mortale, etiam cum periculo mortis, retinere vim obligandi; præsertim si ad Religionis cultum pertineant, puta ne quis communicet cum excommunicato, ne quis sine vestibus sacris celebret &c. Probant primo, quia in cap. *Sacris De his, quæ vi*, decernitur communicationem cum Excommunicato non excusari metu mortis, & redditur ratio his verbis, *Cum pro nullo metu debeat quis peccatum mortale incurrere*. Probant secundo, quia lex humana obligat in conscientia, & reddit rem de se non peccaminosam, graviter peccaminosam, per hoc præcise, quod prohibeatur; atqui pro nullo metu licitum est peccare, ne venialiter quidem; ergo nec transgredi legem humanam. Tertio quia ex cap. *Satius* 31. q. 4. præstat fame perire, quam idolotheitis vesci; Et miles tenetur

cum vitæ discrimine stationem tenere, ac hostem aggredi. Parochus pariter tempore peltis tenetur Sacramenta ministrare; ergo universim parendum humanis legibus, quin metus gravis a culpa excuset.

II. Secunda sententia cum Almaino, & Majore tenet, nunquam posse legem humanam cum vitæ discrimine obligare: Tum quia arduum valde est exponere vitam pro re, quæ nec Jure naturali, nec Divino requiritur ad æternam salutem; Tum etiam quia lege naturali præcipitur conservatio vitæ; ergo lex humana non potest ad vitam contemnuendam obligare.

III. Communiter tamen docent, Metum cadentem in Virum constantem regulariter excusare a legis humanæ transgressione; esto in aliquibus casibus non excuset per accidens; quando scilicet observantia legis humanæ confert ad bonum publicum, aut ad observantiam legis naturalis, vel Divinæ. Ita Vasq. d. 161. cap. 2. Suar. Bonac., & fere omnes. Ratio est, quia Jurisdictio humana vel non potest cum tanto detrimento obligare; vel si potest, ex suavi, qua utitur providentia non vult obligare: Vita certe non subest potestati humanæ, nisi per ordinem ad bonum commune, aut ad obsequium Numinis; & consequenter lex humana non potest cum eo rigore obligare, ut vita contemnatur, quando non expedit ad bonum commune, vel ad obsequium Dei. Esto autem id. posset, Voluntas tamen prudens Legislatoris non præsumitur cum tanto rigore obligare ad nimis dura; præcipue quando magna necessitas non urget. Quod etiam communiter Doctores docent de lege Divina positiva.

Confirmatur; quia ex cap. *Consilium de Observantia Tjernii*; Nemo tenetur jejunare cum detrimento salutis; sicut nec Missam audire cum periculo.

lo gravis nocuementi; Et ex Cap. *Inser De sententia excommunicationis* propter famis necessitatem licitum est cum excommunicato communicare.

Hinc fit, per accideus solum posse aliquando legem humanam obligare cum discrimine vitæ; quando scilicet id expedit ad bonum commune; ut accidit, quando præcipitur Militi, ne discedat a sua Statione, & Parocho, ne tempore pestis recedat a sua Parochia: Sicut etiam quando concurrat cum lege humana ius naturale, aut Divinum; puta si Tyrannus mortem minetur, nisi comedantur carnes die Veneris, idque in contemptum potestatis humanæ, aut Religionis Catholicæ: tunc profecto moriendum potius, quam cooperandum tali contemptui, qui jure naturali prohibetur.

IV. Ad rationes in contrarium pro prima sententia respondetur. Ad primam: in eo capite dicitur, communicatio cum Excommunicato non licere ob metum mortis, quando scilicet talis communicatio cadit in contemptum Ecclesiasticæ censuræ, ut notant Salas, Bonacina, Coninch., si ne vestibus sacris probabiliter licitum est ad vitandam mortem celebrare, quando id non præcipitur in contemptum Religionis, ut docet Vasquez in 1. 2. d. 161. c. 3. Suar. Laym. Salas: Quod si non liceat (ut tenet Cajet.), etiam id erit ob concursum legis naturalis, quæ obligat ad tractandum Sancta sancte, non sancte autem viderentur tractari, si quis siue sacris vestibus celebraret: Ad secundam: involvitur ibi sophisma, inferendo a sensu composito ad divisum: certe quando lex obligat, non licet illam transgredi ad vitam conservandam, sed negamus obligare cum discrimine vitæ. Ad tertiam: fame moriendum potius, quam idolothytis vesci, si adsit scandalum activum, aut species i-

dololatriz; quia tunc concurrat cum lege humana lex naturalis, ut diximus. Denique miles, & Parochus ad ea tenentur propter bonum commune, quod prævalet particulari.

Ad rationes pro secunda sententia respondetur, legem humanam posse ad difficillima obligare, quando id expedit ob causas gravissimas, nunquam vero posse obligare ad mortem sibi consciscendam contra legem naturalem; potest tamen præcipere, quod vitæ discrimen manifestum quis subeat, si id expediat ad bonum publicum, aut ad Dei obsequium.

V. Sequitur ex dictis primo, posse Sacerdotes excommunicatum, vel interdictum, ad vitandam mortem, vel infamiam, præmissa solum contritione, si desit copia Confessarum, celebrare, ac Sacramenta ministrare; cum id tantum jure Ecclesiastico prohibeatur ratione Censuræ. Sacramentum tamen Pœnitentiæ ministrare non potest, si sit excommunicatus vitandus; quia ex defectu Jurisdictionis Sacramentum hoc esset irritum; Necurgens metus gravis est causa iusta simulandi administrationem Sacramenti, ut constat ex propositione 29. damnata ab Innocentio XI. Si tamen esset excommunicatus toleratus, posset illud ministrare petenti, quia post Extravagantem, *Ad vitanda Concilii Constantiensis non privatur Jurisdictione*, unde valide abolveret.

VI. Sequitur secundo, ob metum gravem posse Cajum celebrare Matrimonium cum Berta exterius, etiam si adesset impedimentum dirimens: quavis non possit ob metum mortis hujusmodi matrimonium consummare. Ita Vasq., Becan., Suar. l. 3. de leg. c. 30. Probatque prima pars illationis; quia impedimentum dirimens non obligat ad abstinendum a contrahendo matrimonio exterius posito tali metu, simulando talem contra-

D 3 tum,

etum, ac vitando mendacium, siue adhibita æquivocatione, ut notat Sanch. l. 4. d. 16., siue adhibita locutione materiali. Neque dicas, illicitum esse simulare Sacramentum Pœnitentiæ ob metum mortis, proferendo materialiter verba absolutoria; ergo etiam illicitum est simulare ob metum mortis Sacramentum Matrimonii. Nam contra est, quia in primo casu simularetur Sacramentum directe, quia poneretur supra materiam debitam forma sacramenti sine sacramento. At in secundo casu simularetur directe (pro-ut licet) solum contractus matrimonialis, quo simulato nullum constitutum Sacramenti poneretur; unde non simularetur administratio Sacramenti. Sed hac de re fufius in expositione illius thefis 29. ab Innoc. XI. præscripta.

Secunda pars illationis, quod scilicet consummatio talis matrimonii ob metum mortis non liceat, ex eo patet; quia cum tale matrimonium sit nullum ob impedimentum dirimens, ejus consummatio esset fornicaria, atque adeo nullatenus licita.

VII. Sequitur tertio, nec licere ob metum mortis consummationem matrimonii celebrati cum impedimentis impediens, v. gr. cum voto simplici castitatis. Ratio est, quia eo ipso ac matrimonium est metu extortum, est irritum, ex cap. *Veniens*, Secundo de *Sponsal.* ut communis, & probabilis docent cum Sanch.; ergo ejus consummatio est pariter fornicaria, & illicita. Probabiliter tamen Ledef. Palud., Vega putant in tali casu non habere vim legem Ecclesiasticam irritantem matrimonium metu extortum; atque adeo illud validum esse, & iuram ejus consummationem. Ratio est, quia lex ista lata est in favorem metum passi; in hoc autem casu non vergeret in illius favorem, sed in damnum, quia obligaret illum

vel ad subeundam mortem, si non consummaret Matrimonium, vel ad committendum mortale, si consummaret; ergo in tali casu lex non obligaret: Notandum tamen, quod ut matrimonium hoc sit validum, cel. brari debet coram Parocho, & Testibus; ne sit aliunde irritum. Adde, quod posito eo impedimento impediens, non solum possit debitum reddi, sed etiam peti ad mortem declinandam, quia licet petere debitum positivo voto simplici castitatis sit intrinsece malum; at posito metu mortis votum illud non obligat; cum votum sit instar legis privatæ, quæ concurrente metu gravi cessat obligare, ut notant Sanch. l. 4. c. 13. Sot. Val., & alii.

VIII. Sequitur quarto, quod si præcipiatur, v. gr. sub pœna excommunicationis auditio Missæ, qui ob metum gravis damni Missam non audiret, sicut non contraheret culpam, ita nec excommunicationem; si vero sub pœna excommunicationis prohibeatur, v. gr. homicidium, quod est intrinsece malum, & Cajus ob metum mortis homicidium patraret, peccaret quidem contra legem naturalem, sed non contra legem Ecclesiasticam comminantem excommunicationem; unde hic illam non incurreret, ut docent Avila, & Suar. de Censur. d. 4. sect. 3. contra Duardum, & Alterius; cum lex Ecclesiastica concurrente metu gravi desinat obligare. Unde etiam fit, quod si quis v. gr. habeat votum non occidendi Clericum, & ob metum gravem illum occidat, in Confessione solum deberet dicere, se patrasse homicidium, non exprinendo nec Clericatum illum, nec votum proprium; quandoquidem neque contra legem ecclesiasticam peccavit, nec contra votum; & consequenter nec excommunicationem contraxit, nec sacrilegium.

IX. Sequitur quinto, quid dicendum ad celebre quæstuum; Num possit Carthusia-

thufianus carnibus vesci, quando necessariæ sunt ad vitæ conservationem? Martinus de Magistris, Medina, & alii apud Vasq. in l. 2. disp. 162. affirmant. Quinimo Almainus, & alii putant, illum ad id teneri, quando morbi vis exigat esum carniæ; idque vi legis naturalis obligantis hominem ad vitam conservandam. Communius tamen cum Vasq. loco laudato, Salas, Layman. docent, quod licet Carthusianus teneatur carnibus vesci, quando alii cibi non suppetunt, cum prævaleat tunc lex naturalis de vita conservanda: nihilominus si alii cibi suppetant, non poterit vesci carnibus, quamvis exponatur periculo vitæ. Ratio est, quia consuetudo antiquissima huius Sancti Instituti ita votum hoc interpretatur, ut obliget etiam cum vitæ discrimine. Nec est mirum, quod possit lex humana, aut votum obligare ad aliquod opus virtutis, etiam cum vitæ iactura, quando subest ad id aliqua honesta, & iusta causa. Sic propter bonum commune tenetur Miles in sua statione persistere, etiam cum vitæ discrimine, & laudabiliter Uxor cum vitæ periculo opitulatur suo marito laboranti morbo contagioso; potestque ad id voto se obligare: Atqui in casu nostro adest honesta, & iusta causa, cur Carthusiani se obligent ad abstinendum a carnibus, etiam cum discrimine vitæ; videlicet ut tam laudabile, & egregium virtutis opus exerceatur; adeo ut ex reverentia erga suam Constitutionem malit Carthusianus illam exacte servare, quam vitam protrahere, & a morbo liberari: ergo laudabiliter voto ad id se obligant; juxta communem eorum interpretationem, & tali voto ligantur. Et sane nemo tenetur Uxorem ducere, etiamsi necessaria sit ad vitæ conservationem, nec tenetur Religiosus mutare locum, ut vitam protrahat, & ab ægritudine li-

beretur: Fratres Capuccini non tenentur laneam vestem deferere, & in molli culcitra cubare, dum ægrotant, ut vitam protrahant; quare nec Carthusiani tenentur carnibus vesci, ut ab ægritudine liberentur: Communiter etenim Medici docent, esum carniæ non esse præcisè necessarium ad vitam conservandam; & licet is esset necessarius, ut vita diutius prorogetur; nemo tamen tenetur vitam prorogare, aut delicate vivendo, aut declinando asperitates aut Monasticæ, aut Asceticæ vitæ communes.

X. Sequitur ultimo cum Salas, Bonac. Sanch. l. v. c. 18. contra Sâ, Metum gravem excusare a transgressione legis humanæ, etiamsi pœnam capitis imponat; quia quamvis ea pœna imponatur, ut arceantur homines a transgressione legis; at concurrente metu gravi lex illa non obligat.

ARTICULUS IV.

An Metus gravis excuset a Transgressione legis Divinæ positivæ?

- I. Gravis metus excusat a Transgressione legis Divinæ positivæ, dummodo hæc non concernat cum lege naturali, nec concernat publicum bonum.*
- II. Fit id perspicuum exemplis Sacrorum Bibliorum.*
- III. Adultus non tenetur cum vitæ discrimine Baptismi Sacramentum suscipere, si possit commode altæ contritionis sibi consulere.*
- IV. Tenetur tamen cum vitæ discrimine infantem baptizare mox decessurum.*
- V. Ad mortem declinandam non potest Sacerdos sigillum Sacramentale violare; aut in una tantum specie consecrare; vel extremam unctionem sano conferre.*
- VI. Licitum tamen est Sacerdoti concurrere*

rente metu gravi Eucharistiam ministrare Peccatori occulto, quamvis clam illam petenti; nec non Eucharistiam in materia dubia, puta in vino congelato, conficere.

I. **N**egant Gabriel, Major, Sotus, ob rationes articulo superiori adductas a Doctoribus putantibus, metum gravem non excusare a transgressione legis humanæ. Sed communiter cum D. Thoma 1. 2. q. 100. ar. 8., Suar., Medina, Azor. docent regulariter excusare, prout dictum est de lege humana, quando scilicet non concurrat cum lege naturali, nec concernit publicum bonum. Ratio est, quia quotiescumque non est intrinsece malum, quod prohibetur lege divina positiva, toties ad id obligamur a libero Dei arbitrio, quod non præsumitur cum tanto discrimine obligare; cum ipse sit benignissimus, & nostrum figmentum, ac imbecillitatem cognoscat. Hinc communiter docent, præceptum de integritate materiali Confessionis, ac de Confessione communioni præmittenda non obligare cum periculo gravis damni; Contra vero non licet Parocho a sua residentia abesse tempore pestis, quia præceptum Divinum de residentia Pastorum in hoc casu concernit bonum publicum: Nec licet præceptum Divinum violare, si ad illud violandum a Tyranno obligemur in ejus contemptum; quia tunc lex Divina positiva concurrat cum lege naturali præcipiente in tali casu vitæ jacturam.

II. Confirmatur Conclusio exemplis Sacræ Scripturæ. Nam 1. Regum 21. legimus de Davide, quod ob famis necessitatem citra culpam comederit panes propositionis, quos non licebat Laicis manducare. Mathæi 12. Christus Dominus ob eandem rationem excusavit Discipulos colligentes Apricas die Sabbati. Primum Machab. 2.

Marathias diebus Sabbatorum, quando quies jure Divino præcipiebatur, pugnavit extrema necessitate compulsus. Et Josue cap. 5. legitur, quod Filii Israel per annos quadraginta non fuerunt circumcisi, eo quod non poterant commode Divinam legem Circumcisionis fervare, ac vulnera curare.

III. Ex dictis sequitur primo, non teneri Adultum cum vitæ discrimine suscipere Sacramentum Baptismi; nec post mortale Sacramentum Pœnitentiæ, quando potest commode contritione sibi consulere: Nisi tamen per accidens aliquando urgeret obligatio suscipiendi Baptismum ad fidem consistendam. Ita Suarez, Corduba, Sayrus, Sanchez l. 1. c. 18., & alii communiter contra Azorium tom. 1. cap. 11. quæst. 2.

IV. Sequitur secundo, debere nos cum periculo vitæ infantem, qui periclitatur, baptizare, quia concurrat lex naturalis de præferenda vitæ spirituali proximi nostræ temporalis.

V. Sequitur tertio, urgente metu mortis, non licere Sacramenti administrationem simulare, aut violare sigillum Confessionis, aut consecrare in una tantum specie, vel extremam Unionem sano conferre, & similia; quia bonum commune Religionis, quod his præceptis attenditur, præponi debet damno particulari.

VI. Sequitur quarto, ex Bonacina, Suarez, Henriquez, Diana p. 3. tr. 6. resol. 48., licere Sacerdoti metu mortis Eucharistiam ministrare clam peccatori occulto, & conficere Sacramenta in materia dubia, v. g. Eucharistiam in vino congelato; quia lex ista Divina non videtur cum tanto discrimine obligare. Neque dici potest, actionem illam porrigendi Eucharistiam peccatori esse intrinsece malam. Nam si hoc esset, neque dari ea posset peccatori occulto publice petenti; quod est falsum.

AR-

ARTICULUS ULTIMUS.

An Metus gravis excuset a Transgressionem legis Naturalis?

I. Naturalia praecepta alia sunt affirmativa, alia negativa. Ex his autem alia sunt circa obiectum simpliciter, & in quacunque hypothesis incoonestabile, Alia vero versantur circa obiectum, quod in aliquibus circumstantiis coonestari potest.

II. Metus gravis culpam extenuat; raro tamen ita illam minuit, ut ex mortali evadat venialis.

III. Praecepta naturalia affirmativa, non secus ac praecepta divina positiva non obligant regulariter cum vita discrimine; nisi forte concernant bonum commune, aut bonum spirituale proximi.

IV. Similiter praecepta naturalia negativa, quae sub aliquibus circumstantiis coonestari possunt; unde possumus cum moderamine inculpate timore invasorem occidere, brachii amputationem permittere ad mortem declinandam, & sigillum naturale ad vitandum patria excidium, vel mortem innocentis, violare.

V. Praecepta tamen negativa, quae nullatenus sunt coonestabilia, etiam cum vita discrimine semper servanda sunt. Immo si quis putet se esse in mortali, & ad inferos detruendum, si hic, & nunc occidatur, non potest ad declinandam hanc mortem v. g. fidem negare.

VI. Num possit lex negativa non fornicandi, aut non furandi in aliquibus circumstantiis coonestari?

XI. In nullo casu licitum est directe occidere innocentem. Quamvis fugiens ad mortem evadendam possit infantem conculcare; non tamen, si hic sine baptismo sit moriturus.

VIII. Num liceat ad evadendam mortem commodare gladium volenti occidere suum hostem; ostendere ubi sit, qui ad necem petitur; admove scalam volenti per fenestras ascendere ad furandum, aut ad virginem stuprandam?

IX. Num liceat similiter Naclero transvehere volentes duellum committere, aut alios occidere?

X. Num peccent remigantes in Tivremibus Turcarum Christianos vexantium ad mortem declinandam?

XI. Num liceat in extrema necessitate vesci carnibus hominum morimorum? & Utrum ad id homo teneatur in hypothesis, quod liceat?

I. PRAE notandum, praecepta naturalia, quaedam esse affirmativa, quae obligant pro determinato tempore, ut est praeceptum Correctionis fraternae, servandi votum, amandi, & colendi Deum, elargiendi stipem &c. Quaedam vero negativa, quae obligant semper, & ad semper; ut est praeceptum non adorandi Deos alienos, non blasphemandi, non occidendi. Praecepta tamen negativa quaedam versantur circa obiectum intrinsece malum, quod sub nullis circumstantiis sit coonestabile, ut est praeceptum non peccandi, non mentiendi, &c. Quaedam vero versantur circa obiectum, quod sub aliquibus circumstantiis coonestari potest, ut praeceptum non occidendi, non furandi &c.; cum licitum, & honestum sit occidere reum iuste damnatum, & in extrema necessitate licitum sit furari.

II. Advertendum ulterius, metum gravem, etsi non adimat culpam, minuire saltem illam: quod constat tum ex cap. *Sacris*, de his, quae vi, ubi dicitur: *Licet Metus extenuet culpam*: Tum etiam quia metus coarctat libertatem ad peccandum requisitam. Vix tamen accidit, libertatem sic diminui.

ut.

ut peccatum ex mortali ratione metus evadat veniale, ut docent Salas, Paulus, Sanch. lib. 4. d. 1. Et ratio est, quia raro accidit, quod tollat deliberationem requisitam ad mortaliter peccandum. His annotatis,

III. Dico primo, præcepta naturalia affirmativa regulariter non obligant cum vitæ discrimine, eo pacto quo diximus de præceptis divinis positivis, ac de humanis. Ita Sanch. l. 1. c. 18. Salas, Azor., & alii communiter. Fundamentum est, quia ipsa ratio naturalis dicitur, talem legem in ea circumstantia non obligare; etenim cum præcepta affirmativa non obligent semper, & ad semper, sed solum quando oportet, & sicut oportet, obligant solum juxta dictamen prudentiæ, & servato ordine charitatis, atque adeo non obligant cum vitæ discrimine; Sic lex naturalis obligat ad restituendam rem domino suo; at ipsa etiam lex naturalis dicitur, non esse restituendum enseni domino furioso, quando hic vult aburi ense ad homicidium patrandum. Pariter lex correctionis fraternæ, & lex naturalis de stipe eroganda non obligant cum discrimine vitæ, nec cum gravi detrimento. Idemque dicas de obligatione naturali servandi votum, ac juramentum promissorium.

Dixi tamen in Conclusionē, Regulariter metum gravem excusare; nam si præceptum affirmativum respiciat bonum commune, vel bonum spirituale proximi, non excusat: tenemur enim cum vitæ discrimine defendere patriam, conferre Baptismum infanti moribundo &c.

IV. Dico secundo, præcepta naturalia negativa, quibus prohibentur actiones, quæ possunt sub aliquibus circumstantiis cohonestari, neque obligant cum discrimine vitæ sub iis circumstantiis.

Fundamentum etiam est, quia ratio ipsa naturalis dicitur sub iis circumstan-

tiis, nullam esse obligationem; sicut enim de se est intrinsece malum occidere innocentem, & præcepto naturali negativo obligamur ad non nocendum illi; at sub circumstantia, quod Deus Abraham præcipiat occisionem Isaac, ipsa ratio naturalis dicitur, innocentem esse occidendum: Ita pariter de se est intrinsece malum occidere alium; sed instante mortis discrimine ad propriam defensionem cum moderamine inculpatæ tutelæ licet. Eodem modo licitum est ad mortem evitandam sibi manum amputare, (quamvis id lege naturali secundum se prohibeatur) & quidem non solum quando mors imminet ab intrinseco, videlicet a morbo, quod omnes admittunt; sed etiam quando timetur inferenda ab extrinseco, ut docent Tolel., Lessl., Filiuc., Nav., &c. Similiter violare sigillum naturale prohibetur præcepto naturali negativo; at ad evitandum grave damnum aliquando licet, puta ad evitandum patriæ excidium, aut mortem innocentis, ut docent Soto, Molina, Lessl. c. 11. d. 8.: Sic etiam exponere se periculo peccandi mortaliter, v. gr. cohabitando cum muliere naturali jure negativo prohibetur: quod tamen ad evadendam mortem aliquando licet; dummodo periculum illud proximū physice orationibus, ac mortificationibus fiat remotum moraliter; ut docent communiter cum D. Thom. 2. 2. q. 10. art. 9. Salas in 1. 2. tract. 3. disp. 30. Henriquez, Suarez, Sanchez; tunc enim periculum illud non est moraliter voluntarium, posito quod sine vitæ discrimine nequeat declinari.

V. Dico ultimo: Præcepta naturalia negativa, quibus prohibentur actiones, quæ nullatenus cohonestari possunt sub quibuscumque circumstantiis, ita obligant semper, & ad semper, ut nullus metus cujusvis malitiam ipsius gehennæ excusare possit transgressorem
a cul-

a culpa. Quare si quis per errorem v. g. putet se occidendum in mortali, nisi fidem neget, atque adeo ad gehennam detrudendum; si vero neget extrinsecus fidem, possit arrepto tempore disponere se ad contritionem, ad confessionem, ac demum ad martirium, tenetur potius mortem subire, etiamsi putet se ad tartara detrudendum ob mortalia præterita, quam fidem extrinsecus negare; quamvis re vera hic non damnaretur, sed ad cælum advolaret, quia illud ipsum se exponere morti, ac gehennæ potius, quam peccare, est actus amoris perfectissimus, quo mortalia præterita absque ullo formali dolore renuntiantur ob virtutalem dolorem in eo inclusum.

VI. Conclusio hæc est communissima, & manifestissima; quia malum culpæ, etiamsi levis, est deterius quovis malo pœnæ; ergo ad mortem, aut aliam pœnam declinandam non est licitum culpam committere; atqui actiones, de quibus loquimur, sub quibuscumque circumstantiis sunt culpabiles; ergo nunquam potest a culpa excusari transgressor. Nunquam ergo potest vacare culpa pejorare, odisse Deum, mentiri, fornicari, hoc est accedere ad non suam. Quando enim Deus Osæ dixit, ut acciperet mulierem fornicariam, non præcepit fornicationem, sed contulit Osæ jus in corpus illius mulieris; unde accessus fuit ad suam, & non fornicarius: eo modo, quo non habetur furtum, quando Deus supremus Dominus confert mihi jus in bona Titii, quamvis ea subripiam Titio invito: Propterea quando Deus filiis Israel (Exod. 32.) permisit, ut expoliarent Aegyptios, non dispensavit in lege naturali non furandi, sed solum contulit iis facultatem accipiendi vasâ aurea, & argentea, vestemque plurimam Aegyptiorum, qua polita facultate Supremi Domini, non poterat amplius dici furtum illarum rerum

acceptio, eo quod non fieret invito Domino, nempe Deo.

VII. Objicies Glossam in l. penult. ff. si familia; ubi habetur, non peccare servum patrantem aliquod delictum, ne peccat, nisi domino pareat; Et Bart. in l. Si Servus, ff. de noxialibus actionibus, Salicetus, Jafon, & alii excusant eum, quem metu mortis Tyrannus adigit ad occidendum alium injuste; quia sicuti potest aliquis fugiens hostem conculcare, & occidere innocentem, si non posset aliter mortem declinare; ita in casu ad mortem evadendam potest alius occidi: unde in lege laudata, Si Servus dicitur, nihil deliquisse servus, qui domino jubenti obtemperavit.

Respondeo, tam in Glossa, quam in lege si servus sermonem esse de servo, qui ob metum mortis obtemperat in iis, quæ solo jure humano sunt prohibita. Cæterum Palaus contra Juristas ostendit esse Catholicum dogma ob nullum metum licere directe occidere innocentem. In casu adducto de fugiente hostem, licitum est conculcare innocentem, quia non intenditur directe occisio, sed habetur per accidens: Eodem modo, quando ad victoriam est necessarium, possunt in bello dirigi tormenta bellica adversus turres, eis ibi de industria positi sint aliqui innocentes ab hostibus, ut communiter docent cum Cajet. 2. 2. q. 67. art. 2.; & Less. cap. 9. n. 59.; Qui tamen addit, fugientem non posse ad mortem declinandam conculcare. Infantem sine baptismi moriturum; quia debet præferri vita spiritualis Infantis temporali propriæ.

VIII. Ex dictis sequitur I. juxta do. trinam Sanch. l. 1. c. 3., & Cordubæ contra Comitol. non peccare servum, qui metu mortis inducitur aut ad commodandum, aut ad vendendum gladium occidere volenti; aut ad ostendendum, ubi sit, qui petitur ad-

nc-

necem; aut ad admovendam scalam volenti per fenestras ascendere ad facinus patrandum.

Neque opponas thesim quinquagesimam primam damnatam ab Innocentio XI. Nam (ut in ejus expositione fusc habetur) ea solum fert, non licere famulis adjuvare herum ascendentem per fenestras ad stuprandam virginem, deferendo scalam, aperiendo januam &c., si id faciant metu notabilis detrimenti, puta ne a domino male tractentur, ac torvis oculis aspiciantur, ne domo expellantur &c.; non tamen damnatur, id licere metu mortis. Quod sane licitum est, si actiones istae non sint intrinsece malae, sed indifferentes, ut nonnulli docent apud Dianam p. 3. tr. 6. res. 48., & apud Sanch. l. 1. Sum. cap. 7. n. 18. contra Conitolum l. 5. q. 7.; etenim juxta hanc sententiam sufficiens causa ad excusandum cooperationem materialem ad illas erit metus mortis, quo major non datur; quamvis metus illius notabilis detrimenti in propositione ad ducti non sufficiat ad excusandum: Quod si actiones istae, (videlicet ad movere scalas, aut humeris sustentare volentem ascendere ad stuprandam virginem) censeantur esse intrinsece malae, & non indifferentes, ut verius nonnulli docent cum Comitolo laudato, quippe quae licet physice sint indifferentes, sunt tamen hic, & nunc proxime ordinatae ad peccatum, sicut ad movere ignem tormento bellico est actio physice indifferens, sed quando ordinatur ad occidendum innocentem, est intrinsece male moraliter: Certe juxta hanc veriore sententiam nullatenus illae actiones licent, etiam si metus mortis interponatur; ad cum modum quo nullatenus licet vocare, concubinam insu domini volentis illam ad peccandum; nec licet scripta deferre ad duellum provocantia; quia cum per se, & proxime ad peccatum ordinentur,

sunt intrinsece malae; Idemque dicamus de eo, qui venderet, vel commodaret enseni volenti occidere alterum; nec non de eo, qui ostendit, ubi sit qui petitur, ut occidatur.

IX. Sequitur II., juxta sententiam Avilae, Cordubae, & aliorum apud eundem Dianam, non peccare Nauclerum, qui metu mortis transvehit volentes committere duellum, aut alium occidere; quia actio ista transvehendi videtur esse de se indifferens, quamvis in his circumstantiis videatur ordinari ad inferendum alteri damnum; unde probabiliter metu mortis potest quis excusari a cooperatione ista materiali cum peccato alterius. Sed quia probabilior videtur sententia opposita Comitoli, & aliorum, quod pariter actiones istae sint intrinsece malae, ideo nullatenus licere videntur.

X. Sequitur III. ex Vasq. de Scandalo a. 8. dub. 7. Sanchez lib. 9. d. 31. Mol. d. 115., Avila, Azor., Laym. & aliis, non solum non incurrere excommunicationem Bullae Cœnæ (quod omnes admittunt; cum Lex Ecclesiastica non obliget cum gravi incommodo) sed probabiliter nec peccare Christianos remigantes in Triremibus Turcarum injuste vexantium Christianitales. Ratio est, quia remigatio illa videtur actio de se indifferens, qua Turcae abutuntur; unde ad id cooperari materialiter excusatur metus mortis. Verum probabilior videtur sententia opposita Suarii de Censuris disp. 21. sect. 2. n. 60. Navar., Toleti, & aliorum putantium, remigationem istam in his circumstantiis esse intrinsece malam, atque adeo nunquam licere; Sicut nunquam licet Christianis in Triremibus Turcarum metu mortis tormenta bellica exercere, admovendo iis ignem; quandoquidem hujusmodi actio, cum sit de se interfectiva, est intrinsece mala: Quod si solum asportent tormen-

ra bellica, sarcinas, ac necessaria ad bellum, admoveant scalas, & machinas ad muros, porrigant Turcis arma ab iis petita ad Christianos occidendos, probabiliter excusantur a Molina. Azor., Reginal., Sanch., Laym.; sicut etiam si Turcas humeris sustentent, & juvent ad castra munienda, ad ædificanda propugnacula, &c.; quia istæ actiones non adco proxime, sed remote ordinantur ad peccatum. Excusantur etiam, si damnum inferant Christianis in folis bonis externis; quia præferenda est vita propria bonis externis alienis; quidquid in contrarium dicat Bonac. d. 1. de Contract. q. 2. pun. 10. Imo nec tenentur deinde restituere ea danina, quæ inferunt; ut communius docent contra Molin. d. 115.; quia probabilius est, accipientem res alienas in extrema necessitate non teneri ad restitutionem, quando venerit in pinguiorē fortunam; cum in eo casu omnia sint communia. Illud hic notandum cum Lessi., Mol., Sanch. l. 1. c. 7., quod Christiani isti, si non remigando possent magnum Reipublicæ Christianæ damnum vitare, videlicet captionem alicujus civitatis, vel pagi multum utilis Reipublicæ, tenerentur potius mortem subire, quam remigare, quia tenetur quilibet vitam suam exponere pro maximo Reipublicæ bono. Hic tamen casus (subdit Molina) raro accidit; quia si quis desistat a remigando, non per hoc decurrunt alii, qui id præstent.

XI. Sequitur ultinio, quid dicendum ad quæstionem illam celebrem, Num liceat vesci carnibus hominum mortuorum ad mortem declinandam? Negant Azor., Val., Viçt. cum D. Thoma 2. 2. q. 142. a. 4 ad 3., ubi vocat hoc peccatum excedens modum humanæ naturæ, & comparat illud cum turpi commercio bestiarum, aut malariorum.

Sed communius cum Suarez l. 3. de

leg. c. 30. Sanchez l. 1. c. 18. Bonac., Lessi., Cajet. 2. 2. q. 148. a. 2. docent, licere; cum id non videatur intrinsece malum, ita ut non possit simpliciter cohonestari sub circumstantia periculi mortis: Sicut enim abscindere brachium est intrinsece & ex objecto malum, & tamen ad evadendam mortem est licitum; ita in casu. Et sane licitum est ex Sanch., Palao, Sâ., Bonacina uti humana carne per modum medicamenti (ut quando datur in pharmacis mumia, necnon ossa, adeps, ac pulveres humani cerebri) quia scilicet natura ab hac medicina non abhorret; quidni erit etiam licitum ad mortem declinandam, sive ob famem, sive ob tyranni imperium, humanas carnes comedere? Adde, quod si licet cadavera scelestorum exponere feris dilanianda, cur non liceat iis vesci extrema fame urgente?

Ad id, quod objicitur, dicendum, D. Thomam non comparare peccatum hoc in omnibus cum peccato nefando, sed solum in eo, quod ambo sint contra naturam, seu lege naturali vetita: At multa præcepta negativa juris naturalis non obligant cum periculo mortis, ut ostendimus conclusionē secunda; Quare sicut præceptum naturale v. g. non occidere alterum, non obligat, quando occisio est in sui defensionem cum moderamine inculpæ tutelæ; ita hoc naturale præceptum non utendi in cibum carne humana non obligat, quando ea deseruit ad evadendam mortem.

Notant tamen Lessi., Bonac., Sanch. extrema fame laborantem non teneri vesci tali cibo, tum quia potest adhærere sententiæ oppositæ putanti, id esse simpliciter illicitum; tum etiam quia nemo tenetur omnibus mediis licitis vitam conservare, sed solum ordinariis, & humanæ conditioni ac proprio statui consentaneis; Unde ex Lessi. lib. 4. c. 3. dub. 2. Bonac. de contract. d. 2.

d. 2. quæst. ult. & aliis, Nemo tenetur uti pretiosissimis medicamentis ad vitam prorogandam; nec tenetur in obsidione carnes murium comedere, ne moriatur; Neque itaque tenetur vesci carnibus humanis, a quibus natura abhorret: Sicut neque tenetur homo in sui inculpata defensionem

occidere Invasorem: immo Invasus laudabiliter abstinere ab occidendo invasore, quem scit esse in mortali, atque adeo ad inferos detrudendum; esto non ex hoc teneatur illum non occidere; quandoquidem Invasor sua culpa, ac libere in eo statu miserrimo versatur.

QUÆSTIO V.

De Ignorantia, ac errore Contractus irritante ex defectu Voluntarii.

Primo plurima prænotanda; deinde inquirendum; An error, vel dolus antecedens reddat contractus jure naturæ irritos? Ex cujus quæstionis decisione plurimarum difficultatum descendit resolutio. Tertio examinandum, An hujusmodi error reddat contractus irritos, saltem jure positivo. Denique eadem inquirenda sunt de errore concomitante.

ARTICULUS I.

Prænotantur Prænotanda.

- I. Eodem modo ignorantia, ac error contractus irritant ex defectu voluntarii in consensu. Ac similiter dolus ferens errorem proveniente ab altero decipiente.
- II. Error antecedens dans causam contractui reddit actum simpliciter involuntarium; Error vero concomitans, seu incidens in contractum non reddit actum simpliciter involuntarium, sed non voluntarium. Uterque error potest esse invincibilis, & vincibilis, seu consequens ad prævium actum voluntariis.
- III. Quanam dicatur causa finalis; quanam impulsiva contractus?
- IV. Quanam sit in contractibus error circa substantiam, quinam vero circa qualitates? Et quando error cir-

ca qualitates redundat in substantiam?

V. Contractus, alii sunt onerosi, alii lucrativi; Alii stricti juris, alii bonæ fidei. Istæ tamen divisiones non est ex natura rei.

I. R Ecolendum primo, Errorem supra ignorantiam (quæ de se importat privationem scientiæ) addere positivam deceptionem. Hinc tam ignorantia, quam error impediunt consensum, & reddunt actum non voluntarium ex D. Thoma in 4. dist. 30. quæst. 1.; quia nihil volitum, quin præcognitum ex Philosopho 3. de Anima 31., Ignorantia autem tollit cognitionem, error, tollit cognitionem veram, & ideo eodem modo irritant contractus ignorantia, ac error; Quia tamen plerumque supponitur in contractibus aliqua rei notitia, ideo communiter dicimus, errorem potius quam,

quam ignorantiam contractus irritare. In hoc tamen differt Error a Dolo, quod dolus fert errorem proveniente ab altero decipiente; unde *lege 1. de dolo* definitur, quod sit Calliditas, fallacia, aut machinatio ad alterum circumveniendum. Hinc ignorantia magis late patet, quam error, & hic, quam dolus.

II. Prænotandum II. Errorem (idemque semper dicas de ignorantia, & dolo) alium esse antecedentem, qui scilicet dat causam contractui, quatenus si error non interfuisset, contractus non fieret; unde actus est involuntarius, & voluntati repugnans: Alium vero esse comitantiem, qui non dat causam contractui, sed incidit in contractum, quatenus si error non interfuisset, adhuc contractus fieret, quamvis forte non tanto pretio, nec cum talibus circumstantiis; & huiusmodi error non reddit actum simpliciter involuntarium, cum non sit causa contractus repugnantis voluntati; siquidem voluntas, etiam errore deficiente, contraheret; reddit tamen actum non voluntarium; cum nihil sit volitum, quin præcognitum. Uterque error potest esse vel invincibilis, si scilicet errans non potest, aut non debet eum superare; vel vincibilis, seu consequens ad prævium actum voluntatis, si scilicet superari debeat, aut possit, & id negligatur.

III. Præterea causa alicujus contractus potest esse vel finalis, vel impulsiva. Dicitur Finalis ea, ob quam tanquam ob motivum intrinsecum ponitur actus: dicitur impulsiva illa, ob quam tanquam ob motivum extrinsecum actus ponitur; eaque solum impellit ad actum ponendum, ut notat Suarez l. 2. de voto cap. 11. v. g. quando quis erogat stipem Sacerdoti, quem putat pauperem, ac probum, paupertas sublevanda dicitur causa finalis, probitas causa impulsiva: Quamvis enim, si e-

jus improbitas deprehenderetur, eleemosyna non daretur, non per hoc probitas dicitur esse causa finalis, ut notat Merolla n. 324. ex D. Thoma, & Sanchez l. 3. d. 39. contra Vasquez l. 2. d. 70. c. 3.; cum sola paupertas possit, & soleat esse motivum intrinsecum, & finale, etiamsi deficiente probitate eleemosyna non daretur. Hinc est, Episcopum valide conferre ordines Titio, quem putat idoneum simul & probum, quamvis deficiente probitate, quæ est motivum extrinsecum, & impulsivum, Ordines illi non conferret. In hoc enim differre solet motivum finale ab impulsivo, quod deficiente motivo finali actus non solum non fieret, sed illum ponens vellet nulliter poni, v. g. deficiente paupertate, non solum non daretur eleemosyna, sed erogans illam vellet nulliter dari, ut advertit idem Merolla n. 719.; unde est, quod pauper fictus teneretur eleemosynam magnam restituere; deficiente vero motivo impulsivo, puta probitate, erogans eleemosynam non vellet nulliter dari, quamvis forte non daretur. In dubio tamen, num causa aliqua sit finalis, an impulsiva? dicenda est impulsiva, quia standum pro valore actus, qui est in possessione.

IV. Prænotandum ulterius, errorem posse contingere in contractibus, vel circa substantiam rei; ut si volens emere aurum, aut adamanteum emat aurichalcum, aut vitrum; Vel circa qualitates, seu accidentia, quæ alliciunt, aut retrahunt a contrahendo; ut si putans emere equum strenuum reperiat calcitrosum, aut pigrum; vel si contrahens matrimonium cum Berta putet esse nobilem, & pulchram, & reperiat ignobilem, ac deformem. Ubi bene advertit Vasq. in l. 2. d. 30. cap. 4., posse aliquando errorem circa qualitates redundare in substantiam, & consequenter esse errorem circa substantiam rei; quando scilicet consensus con-

contrahentium non per accidens ver-
fatur circa qualitates, fed per fe, quia
ex natura rei conducunt ad effentiam
contractus. Hinc ad fubftantiam ven-
ditionis, vel locationis pertinet, non
folum res ipfa vendenda, vel locanda,
fed etiam qualitates, quæ valde nota-
bilem ementis, aut conducentis utili-
tatem continent; & ex Sanch. lib. 4.
cap. 2. ad fubftantiam voti pertinent
etiam circumftantiæ fubftantiales, feu
notabiles executionis difficultates, quæ
notabiliter voventis animum a voto a-
vertent; Unde etiam eft, quod in ma-
trimonio error circa perfonam fit fub-
ftantialis; fecus vero in aliis Sacramen-
tis; Quod etiam accidit in contracti-
bus gratuitis, puta in promiffione, do-
natione &c., per quos voluntatis af-
fectus, & liberalitas erga certum homi-
nem exercetur.

V. Sciendum denique, contractus
dividi in onerofos, qui ferunt in utro-
que contrahentium obligationem, ut
sunt emptio, locatio &c.: & lucrati-
vos, feu gratuitos, qui tantum gravant
unum contrahentium; ut sunt promif-
fio fimplex acceptata, donatio libera-
lis &c.. Præterea alios effe contractus
bonæ fidei, alios ftricti juris: dicuntur
effe actiones bonæ fidei, quæ prove-
niunt ex contractibus, feu quali con-
tractibus emptionis, venditionis, loca-
ti, conducti, mandati, depofiti, tute-
læ, commodati, & fimilibus *ex Inftit.
de actionibus*: Reliquæ actiones funt
ftricti juris, nempe ex promiffione li-
berali, & tranfatione Emphyteufi,
Feudo &c..

In contractibus ftricti juris locum
non habet arbitrium Judicis in foro ex-
terno, ut notat Lefſ. cap. 13. n. 15.,
fed tenetur hic abſque ulla benignitate
judicare, prout a contrahentibus ex-
preſſe conventum eft: In contractibus
vero bonæ fidei Juxta habet facultatem
judicandi, quid fit bonum, & æquum
viſum fuerit, quamvis de eo nihil fit

exprefſum a contrahentibus.

Dubitant juris periti, Num diviſio
horum contractuum fit ex natura rei,
an vero ex arbitrio Imperatoris? Di-
cendum videtur effe ex diſpoſitione
juris poſitivi aliquatenus fundata in exi-
gentia naturali talium contractuum.
Quamvis autem in jure civili habeatur
horum contractuum diſtinctio; multi
tamen cum Bardi, Comitolo lib. 3. q.
1. putant in jure Canonico omnes con-
tractus effe bonæ fidei; Unde fit, Ju-
re Canonico, & in foro conſcientiæ
omnem contractum, (excepto matri-
moniali, ut notat Lugo c. 5. n. 55. ex
Bonacina) effe nullum, quoties dolus
dat cauſam contractui; quod in jure
civili, & pro foro externo ſolum in
contractibus bonæ fidei eft verum;
cum contractus ftricti juris poſſint ſo-
lum exceptione doli elidi, ac irritari
ex Sanch. lib. 1. d. 64. Molina, Bona-
cina contra Lefſ. loc. cit. Layn., Co-
nink putantes, etiam contractus bonæ
fidei in jure civili effe validos, & ir-
ritandos, quando dolus dedit illis
cauſam.

ARTICULUS II.

Utrum error, vel dolus antecedens
reddat contractus irri-
tos Jure naturæ?

- I. Error antecedens invincibilis circa ſub-
ſtantialia contractus irritat illum jure
naturæ.
- II. Et probabilis etiam vincibilis, &
craftus.
- III. Ad culpam contrahendam ſufficit vo-
luntarium indirekte, & in cauſa,
non tamen ad valide contrahen-
dum: Sicut nec ſufficit ad valide
Sacramentum adminiſtrandum.
- IV. Relate ad culpam contrahendam
comparatur actus voluntatis ad il-
lam, tanquam ad ſuum objectum;
at relate ad contractum, & ad Sa-

cramenta administranda comparantur, tanquam ad suum effectum.

V. Ad contrahendum, & ad Sacramentum conficiendum satis est intentio virtualis (non tamen habitualis) seu voluntas tantum in causa.

VI. Error, seu dolus circa accidentalia contractus universim illum non irritat jure naturæ. Sicut nec obest valida Sacramentorum administrationi talis error.

VII. Irritat tamen, si sit circa qualitates substantiales.

VIII. Quandonam elemosyna data pauperi fito ab hoc restituenda?

IX. In matrimonio, & professione Religiosa, qua statum fixum continent, contractus non irritatur per errorem circa qualitates, nisi expresse excipiantur.

X. Contractus bona fidei jure positivo duntaxat, non jure naturali sunt irrii, quando dolus dat causam contractui.

X. QUAESTIO procedit tam de errore circa substantialia contractus, quam circa accidentalia; tum de invincibili, tum etiam de vincibili.

Dico primo; Error invincibilis antecedens, seu qui dat causam contractui, si sit circa substantialia contractus, reddit illum jure naturæ irritum: ut si invincibiliter emas vitrum pro adamante, aut ducas Bertam pro Theresia. Ita communiter apud San. l. 3. d. 18. Less. Filliuc. Ratio est, quia deficiente consensu contractus est nullus jure naturæ: atqui posito tali errore deficit consensus. ergo contractus est jure naturæ irritus. Minor patet, quia nihil est tam contrarium consensui, quam error, videlicet circa substantialia rei, ex lege si per errorem de jurisd. omnium judicium; & errantis nullus est consensus, neque voluntas, ex lege Non idcirco, c. de juris, & facti ignorantia.

Tom. I.

II. Dico secundo: Error antecedens dans causam contractui, quamvis sit vincibilis, adhuc irritat contractum jure naturæ. Ita communis contra Med. Less., & alios apud Sanch. l. 7. d. 19. n. 20., putantes, Ignorantiam crassissimam conditionis servilis non irritare contractum matrimonialem; & contra Nav. & Sylvest. apud Sanch. l. 10. d. 9. n. 19. docentes professionem irritari ab errore invincibili, non tamen a vincibili, fatuo, & crassissimo; & contra ipsum Sanch. l. 4. c. 2. docentem, errorem vincibilem circa substantiam, vel causam finalem voti non irritare votum.

Ratio nostræ conclusionis est, quia etiani error vincibilis, & crassus tollit consensum directum in contractum; ergo etiam talis error irritat contractum. Unde Sanch. l. 7. d. 18. probat, Matrimonium esse nullum, si quis putans ex errore crasso ducere Bertam contrahat cum alia persona.

III. Dices: Error vincibilis non causat involuntarium, cum non excuset a culpa transgressorem præcepti: ergo neque reddit contractum involuntarium, & irritum, sed voluntarium, licet indirecte, & in causa. Quare sicut voluntarium indirectum satis est ad culpam contrahendam. (ut si quis ex errore vincibili non jejuna tempore debito, aut si quis prævidens, se patratum homicidium in ebrietate velit inebriari) ita satis est ad valorem contractuum voluntarium etiam indirectum.

Respondeo, errorem vincibilem irritare contractus, quia licet includat voluntarium indirectum, excludit tamen voluntarium directum, quod unice requiritur ad valorem contractuum. Quis enim dixerit, contrahi valide matrimonium ab ebrio, qui prævidens se in ebrietate contracturum matrimonium se inebriet; & deinde oretenus contrahat?

E

Ideo

Ideo ad culpam contrahendam satis est voluntarium indirectum, quia, ut notat Suarez l. i. de Voto cap. 10. & Sanch. l. i. d. 8 n. 20., cum homo teneatur vitare culpam, eo ipso ac praviat ex aliqua actione, puta ex ebrietate, sequi aliquod malum, v. g. homicidium, & non curat illud vitare, cum possit, censetur indirecte & virtualiter illud velle; Unde reus est homicidii: At contrahens non tenetur contractum vitare, aut ponere; unde voluntas adhibendi causam contractus non est virtualis voluntas ipsius contractus: Sicut nec Deus dicitur velle peccatum creaturæ, volendo causam liberam peccati, quia non tenetur illud impedire; Nec qui praviat spirituum commotionem in administrando Sacramento Penitentiae, aut conspurationem in somnis, dicitur illam virtualiter velle, quando non tenetur tollere ejus causam.

Sed disparitas ulterior, quare ad valorem contractus non sufficiat Voluntarium Indirectum, seu in Causa (puta in omissione voluntaria sciendi, qua constituitur error vincibilis) ex Suar. t. 2. de Relig. lib. 1. de Voto cap. 10. n. 8. & tom. 3. lib. 6. cap. 5. est, quia ad contrahendam obligationem ex contractu non sufficit ponere materialiter verba obligatoria, sed requiritur etiam formalis voluntas promittendi; Sicut non satis est ad obligationem voti, ut quis praviens se in somnis nuncupaturum votum, velit dormire, sed debent ea verba procedere formaliter a voluntate directa se obligandi, & ideo voluntarium indirectum, & in causa non satis est ad contrahendum; & consequenter error vincibilis circa substantialia contractus illum irritat jure naturæ; ut si quis matrimonium contrahat cum Berta, ex errore vincibili, quod sit Theresia: Idemque dicas de Professione Religiosa, de Voto, ac de aliis contractibus.

IV. Confirmatur, quia ad culpam contrahendam satis est, ut actus voluntatis comparetur ad actum peccati minus, tanquam actus ad suum obiectum; unde peccat qui vult malum, puta homicidium, etiamsi illud non causet: At in contractibus actus voluntatis comparatur ad contractum, seu ad obligationem ex contractu inveniendam, tanquam principium, & causa ad suum effectum; & ideo ad peccandum sufficit involuntarium indirectum, & in causa, non tamen ad contrahendum: Sicut nec in administratione Sacramenti sufficit voluntarium in causa, quia pariter minister Sacramenti est causa effectus illius.

V. Illa intentio virtualis sufficit tam ad Sacramentum conficiendum, quam ad contrahendum, quæ procedit ab intentione actuali perseverante aliquatenus in suo effectum; ut cum quis procedit ad celebrandum, vel ad contrahendum matrimonium, & dum profert verba sacramentalia, distrahitur, quia scilicet hujusmodi verba procedunt ex illa intentione præterita; Contra vero si quis praviens se in somnis eadem verba sacramentalia prolaturum, & velit dormire, nec Sacramentum conficit, nec contrahit matrimonium, quia voluntas utriusque est tantum in causa.

VI. Dico III. Error, seu dolus, si ve sit antecedens, & det causam contractui, si ve sit comitans, & incidat in contractum, si ve sit invincibilis, si ve vincibilis, si versetur circa accidentalia, tunc contractus non est irritus jure naturali. Ita Molina, Bonacina, Lessius c. 17. n. 29. Sanchez l. i. d. 64. contra Medinam, & Conradum.

Probat, quia licet quilibet error causet involuntarium, cum nil sit voluntarium, quin præcognitum; at error, qui non est circa substantialia contractus, sed circa accidentalia, non reddit actum involuntarium simpliciter,

& quoad essentialia, sed solum secundum quid, & quoad ejus qualitates: Atqui actus, qui est voluntarius simpliciter, & quoad essentialia contractus, esto sit involuntarius secundum quid, & quoad ejus qualitates, non reddit contractum nullum; ergo contractus cum tali errore celebratus non est jure naturæ irritus. Minor patet, tum quia metus dans causam contractui non reddit illum jure naturæ nullum, ut docent communiter, quia pariter metus tollit solum voluntarium secundum quid, non simpliciter; Tum etiam quia, si error circa accidentalia contractus dans causam contractui redderet actum simpliciter involuntarium, & nullum, sequeretur, quod contractus matrimonialis cum tali errore celebratus esset irritus; Quod tamen nemo dixerit; etenim si quis ideo Bertam ducat, quia putat divitem, ac virginem, & deinde eas dotes non deprehendat, adhuc matrimonium est validum: Dummodo tamen qualitas illa, in qua erratur, non ponatur in contractu per modum conditionis; nam in tali casu consensus conditionatus non purificata conditione non evadit absolutus, unde matrimonium est nullum; & ideo debet expresse talis conditio vel actualiter, vel virtualiter in contractu apponi, ut habeat vim conditionis; ita tamen, ut si ea solum apponatur in mente contrahentis in foro tantum interno non resultet obligatio ex illo contractu; si vero apponatur verbis, ut probari possit, ne in foro quidem externo ea obligatio resultet.

Hoc etiam dicendum in administratione Sacramentorum, si quis erret circa accidentalia: v.g. si quis confecerat Baptismum, absolutionem, vel Ordines &c. huic personæ præsentis; quia putat esse Petrum, vel quia putat esse Amicum; cum tamen sit Cajus non Amicus, tunc error hic non in-

validat Sacramentum, nisi expresse sub ea conditione conferatur; quia scilicet error Personæ solum in Sacramento Matrimonii est error substantialis; error autem accidentalis, cum non tollat voluntarium simpliciter, non irritat Sacramentum, nec contractum.

VII. Dices: Si quis vovent Peregrinationem Romanam ex errore, quod putet Romam esse propinquam, quæ tamen sit distantissima, votum est nullum, ut docent communiter cum Sanchez lib. 1. c. 2., eo quod error videatur esse circa accidentalia; ergo error circa qualitates dans causam contractui universim contractum irritat. Propterea si quis ficta paupertate elemosynas extorqueat, non acquirit earum dominium ex defectu consensus in conferente, qui cognita fraude elemosynam non esset daturus. Denique omnes contractus bonæ fidei, si fiant ex dolo dante causam illidem, sunt ipso jure nulli, ex lege, *Et eleganter*, ff. de dolo, & quidem ex defectu libertatis, & consensus, ut dicitur ibidem; ergo idem dicendum in omnibus contractibus.

Respondet, errorem voti in tali casu esse circa qualitates substantiales, & ideo esse irritum votum; error enim circa qualitates substantiales redundat in substantiam contractus, ut notavimus articulo primo, quando scilicet valde notabiliter res immutatur relate ad voluntatem contrahentis; ut accidit in casu; nam peregrinatio suscipitur ad labores perferendos propter Deum; si ergo magna deprehenditur diversitas laborum, diversa constituitur substantia voti, unde votum est irritum; quia scilicet subintelligitur virtualiter illa condicionalis, Nisi sit magna diversitas laborum perferendorum ab ea, quæ apparet.

VIII. Ad id, quod additur: Si motivum elemosynæ finale sit paupertas, certe deficiente paupertate donatio est

nulla; quia talis error, cum sit circa motivum intrinsecum, & finale, est circa substantiam contractus; si vero motivum elemosynæ finale esset amicitia, paupertas vero esset motivum impulsivum, & extrinsecum, tunc donatio esset valida, quia error esset circa accidentalia contractus, ut notat Vasquez 1. 2. d. 30.

IX. Solum in Matrimonio, & Professione Religiosa, quæ continent statum fixum, quem oportet suscipere propter ejus finem, & motivum intrinsecum, quilibet error censetur pertinere ad accidentalia (nisi expresse habeatur contraria voluntas) & ideo univèrsim Matrimonium, & Professio Religiosa censetur valida petito quovis errore non pertinente aperte ad substantiam contractus: In reliquis vero contractibus sæpe dubitatur, Num error sit circa motivum finale, & quoad substantia, an vero circa impulsivum, & quoad accidentalia? In quo casu id judicandum ex affectu, & dispositione contrahentis, ex quantitate, vel qualitate rei per contractum tradendæ, & ex aliis circumstantiis: Quod si adhuc dubium perseveret, diximus motivum censendum esse impulsivum, non finale, quia standum pro valore actus, qui est in possessione.

X. Ad ultimum, id deciditur jure positivo, nos vero hic loquimur de jure naturali, & dicimus, contractum cum errore circa accidentalia valere jure naturæ, esto jure positivo possit esse irritus. Unde obiectio retorquetur; nam si ibi deciditur contractus bonæ fidei tantum esse ipso jure irritos, si dolus det causam contractui, non vero contractus stricti juris; ergo jure naturali omnes contractus sunt validi, dummodo dolus non sit circa substantiam, quia scilicet subintelligitur conditio non contrahendi, si in substantialibus erretur.

ARTICULUS III.

Ex præcitata doctrina resolvuntur plurimæ difficultates.

- I. Error persone, sicut in matrimonio, ita in donatione &c. est error circa substantia irritans contractum.
- II. Promissio gemma, quæ putatur vitrum, quamvis iuramento firmata, est nulla.
- III. Collatio Beneficii facta per errorem circa doctrinam, paupertatem &c. valida est; secus vero, si fiat per errorem circa laicam Dolloralem in beneficiario requisitam.
- IV. Quandonam collatio Beneficii facta a Pontifice per errorem circa accidentalia est invalida?
- V. Nam votum de ingredienda Religione obliget, si non subsistat, aut cesset causa talis voti, puta paupertas? Et quid in dubio, an talis causa fuerit finalis.
- VI. Quandonam est invalidum votum factum per errorem circa circumstantiam, quæ si fuisset pravisa, votum non fuisset nuncupatum?
- VII. Error circa causam finalem irritat votum simplex, & sponsalia, non tamen professionem Religiosam, & Matrimonium.
- VIII. Sitne valida elemosyna collatio facta simulanti agriuidinem?
- IX. Si erigatur Hospitale, aut dos constituitur, v. gr. pro Germanis, aut pro Virginibus, num teneatur ad restitutionem, qui has qualitates simulat? Et cuiusmodi faciendæ isthac restitutio?

Sequitur ex dictis primo, errorem Personæ in contractibus onerosis non irritare contractum, secus vero in contractibus lucrativis, puta in donatione, promissione &c. Ratio est, quia ille error est circa acciden-

dentialia contractus, hic vero circa substantialia; eo modo, quo in matrimonio error personæ est circa substantialia, non vero in aliis Sacramentis. Quamvis autem in hoc omnes convenient, quod donatio sit nulla, quando fit Petro, si putetur esse Paulus, nihilominus dubitatur a Doctoribus, an sit pariter nulla donatio, quando fit Petro diviti, aut extraneo, si per errorem putetur esse pauper, aut consanguineus? Putant esse validam Salas 1. 2. tr. 3. d. 4., & Conink de Sacramentis d. 37. dub. 1., quia error hic videtur esse circa accidentalialia, ut in contractu Matrimonii. Sed verius cum Vasq. c. 3. de Eleemosyna dubio ultimo distinguendum. Si paupertas, aut consanguinitas sit motivum finale donationis, error contractum invalidat; secus vero si solum sit motivum impulsivum. In contractu Matrimoniali semper motivum finale est bonum ipsum matrimonii, ut diximus, non vero dotes Bertæ, nisi id exprimitur; & ideo in Matrimonio semper error hic est circa accidentalialia, non tamen in donatione.

II. Sequitur II., quod si vendatur gemma, quæ putetur vitrum, contractus jure naturæ sit nullus, cum error sit circa substantialia; secus vero, si vendatur Petro, qui putatur amicus, cum revera sit inimicus: Et eodem modo promissio gemmæ, quæ putatur vitrum, est nulla, etiamsi sit juramentum firmata.

III. Sequitur III., Quandonam collatio beneficii per errorem facta sit invalida? Si quis enim fingat paupertatem, doctrinam, sanctitatem &c. eaque de causa beneficium obtineat, valida est collatio, quia hujusmodi error est circa accidentalialia, non circa causam finalem, quæ est idoneitas Clerici; contra vero invalida est collatio, si quis fingat, se esse Doctorem Theologiæ, vel Canonum, & ad tale be-

neficium requiratur laurea doctoralis; Idque verum est, sive Episcopus decipiatur a se, sive ab ipso Beneficiario, sive ab alio, ut docent Azor. Vasq. contra Alensem; quia eadem ratio semper militat, quod error sit circa causam finalem. Pariter, si quis in concursu ad obtinendum beneficium curatum fingat doctrinam, eaque de causa ipsi tanquam digniori beneficium conferatur, collatio est nulla; quia pariter error est circa substantialia, & circa motivum finale, quod est major dignitas; cum ex Trid. sess. 14. cap. 18. ejusmodi beneficia debeantur dignioribus.

IV. Adde; Si collatio Beneficii simpliciter sit Clerico simulanti doctrinam, ob doctrinam simulatam collatio est valida, si fiat ab Episcopo; quia doctrina est motivum impulsivum; Et idoneitas est motivum finale: Contra vero si fiat a Pontifice ad petitionem ipsius Clerici impetrantis, qui falso dixit, se esse Doctorem, vel nobilem, collatio erit invalida, si id expositum fuit pro causa unica talis petitionis. Ratio est, quia rescripta Pontificis semper habent tacitam illam conditionem, si preces veritate nitantur, ex cap. 2. de rescriptis. Eodem modo, si quis petat secundum beneficium, non facta mentione de priori, collatio facta ab Episcopo est valida Ex Clementina 2. de Officio Ordinariariorum (idemque docent communiter Doctores, si in supplicatione non fuit expressus verus valor beneficii) quia qualitates Beneficiariorum suæ Diocesis præsumuntur cognitæ ab Episcopo, qui ex Tridentino sess. 24. c. 3. tenetur singulis annis Diocesim visitare: Contra vero, si collatio hæc fiat a Pontifice, est nulla, & subreptitia ex cap. Si motu proprio de Prabendis; nihilominus si non fieret mentio prioris beneficii, hunc defectum subreptionis suppleret clausula illa *Motu proprio*, si in concessio-

ne beneficii posterioris ea adderetur a Pontifice; at non suppleret ea clausula talem defectum, si quis falso exprimeret, se non esse beneficiarium. Præterea nec vitatur collatio beneficii facta a Pontifice, si in modico non exprimat verus valor illius, quia modicum, & nihil in iure æquiparantur, ut notat Molina d. 81. ex cap. *De Multis de Præbendis*.

V. Sequitur IV., quid dicendum, An teneatur Voto de Religione ingredienda, qui ad illud nuncupandum inducitur, quia per errorem credit, se esse destitutum re familiari, cum tamen re vera sit dives, vel si cesset paupertas, ante quam Religionem ingrediatur?

Antoninus, & Ostiensis apud Mcroll. d. 2. n. 772. putant, teneri ad Religionis ingressum, etiamsi cessaverit causa voti. Negant aliqui, quos videtur sequi Molina d. 209., putantes, errorem causæ, quæ induxit ad promittendum, regulariter annullare promissionem, quia præsumendum est non esse promittentis animum velle se obligare ea causâ non subsistente. Sed cum Suar. l. 4. de voto cap. 18. distinguendum: error enim solius causæ finalis extinguit votum, non vero error causæ impulsivæ; cessante enim causâ finali deficit intentio votantis, quia deficit proprium, & formale motivum illius: In casu autem nostro non videtur cessare causa finalis voti, quæ est bonum ipsius Religionis, & ideo votum obligat. In dubio tamen, num paupertas in tali casu esset causa finalis? præsumi debet, esse impulsivam, atque adeo obligationem voti non cessare; tum quia in omni voto finalis causa illius videtur esse Deiculus; tum etiam quia possessio stat pro voto, & in dubio melior est possidentis conditio, ut notat Sanchez lib. 10. disp. 9. Et idem dicas, si dubietur, an circumstantiæ, quæ superveniunt voto, nota-

biliter varient rem promissam?

VI. Ubi diligenter notandum, non irritari votum ex ignorantia alicujus circumstantiæ, quæ sit esset prævisa, votum non fuisset emissum; nam si hoc esset, fere nullus contractus subsisteret; quia fere semper ea de novo accidunt contractui, quæ si fuissent prævisa, contractus non fuisset factus. Quare dicendum cum Sanchez loco laudato n. 15., tunc votum irritari, quando ex vi volitionis votendi, non vero ex vi aliorum actuum, vel habituum votantis, non fuisset emissum votum errore deprehensio: E. gr. si quis velit dare eleemosynam Petro, qui putatur pauper, & probus, cum tamen sit dives, & fur, ex vi volitionis votendi eleemosynam non fuisset hujusmodi votum emittum deprehensio errore, quod Petrus sit pauper, quia sola paupertas, non vero probitas continetur in objecto voluto per talem promissionem. At si deprehendatur, quod non sit probus, sed sit fur, solum ex vi aliorum actuum, vel habituum votantis, quibus odio habet fures, non fuisset data eleemosyna, nec votum emissum fuisset; & ideo si Petrus sit pauper, & fur, adhuc votum est validum, secus vero si sit probus, sed dives.

VII. Votum tamen solemne Religionis nunquam est irritum; sicut nec est irritum Matrimonium, nisi quando error est circa substantialia contractus, (ut docet communiter cum Sanchez lib. 10. de Matrim. disp. 9. n. 20.) quamvis error sit circa causam finalem. Disparitas autem, quare error circa causam finalem irritet votum simplex, & Sponsalia, non tamen irritet votum solemne, & Matrimonium, est, quia quando voluntas eligit statum fixum, & permanentem (sicut est professio Religiosa, & Matrimonium) eligit illum secundum modum congruentem tali statui, atque adeo independentem ab aliis rebus, præter ea, quæ sunt de

de ipsius status substantiam.

VIII. Sequitur V. resolutio illius questionis, sit ne valida donatio elemosynæ facta simulanti pauperatē, vel ægritudinem; Putant esse validam Cajet., Sot., Laym. l. 3. tract. 4. sect. 5. c. 5., quia causa finalis dandi elemosynam non cessat; ea enim videtur esse non paupertas, sed charitas Dei, qui Solem suum oriri facit super bonos, & malos. Suar. tamen l. 4. de voto c. 18. Azor. Conink, de Sacramentis d. 31. docent esse invalidam, atque adeo elemosynam restituendam esse, quia quamvis actus ille, quo pauperi succurrimus, sit a charitate Dei imperatus, elicitur tamen a virtute misericordiae, quæ respicit essentialiter miseriam pauperis sublevandam, unde cessante paupertate cessat causa finalis; & sic donatio est nulla.

Alii denique cum Molina d. 210. Lessi. c. 18. n. 130., & Rebello verius distinguunt juxta superius dicta, quod si dans elemosynam deprehensis divitiis Patris voluisset donationem esse nullam, tunc donatio est invalida: Secus vero si deprehensis divitiis, solum non facta fuisset elemosyna, non vero voluisset ille invalidam esse largitionem: Juxta quam sententiam excusantur a restitutione, qui ob fictam causam accipiunt elemosynas parvas; quia scilicet animus donantis solet esse, quod valida sit donatio, non obstante fictione, posito quod parvam illam elemosynam contulit; quandoquidem idem est meritum apud Deum erogantis stipem, sive verus sit pauper, qui accipit, sive putatus: Non excusantur tamen a restitutione, qui ficta paupertate magnas elemosynas accipiunt, quia causa finalis istarum est sola paupertas sublevanda.

IX. Sequitur ultimo resolutio alterius questionis, An quando quis erigit v. gr. hospitale pro Germanis, aut constituit dotem pro Virginibus &c.

teneatur ad restitutionem, qui fingit se esse Germanum, aut se esse Virginem, ut possit frui iis bonis? Videtur, quod non, quia error est circa qualitatem: Sed dicendum teneri cum Azor. l. 1. c. 18., & aliis communiter; quia talis error circa qualitates redundat in substantiam; etenim reditus illi constituti sunt ad Germanos sustentandos, & ad Virgines dotandas; Unde error est circa substantiam donationis.

Cui tamen facienda sit hujusmodi restitutio? dissidium est apud Doctores: Sotus, Molina, Lessius, Bonacina putant faciendam esse danti, quia cum donatio sit invalida, remanet dominium apud Donantem, Cajetanus, & uterque Navarr. putant, faciendam esse aliis pauperibus, quia donans abdicavit a se dominium; Vasquez cap. 3. de Elemosyna dubio ultimo censet ad arbitrium recipientis posse restitutionem fieri, vel danti, vel aliis pauperibus, ob utriusque illius sententiæ probabilitatem.

ARTICULUS IV.

An dolus, vel Error Antecedens dans causam Contractui illum irritet saltem jure positivo?

- I. Nullo jure irritatur Contractus, si dolus, & error sit circa accidentalialia, & non proveniat ab aliquo ex contrahentibus doli particeps. Debet tamen contractus ad aequalitatem reduci.
- II. Si res sit integra, non tenetur decipiens stare Contractui.
- III. Qui sponsalia contraxit cum Berta, quam falso putat esse divitem, num possit errore detecto rescire?
- IV. Contractus per dolum alterius Contrahentis celebrati jure positivo videtur validi, licet ad arbitrium dece-

decepti possint rescindi, si sint rescindibiles.

V. Distinguitur objecta.

VI. Opposita sententia suam habet probabilitatem.

I. **C**ertum est, errorem, vel dolum, qui non provenit ab uno contrahente doli particeps cum injuria alterius, non tollere consensum substantialem, quando est circa accidentalialia contractui; nec ullo jure hujusmodi contractus irritari, esto doli dederit causam contractui; ut communiter docent cum Laym., Less. Bonac. Solum admittit Sanch. l. 1. disp. 64., quod secundum juris æquitatem possint irritari. Molina vero disp. 352. notat, quod si in contractu fuerit ratio doli aliqua inæqualitas, debeat ad æqualitatem reduci; ut si quid emptum fuit minus iusto pretio, debet usque ad pretium iustum, saltem infimum, suppleri *ex l. 13. ff. de Actionibus empti.*

Quod si doli proveniret ab aliquo tertio, tunc ille tenetur restituere decepto quicquid datum fuisset ab emptore, etiam ultra pretium infimum; quia totius istius jacturæ fuit causa injusta per dolum.

II. Denique Less. cap. 17. n. 33. advertit, quod si res sit integra, non tenetur in conscientia deceptus stare contractui; quia promissio, cum sit quedam lex privata, non obligat ultra promittentis intentionem; Nemo autem promittens intendit se obligare, nisi subsistat causa, propter quam promittit: ergo interveniente dolo, deceptus non tenetur stare contractui.

III. Hinc communiter docent, quod si quis contrahat Sponsalia de futuro cum Berta, quia per errorem putat illam esse divitem, aut nobilem, poterit errore detecto rescire, & sponsalia dissolvere, si ea non esset alias

contracturus: Et quamvis putet Less., deceptum in hoc casu debere compensare damnum, quod alteri obveniret ex non adimplentione contractus; at verius Merol. docet non teneri, si error fuerit invincibilis, aut venialiter solum vincibilis; sed solum quando fuit graviter vincibilis; quia tunc damnum provenit alteri contrahenti ex culpa gravi trahente onus restitutionis. Quando vero res non est integra, qui tali contractu per dolum celebrato aliquid consecutus est, non tenetur ad restitutionem, nisi contractus irritetur, quia nullam injuriam intulit. Si tamen error sit circa substantiam contractus, puta donationis, tunc quia donatio jure naturalis est irrita, datur onus restitutionis, juxta dicta articulo secundo.

IV. Difficultas tamen est, An quando doli circa accidentalialia dans causam contractui provenit ab altero contrahente, tunc contractus jure positivo sit irritus? Quod ad proximum deferavit, ut mox dicemus.

Sanchez lib. 1. d. 64., Molina, Bonacina, Salas putant, contractus bonæ fidei, ut emptio, Locatio, commodatum &c. esse irritos jure positivo; Contractus vero stricti juris; ut promissio, donatio, emphyteusis &c. esse irritandos, & consequenter validos; ita ut exceptione doli mali elidi possint. Quod probant *ex l. Et eleganter ff. de dolo*, ubi dicitur nulla esse venditio, si in hoc ipso, quod venderet, circumscriptus est, hoc est dolo inductus est. Quia tamen hæc lex est tantum pro foro externo, & secundum conscientiarum forum, & Jus canonicum nullum hac in re datur discrimen inter contractus bonæ fidei, & stricti Juris; ideo omnes omnino contractus, quibus doli adhibitus ab altero contrahente, censentur a Molina d. 259. Sanch. l. 1. d. 64. Rebell., & aliis jure positivo irriti.

Dicemus.

Dicendum tamen cum Less. c. 17. n. 31. Laym. l. 3. tract. 4. c. 5. Coint. & aliis communius, omnes contractus per dolum alterius contrahentis celebratos esse validos, & jure positivo irritandos ad arbitrium solius decepti; quando tamen contractus rescindi potest, non vero si sit irrefcindibilis, ut Matrimonium, & professio Religiosa.

Probat, quia dolus, & error circa accidentalia non tollunt voluntarium simpliciter, sed solum faciunt involuntarium secundum quid; ergo in casu nostro cum habeatur consensus substantialis, contractus sunt validi, ut patet in contractu matrimonii, qui in omnium sententia est validus. Quod autem ad arbitrium solius decepti possint irritari contractus rescindibiles, constat, quia semper in contractibus censetur inesse ea tacita conditio, quod arbitrio decepti rescindi possint, quando dolus alterius contrahentis induxit ad contrahendum.

V. Oppones ex Molina, Sanch., Rebell. legem laudatam, *Et eleganter*, ubi dicuntur irriti contractus bonæ fidei celebrati ex dolo alterius contrahentis; sed in jure Canonico nullum est discrimen inter contractus bonæ fidei, & stricti juris: ergo jure positivo omnes hujusmodi contractus sunt irriti, non vero solum irritandi.

Confirmatur, quia si hujusmodi contractus essent validi, sequeretur, quod deceptus, quousque errorem deprehendat, teneretur ad arbitrium deceptoris stare contractui, quod videtur absonum; nam ex injuria irrogata proveniret illi actio, & jus adversus deceptum.

Respondco, eam legem non obstat, tum quia ibi agitur de Minore per dolum decepto, ut servum venderet, cujus contractus erat nullus, quia absque Judicis decreto, quod requirebatur ex lege, *Ex causa cognitione ff. de*

Minoribus, tum etiam quia hujusmodi contractus vocantur irriti, per hoc quod deceptor nihil solidi juris ex eo acquirat, cum debeat ad arbitrium decepti rescindi contractus: denique cum sæpe in jure idem sonet irritum, ac irritandum, dicendum hujusmodi contractus esse tantum irritandos, non irritos.

Ad confirmationem dico, hujusmodi jus, & actionem competere deceptor, non ex injuria illata, sed ex mutuo, & substantiali consensu adhibito in contractu; ex injuria autem duo sequuntur, & quod omne damnum rescircare debeat deceptor, quousque dolus ignoratur ab altero contrahente, & quod deprehenso dolo debeat ad arbitrium decepti contractum rescindere.

VI. Quia tamen opposita tot, tantorumque virorum sententia (quod scilicet jure positivo sint irriti hujusmodi contractus) suam habet probabilitatem, ex ea pro praxi sequitur, deceptorem non teneri in conscientia ante Judicis sententiam contractum implere, aut ratificare: Sicuti qui fide contraxit, non tenetur saltem sub mortali contractum ratificare, quando nullum secutum sit incommodum, quod unice per ratificationem reparari possit; ut de matrimonio docet Sanchez l. 1. d. 11., & de aliis contractibus docet Lessius: Nec tenetur professione nisi forte per accidens ad scandalum vitandum.

Dices: Absonum est, quod deceptus teneatur stare contractui, & deceptor nec teneatur contractui stare, nec illum ratificare; ergo tenetur ratificare.

Respondet Sanchez loco laudato, non teneri ad ratificandum; sicut non tenetur ad professionem Religiosam exterius ratificandam præciso scandalo, qui fide professus est, quamvis Religio

giò se obligaverit ex parte sua; sed sufficit, quod Religiosus consensum interius renovet, antequam Religio revocet consensum suum. Ratio est, quia ex hoc, quod deceptus se obligaverit, & teneatur contractui stare, quousque illum putat validum, solum sequeretur, quod deceptor teneatur ex iustitia vitare, & compensare quodvis damnum contrahentis; ergo non tenetur ratificare contractum, si aliter potest damnum reparare.

ARTICULUS ULTIMUS.

An Error Concomitans circa rei substantiam irriter contractum iure naturæ.

I. Videtur circumscriptio Matrimonio validus iure natura contractus celebratus cum errore concomitante, seu incidente in contractum; quippe qui deprehenso errore adhuc celebraretur.

II. Communis tamen docens esse invalidum iure natura.

III. Doctores oppositum sentientes, docentesque iure saltem positivo esse validum, interpretandi sunt de contractum celebrato per errorem concomitantem circa qualitates.

IV. Contractus iure natura nullus a lege extrinseca solum validari potest quoad ejus effectum, non quoad ejus constitutiva.

V. Quid si dubitemus, Num contractus celebratus sit cum errore antecedente, an cum concomitante?

I. Reliquum est, ut agamus de errore, seu dolo concomitante, quem Juristæ vocant dolum incidentem in contractum, quia non est causa contractus, quandoquidem etiam eo deprehenso contractus fieret: Vasquez 1. 2. d. 13. c. 4. n. 30., cum communi Juristarum docere videtur,

quod contractus hic sit validus; excepto Matrimonio, quia quamvis error, & ignorantia concomitans faciant actum non voluntarium, juxta superius dicta; nihilominus cum hic contractus non sit positive involuntarius, & alias deprehenso errore etiam fieret, censeri debet validus propter voluntatem interpretativam, qua contractus fieret, si error non adesset.

II. Sed communiter cum Divo Thoma 1. 2. q. 6. a. 8., & Filliuc tract. 25. c. 6. negant esse validum ea ducti ratione, qua communiter etiam docent cum Sanch. l. 7. d. 18. Matrimoniale contractum cum ignorantia concomitante celebratum esse nullum, puta si quis ducat Bertam, putans esse Tereciam, eo tamen animo, ut etiam illam duceret, si sciret esse Bertam. Ideo enim Matrimonium hoc cum Berta est invalidum, quia ad contractum matrimoniale requiritur voluntas, & consensus positivus, qui relate ad Bertam non datur; Cum ignorantia concomitans, licet non faciat actum positive involuntarium, non faciat tamen voluntarium positive. Et ratio ulterior est, quia in hoc casu consensus est absolutus relate ad Tereciam, cum putet illam esse Tereciam, relate vero ad Bertam præsentem consensus est conditionatus, quatenus si sciret hanc esse Bertam, adhuc duceret; Consensus autem conditionatus conditione se tenente ex parte actus, quo quis dicit, contraherem cum Berta, si &c. nullam inducit obligationem, ut patet, quis enim dixerit aliquem teneri v. gr. voto, quod non emittit absolute, sed emitteret, si &c. ergo matrimonium hoc est invalidum. Hæc autem ratio æque militat pro aliis contractibus; ergo nullus contractus iure naturæ est validus, si cum errore, vel dolo concomitante celebratur.

III. Juristæ, qui in contrarium adducunt-

ducuntur, docentes, jure saltem positivo contractum cum errore concomitante esse validum, intelligi debent de errore circa qualitates, non circa rei substantiam; Et eodem modo explicandus est Vasquez laudatus; Nam si error sit circa substantiam rei, aut circa qualitates substantiales, cum reddat contractum jure naturæ invalidum, fieri nequit, quod jure positivo hujusmodi contractus evadat validus; Quomodo enim fieri poterit, quod contractus jure humano sit validus, quando ei defunt constitutiva essentialia contractus, ut est consensus absolutus?

IV. Potest quidem a lege extrinseca validari contractus relate ad ejus effectum, non relate ad ejus essentiam: Sicut enim potest Deus sine consensu Cajj, & Bertz obligare illos ad ea omnia, ad quæ obligat contractus matrimonialis, ut notat D. Thomas 1. 2. q. 100. a. 8. ad 3., in quo casu habetur effectus matrimonii, nempe vinculum indissolubile, absque constitutivis essentialibus matrimonii; Ita potest lex humana efficere, ut posito contractu cum ignorantia concomitante, obligetur contrahens, perinde ac si verum contractum posuisset; quin tamen efficere possit, quod habeatur tunc contractus legitimus, deficientibus ejus constitutivis; cum ne divinitus quidem id fieri possit.

An autem jus humanum de facto statuerit, quod contractus cum errore concomitante celebrati validi sint quo-

ad eorum effectum? dicendum cum Meroll. n. 368. probabilius nihil de hoc statutum esse: Quod probatur ex leg. *In venditionibus*, ff. de contrahenda emptione, ubi dicitur error in substantia rei reddere venditionem nullam: Cum autem textus non loquatur expresse de errore tantum antecedente, dante causam contractui, intelligendus est de quocumque errore, sive antecedente, sive concomitante incidente in contractum, quia ubi lex non distinguit, nec nos distinguere debemus, ex lege de pretio, ff. de public.

V. Illud demum inquiri posset: In dubio, num contractus aliquis celebratus sit cum errore antecedente, an cum concomitante, quid resolvendum? Sanchez lib. 1. d. 65. putat id resolvendum ex materiæ gravitate; nam si ea sit ita notabilis, ut juxta prudentium æstimationem notabilem mutationem efficiat, præsumendum est, quod si error deprehenderetur, contractus non fieret, atque adeo contractum fuisse factum ex errore antecedente dante causam contractui, & ideo esse invalidum; cum talis error sit circa rei substantiam, seu circa qualitates substantiales: Secus vero, si gravem mutationem non efficiat. Quod si recurrat dubium, an gravem efficiat mutationem? tunc standum pro valore contractus, qui stat in possessione; atque adeo dicendum factum esse cum errore tantum concomitante, quicquid sit circa accidentalia rei, unde contractus sit validus.

QUÆSTIO VI.

De Metu irritante Contractus, aut Vota ex defectu Voluntarii.

PLurima hic inquirenda: Et primo quidem, an metus gravis iniuste incussus ad contractum extorquendum irritet illum jure naturæ? Secundo, An saltem jure positivo irritet? Tertio, Utrum extorta metu levi in foro conscientie restituenda sint? Unde plurimarum quæstionum resolutio descendet. Esset etiam inquirendum, An contractus metu irriti juramento firmentur: sed quoniam hac in re plura sunt discutienda, quæstionem seorsim instituemus. Sit igitur

ARTICULUS I.

An metus gravis iniuste incussus ad extorquendum contractum irritet illum jure naturæ?

- I. Non irritantur contractus a metu gravi non iniusto.
- II. Neque a metu iniuste incusso, sed non ad extorquendum contractum; in quo casu non est irritandus. Ex quo multa deducuntur.
- III. Metus iniuste incussus ad contractum extorquendum videtur jure naturæ contractum irritare multis de causis.
- IV. Saltem videtur id verum esse in contractibus lucrativis, qui debent esse magis voluntarii, quam onerosi.
- V. Sed communius docent, omnes hujusmodi contractus esse jure naturæ validos, ita tamen, ut ad arbitrium metum passus rescindi possint, dummodo sint rescindibiles. Quare etiam matrimonium meticulousum, & professio Religiosa jure naturæ sunt valida, & solum jure positivo irritantur.
- VI. Possit tamen metum passus accommodare se opposita sententia, & nolle

flare contractum tanquam invalido.

VII. Metus dicitur consensus contrarius, non quia illum destruit, sed quia minuit.

VIII. Dominium, quod per contractum metu extortus transfertur, est debile.

IX. Cur nequit latro ea, quæ sibi per metum promittuntur accipere? Et cur promittens non teneatur ea solvere, nisi promissio sit jurata?

X. Votum simplex metu extortum solum jure positivo est irritum, non quidem scripto, sed tradito; Non secus ac matrimonium fidelis cum infidele metu extortum.

XI. Pariter sponsalia meticulousa vel sunt saltem indirecte irrita jure positivo per hoc, quod irritetur matrimonium, ad quod tendunt, vel sunt irritanda.

I. **C**ertum est, quod si metus sit injustus, & proveniat ab intrinseco, vel a causis naturalibus, non irritetur contractus: Aliter promissiones, vota, & juramenta in infirmitate periculosa, aut in tempestate facta non valerent; quod nemo dixerit. Et ratio est, quia nictus non tollit simpliciter voluntarium: Quando autem non est injustus, non irrogat injuriam; unde

de non est, cur contractus sit irritus, aut irritandus.

II. Certum etiam est, neque irritari contractum a metu injusto incusso, sed non ad illum extorquendum: Et enim tunc homo non impellitur ad contrahendum ab alio, sed a se ipso, cum nemo exigit illum contractum, sed voluntarie contrahens illum eligit ad evadendum malum imminens, etiam si injuriose comminatum: Imo in tali casu nec est rescindendus contractus, ut docent Salas, Rebell., Conink., Henriq. l. 11. c. 9. Cessat enim ratio, ob quam contractus rescinduntur, videlicet ne detur ansa ad vim inferendam. Unde sequitur primo, valere matrimonium damnati ad mortem propter homicidium, cui libertas offertur, si ducat consanguineam occisi: Idque verum est, non solum si juste, sed etiam si injuste damnatus sit ad mortem; dummodo non sit damnatus ad matrimonium extorquendum, ut docent Palas, Bonacina, Valen., Sanch. l. 1. d. 12. Sequitur etiam, ut notat Henriq. loco laudato, & Sanch., quod si consanguinei velint injuste occidere repperitum in stupro, & hic offerat matrimonium cum stuprata ad mortem evadendam, validum etiam sit matrimonium, quia metus non tendit ad extorquendum matrimonium, sed per accidens se habet ad illud. Idemque dicitur, si Gubernator obsessus offerat matrimonium cum filia obsidentis, ut obsidione liberetur; dummodo obsessio non fuerit ad extorquendum matrimonium.

III. Difficultas itaque est de metu injusto incusso ad contractum extorquendum; Et quidem de metu gravi; nam si metus sit levis, certum pariter est, contractus non esse irritos; immo nec irritandos in foro exteriori; cum pro metu levi non detur actio pro tali foro, ex leg. *Vani timoris*, ff. de Regul. juris; quamvis communissi-

me doceant contra Medinam extorta metu etiam levi pro foro conscientie esse restituenda, quod infra examinabimus.

Prima itaque sententia docet cum Soto, Sayro, Salas, Molina disp. 267. & 326. ad 2., hujusmodi contractus jure naturæ esse irritos, atque adeo per illos dominium non transferri. Ratio est primo, quia Titius extorquens metu gravi consensum a Cajo, irrogat illi injuriam, & injustitiam; ergo justum non est, quod commodum ex hac iniquitate reportet; reportaret autem commodum, si contractus esset validus; quandoquidem obligaret sibi Cajum coactum metu ad contrahendum: ergo contractus non est validus.

Secundo, quia contractus sine consensu est jure naturæ nullus; atque posito metu deest consensus: nam in Reg. *Nihil consensui*, ff. de regul. jur. dicitur, *Nihil consensui tam contrarium est, quam vis atque metus*; Et cap. *Cum locum de sponsal.* dicitur: *Cum locum non habeat consensus, ubi metus, vel coactio, intercedit*. Contractus itaque meticulousus est nullus.

Tertio, acquisita per hujusmodi metum gravem in foro conscientie restituenda sunt, antequam per judicis sententiam rescindatur contractus; ut communiter docent apud Lessi. c. 13. n. 21.; ergo signum est dominium non transferri; & consequenter contractum esse invalidum.

Quarto, si metu injusto incusso adigaris ad promittendum latroni centum, certe latro non potest ea accipere, & consequenter, nec tu teneris solvere: ergo signum est, promissionem illam jure naturæ esse nullam.

Quinto, quia votum simplex extortum per metum gravem, juxta communem opinionem, & Ecclesie proximè est irritum, nec tamen irritatur jure positivo; nam textus, qui in contrarium adducitur cap. 1. de his, que vi,

ex Panorm., Sylvest., & aliis non loquitur de voto simplici, sed de professione Religiosa: ergo est irritum jure naturali.

Demum, quia sponsalia metu contracta sunt nulla, ut communius docent cum Magistro in 4. dist. 29., & tamen ex Less. c. 17. n. 47. Conink., Palao, Henriq. non irritantur jure positivo; unde jure naturæ sponsalia, & omnes contractus metulolosi sunt irriti.

IV. Secunda Sententia cum Vasquez 1. 2. d. 21. Azor., Bonac., Dia. p. 3. tr. 5. ref. 20. docet, contractus onerosos esse jure naturæ validos, etiam si metu gravi ad illos extorquendos sint initi, non vero lucrativos, ut sunt donatio, promissio, testamentum, legatum, precarium, commodatum. Ratio est, quia ad valorem contractus non solum requiritur consensus, qui absolute metu non tollitur, sed etiam iustus titulus; atqui in contractibus lucrativis, si adsit metus, abest iustus titulus; etenim donatio v. g. non est vera donatio, si fiat coacte; cum debeat ex affectu liberali prodire; unde majus voluntarium requiritur in contractibus lucrativis, quam in onerosis, quia liberaliter disponere de rebus suis, & ad id cogi metu, invicem pugnant; ergo contractus lucrativi metu extorti jure naturæ sunt irriti.

Confirmatur, quia non alio ex capite restituenda sunt, quæ usurarie accipiuntur, nisi quia donentur invite, & coacte; ergo ratio inviti destruit naturam donationis.

V. Communior tamen, & verior sententia docet cum Sanch. l. 4. d. 8. Less. c. 17. n. 42. Conink., Palao, Layman., Henriq., omnes omnino contractus metu extortos esse validos, quamvis ad arbitrium metum passim rescindi possint, si sint rescindibiles. Probatur primo a pari: Communiter docent ex cap. majores de Baptismo, Sacramentametu recepta esse valida (ex-

cepto matrimonio, quod jure positivo irritatur) ergo etiam sunt validi contractus metu extorti. Secundo, quia communissime docent contra Rebell. 2. par. l. 1. q. 5., metum levem non irritare contractum; immo nec in foro externo admittitur actio, aut exceptio metus levis, ex lege *Vansimoria, ff. de regulis juris*; & tamen etiam per metum levem fit injuria contrahenti, & datur onus restitutionis; Quare nec metus gravis irritabit contractum jure naturæ, quamvis contineat injustitiam, & trahat onus restitutionis. Tercio a priori, quia ad valorem contractus duo requiruntur, nimirum consensus, & titulus legitimus, videlicet dati, & accepti, donati, promissi &c., atqui metus non tollit consensum voluntarium sufficientem ad valorem contractus, quod nemo negat; nec tollit legitimum titulum v. g. donationis; quia donatio, quamvis sit coacta, adhuc vera, & voluntaria donatio est, & quidem liberalis, nec onerosa; nam coactio non opponitur liberalitati, sed libertati; ergo habentur ea, quæ ad valorem contractus requiruntur. In tantum quæ usurarie accipiuntur restituenda sunt, nec valide sunt donata, quia ea non traduntur titulo donationis, sed in pretium mutui; quod tamen non est dignum pretio; & ideo invalide dantur deficiente iusto titulo.

Neque dicas, non haberi in casu nostro titulum iustum, cum donatio extorta metu injuste incusso sit donatio continens injustitiam. Nam contra est, quia licet donatio ista injustitiam contineat ex parte incipientis metum, adhuc ipsa est titulus iustus, & legitimus, quo dominium transferatur, cum sit titulus, cui jus non resistit ipsum annullando: Et per hæc patet ad rationes pro secunda sententia.

VI. Ad rationes pro prima sententia respondetur: Ad primam, cum consensus metu extortus sit simpliciter

voluntarius, non est mirum, quod metum passus jure naturæ teneatur stare contractui irrefcindibili, ut est Matrimonium, & Professio Religiosa, quamvis jure positivo rationabiliter hæc sint irrita: Si vero contractus sit rescindibilis, nullum incommodum sentit metum passus ex validitate contractus; quia ad sui arbitrium potest illum rescindere. Præterquamquod incutiens metum tenetur semper damnum compensare. Quia tamen opposita sententia docens injusmodi contractus esse jure naturæ irritos, suam habet probabilitatem tam ab intrinseco, quam ab extrinseco, ideo poterit etiam passus metum huic sententiæ se accommodare, & nolle stare contractui metu extorto, tanquam invalido.

VII. Ad secundam negatur minor. Metus dicitur contrarius consensui, quia minuit voluntarium, ac liberum, non quia tollit simpliciter liberum consensum.

VIII. Ad tertiam, falsum est non transferri dominium per contractus metu extortos, posito quod sint validi: Dominium tamen, quod transfertur, est debile, eo quod metum incutiens ratione injuriæ irrogatæ teneatur rem ad pristinum statum reducere, & damna compensare. Hinc in leg. *Metum*, ff. de eo, quod metu causa dicitur a metu passio haberi actio in rem, eo quod res sit in bonis suis; non quia revera habeat ille ejus rei dominium post contractum, sed quia perinde se habeat, ac si haberet ejus rei dominium, per hoc quod habeat actionem in personam, & in rem, & debeat ab incutiente metum injuste ea res restitui.

IX. Ad quartam dicendum, latronem non posse accipere centum promissa per metum injustum, quia tenetur ea restituere ob injuriam irrogatam; hinc metum passus, quamvis ratione promissionis vero animo factæ,

& non fictæ ad redimendam vexationem teneatur ea solvere; at quia potest damnum sibi compensare ob injuriam sibi irrogatam, potest non solvere.

Neque dicas, quod debeat prius solvere, & postea per judicem repetere, aut si id commode non possit, per occultam compensationem; Sicut facere debet, si promissioni addidisset juramentum. Nam si teneretur prius solvere, ac deinde repetere, non compensaretur sibi quodcumque damnum injuste irrogatum per metum, quia hoc ipsum solvere, & repetere aliquid incommodum est, quod non compensaretur. Quod si talis promissio sit jurata, cum juramentum servandum sit, quoribus sine culpa servari potest, & nulla habeatur culpa, si solvantur centum promissa latroni, ideo vi juramenti præstiti obligatur jurans ad ea solvenda; ita tamen ut possit ea statim repetere, aut per occultam compensationem damnum sibi injuste illatum reparare. Idemque dicas, si cum juramento promittantur usuræ mutuantis, quippe quæ ex timore mutui non debeantur.

Neque urgeas, quod promittens latroni centum teneretur simul, & non teneretur ea solvere; teneretur ratione promissionis validæ, non teneretur, quia potest sibi damnum per injuriam illatum compensare. Nam teneri ex uno capite ad aliquid præstandum, & ex alio deobligari non pugnant; ut notat Palanus tom. 1. tract. 2. d. 1. puncto 8.; Nam si quis ex contractu Empeionis v. gr. debeat Petro centum, & Petrus ex alio contractu, puta Locationis, debeat eidem pariter centum, poterit ille ex titulo emptionis obligari ad solvendum centum, & ex titulo locationis deobligari, & sic simpliciter non teneri, donec sibi satisfiat.

X. Ad quintam, votum simplex me-

tu extortum jure naturæ validum est, sed ut notat Franc. de Lugo qu. 10. n. 64. ex Sanch. lib. 4. Summa cap. 3. n. 12. & lib. 4. de Matrim. disp. 14. contra Suar. lib. 1. de Voto c. 8. est irritum jure positivo; non quidem scripto, sed tradito, seu Ecclesiæ traditione, & consuetudine habente vim legis; Sicut etiam dicitur de matrimonio fidelis cum infideli metu extorto.

XI. Ad ultimam, Sponsalia metu extorta jure naturæ sunt etiam valida; sunt tamen vel irritanda ad arbitrium metum passi, ut docent Less. cap. 17. n. 47. Coninc. Henric. Palaeus, vel irrita jure canonico, ex cap. *Ex licetis, de Despons. Impub.*, ut putat Sanchez l. 4. d. 19., vel indirecte irrita, quatenus irritatur matrimonium metu extortum, ad quod tendunt Sponsalia.

ARTICULUS II.

Utrum Contractus metu injusto extorti sint jure positivo irriti, an solum irritandi?

- I. *Plurimum ad proximum refert hujus questionis solutio; etenim si sunt irriti jure positivo, sequitur, quod renuncians beneficiis adhuc ad horas teneatur: quod ex sponsalibus non oritur impedimentum publicæ honestatis: quod vi talis testamenti succedat hæres ab intestato &c.; secus vero, si solum sint irritandi.*
- II. *Communius docent nonnullos dumtaxat hujusmodi contractus esse jure positivo irritos; tres videlicet jure civili, ac tres alios jure canonico.*
- III. *Solutio a censuris metu extorta est irrita. Sed quid de dispensatione in lites?*
- IV. *Num metum incutiens teneatur Contractus irriti jure positivo stare ad arbitrium metum passi?*

I. **P**lurimum interest hujus questionis solutio, ut notat Sanch. l. 4. d. 8.; nam si v. g. renunciatio beneficii metu extorta jure positivo sit irrita, sequitur, quod renuncians teneatur adhuc ad Officii recitationem, perinde ac si non renunciasset; possetque ad titulum beneficii sacros Ordines suscipere; Secus tamen, si solum sit irritanda; Pariter si sponsalia metu facta sint irrita, non oritur ex illis impedimentum publicæ honestatis; quod tamen oritur, si sint solum rescindenda; Et si testamentum metu extortum sit irritum, succedit hæres ab intestato; aliter succederet hæres in eo institutus; quamvis hic teneatur damnnum compensare.

II. Variant itaque in hoc Doctores Aliqui cum Soto, Palacios, Molina d. 326., docent, universum hujusmodi contractus esse jure positivo irritos; quod variis textibus probant. Alii cum Basilio apud Dianam p. 3. tr. 5. resol. 118. & 119. putant, solum contractus lucrativos, esse irritos jure positivo, non vero onerosos, præter alienationem rerum Ecclesiasticarum. Alii demum communius, & probabilius docent cum Sanch. loco laudato, Bonacina, Palaeo, Becan. Ledes. universum esse solum irritandos; aliquos tamen in particulari esse irritos: quod probant tum ex cap. *Ad audientiam, De his, quæ vi*; ubi dicuntur quæ metu sunt carere robore hereditatis, quatenus scilicet possunt, & debent rescindi; tum ex leg. *finali de his, quæ vi*; ubi habetur, donationes, venditiones, quæ per potentiam extorta sunt, precipimus infirmari: Ex quo sequitur, tam contractus onerosos, ut sunt venditiones, esse validos, & juris remedio infirmandos, seu irritandos.

Porro contractus, qui jure positivo irritantur ipso facto, si sint metu extorti, sunt plurimi, quamvis Glossa in

in cap. Abbas, De his, quæ vi solum
lex enumeret illis verbis.

Tutor, Judicium, Dos, Sacrum,
Copula, Votum.

Hæc sex vi facta de jure scias fore
nulla.

quorum tres, videlicet Auctoritas, vel
assignatio Tutoris, seu Curatoris, Ju-
risdictio data, vel prorogata, & Pro-
missio, ac solutio dotis irritantur jure
civili; Tres alii, videlicet Promissio,
vel traditio rerum Ecclesiasticarum,
Matrimonium, ejusque promissio (quin
liget juramentum additum huic con-
tractui per metum facto) Votum sim-
plex, & solenne, irritantur jure Ec-
clesiastico.

III. Præterea irrita est Absolutio a
censuris, vel illarum revocatio metu
gravi extorta, ex Cap. unico, De his,
quæ vi in 6. Pariter Testes adhibiti
in Testamento, si sint coacti, non fer-
runt validum testimonium, ex lege Qui
Testamentis. Est etiam irrita Promissio,
vel obligatio facta ab eo, qui in car-
cere detinetur, facta in gratiam ejus,
qui illum detinet injuste, ex l. Qui in
carcere. Denique Suarez l. 6. de leg.
cap. 21. putat Dispensationem in lege
metu extortam esse invalidam, quia
absonum videtur, quod iniquus subdi-
tus ex injusta violentia commodum re-
portet. Verum quia de hac irritatio-
ne non constat, dicendum potius es-
se validam, subditum autem peccare
non solum contra justitiam, sed etiam
contra legem, in qua putat sibi dis-
pensatum, si eam non servet; quia
presumere debet consensum superioris
esse tantum permissivum, non concessi-
vum.

IV. In his autem contractibus jure
positivo nullis, An metum ineutens
teneatur contractui stare ad arbitrium
metum passi? variant Doctores: Af-
firmant Henriquez, Navarr., Rebel.,
quia solum in favorem metum passi
irritantur. Negat probabilius Sanch.

Tom. I.

l. 4. d. 15. cum aliis, quandoquidem
ratione delicti tantum tenetur resar-
cire damnum, & pro foro externo
poterit in penam cogi ad standum
contractui; pro foro autem interno
non tenetur, cum contractus irritus
non obliget.

ARTICULUS III.

Utrum Metu etiam levi extorta resti-
tuenda sint in foro Conscientiæ?

I. Videntur non esse restituenda, quod
multis rationibus suadetur.

II. Saltem in contractibus onerosis, in
quibus minor libertas requiritur,
quam in lucrativis.

III. Verius restituenda universim sunt
in foro Conscientiæ; & contractus
metu levi ad extorquendum illum
celebratus ad arbitrium metum passi
rescindendus est.

IV. Metus levis tollit perfectam liber-
tatem injuste, & in materia gravi,
ideo mortaliter peccat, & ad re-
stitutionem sub mortali tenetur, qui
hujusmodi metum incursit injuste ad
contractum extorquendum; irrogat
quippe deliberate injuriam gravem.

V. Forum externum ad lites vitandas
denegat actionem patienti metum le-
vem; non secus ac in deceptione
intra dimidium justæ pretii.

VI. Matrimonium, & Professio Reli-
giosa metu levi, vel reverentiali
extorta probabiliter jure naturæ va-
lida sunt: sed damnum compensan-
dum.

VII. Quæ sunt jure Ecclesiastico irrita,
si metus gravis sit injustus, proba-
biliter sunt valida, si sit justus.

Quamvis in tractatu de Justitia &
Jure ex professo quætionem hanc in-
stituerimus, non est tamen hic præ-
termittenda, cum Ordo doctrinæ il-
lam exposuimus.

F

I. Pri-

I. **P**rima itaque sententia cum Medina, Palacios, Basil., & aliis docet extorta metu gravi restituenda esse in foro Conscientiæ; secus vero, si metus sit levis; Quorum sententiam probabilem putat Diana p. 3. tract. 5. ref. 117., inferens proinde, quod Confessarius possit deobligare pœnitentem a restitutione faciendâ, si metum levem injustum inculserit; Quamvis possit etiam sequendo sententiam oppositam communioem tribuere pœnitenti facultatem recuperandi, si quid dederit per metum levem injustum. Ratio hujus sententiæ est primo, quia violentia, ac injuria levis pro nihilo reputatur. Secundo, quia metus levis facile superari potest, imo & debet; cum imprudenter agat, qui eo ducitur. Tertio, quia forum internum conformatur externo, quoties hoc non nititur falsæ præsumptioni: Sed forum externum cognito metu levi non obligat ad restitutionem; ergo nec internum: Aliiter forum externum ini-que denegaret patienti metum levem actiones recuperandi, quæ injuste sibi sunt ablata. Quarto, quia non minor libertas requiritur in matrimonio, quam in aliis contractibus; atqui matrimonium metu levi contractum non irritatur in foro conscientiæ; ergo nec alii contractus; unde nec debent restituï extorta per contractus levi metu initos.

II. Secunda sententia putat cum Azor. tom. 1. cap. 11. Lopez, Tabicna, in solis contractibus lucrativis restituenda esse, quæ metu levi sunt extorta, puta in donationibus, elemosynis, &c. quia major libertas in his contractibus requiritur, quam in onerosis, in quibus habetur utrinque commodum, & incommodum.

III. Communior tamen, & verior sententia indiscriminatio docet cum Less. c. 17. n. 46. Sanch. J. 4. d. 9. Soto, Navar., Molina disp. 167. extorta

per metum etiam levem injuste incussum ad contractum incundum, si intercessit culpa gravis, in foro conscientiæ esse restituenda; & hujusmodi contractus in eodem foro esse rescindendos ad arbitrium metum passi, si sint dissolubiles. Ratio est, quia extorquens metu levi injusto contractum injuriam irrogat, & injuste operatur: ergo tenetur in conscientia illam rescire quantum potest, sed non resciret ad æqualitatem, nisi restitueret sic extorta, & rescinderet ad arbitrium metum passi contractum; ergo.

Confirmatur, quia quod per injuriam comparatum est, non reducit rem ad æqualitatem, nisi restituatur; ergo quæ sic sunt extorta, obnoxia sunt restitutioni; quæ ratio æque militat pro contractibus onerosis, ac pro lucrativis contra secundam sententiam.

IV. Ad primam rationem pro prima sententia in contrarium respondetur, etiam metum levem non cadentem in virum constantem tollere libertatem perfectam, & quidem injuste in casu nostro; ergo justitia postulat, ut damnum injuste illatum compensetur. Nonne si quis advertenter furetur materiam levem, tenetur in conscientia sub veniali illam restituere? quia tamen in casu nostro materia est gravis, sub mortali tenetur incuties metum injustum levem ad damnum compensandum, atque adeo ad rescindendum contractum. Ex duplici tantum capite potest quis non teneri sub gravi ad reparandum damnum injuste, & culpabiliter illatum, ut communiter Doctores docent, vel ratione paritatis materiæ, vel ratione indeliberationis. Neutra excusatio militat in casu nostro; ergo datur obligatio gravis reparandi damnum, etiam si injuria lata fuerit levis (dummodo tamen processerit ex gravi culpa) quandoquidem injuria levis, si pariat

damnum grave, injustitiam continet graviter culpabilem, ut accidit, si quis v. g. leviter percutiat aliquem, praevidendo, quod ex tali percussione grave damnum sit emerisurum; atqui injuria levis orta ex metu levi facile parit damnum grave, cum sapissime homines, praeteritum plebei, & rudes ab ea turbentur, & inducantur ad contrahendum cum proprio detrimento; ergo.

Ad secundam: Quamvis metus levis superari facile possit; at sapissime accidit, quod in contrahibus non superetur in multitudine plebis: ergo qui injuste posuit contrahentem in periculo proximo damni gravis incutendo metum levem, tenetur ad restitutionem, atque adeo ad rescindendum contractum.

V. Ad tertiam: Forum externum non concedit actionem patienti metum levem ad vitandas lites, quae facile suborirentur; & idcirco deprehensus tali metu non cogit per sententiam Judicis ad restitutionem; at non proinde deobligat a restitutione pro foro interno facienda. Eodem modo fur, si non sit plene convictus, non cogitur pro foro externo ad restitutionem, tenetur tamen pro interno: Sic ut etiam jus civile denegat actionem in deceptione intra dimidium iusti pretii, ad lites vitandas; at non proinde contractum involventem huiusmodi deceptionem approbat, aut deobligat a restitutione pro foro interno.

VI. Ad quartam: Multi docent cum Navar., Rodriq., Veracrux, Matrimonium metu levi injuste extortum in foro conscientiae, & jure naturae non valere: quorum sententiam probabiliter putant Less. cap. 17. n. 47. Ledes. Sanch. l. 4. d. 17. Equidem probabilius censeo cum eodem Sanch. esse validum jure naturae, ut ceteri contractus; at non proinde est rescindendum, ut ceteri contractus, quia na-

tura sua est indissolubile; unde solum compensandum est damnum injuste illatum; Jure ecclesiastico irritatur solum Matrimonium metu gravi injusto celebratum, ut colligitur ex Cap. primo, & penultimo, de his, quae vi; quia sicut forum externum non attendit ad metum levem, ad lites vitandas, ita lex Ecclesiastica pro foro interno non irritat Matrimonium metu levi contractum ad vitandos scrupulos.

Quod diximus de Matrimonio, dicas de Professione Religiosa; Navarr. enim, Pontius, & alii apud Dianam p. 3. tract. 2. res. 92. putant esse invalidam, si solo metu reverentiali, atque adeo levi emittatur, quia voluntarium militem vult Deus, & nullatenus coactum. Communius tamen cum Sanch., & Laym. l. 3. tr. 4. c. 6. docent, esse validam, & jure Ecclesiastico solum irritari Professionem metu gravi injusto emissam.

VII. Quod si metus gravis sit iuste illatus, etiam si ad extorquendum sive Matrimonium, sive Professionem, communius docent ea valere, cum Sanch. Less., Laym., Palao contra Covarr. & alios putantes esse invalida, eo quod libertas sit valde imminuta; Necnon contra Bonac. de Matrimonio q. 3. punct. 3. & Sot. putantes esse valida, si metus gravis sit a lege incussus ad Matrimonium, vel Professionem extorquendam; secus vero, si sit incussus a iudice, vel aliquo privato; quia scilicet si quis delictum commisit, cui per legem sit annexa obligatio profuturi in Religione, vel contrahendi Matrimonium, ad ea tenetur voluntarie, eo quod voluntarie commisit culpam, ad quam sequitur ea obligatio; Secus vero si a voluntate Judicis, aut alterius ad id adigatur, quia nemo potest ad ea adigere, cum debeant esse omnino voluntaria.

Nostamen cum communiore apud Sanch. lib. 4. de matrim. disp. 13. Less. cap. 17. n. 40. Laym. Palaum, dicimus, matrimonium, & professionem valere, a quocumque incutiat metu gravis iustus; nam si v. g. Titius minetur tibi iustam accusationem, nisi ducas uxorem, vel professionem emittas, huiusmodi matrimonium, vel professio non possunt dici revera coacta; cum nemo ad id cogat, sed coactio provenit a proprio delicto, a quo provenit metu accusationis comminatæ: Sicut enim non dicitur coactæ matrimonium contrahere, qui virginem violavit, & cogitur eam ducere, vel dotare, ex cap. 2. *De adulter.*; Nec qui post sponsalia per censuram cogitur ad matrimonium contrahendum, ex cap. *ex literis de sponsalibus*; Nec dicitur coactæ propter Monachus, quando ob simoniam compellitur ad ingrediendum ordinem strictiorem, ex cap. *de Regular. de Simonia*, quia in his casibus metus non incutitur ab extrinseco, sed supponitur ortus a lege, vel ex natura delicti: Ita in casu nostro coactio non est a comminante iustam accusationem, sed a proprio delicto, ad quod consequitur, quod iuste possis accusationem illam subire, nisi velis illam declinare contrahendo matrimonium, aut ingrediendo Religionem.

ARTICULUS ULTIMUS.

Resolvuntur plurimæ difficultates ex prædicta doctrina.

- I. *Filius renuncians coactæ timore reverentia hereditatem paternam potest illam sibi occulte compensare, relaxato per Episcopum juramento.*
- II. *Non tenetur in conscientia filius, aut uxor de suoolvere debitum patris, aut conjugis, si metu reverentia id promiserint iis moribundis: Nec tenentur sibi iurare, si similiter ad*

sibi iurare se obligant.

III. *Si pars debui a creditore remittatur, eo quod desperet aliter se illud recuperaturum, potest hic nisi occulte compensatione.*

IV. *Preces importuna aquirantur metu reverentia; tenetur proinde deflorator virginis ad restitutionem, si illam importunis precibus induxit ad consentiendum quasi coactæ.*

V. *Qui similiter legatum impedit, pariter ad restitutionem tenetur. Idemque dicas de donationibus inter patrem, & filium, & inter conjuges; & facultas superioris data similiter subdito ad expendendum pariter est nulla.*

VI. *Non tenetur tamen ad restitutionem, qui incusso metu iusto accusandi, ad quod non tenetur, aliquid extorqueat, ne accuset.*

VII. *Idem verum videtur, etiamsi non haberet animum accusandi.*

I. **E**X dictis sequitur primo, quod renunciatio hereditatis paternæ facta a filio metu reverentia, absque minis, licet in foro externo non rescindatur, nec detur actio adversus patrem, eo quod metus sit levis, in foro tamen interno juxta sententiam communionem adductam sit a patre rescindenda, ac damnum filio rescindendum; ita ut possit hic occulte illud sibi compensare, relaxato prius per Episcopum juramento, si adierit, ut notat Sanch. lib. 4. de matrim. disp. 9. Ratio est, quia pater sua auctoritate filii libertatem veluti oppressam tenens obligatur ex iustitia in dispositione hereditatis a filio faciendâ illam laxare, ut pro arbitrio disponat; quod si non præstet, injuriam, & violentiam, licet levem, infert; & ideo ad restitutionem tenetur.

Ubi duo notanda, primum est ex Offensis cap. *Verum de iurejurando*, juramentum ab Episcopo non relaxari pro.

pro foro externo, si metus fuerit levis, sed solum pro foro conscientiae: Alterum est, ad metum reverentialem injustum non sufficere, quod filius cum verecundia, ac reverentia debita patri renunciet; neque sufficere, quod si pater non pateret renunciationem, ea non fieret; sed requiri, quod omnia repugnante voluntate, & quasi coacte fiant, eo quod non audeat filius per timorem, ac reverentia contradicere, quamvis nullum aliud malum sibi timeat.

II. Sequitur II. ex Sanch. loco laudato, quod si filius metu reverentiali inducatur ad promittendam de suo solutionem alicujus debiti parentum, qui in articulo mortis constituti id petant a filio, probabiliter non teneatur hic deinde solvere; quia metu, & quasi coacte, ne parentes in eo articulo contristerent, inductus est ad promittendum. Et eodem modo mulier, quae ex solo metu reverentiali ad vitanda jurgia cum marito, ejusque indignationem, pro eo fidejussit, aliter non fidejussura, non tenetur in conscientia solvere, dummodo relaxationem juramenti ab Episcopo prius obtineat.

III. Sequitur III., si debitori remittatur pars debiti, eo quod creditor desperet se aliter debitum recuperaturum, teneri illum in conscientia partem debiti sibi remissam restituere, ac posse creditorem uti occulta compensatione. Ita Sylvest., D. Antonin., Navarr., Sanch. l. 4. d. 9. n. 17., qui bene advertit, hoc intelligendum esse, quando intervenit aliqua culpa, aut fraus debitoris, quia minatur v. g. se aliter nihil debiti soluturum, vel quia fingit inopiam. Ratio illationis est, quia haec remissio est iuxta involuntarium. Ubi notandum cum Meroll. n. 387., remissionem partis debiti esse nullam, non solum quando extorquetur metu injuste incasso, sed etiam quando ea oritur ex metu probabiliter concepto a creditore (esto

Tom. I.

nemo illum incutiat) quia v. g. timet, sibi aliquod malum injuste inferendum, nisi remittat. Ratio est eadem; quia etiam in hoc casu donatio, seu condonatio est mixta involuntario, & voluntate omnino repugnante, & quasi coacta, ob timorem mali concepti sibi injuste irrogandi.

IV. Sequitur IV., quod diximus de metu reverentiali, dicendum esse de precibus importunis, quae metui saltem levi, & coactioni aequiparantur, ut constat ex sacris Bibliis: Nam Judic. 16. dicitur fortissimus Sampson importunis uxoris precibus coactus detexisse veritatem; unde preces importunae causant involuntarium; Et ideo D. Anton., Sylvest., Bagnes, Corduba, Guttier. probabiliter etiam docent, quod quando quis precibus importunis, atque adco involuntarie trahitur ad ludendum, tunc lucrans teneatur eidem restituere, quod lucratum est (quamvis hoc communiter negetur cum Navarr., & Henriq. apud Meroll. n. 400., quia in ludo non servaretur aequalitas) Docent etiam ad restitutionem teneri defloratorem virginis, si illam precibus importunis induxit ad consentiendum.

Verum Sanchez l. 4. d. 10. notar, preces importunas non aequivalere metui, nec causare involuntarium mixtum, per hoc praecise, quod iis non interpositis actus non fieret; saepe enim aliquis importune rogatus facit aliquid aliter non facturus, & tamen libentissimo animo id facit: Quare tunc metui aequivalent, quando fit aliquid vi precum importunarum, omnino reluctante voluntate, & quasi coacte ad importunitatem vehementem repellendam, ut diximus de metu levi.

V. Ex quibus fit primo, impediendam legatum precibus importunis, quae metui levi injusto aequivalentur, ad restitutionem teneri, ut notat Guttier. cum Sanch. loco citato. Fit secundo,

F 3

fa

facultatem obtentam a superiore hujusmodi precibus importunis aliquid expendendi non excusare Religiosum a vitio proprietatis. Fit tercio, quod licet donatio inter conjuges confirmetur morte Donatoris, ex *cap. finali, de donationibus inter virum, & uxorem*, non tamen si nimia importunitate sit extorta. Idemque dicas de donatione inter patrem, & filium familias: unde hæc edes donatoris in tali hypothefi possunt occulta compensatione uti. Utrum autem quæ blanditiis, & byssinis verbis extorta sunt, pariter restituenda sint? dicemus inferius, cum de concupiscentia minuente voluntarium.

VI. Sequitur ultimo, quod qui potest aliquem juste accusare, non teneatur ad restitutionem, si incusso metu accusationis aliquid ab eo extorqueat, ne accuset. Ratio est, quia metus hic est justus; unde cum non privetur hic jure accusandi, potest juste accipere aliquid, quod proportionem habeat cum tali jure. Id tamen est verum, si posset hic licite accusare, & non teneatur; nam si teneatur, & obliget se ad non accusandum, contractus hic esset nullus; non secus ac si iudex aliquid accipiat, cum onere ferendi sententiam injustam, aut meretrix cum obligatione dandi copiam sui corporis, quia nemo potest obligari ad aliquid

illicitum; unde restitui debet, quod acceptum est, & contractus rescindendus; quamvis patrato scelere probabilius nemo teneatur restituere id, quod pro eo patrando accepit; Etenim quamvis scelus non sit pretio aestimabile, nihilominus qui scelus perpetrat exponit se periculo jacturæ sui honoris, famæ, vel bonorum externorum, aut etiam lationis in propria persona, & quidem in gratiam alterius; poterit ergo retinere patrato scelere, quod accepit, ut huic se periculo exponeret.

Dubitatur, An possit sibi retinere, quod quis accipit, ne accuset juste, prout potest, & non debet, si timorem incutiat accusationis, absque animo tamen accusandi?

Negant Bonacina de Contractibus d. 3. q. 1. puncto 1. & Molina, quia dolus dans causam contractui irritat illum. Sed probabilius affirmant Sanchez lib. 4. d. 9. Lessius c. 17. num. 42. & alii, quia licet dolus dederit causam contractui, ac proinde donatio illa videatur irrita; at hujusmodi dolus non est injustus; cum juste possit hic minari accusationem, siue animum habeat accusandi, siue non; ergo donatio non erit irrita, cum solus dolus injustus dans causam contractui illum irritet.

QUÆSTIO VII.

Utrum Juramentum confirmet Contractus metu irritos,
aut obligationem implendi Contractus
inducat ?

Quæstionem hanc seorsim instituimus, quoniam multa scitu digna continet, quæ passim quidem, sed implexe nimis a Doctoribus traduntur. Et primo præmittimus præmittenda. Secundo inquirimus, An universim juramentum vini habeat confirmandi contractus, qui secluso juramento sunt irriti. Tertio, An, juramentum confirmet etiam contractus metu invalidos, aut saltem obligationem inducat eos implendi ? Denum, Quisnam possit juramenta hæc relaxare.

ARTICULUS I.

Prænotantur Prænotanda.

- I. Distinguedum inter Contractus metu irritos jure naturali, jure positivo, & irritandos.*
- II. Juramentum de se solum habet vim obligandi ad servandum illud, quando Contractui adjicitur; & solum jure positivo habet confirmare Contractus ceteroquin irritos.*
- III. In multis differt juramentum non confirmans (ut juramentum de usuris solvendis) a juramento confirmante contractus.*
- IV. Illud quippe nullum jus confert, potestque a Prelato relaxari, nec confert actionem pro foro externo, nec per illud heredes obligantur; Secus vero juramentum confirmans, quod a Prelato relaxari potest, ubi fuerit in contractum laeso.*

I. **A**dvertendum primo: Contractus metu irritos alios esse irritos jure naturali, ut sunt contractus usurarii: Alios irritos jure positivo, ut alienatio fundi dotalis, renunciatio futuræ successionis &c.: Ali-

lios demum esse validos, sed irritandos, ut contractus metu gravi injusto extorti, juxta superius dicta.

II. Advertendum. Juramento natura sua solum inesse vim obligandi ad veritatem rei juratæ servandam, quando adjicitur contractui; unde si contractui usurario adjiciatur juramentum solvendi usuras, solum ex eo confurgit obligatio eas solvendi, quin tribuat alteri Jus ad usuras; quia scilicet juramentum ita adjicitur, ut non confirmet contractum. Aliquando tamen juramentum ita adjicitur, ut etiam confirmet contractum: Quod tamen non habet jure naturali, sed solum positivo, sive canonico, sive civili. Quare si alienatio v. gr. fundi dotalis juramento firmetur, non solum confurgit in jurante obligatio alienandi fundum dotalem, sed etiam tribuendi Jus ad talem fundum, perinde ac si talis alienatio non esset jure ullo irrita: Ea quippe est vis juramenti confirmantis contractum, ut hunc reddat firmum, & irrevocabilem, etiamsi, præciso juramento, esset ipso jure irritus.

Advertendum III. Juramentum non confirmans contractum (quale est v. gr. juramentum solvendi usuras) in

multis discriminari a Juramento confirmante contractum (quale esset v. gr. juramentum additum alienationi fundi dotalis), ut videre est apud Molin. disp. 150. , & Sanchez lib. 3. c. 11.

III. Et primo quidem Juramentum non confirmans contractum solum inducit obligationem relate ad Deum servandi veritatem rei juratæ, quin det robur ullum contractui: Contra vero juramentum confirmans contractum, quia dat robur eidem, & reddit illum firmitus, & irrevocabilem, præter obligationem erga Deum, inducit etiam obligationem erga alterum contrahentem; cum detur illi Jus ex contractu, perinde ac si esset validus.

Secundo, Juramentum non confirmans contractum potest licite a Prælato relaxari, cum ex eo nullum Jus acquiratur homini; unde eo relaxato potest contractui contraveniri; eo quod de se nullam induxerit obligationem. Quod si non petatur relaxatio, satisfiet juramento, si solvatur res, prout juratum est; etiamsi deinde statim repetatur; cum non sit ullatenus translatus ejus dominium: Contra vero juramentum confirmans contractum non potest a Prælato relaxari; quia cum reddat contractum firmitus, acquiritur vi talis contractus Jus ab altero contrahente; nec potest Prælatus Juri alterius præjudicare; immo ne Pontifex quidem, nisi ob bonum commune, & ex causa urgentissima. Unde fit, quod non liceat amplius contractui contravenire; nec facta solutione potest amplius repeti, quod solutum est. Quando tamen accideret, quod in contractu, qui firmatus sit juramento, fuerit læsio, poterit a Prælato peti relaxatio Juramenti, non ad finem contraveniendi contractui, qui jam est firmus, sed ad finem contendendi in Judicio absque perjurio,

ut contractus rescindatur, ratione illius læsionis.

Tertio, si contractus Juramento non firmetur, non datur actio in foro exteriori adversus jurantem: Secus vero si firmetur; quia tunc acquisitum est jus ab altero. Denique Juramenti non confirmantis contractum obligatio non transit ad hæredes jurantis, cum Juramentum inducat obligationem solum personalem: Contra vero transit ad hæredes obligatio, quando Juramentum contractum confirmat; quatenus obligatio adimplendi contractum descendit ex contractus firmitate.

ARTICULUS II.

Utrum Juramentum universum confirmet Contractus jure positivo irritos?

- I. *Quinam Contractus juramento firmantur?*
- II. *Probabiliter omnes de se validi, sed jure positivo irriti.*
- III. *Contractus hujusmodi jure positivo circumscripto juramento irriti neque obligationem naturalem continent eos implendi, neque eos non revocandi; At juramento superaddito accedit eis obligatio etiam civilis.*
- IV. *Potest jus civile tollere a contractibus obligationem naturalem eos implendi, dum illos irritat; Et potest jus positivum efficere, ut hujusmodi contractus, quamvis irriti, si juramentum accedit, utramque contineant obligationem, & naturalem, & civilem.*

I. **N**onnulli Juristæ, quorum sententiam probabilem putat Suar. l. 2. de Juramento c. 29. docent, Juramentum habere vim confirmandi contractus, qui possunt beneficio restitutionis in integrum rescindi; non ve-

ro contractus ipso jure irritos. Azor. tom. 1. l. 11. c. 5. putat, solum contractus jure civili irritos firmari juramento; non vero irritos jure canonico: Suar. loco laudato, Less. c. 17. n. 56., & alii tenent, firmari juramento contractus non omnino jure positivo irritos, qualis est alienatio v. gr. fundi totalis, sed quibus inest quidem obligatio naturalis, deest tamen obligatio civilis; ut est v. gr. promissio nuda. Ratio hujus opinionis est, quia quando Juramentum accedit promissioni omnino irritæ, non potest tribuere parti ullum jus, ut constat in Juramento solvendi usuras: ergo ut tribuat parti Jus, debet supponere promissionem validam trahentem obligationem naturalem servandi promissum; ita ut vi juramenti adjiciatur eidem obligatio civilis; unde possit promissarius agere in Judicio adversus promittentem.

II. Communior, & probabilior sententia docet cum Sanchez. l. 3. c. 12. Molina d. 156. Guttier., Covarr., & aliis, contractus omnes secundum se validos, sed jure positivo irritos, ex quibus nulla oritur obligatio, neque naturalis, neque civilis, juramento circumscripto, hoc superaddito universim confirmari, ac tribuere parti jus, perinde ac si contractus non essent jure positivo irriti. Ratio est, quia ex multis textibus apud Meroll. d. 1. c. 3. n. 428. habetur juramento confirmari multos hujusmodi contractus irritos jure positivo; quales sunt v. gr. alienatio fundi totalis, contractus minorum absque curatoris auctoritate, & decreto Judicis, si sint circa immobilia; renunciatio futuræ successionis, & similes.

III. Neque dici potest cum Suar., & Less. in his contractibus præsupponi aliquam obligationem naturalem, videlicet non revocandi illos, quanvis non continent naturalem obligationem il-

los servandi, & vi Juramenti accedere obligationem civilem. Nam contra est, quia cum dicti contractus jure positivo sint irriti, intelligibile est, quod non continent obligationem naturalem eos implendi, & continent naturalem obligationem eos non revocandi: hoc enim elicit irritatio juris positivi, quod promissio in eis contenta, quæ de se obligationem naturalem ferret, nullam pariat obligationem; ergo tam promissio implendi, quam non revocandi (quæ illi est accessoria) irrita est; & consequenter contractus jure positivo omnino irriti juramento firmantur.

IV. Neque obstat, quod pro sua sententia Suar., & Less. adducunt. Nam, juramentum potest tribuere contractui utramque obligationem, naturalem, & civilem, posito quod jure positivo ille sit irritus; Etenim de se præcendendo ab ea irritatione, contractus retineret obligationem naturalem; unde potest jus positivum velle, quod accedente juramento habeat tam obligationem naturalem (perinde ac si non esset irritus) quam civilem.

ARTICULUS III.

Utrum Juramentum confirmet contractus metu invalidos, aut saltem obligationem inducat eos implendi?

- I. Potest injusto metu extorqueri mirumque, videlicet & contractus, & juramentum; potestque extorqueri alterutrum.
- II. Juramentum metu injusto emissum contractus meticulosos non confirmat.
- III. Renunciatio legitima, aut hereditatis metu reverentiali, atque adeo levi facta solum pro foro externo juramento firmatur.
- IV. Contractus sponse iniuriæ, & jure positivo

suiivo nullus, juramento per metum extorto non confirmatur.

V. Obligat tamen huiusmodi juramentum ad contractum implendum, nisi relaxetur.

VI. Ideo votum simplex metu extortum non obligat, quia irritatur jure positivo; at simile juramentum non irritatur.

VII. Si contractus, qui metu extorqueatur, a lege irritetur ob bonum publicum juramento illi sponte superadditum, non obligat, nec indiget relaxatione: Secus vero si a lege irritatur ob utilitatem privatam. In neutro tamen casu contractum confirmat.

VIII. Si lex non solum irritet, sed etiam prohibeat contractum, juramentum illi superadditum nullatenus obligat.

IX. Juramentum adjectum sponsalibus, aut matrimonio gravi metu extortis, non obligat; Nec si apponatur constitutioni procuratoris ad matrimonium: Secus vero si apponatur constitutioni dotis, & arrharum.

X. Nec obligat juramentum huiusmodi adjectum professioni Religiosa. Sed probabilius obligat, si apponatur voto ingrediendi Religionem.

XI. Ut juramentum confirmet contractus jure positivo irritos, tres conditiones requiruntur; Unde non confirmantur contractus in præjudicium tertii, aut qui ob publicam utilitatem irritantur.

I. **D**ifficultas procedere potest, Primo, si tam Juramentum, quam contractus extorqueantur metu injusto. Secundo, si Juramentum sponte emitatur, contractus tamen metu injusto extorqueatur. Tertio, si metu injusto extorqueatur Juramentum, contractus tamen sponte inearat, quamvis Jure positivo sit irritus, ut est alienatio fundi dotalis.

II. Dico I. Juramentum, siue metu injusto emissum, siue sponte præstitum, non confirmat contractus metu injusto, siue gravi, siue levi extortos; siue irritos, siue irritandos; siue irritentur a lege primario propter bonum publicum, siue primario propter utilitatem privatam; atque adeo ex tali juramento nullum robur, aut firmitatem contractus meticulosi acquirunt, nec ullum jus tribuitur incipienti metum injustum ad contractum extorquendum.

Probatur, quia vis confirmandi contractum non inest juramento jure naturali, sed jure positivo, ut prænotavimus articulo primo; atqui non est verisimile, jus positivum velle favere extorquenti injuste contractum; ergo juramentum, siue metu, siue sponte emissum non confirmat contractus metu extortos.

Confirmatur, quia, ut notat Guttier. de Juramento p. 1. cap. 40., & alii passim, inter condiciones a jure requisitas, ut juramentum confirmet contractus, una est, quod non reperiat turpitudinem ex parte creditoris, in cujus favorem juratur; & hac de causa non firmatur juramento contractus usurarius, nec promissio facta latroni mortem comminanti: atqui in casu nostro habetur ex parte creditoris turpitudinem, vel injustitia; ergo contractus metu extorti juramento non firmantur. Idque communius Doctores docent cum Suar. l. 2. de Juramento c. 27. Less. c. 17. n. 56.; Molina d. 150. Notatque Sanchez l. 3. c. 12., id verum esse, etiamsi metus injuste incussum sit a tertio, & non ab altero contrahente id ignorante. Nam adhuc in hoc casu adeit turpitudinem, seu injustitia, quæ contractum extorquet, reddique illum irritum, aut irritandum.

III. Dices: Ex capite, *Quamvis pactum, De pactis in sexto*, Renunciatio legitimæ, seu hæreditatis paternæ metu

tu

tu facta, accedente juramento, confirmatur, & fit valida: ergo universim contractus metu extorti ipso jure irriti firmantur juramento.

Respondeo, ibi sermonem esse de metu reverentiali, non de metu gravi, ut notat Meroll. n. 483., quia tamen metus reverentialis est metus levis, ut supra ostendimus, & forum externum non attendit ad levem metum, ideo decernit renunciationem illam metu levi extortam juramento firmari, ita ut in foro externo tribuat Jus: Quia tamen pro foro interno etiam contractus metu levi injusto extortus rescindendus est ad arbitrium metum passi, & damnum illatum compensandum est ab incuriente metum injustum, juxta superius dicta, ideo pro foro interno juramentum non confirmat renunciationem hujusmodi metu injusto levi extortam.

Dixi in conclusione, Contractus metu extortos non firmari juramento, etiamsi primario irritentur a Jure ob privatam utilitatem, ut est renuntiatio hereditatis; quicquid in contrarium videatur sentire Sanch. l. 4. de matr. disp. 20. n. 13. docetur, non juramentum firmari solum contractus meticulousos, qui primario ob publicam utilitatem interdicuntur, ut est matrimonium metu extortum: Etenim ratio conclusionis æque militat pro utrisque contractibus. Tunc autem, ut notat Suar. l. 2. de Juramento c. 26. Lex dicitur primario respicere publicam utilitatem, quando materia proxima, & immediata illius respicit publicum bonum, ut sunt leges, quæ de rebus publicis disponent, v. gr. ne arma, equi, frumentum, pecunia a Regno extrahantur: Contra vero dicitur primario respicere utilitatem privatam, quando materia proxima legis est bonum privatum alicujus, vel aliquorum civium; ut sunt leges irritantes contractus Minorum, aut Mulierum: In dubio ta-

men, num lex irritans contractus respiciat primario publicam, an privatam utilitatem? inclinandum est in favorem boni communis, ex eodem Suar. l. 2. Communitas tamen docent cum Sanch. loc. cit., legem irritantem matrimonium meticulousum respicere bonum commune primario, quia alioqui male servaretur pax inter conjuges, & in Republica, nec apte soboles educaretur; & ideo docent, matrimonium metu extortum juramento non firmari; Secus vero renunciationem legitimæ, aut hereditatis paternæ, nec non renunciationem electionis metu factam, ex cap. *Ad aures, de iis, quæ vi*, quia lex irritans in iis casibus respicit utilitatem privatam. Equidem tamen cum communiori censeo, nullum omnino contractum meticulousum firmari juramento in foro conscientie; Esto pro foro externo, quando metus est levis, videtur aliqui contractus firmari, cum non possit Jus positivum ad metum levem attendere.

IV. Dico secundo, Juramentum metu injusto extortum ad firmandum contractum sponte initum, jure tamen positivo irritum (puta alienationem fundi dotalis) illum non confirmat. Ita communiter.

Ratio est, quia ex dictis articulo primo, Juramentum non confirmat contractus irritos ex natura ipsius juramenti, sed illos confirmat ex lege positiva; atqui nullum jus positivum reperitur, quo dicantur contractus invalidi firmari juramento, quod metu extorqueatur: Immo oppositum habetur in cap. *Quamvis pactum de Pallis in sexto*, & cap. 2. *De Jurejur. in sexto*, & alibi, cum decernatur alienationem fundi dotalis, contractus minorum, & renunciationem legitimæ, secundo juramento, esse irrita, accedente autem juramento esse servanda, nisi vi, & dolo juramentum præstitum sit. Accedit, quod in hoc etiam casu reperi-

reperitur turpitudine ex parte creditoris, in cuius favorem juratur; ergo iuramentum metu extortum non potest contractum confirmare.

V. Dubitatur tamen ulterius, An huiusmodi Iuramentum contractui superadditum obliget ad implendum contractum, indigetque relaxatione, ut contractui contraveniatur, esto contractum non confirmet; eo modo, quo dicitur de iuramento addito contractui usurario?

Dico itaque III. Iuramentum in casu secundae conclusionis (si scilicet metu iniusto extorqueatur ad confirmandum contractum jure positivo irritum) quamvis contractum non confirmet, obligat tamen ad illum implendum, indigetque relaxatione, ut possit contractui contraveniri; non secus ac iuramentum additum contractui usurario. Ita Suar. l. 2. de iuramento c. 11. Lessi. Sanch. l. 4. d. 20. contra Azor. t. 1. l. 17. c. 7. Panormitanum, & alios. Ratio est, quia tale iuramentum non est irritum jure naturali, cum metus non tollat simpliciter voluntarium; neque jure positivo, cum nullum jus positivum adducatur irritans huiusmodi iuramentum; & quae adducuntur, facile a Doctoribus evacuantur, ergo obligat, indigetque relaxatione; Quamvis pro foro exteriori non possit ab Episcopo ea relaxatio concedi, quando metus est levis, ut supra diximus, sed solum concedi tunc possit pro foro interno.

Confirmatur, quia in cap. *Cum patrum de pactis in sexto*, & in cap. *Cum contingat de Iurejur.* decernitur iuramenta in alienatione fundi dotalis, & in contractibus minorum aliis irritis servanda esse; additurque ea causalis, quia scilicet servari possunt sine dispendio salutis aeternae; atqui hoc idem militat in casu nostro; ergo etiam in casu nostro obligat iuramentum, indigetque relaxatione. In eo tamen casu

probabiliter non obligaret, nec relaxatione indigeret, quando scilicet contractus, cui iuramentum addicitur, a lege irritatur, & interdicatur primario ob bonum commune, & publicam utilitatem, ut mox explicabimus in ultima conclusione.

VI. Dices: Votum metu extortum non obligat, cum Deus illum non acceptet: ergo nec iuramentum: Respondedo nego consequentiam; nam ex dictis q. 6. a. 1. huiusmodi votum simplex jure naturae est validum (quicquid alii in contrarium doceant), irritatur tamen jure positivo, si minus scripto, saltem tradito, & ex Ecclesiae consuetudine, ut diximus cum Sanchez: Contra vero Iuramentum metu extortum jure positivo non irritatur, ergo obligat.

VII. Dico ultimo: Iuramentum sponte praestitum superadditum contractui metu extorto, qui a lege primario irritatur ob publicam utilitatem non obligat, nec indiget relaxatione: Secus vero, si contractus irritetur primario in utilitatem privatam: Esto in neutro casu contractum confirmet. Ita Sanch. l. 3. c. 9. Suar. l. 2. de Iuramento c. 26. Meroll. disp. 1. c. 3. n. 486., & alii contra Sylvest. Guttier. Roselli putantes universim obligare, & contra Rodriq., Covarr., Osiens. putantes nunquam obligare.

Probatur prima pars conclusionis; quia ut notat Sanch. l. 3. c. 10. n. 38. Iuramentum in praedictum tertium non obligat ex Cap. *Quamvis pallum de pactis in sexto*, & ex Cap. *Cum contingat de Iurejurando*, cum nequeat jurans alteri detrimentum asserere: ergo a fortiori iuramentum non obligat, quando vergit in praedictum boni communis contra legem civilem disponentem aliquid in ejus favorem; ut est lex irritans contractum metu extortum ob publicam utilitatem; nequit enim iuramentum esse vinculum iniquitatis, & obligat.

obligare ad id in præjudicium alterius, & a fortiori in præjudicium boni communis vergit, & ideo tale juramentum non indiget relaxatione.

Confirmatur, quia nemo potest cedere juri communicatis, quamvis cedere possit juri proprio, ex lege *Juris Gentium ff. de Pactis*; ergo nemo potest pacisci adversus bonum communis; ergo juramentum additum contractui, qui bono communis adversatur, obligare non potest. Hinc communiter docent, juramentum deferendi extra Regnum pecuniam, arma, frumentum, equos, aut alias res prohibitas non obligare, quia obligaret ad legi contraveniendum.

Neque dicas, leges irritantes contractus primario in utilitatem publicam non prohibere, ne fiant hujusmodi contractus, aut ne impleantur, sed solum tollere a contrahentibus obligationem eos implendi; ergo juramentum obligare potest ad eos implendos, quin sit vinculum iniquitatis.

Nam contra est: Etenim eo ipso ac lex irritat contractum primario in utilitatem publicam, indicat illos bono publico adversari, cui privatus cedere non potest; ergo juramentum obligans ad implendos hujusmodi contractus obligaret ad ponendum, quod bono publico adversatur; atque adeo vinculum esset iniquitatis: Non alia de causa in cap. *Diligenti de foro competentis* deciditur pactum juratum, quod Clericus renunciat privilegio fori esse irritum, ac nullatenus obligare, nisi quia privilegium fori est privilegium commune in favorem totius status Clericalis, cui privatus cedere non potest; ergo pariter quando in bonum commune irritantur, atque interdicuntur aliqui contractus, juramentum illis adjectum est irritum.

Probatur nunc secunda pars conclusionis; quia universim juramentum in favorem alicujus emissum semper

servandum est, quando sine dispendio salutis æternæ, hoc est sine culpa, adimpleri potest; etiam si metu, & per injuriam extorqueatur, ex cap. *Debitur de Jurejur.* atqui in casu potest sine culpa adimpleri; ergo obligat. Probatur minor, quia quando lex irritat contractum, qui respicit utilitatem privatam, non obligat subditum ad renunciandum favori suo, saltem quando adhibetur juramentum; neque vult laqueum illi injicere obligando ad culpam, ne contractum irritum impleat; sed solum vult illi privilegium concedere, ne vi contractus obligetur; ergo citra culpam impleri potest contractus jure positivo irritus primario ob privatam utilitatem.

VIII. Cæterum, si ex verbis legis contractum irritantis crueretur, legem etiam obligare, ne contractus inea- tur, aut impleatur, profecto juramentum illi additum in eo casu obligare non posset: Negandum tamen cum Panormit. Guttier., Imola contra Bartolum, & Baldum, legem obligare ad culpam, ne contractus impleatur, si prohibitio dirigatur in actum, non in Personam; puta si dicatur, ne res minoris alienentur absque Judicis decreto: Nam in tali casu prohibitio solum intendit conferre privilegium privato, ne eo contractu obligetur; non vero ligamen, ne possit suo favori renunciare, & contractum exequi.

IX. Ex dictis sequitur I. Juramentum adjectum Sponsalibus, aut Matrimonio metu gravi extortis non obligare, nec indigere relaxatione. Ita Sanch. l. 4. d. 21. Azor. Sâ, Rodr. contra Henr. l. 11. c. 9. Sor., Ledes. Ratio est, quia isti contractus ob publicam utilitatem, ut diximus, irritantur; ex his enim oriuntur rixæ inter Conjuges, & mala Proles educatio in Reipublicæ detrimentum. Idem docent Sanch., & Guttier. de juramento apposito constitutioni procuratoris ad matrimonium

nium gravi metu extortz, quia talis consensus, quo constituitur procurator, censetur permanere, & esse consensus, quo perficitur matrimonium.

Sequitur II. cum Sanch. loco citato contra Ostiensem, juramentum adjectum contractui gravi metu extorto constitutionis dotis, & arrharum obligare; quia talis consensus jure positivo irritatur ob utilitatem privatam, non publicam.

X. Sequitur III. Juramentum adjectum Religiosae professioni gravi metu extortz non obligare; quia professio metu extorta irritatur principaliter ob bonum commune, non secus ac Matrimonium. Utrum autem idem dicendum sit de juramento adjecto simplici voto Religionis metu extorto? negant Soto, & Palacios, sed videtur affirmandum cum Suar., Rodr. Sanch., quia sicuti se habent sponsalia ad matrimonium, ita votum ingrediendi Religionem ad professionem; ergo sicut juramentum neque in contractu Matrimonii, neque Sponsalium obligat; ita pariter nec in professione Religiosa, nec in voto simplici ingrediendi Religionem.

Neque dicas disparitatem esse, quia qui contraxit Sponsalia tenetur ad Matrimonium; contra vero qui vovit ingredi Religionem, non tenetur ad profitendum. Disparitas enim hæc non obstat, quia votum ingrediendi Religionem inducit saltem necessitatem aliquam moralem profitendi.

XI. Quæres hic, Quanam sint conditiones, quæ requiruntur, ut juramentum confirmet contractus jure positivo irritos?

Respondeo, requiri primo, quod possit juramentum absque culpa servari. Secundo, quod non sit turpitudine in eo, in cuius favorem juratur, neque formaliter, ut si ille injuste contractum extorserit, neque materialiter, puta si tertius injuste contractum

extorserit in gratiam alterius contrahentis id ignorantis. Tertio quod juramentum formaliter, vel æquivalenter contineat promissionem non revocandi contractum; nam juramentum pure assertorium, & non obligans in futurum, cum solum ferat obligationem non adducendi Deum in testem falsi, non potest contractum confirmare, ut constat.

Ex quibus conditionibus sit primo, non confirmari juramento contractus, qui primario ad publicam utilitatem irritantur, quia absque peccato tale juramentum servari nequit, ut ostendimus ex Suarez, & docet Sanchez l. 3. cap. 12. num. 43. Secundo, nec firmari juramento contractum, qui est in præjudicium tertii, quia pariter esset juramentum rei iniquæ, puta si fundus dotalis alienatus cum juramento debebat ratione fideicommissi ad filios pervenire.

ARTICULUS ULTIMUS.

Quisnam Prælati possit Juramenta Contractibus adjecta relaxare?

- I. In præjudicium Tertiis solus Pontifex, & quidem ob causam urgentissimam, potest juramentum relaxare.
- II. Relaxare illud potest Episcopus, quoties ex parte Creditoris est iniuriando. Immo etiam Vicarius Generalis, & Index Ecclesiasticus, sed solum pro foro externo. Quid de Regularibus Privilegiariis, & aliis?
- III. Num facultas data vi Jubilæi, aut Privilegiariis, ad dispensandum in votis se extendat ad relaxanda juramenta, ac vota iurata?
- IV. Privilegium concessum in Privilegiis Societatis Jesu relaxandi juramenta est solum relate ad Nostros.
- V. Quanam causa requiratur ad Juramenta

spontanea

menta relaxanda? In dubio, num causa sit sufficiens, recurrendum ad Pontificem.

VI. Quandoam debeat promitti citatio Partis?

VII. Quomodo possit Princeps Sacularis indirekte iuramenta isthac relaxare? Direkte certe non potest; cum id pertineat ad potestatem Spiritualem.

I. Dico primo cum communissima, neminem præter Pontificem posse juramenta in præjudicium tertii relaxare; imo ne Pontificem quidem citra causam urge ntissimam Ratio est, quia Pontifex non est Dominus rerum temporalium personarum privatarum, nisi quatenus expedit de iis disponere in bonum animarum: Potest quidem quilibet juramentum, ac votum Deo præstitum propria auctoritate commutare in evidenter melius, & probabiliter ex Sanchez, & aliis, etiam in evidenter æquale: At juramentum præstitum homini non potest in melius commutari; Sicut nec quod præcipitur a superiore. Ratio disparitatis est, quia, cum per juramentum, & votum offeratur Deo aliquid ipsi gratum, quo gratus est id, quod exhibetur, eo acceptius est Deo: Contra vero homini creditori, aut superiori dari debet id, quod requirunt, nec licitum est offerre aliquid melius ipsis invitis, ex leg. *Минимъ ff. Si certum petatur*. Præterea ex Dei benignitate præsumitur, quod contentus sit bono præstantiori, quoties obligatio offendendi illi aliquid oritur ex propria voluntate voventis, aut jurantis: At id non præsumitur ab homine creditore, etiamsi obligatio dandi aliquid oriatur ex voluntate ipsiusmet jurantis; quia homines sepe afficiuntur bono determinato, unde non licet ipsis invitis dare aliquid præstantius.

II. Dico II. Quoties est turpitud

ex parte creditoris, juramentum additum contractui relaxari potest ab Episcopo; ut accidit, quando quis jurat, se soluturum ufuras; aut quando metu gravi extorquetur juramentum, aut contractus, cui juramentum adjicitur; sive metus incutiatur ab altero contrahente, sive a tertio. Ita etiam communiter. Ratio est, quia per hujusmodi juramentum nullum jus acquiritur alteri, sed solum ob reverentiam debitam Numini invocato in testem illud servandum est; ergo Episcopus vicem Dei gerens sicut potest data sufficienti causa dispensare in votis, ita potest hæc juramenta relaxare. Episcopus autem satis est quod sit confirmatus, etiamsi non sit adhuc consecratus, quia potestas relaxandi juramenta non est Ordinis, sed Jurisdictionis: At non est satis, quod solum sit electus, quia a tempore confirmationis est vere Prælatus, & potest jurisdictionem exercere, ut docent communiter. Præterea relaxare possunt hæc juramenta Abbates exempti habentes jurisdictionem quasi Episcopalem in suo territorio: necnon Capitulum Sede vacante; quo tempore Jurisdictione Episcopali potitur. Pariter Judex Ecclesiasticus loci, in quo initus est contractus, quia ratione contractus sortiti sunt in eo loco forum contrahentes. Potest etiam Vicarius Generalis Episcopi, cum habeat exercitium Jurisdictionis Episcopalis, & cognitionem causarum, ex cap. 2. de Officio Vicarii in 6.: Causa autem decidi non potest sine juramenti relaxatione; ergo potest Vicarius relaxare juramentum, tanquam quid accessorium ad causam coram ipso agitatam, ex cap. Prudentiam de Officio Delegati. Verum tam Vicarius Generalis Episcopi, quam Judex Ecclesiasticus loci possunt solum pro foro externo relaxare juramenta, quatenus quid accessorium ad causam ab iis cognoscendam: pro solo tamen foro

foro conscientiae non possunt, ut notat Sanch. l. 3. c. 21. Poterit demum relaxare iuramenta & Legatus Pontificis in Provincia suae Legationis, cum sit Iudex Ordinarius, & Cardinales in suis titulis, cum habeant ibi Episcopalem Jurisdictionem. Archiepiscopus relaxare non potest iuramenta subditorum Episcopis suffraganeis, nisi quando ad Tribunal Archiepiscopi appellatur, quia tunc est Iudex Ordinarius; Sicut etiam probabiliter ex Avila, Henriquez, contra Suarez, & Sanchez, cum visitat Dioeceses Suffraganeorum: Probabiliter etiam potest Archiepiscopus relaxare iuramenta Episcoporum suffraganeorum, ex Henriquez, Avila, Sayro, quia probabiliter sunt illi immediate subiecti, sicut proprii subditi; potestque Archiepiscopus ante Pallii suspensionem jurisdictionem hanc exercere.

Confessarius iure suo, aut etiam Parochus relaxare iuramenta non potest, ut nec dispensare in votis, nec leges ferre, aut excommunicare, aut indulgentias largiri, quia haec omnia requirunt jurisdictionem in foro externo. Regulares privilegiarii possunt relaxare iuramenta sine praedjudicio tertii personis ejusdem Ordinis, non vero aliis Poenitentibus, ex concessione Clementis VII., quae habetur in nostris Privilegiis verbo *Confessarius* §. 6.

III. Utrum autem facultas delegata aut vi Jubilaei, aut vi privilegiorum ad dispensandum in votis se extendat ad relaxanda iuramenta, ac vota jurata? affirmant probabiliter Sanch. l. 4. c. 53. Suar. & alii contra Lessi., Bonacinam, Sá, Navarr. Equidem hac in re distinguendum censui in Opusculo de Jubilaeo q. 12. a. 1., videlicet quod nomine voti possit venire etiam iuramentum, quando datur in privilegiis facultas commutandi vota: At quando alicui particulari datur facultas commutandi vota, nomine votorum non

veniunt iuramenta. Ratio disparitatis est, quia privilegia latam habent interpretationem, & ideo nomine voti venit etiam iuramentum, quatenus eadem est obligatio passiva hominis erga Deum tam per votum, quam per iuramentum; esto non sit eadem obligatio activa, quia vinculum voti habetur per hoc, quod aliquid Deo promittatur; Vinculum vero iuramenti habetur per hoc, quod Deus in testem adducatur veritatis, seu promissionis assertae. At quando datur alicui facultas commutandi vota, tunc ista facultas non habet rationem privilegii, seu legis privatae relate ad aliquam Communitatem, sed habet rationem dispensationis, quae cum sit vulnus legis, strictam habet interpretationem, & ideo nomine voti tunc non venit iuramentum, nec votum juratum.

Illud notandum, quod quamvis Sanchez loco laudato admittat facultatem dispensandi in votis concessam Regularibus privilegiariis extendi ad relaxanda iuramenta, & vota jurata Deo emissa intuitu pietatis; Negat tamen extendi ad relaxanda iuramenta adjecta contractui, in quo sit turpitudinem factum homini solvendi usuras, aut extortum metu; quia quamvis per huiusmodi iuramenta nullum homini, cui fiunt, jus comparetur; at cum non fiat intuitu pietatis, nec Deo, nullam voti rationem induunt. Quod etiam docet Suar. l. 6. de Voto c. 14. & l. 2. de Juramento cap. 14. contra Ledes. Rodr. apud eundem Sanchez.

IV. Addunt etiam Suarez, & Sanchez, probabiliter esse, quod privilegium commutandi vota jurata, quod habent Regulares Privilegiarii, neque se extendat ad iuramenta relaxanda quomocunque adjecta contractui; quia nomine Votorum Juratorum censentur venire vota, quae solent iuramento confirmari, atque adeo quae in:

intuitu pietatis, & soli Deo sunt, quod non competit juramentis, quæ contractui adjiciuntur: Et ideo noster Pater Thyrsus Gonzalez Generalis Societatis literis encyclicis, ne nostri in hoc errarent, advertit, Privilegium Nobis concessum relaxandi juramenta esse solum relate ad Nostros.

V. Quæres hic quamvis causa requiratur ad Juramenti hujus relaxationem?

Respondco, rationabilem causam requiri; non secus ac in dispensatione Votorum, quia obligatio Voti, ac juramenti est de jure divino naturali; unde invalide tolleretur sine causa sufficienti. Est autem causa sufficienti. Est autem causa sufficienti. Primo, si adsit turpitudine ex parte creditoris, quia scilicet injuste recipitur, quod ex juramenti obligatione solvitur; ut quando relaxatur juramentum solvendi usuras. Secundo, si contractus, aut Juramentum fuerit metu injusto extortum: Ubi nota, quod si nolit jurans uti remedio relaxationis, poterit a Judice Ecclesiastico petere, ut creditorem compellat ad remittendum hujusmodi juramentum; & quia materia hæc est spiritualis, poterit Juxta Ecclesiasticus etiam laicos ad id compellere, ex cap. 1. de *Juramento*. Tercio, si dolus in contrarium incidit, puta si quis deceptus sit in pretio rei emptæ cum juramento non contraveniendi contractui, ut fuisse explicat Sanchez l. 3. c. 21.; Si tamen dolus dederit causam contractui, juramentum non indiget relaxatione. Quarto in pœnam ingratitude donatarii potest relaxari juramentum additum donationi de illa non revocanda, ut notat Molina d. 221. & Sanchez, quia Donatarius ob ingratitudinem indignum se reddit, cui juramentum servetur: Quando tamen dubium est, an possit Episcopus juramentum aliquod relaxare, ad Pontificem non videtur esse recurrendum, quia stat in possessione po-

Tom. I.

testas, quæ de se competit Episcopo; donec constet, quod per reservationem ei sit a Pontifice limitata. Et eodem modo, ut notat Sanchez lib. 4. Summa cap. 40. n. 80. si dubitetur, an votum sit reservatum, judicandum est in partem benigniorem, ut reservatum non censetur: Sicut in aliis casibus reservatis contingit, quando de eorum reservatione ambigitur.

VI. Præterea dubitatur a Doctorebus, an ad obtinendam juramenti relaxationem debeat præmitti citatio partis, seu ejus, cui juramentum est præstitum? Ad quod dicendum dupliciter peti posse relaxationem, Primo, ut tollatur omnis obligatio juramenti, & contractus evanescat. Secundo ad finem tantum agendi in judicio contra creditorem. In primo casu præmitti debet citatio partis; aliter relaxatio erit nulla, ut communiter docent apud Sanch. loc. cit. ex lege finali cap. de *legibus*; si tamen relaxatio petatur pro utroque foro; nam si pro solo foro conscientie petatur, non requiritur ulla partis citatio. In secundo casu probabilius est non requiri hujusmodi citationem, tum quia contradictio partis non potest impedire hanc relaxationem jure permissam, unde frustra pars citaretur; tum etiam quia dum relaxatur juramentum, non agitur directe de partis præjudicio, sed solum de excludendo jurantis perjurio, intendendo litem.

VII. Dubitatur demum, an possit Magistratus etiam secularis relaxare hæc juramenta?

Respondco, communiter Doctores docere primo, quod Magistratus secularis possit laicos cogere ad condonandam obligationem juramenti, quando constat esse metu, aut injuria extortam, aut quando res juramento promissa restituenda est. Secundo posse Principem secularem indirecte juramenta relaxare in materia sibi sub-

G

cta,

eta, puta in casu Jurisconsulti *leg. ult. ff. ad mancipium*, si quis enim juret, se non interfuturum Collegio Universitatis, potest Princeps secularis illum cogere, ut muneri decurionis, aut magistratus satisfaciatur (cum materia hæc sit Principi subiecta) & sic obligare, ut Collegio intersit. Tertio potest ex natura contractus, cui accessit juramentum, interpretari quomodo intelligendum sit juramentum præstitum. Quarto, quamvis non possit judicialiter cognoscere de nullitate relaxationis concessæ a Judice Ecclesiastico, poterit tamen summarie extrajudicialiter, & sine figura iudicii de ea cognoscere, quatenus repellere potest Actorem, cui concessa est relaxatio juramenti, si evidenter constet nulliter, & subreptitè illam obtinuisse. Quinto potest, ut notat Sanch. l. 3. c. 22., indirectè etiam juramentum relaxare in sua radice circa materiam sibi subiectam, statuendo legem, qua reddatur aliquis inhabilis ad acceptandum quicquid ratione alicujus contractus jurati illi dandum esset: Sicut potest indirectè irritare Matrimonium Princeps secularis secundum se (nisi hanc pote-

statem sibi Pontifex reservasset, ut docet Sanch. lib. 7. disp. 3. ex D. Thom. Soto, Victoria, Ledesma, & aliis) ferendo scilicet novam legem de conditionibus ad contractum matrimonialem essentialiter requisitis; sic enim potestas secularis non attingit spirituale directe, sed solum indirectè, cum directe feratur solum ad id, quod intra limites suæ potestatis continetur. Sexto potest Princeps secularis nomine sui subditi, in ejus favorem est juramentum, condonare juramenti obligationem, quando res promissa est mere temporalis, dummodo subditus teneatur condonare, & inique renuat; sic enim supplet defectum subditi; Eo modo, quo nomine subditi renuents, supplendo ejus consensum, vendit v.g. ejus domum ad solvendum creditoribus. Denique relaxare directe juramenta non potest, cum sit hoc proprium potestatis spiritualis; vinculum enim juramenti procul dubio est spirituale, ortam ex virtute Religionis; ergo ad potestatem spiritualem spectat, ad quam cura Religionis præcipue demandata est a Christo Domino.

QUÆSTIO VIII.

De Concupiscentia minuente, vel augente
Voluntarium.

Brevissime duo hic inquirimus. Primo quidem, Utrum concupiscentia patris inferioris minuat, aut etiam omnino tollat rationem voluntarii; unde transgressio legis aliquando vacet culpa, saltem gravi, ratione concupiscentiæ, seu passionis appetitus sensitivi animum perturbantis, & libertatem adimentis? Secundo, utrum blanditiis, ac blandis verbis extorta restituenda sint in foro conscientię; eo modo, quo diximus de precibus importunis minuētib; voluntarium?

ARTICULUS I.

Utrum Concupiscentia minuat, aut etiam quandoque tollat Voluntarium?

- I. Sex passiones spectant ad partem concupiscibilem appetitus sensitivi, quinque vero ad irascibilem.*
- II. Concupiscentia consequens augeat voluntarium, necnon meritum, & culpam; Antecedens vero aliquando libertatem interimit.*
- III. Sape vero culpam, & meritum minuit.*
- IV. Si voluntarium non sumatur pro libero, sed pro eo, quod procedit ab intrinseco principio cognosceme singula, concupiscentia augeat voluntarium.*
- V. Impulsus concupiscentia est quidem voluntati extrinsecus, sed impetus ab eo impulsus procedens est illi intrinsecus.*
- VI. Validi sunt contractus (& quidem etiam Matrimonium, & Professio Religiosa) si passione impellente fiant, v. g. sperando hereditatem, aut Præbendam, dummodo libertas, qua sic minuitur, non interimitur.*

I. **S**upponendum, passiones appetitus sensitivi undecim communiter recenseri; sex videlicet ad partem concupiscibilem spectantes, nempe amorem, odium, desiderium, fugam, gaudium, & tristitiam; & quinque ad irascibilem, videlicet spem, desperationem, audaciam, timorem, & iram. Passiones istæ, seu actus appetitus sensitivi veniunt hic nomine concupiscentiæ, quam D. Th. 1. 2. quæst. 77. art. 6. dividit in antecedentem, & consequentem. Antecedens dicitur, quæ naturaliter exurgens antecedit omnem deliberationem, & actum voluntatis, unde nec meriti capax est, nec demeriti. Consequens dicitur, quæ consequitur actum voluntatis, & ab eo excitatur, ut promptius ad suum objectum tendat, v. g. si quis iram excitet ad crudelius puniendum, aut ad acrius pugnandum. Hanc concupiscentiam consequentem non minuire, sed potius augere voluntarium, nemo est, qui dubitet; cum ex voluntate deliberata procedat, tanquam incitamentum deinde voluntatis, unde ex ea augeatur vel bonitas moralis, vel malitia actus; Etenim quo majori concupiscentia, ac libidine quis peccat, eo magis peccat: Quare si quis exci-

ter in se vini v. g. desiderium, ut possit immoderatus bibere, magis peccat bibendo: Sicut ex opposito, si quis excitet in se commiserationis actum, ut largiorem stipem erogat, magis meretur stipem erogando. De concupiscentia itaque antecedente procedit difficultas, num voluntarium minuat? Vasquez 1. 2. d. 28. c. 2. cum Lorca putat minuere; Navarr., vero Val., Salas in 1. 2. d. 3., & alii apud eundem Vasquez putant, aliquatenus augere, quia facit, ut majori conatu, ac impetu in objectum concupitum voluntas tendat.

II. Dico equidem I. Concupiscentia, seu actus appetitus sensitivi tendens in delectabile, si antecedit voluntatis actum, aliquando interimit omnino libertatem.

Probatur, quia passio appetitus sensitivi aliquando ita mentem perturbat, ut non sinat proponi voluntati objectum cum indifferentia, seu cum omnibus rationibus tam convenientiae, quam disconvenientiae, sed solum cum determinatione ad eam partem, ad quam passio trahit; ergo libertatem interimit. Hinc actus primo primi dicuntur carere libertate; Ebrii pariter, & amentes non libere operantur per hoc, quod sensus internos habeant perturbatos, unde turbatur etiam intellectus, qui in suis operationibus pendet in hac vita a phantasmatibus; & quia ab intellectu sic turbato objectum non proponitur voluntati cum indifferentia, ideo haec non libere operatur, ut notat D. Thom. 1. 2. q. 6. a. 7.; Hoc autem accidit etiam, quando passio est vehementissima; unde fit, quod ira dicatur esse furor, seu dementia brevis, & amor dementare, atque obcecari.

III. Dico II. Quando concupiscentia antecedens non est vehementissima, minuit tantum voluntarium, prout voluntarium confunditur cum libero;

atque adeo diminuta libertate diminuitur bonitas, & malitia moralis actus.

Probatur, quia libertas oritur ex intellectu proponente objectum cum indifferentia; passio autem appetitus sensitivi trahit intellectum ad perpendenda potius motiva inclinancia voluntatem ad eam partem, ad quam inclinat ipse appetitus, quam ad perpendenda motiva retrahentia, idque propter naturalem sympathiam potentiarum inferiorum, ac superiorum; unde dicimus unumquemque judicare juxta proprium affectum, & hominem passionibus correptum non esse idoneum ad recte judicandum; ergo concupiscentia antecedens minuit libertatem, & consequenter etiam malitiam peccati, & meritum virtutis. Hinc est, ut notat Vasquez, Palans, Salas, Valen., facilius dispensationem in votis concedi, quando emissae fuerunt passionis praevalente, quia non censentur perfecte libera, & minus puniri peccata, quae ex aliqua passione sunt, utpote leviora, quam quae ex malitia.

IV. Dico III. Si voluntarium non sumatur pro libero, sed pro eo, quod fit a principio intrinseco cognoscente singula, augetur illud potius, quam minuatur per concupiscentiam. Ratio est, quia concupiscentia, seu actus appetitus sensitivi efficit, ut voluntas majori impetu feratur in objectum concupitum, cum voluntas propter naturalem sympathiam, quam habet cum appetitu sensitivo, aliquatenus ab eo trahatur: unde Apostolus sentiebat in membris suis aliam legem repugnantem legi mentis; quia sine luctu, ac nisi nequit voluntas inclinationi appetitus sensitivi resistere. Hinc est, quod correpti passione vindictae, vel victoriae acrius ulciscuntur, aut pugnant, & aestuantes libidine vehementius feruntur in turpia, nisi pars superior repugnet inferiori voluntatem allicientibus,

ti, ac per sympathiam aliquatenus pertrahenti.

V. Dices cum Vasquez, voluntarium est, quod procedit ab intrinseco principio cognoscente singula, sed quod fit impellente concupiscentia minus fit ab intrinseco, ergo minus est voluntarium. Probat minor, quia appetitus sensitivus, qui residet in corde, & aliquatenus pertrahit voluntatem (juxta illud, *Trahit sua quemque voluptas*) est extrinsecus voluntati residenti in anima; ergo quod fit a voluntate concurrente passione minus fit ab intrinseco.

Respondedo nego minorem; Ad probationem, quamvis impulsus concupiscentie sit voluntati extrinsecus, at ipse major impetus, & conatus voluntatis procedens ab impulsu appetitus sensitivi est ipsi voluntati intrinsecus; unde actus magis procedit a principio intrinseco, quando fit passione impellente, atque adeo est magis voluntarius.

Hinc sequitur, validos esse contractus, qui passione impellente fiunt, quando non interimitur ab ea totaliter libertas, sed solum minuitur. Unde valida est v. g. professio Religiosa, ut notat Navarr. si fiat ob spem consequendi Prælaturam, quia concupiscentia ista non tollit voluntarium liberum, quamvis aliquatenus illud minuat. Et eodem modo validum est matrimonium, ut notat Sanchi; l. 1. d. 13. si quis contrahat cum Berta cum spe acquirendi legatum, aut hereditatem.

ARTICULUS II.

Utrum restituenda sint in foro conscientie, quæ blandis verbis extorquentur?

¶ *Videntur blanditiæ, seu concupiscentia ista minuire voluntarium, ut minuant preces importunæ, ac metus*

Tom. I.

levis. Et ideo in foro conscientie restituenda videntur, quæ blandis verbis extorquentur.

II. *Sed verius voluntarium augent; cum voluntas amore duce, majori impetu operetur; nec irrogatur injuria per blanditiæ, sicut per metum levem, & preces importunæ; unde non videntur trahere onus restitutionis.*

III. *Validum est testamentum factum in favorem uxoris blando sermone illius extorquentis, cum actus non sit mixtus involuntario; quamvis non sit perfecte liber.*

IV. *Excusat quidem amor, sed si libertatem non interimit, contractus est validus, nullum trahens onus restituendi.*

I. **C**Ajet. 2. 2. q. 32. 2. 7., Medina, Armilla affirmant, quia sicut preces importunæ, ac metus levis minuit voluntarium, ita & blanditiæ, ac amor, seu concupiscentia; ergo sicut extorta metu levi injusto, aut precibus importunis in foro conscientie restituenda sunt, juxta dicta q. 6., ita & quæ blandis verbis, ac amore duce extorquentur; præsertim quia amor excusat, non secus ac ebrietas.

II. Negandum tamen cum Soto, Molina d. 94. Bonac. Sanch. l. 4. d. 11. & aliis communius. Ratio est, quia, ut notat D. Thomas 1. 2. q. 6. 2. 7., concupiscentia, & amor non solum non efficiunt involuntarium, sed potius augent voluntarium; cum sint causa, quod voluntas majori conatu operetur: Nihil enim magis voluntarie fit, ut habet D. Thomas loco laudato, quam quod amore efficitur: ergo cum habeatur sufficiens libertas ad contrahendum, non est cur restituendum sit, quod blandis verbis extorquetur. In tantum quæ metu levi injuste incusantur extorquentur, aut etiam precibus

importunis restituenda sunt, juxta superius dicta, quia iis habetur involuntarium secundum quid, seu voluntarium mixtum involuntario, & quidem per injuriam, ac violentiam injustam: injuste enim precibus importunis quis suo modo cogitur ad dandum, quod dare nolit: At in casu nostro nulla vis, nulla injuria, nullum involuntarium, etiam si libertas aliquatenus sit diminuta per concupiscentiam; ergo non datur onus restitutionis.

III. Hinc sequitur primo ex Sanch. lib. 4. de Matrim. disp. 11. n. 2. Molina disp. 94. Salonio, meretrices ad restitutionem non teneri, si blandis, & amatorius verbis donationem aliquam ultra stipendium debitum extorqueant; dummodo non extorqueant fraudibus, dicendo ver. gr. se esse virgines a magnatibus concupitas &c. quæ tamen non concordant cum veritate. Advertunt tamen Sanch., Soto, Guntier. quod non committeretur fraus a meretrice, si falso diceret alicui se perditum illum adamare, quia nemo ignorat, hanc esse muliercularum cantilenam.

IV. Sequitur II. ex eodem, validum esse testamentum, quod maritus blando sermone uxoris ductus in ejus favorem confecit; cum blanditiæ non reddant actum mixtum involuntario, licet libertatem coarctent. Hinc l. finali c. si quis alteri testa. probi. dicitur: *Judicium uxoris postremum in se provocare maritali sermone non est criminofum*: id est, ut Juristæ docent apud eundem Sanch. n. 2., non vitiatur testamentum, quod vir blanditiis uxoris ductus in ipsius favorem confecit; Etenim blanditiæ non cogunt reddendo actum secundum quid involuntarium, prout redditur a metu.

Ad rationem in contrarium patet ex dictis. Concupiscentia excœcat quidem mentem, ita ut actus non fiat juxta rationem, ac dictamen prudentiæ; Quando tamen libertatem sufficientem ad peccandum, & contrahendum relinquit (quod fere semper accidit) tunc non reddit actum involuntarium; unde non est, cur reddat obnoxia restitutioni, quæ blandis verbis extorta sunt.

QUÆSTIO ULTIMA.

De Actibus humanis, quoad eorum Moralitatem.

PLurima hac in re inquirunt Scholastici: Nos pauca primoribus labris delibabimus, ne Theologus Moralis in iis, quæ ad moralitatem spectant, prorsus jejunct. Solum itaque inquiremus, Primo, in quonam consistat Bonitas, vel Malitia moralis nostrorum Actuum? Secundo, unde ea desumatur, ab objectione, an a fine? mittendo reliqua huc spectantia ad Scholasticam Theologiam.

ARTICULUS I

In quonam consistat Bonitas, & Malitia Moralis?

I. Quotupliciter sumitur Morale:

II. Num bonitas moralis actuum humanorum consistat in conformitate cum recta ratione, an cum natura rationali.

III. Videatur fundamentaliter; & remote consistere in hac secunda conformitate; formaliter, & proxime in prima.

IV. Si dictamen rationis sit erroneum, non errat voluntas illi se accomodando.

I. **M**orale dicitur, quod ad mores hominum spectat; proinde opponitur Naturali, spectatque proprie ad substantiam liberam, ac per se primo, & formaliter ad actus internos libere procedentes ex iudicio indifferenti, cum plena deliberatione; secundario vero, & per analogiam ascribitur tam actibus externis, qui ab actibus liberis internis imperantur, quam aliis rebus, quæ circa actus liberos versantur; unde dicitur Scientia moralis, quæ de moribus distat, & Moralis virtus, quæ mores hominum moderatur: eo modo, quo sanitas v. g. per se primo dicitur de animali, & secundario, ac per analogiam de colore, pharmaco, cibo, pulsu, quæ habitudinem habent ad Animalis sanitatem.

II. Difficultas est, num bonitas moralis consistat formaliter in conformitate cum recta ratione, & moralis malitia in privatione talis conformitatis, an vero in conformitate, aut disformitate cum natura rationali? Priorem sententiam docent Azor. tom. 1. l. 1. c. 1. Filiuc. & alii ex D. Thomæ 1. 2. q. 18. a. 5., putantes, rectam ra-

tionem esse regulam nostrorum actuum; & quia quod conformatur cum regula dicitur rectum, & bonum, ideo actus humani dicuntur boni moraliter, quatenus cum recta ratione conformantur. Posteriorem sententiam docent Suar. dist. 10. Metaphys. sect. 2. Valsq. 1. 2. d. 58. c. 3. & Layman l. 1. tract. 2. c. 7.; quia illud dicitur moraliter bonum, quod decet naturam rationalem, illud vero moraliter malum, quod eandem dedecet.

III. In hac questione mere speculativa utraque sententia facile conciliari potest, si dicamus regulam actuum humanorum, per conformitatem ad quam actus dicuntur moraliter boni, & per disformitatem mali, esse duplicem, alteram Fundamentalem, & remotam, & hæc est natura rationalis, quæ, quia talis, exigit actus rectæ rationi conformes: alteram Formalem, & proximam; & hæc est recta ratio, qua iudicamus hoc potius, quam illud convenire naturæ rationali: Quia tamen recta ratio, seu dictamen conscientie secundum se repræsentat, & ostendit legem æternam Dei, quæ est objectum talis dictaminis, idcirco sicut recta ratio est prima regula formalis, & proxima honestatis, seu actuum humanorum, ita lex æterna Dei est prima Regula objectiva honestatis.

IV. Quare tunc voluntas dicitur bene moraliter operari, quando sequitur dictamen rationis ostendens objectum esse conveniens naturæ rationali, & legi æternæ Dei; aut quando refugit ab objecto, quod a recta ratione ostenditur naturæ rationali, ac legi æternæ disconveniens: Cum enim voluntas nostra sit potentia cæca, quæ ductum rationis faciem præferentis sequitur, non potest aliter errare, nisi avertendo se ab eo, quod per rationem ostenditur naturæ rationali, ac legi æternæ conforme, aut prosequendo, quod ostenditur eadem disforme.

G 4

Quam-

Quamvis autem possit aliquando intellectus decipi, & putare conforme naturæ rationali, quod re vera est difforme; Voluntas tamen nunquam errat, nec male moraliter operatur, si dictamen rationis, etiam si erroneum, sequatur: nam regula formalis, & proxima actuum voluntatis, per conformitatem ad quam actus dicuntur boni moraliter, non potest esse ipsum objectum conveniens, aut disconveniens naturæ rationali, quia relate ad illud non potest exercere libertatem, nisi in quantum proponitur per rationem cum iudicio indifferenti; sed debet esse ipsa recta ratio, seu rationis dictamen, cui se conformando voluntas bene, ac recte operatur, suæ regulæ semet adaptando: Quare optime Divus Thomas 1. 2. q. 19. a. 3. dixit, Rationem esse regulam humanarum actionum, ubi locus est de regula proxima nobis manifestante objectum conveniens, aut disconveniens naturæ rationali, quæ est regula remota, & fundamentalis.

ARTICULUS II

Utrum a fine, an ab objecto desumatur bonitas, aut malitia moralis actuum humanorum?

- I. Inquiritur, an elargitio v. g. elemosynæ ob inanem gloriam sit bona moraliter ratione objecti boni, an moraliter mala ratione finis pravi.
- II. Actus exterior bonitatem, aut malitiam desumit ab objecto, non a fine.
- III. Actus interior illam desumit a fine, etiam tanquam ab objecto.
- IV. Universum tamen actus humani, tam interni, quam externi, bonitatem moralem desumunt ab objecto solum formali; malitiam vero etiam ab objecto materiali.
- V. Ideo malitia moralis trahitur etiam

ab objecto materiali, quia bonum ex integra causa, malum ex singulis defectibus.

- VI. Num circumstantia tribuens actui bonitatem, vel malitiam moralem transeat in rationem objecti, ita ut se habeat tanquam objectum voluntatis?
- VII. Alia huc spectantia alibi a nobis discutimur.

I. **D**iximus in quonam consistat essentia moralitatis, seu bonitas, vel malitia moralis: Inquirimus nunc, unde ea sumatur, ab objectone ipsius actus, an a fine operantis? v. g. elargitio elemosynæ facta ob finem inanis gloriæ undenam sumit speciem suam, ac moralitatem, ab objectone, quod est subventio pauperis, quod certe est conforme naturæ rationali, an vero a fine operantis, qui est inanis gloria, quæ naturæ rationali est difformis? Nam si ab objecto species moralitatis desumatur, talis elargitio dicenda est moraliter bona; si a fine, dicenda est moraliter mala. Quare in re paucis expedimus, quæ in Scholastica Theologia fusc disceptantur.

II. Prima sententia Medicæ 1. 2. q. 18. a. 2. cum Recentioribus Thomistis docet ex Divo Thoma, actum humanum desumere speciem moralitatis a suo objecto. Et ratio est, quia actus exterior sumit bonitatem, vel malitiam suam ab objecto, non a fine operantis; ergo etiam actus interior, atque adeo omnes actus humani. Antecedens constat, quia elargitio elemosynæ v. g. facta ob amorem Dei non habet bonitatem charitatis, sed solius misericordiæ, quia eius obiectum est solum sublevatio pauperis; Eodem modo, si quis occidat ad furandum, actus exterior habet solum malitiam homicidii, quæ est ejus obiectum, non vero furti, quod est finis operantis. Consequentia itaque probatur, quia actus

actus exterior, & interior sunt unus actus in genere moris vel malus, vel bonus; Exempli gratia elargiri eleemosynam, & velle illam elargiri sunt ejusdem speciei moralis; & habent eandem bonitatem; sicut occidere, & velle occidere habent eandem malitiam; ergo si actus exterior bonitatem suam, vel malitiam habet unice ab objecto, etiam actus interior.

Neque obstat, quod erogans eleemosynam ob finem inanis gloriæ ponat actum moraliter malum ob finem malum, quamvis objectum videatur bonum. Nam relate ad intentionem, finis intentionis est objectum illius, unde hic actus est malus propter suum objectum malum; relate vero ad electionem mediæ objectum talis electionis est ipsum medium, quod dat illi speciem moralem; cum ergo eleemosynæ erogatio sit electio mediæ, quod est consentaneum naturæ rationali, idcirco hæc moraliter est bona, & solum per denominationem extrinsecam a fine operantis dicitur moraliter mala.

III. Secunda sententia cum Vasquez 1. 2. d. 51. c. 5. Azor. , Cajet. 1. 2. q. 18. a. 6. docet, actum internum, si sit intentio finis, siue electio mediorum, sumere suam speciem moralem a fine, tanquam ab objecto; actum vero exteriorem nullatenus a fine, sed solum ab objecto. Ratio est, quia intentio voluntatis fertur in finem, tanquam in objectum suum; ergo ab illo suam bonitatem, vel malitiam desumit: electio autem mediæ fertur in medium, quatenus est utile ad finem, atque adeo amatur in ordine ad finem, qui proinde est objectum ipsius electionis; ergo etiam electio mediæ, quatenus actus interior est, sumit suam bonitatem, & malitiam a fine, tanquam ab objecto: Contra vero actio exterior de se non dicit ordinem ad finem operationis, sed ad objectum suum; ergo ab illo sumit speciem. Hinc e-

largitio eleemosynæ exterior de se est bona, etiam si fiat ob inanem gloriam, quia ejus objectum est bonum: Contra vero actus interior est malus, & quatenus intendit inanem gloriam, & quatenus eligit tale medium ad talem finem; quia finis, qui est objectum tam intentionis, quam electionis, est malus, & ideo hujusmodi actus elargiendi eleemosynam ob talem finem magis est malus, quam bonus: Eo modo, quo Aristoteles dixit 3. Ethicor. 2., quod qui furatur, ut committat adulterium, per se loquendo magis sit adulter, quam fur.

IV. Dico equidem cum Francisco Lugo 1. 2. c. 8. q. 2., Medina, & aliis Thomistis ex D. Thoma 1. 2. q. 12. a. 2. & 6., universum actus humanos tam internos quam externos sumere moralem speciem ab objecto suo; cum hoc tamen discrimine, quod bonitatem moralem desumant ab objecto solum formali, malitiam vero moralem desumant etiam ab objecto materiali.

Probatur, & quidem quod actus interior, siue sit intentio, siue electio, sumat suam bonitatem, vel malitiam ab objecto, constat, quia finis est objectum talium actuum; ergo si desumunt moralitatem a fine, desumunt etiam a suo objecto: Propterea Osee 9. dicitur: *Facti sunt abominabiles, sicut ea, quæ dilexerunt.* Quare erogatio eleemosynæ ab amore Dei est actus charitatis, non misericordiz; quia & finis intentus est complacere Deo, quod intenditur a charitate, & electio talis mediæ habet pro fine, atque adeo pro objecto formali pariter complacere Deo; subventio autem pauperis, quatenus est electio mediæ ad talem finem, est solum objectum materiale, non formale; & ideo hic actus non dicitur misericordiz, nec habet meritum proprium talis virtutis, sed solius charitatis, ut mox ostendemus.

Pro-

Probatur nunc secunda pars conclusionis, quod scilicet actus exterior sumat etiam a suo objecto moralitatem: Nam actus externus per se non respicit finem operantis; cum finis sit illi extrinsecus, & contingens; non potest autem aliquod suam essentiam desumere ab aliquo sibi extrinseco, quod contingenter accidit; ergo actus exterior non desumit suam moralem essentiam a fine, sed solum ab objecto. Hinc actus exterior occisionis ordinatae ad furtum habet solum malitiam homicidii, non furti, & erogatio externa eleemosynae ordinatae ad amorem Dei habet propriam bonitatem misericordiae, & solum per denominationem extrinsecam dicitur esse actus charitatis.

V. Probatur denum tertia pars, quod scilicet actus humani bonitatem moralem desumant solum ab objecto formali, malitiam vero etiam ab objecto materiali: Nam actus virtutis debet esse amor honestatis propter ipsam; unde est, quod erogans pauperi eleemosynam, ut illum inducat ad patrandum homicidium, non dicitur esse misericors, quia subventionem pauperis non habet pro objecto formali, sed solum materiali; ergo actus non contrahit moralem bonitatem, nisi ab objecto suo formali, seu a fine: Contra vero malitia contrahitur etiam ab objecto materiali, quia ex Dionysio de Divinis nominibus c. 4. *Bonum ex integra causa, malum ex singulis deficiatibus*; hinc qui pauperi negat eleemosynam, ut illum inducat ad patrandum homicidium, est simul immisericors, & homicida; & ex Aristotele loco laudato, qui vult furari propter adulterium est simul fur, & adulter, quamvis sit magis adulter, quam fur, quia objectum formale praestat materiali.

Hinc patet quid dicendum rationibus pro utraque illa sententia adductis; Quamvis enim actus interior, & ex-

terior sint unum, & idem in genere moris, quia tamen sunt actus physice diversi, diversimode attingentes suum objectum, ideo diversimode contrahunt bonitatem, ac malitiam moralem; Actus enim internus, quia essentialiter, & primario respicit finem, qui est ejus objectum, essentialiter desumit ab illo suam moralitatem; Actus vero exterior, qui per accidens respicit finem actus interni, a quo imperatur, accidentaliter, & secundario contrahit ab illo moralitatem.

Secunda sententia verum habet, quod actus humani universim desumant ab objecto suam moralitatem; sed distinguere oportet inter objectum formale, & materiale actus, cum illud solum bonitatem tribuat; hoc vero etiam malitiam.

VI. Inferitur denique, quid dicendum ad quaestionem illam; Num circumstantia tribuens actui bonitatem, vel malitiam moralem transeat in naturam objecti, reddatque actum in ea specie morali, in qua est objectum illius? dicendum enim cum Vasquez 1. 2. d. 53., & Azor.; circumstantiam solum operationis externae tribuentem actui voluntatis speciem moralem transire in rationem objecti, quatenus est volita simul cum actu externo, & dicit specialem conformitatem, aut difformitatem cum natura rationali: v. g. qui vult occidere hominem in loco sacro, homicidium simul, & sacrilegium committit, quia circumstantia illa loci sacri transit in rationem objecti voliti: Similiter qui vult iter agere ad adulterandum, ab hac circumstantia volita, tamquam ab objecto desumit illa itineratio malitiam adulterii: & qui erogat stipem ob inanem gloriam, ab hac circumstantia, tamquam ab objecto volito illa erogatio eleemosynae contrahit malitiam inanis gloriae.

VII. Eset hic ulterius inquirendum, in quo-

quoniam differant circumstantiæ variantes speciem moralem actus a circumstantiis solum aggravantibus actum intra eandem speciem? Sicut etiam quomodo actus morales numerice multiplicentur? & alia id generis, de quibus commodius in tractatu de Sacramento Pœnitentiæ, & plura etiam hac de re discutuntur in expositione Theſis XXV. ab Alexan. VII. confixæ, quæ habet; *Qui habuit copulam cum soluta satisfaciæ confessionis præcepto, dicens; commisi cum soluta grave peccatum contra castitatem, non explicando copulam.* Sicut etiam in Scholastico Tractatu de actibus humanis ex professo inquirimus, Num sit possibilis actus moralis indifferens sive in specie, sive in individuo? Necnon in expositione thesium 8. & 9.

ab Innoc. XI. proscriptarum, in quibus dicitur: *Comedere, & bibere usque ad satietatem ob solam voluptatem, non est peccatum, modo non obſit valetudini, quia licite potest appetitus naturalis suis actibus frui. Et opus conjugii ob solam voluptatem exercitum penitus carere culpa, ac defectu veniali.* Inquirimus pariter ibidem, utrum possit actus virtutis supernaturalis, puta attritio constitutiva Sacramenti Pœnitentiæ, imperari ab actu leviter malo, v. g. ab actu inanis gloriæ, ut proinde hujusmodi actus supernaturalis sit intrinsicè bonus moraliter, ac meritorius, extrinseco vero sit malus, ac demeritorius, per hoc quod imperetur ab actu illo venialiter malo. Sit itaque hujus Oportet

(Sed oh ubi Æternitatis !)

F I N I S.

I N D E X

RERUM NOTABILIVM.

Primus numerus Quæstionem indicat, Alter Articulum,
Tertius Numerum marginalem.

A

Accusare volens Reum, pronz licite potest, si quid ab hoc accipiat, ne accuset, num teneatur restituere? 6. 4. 6. Et quid, si accusare teneatur, & non accuset? ibidem. Quid si nolens accusare dicat, se velle accusare, ut aliquid extorqueat? ibid.

Alius externi, & alius interni unde nam desumant bonitatem, aut malitiam moralem? 9. 2. 2.

Amenti quando possit ministrari Eucharistia? 1. 1. 4.

Amor obsecat, sed si libertatem non inserimit, non reddit contractus invalidos; Nec restituenda sunt qua blandis verbis extorquentur, & amore duce donantur. 8. 2. 4.

Astutia quamvis ex metu procedat, non tamen est positive involuntaria secundum quid. 4. 1. 5.

B

Baptismi susceptio num possit omitti ad mortem declinandam? 4. 4. 3.

Baptizare teneatur Infantem etiam cum vita discrimine, si periclitetur. 4. 4. 3.

Beneficiarius inculpabiliter omittens bonas recitare non teneatur ad fructuum restitutionem. 3. 3. 8.

Beneficii collatio per errorem facta quando sit invalida? 5. 3. 3.

Beneficii posterioris collatio, non facta mentione de priori, valida est, si fiat ab Episcopo, secus vero si fiat a Pontifice. 5. 3. 4.

Blandis verbis extorta num sint restituenda? 8. 2. 1.

Bonitas, & malitia moralis in quonam consistant? 9. 1. 2. Unde ea desumantur, a fine, an ab objecto? 9. 2. 2.

C

Carnibus vesci hominum mortuorum in extrema necessitate num possimus, aut etiam debeamus? 4. 5. 11.

Carthusianus num possit cum vita discriminè a carnibus abstinere? 4. 3. 9.

Causa finalis in contractibus in quo differat ab impulsiva? 5. 1. 3.

Celebrare sine vestibus sacris quando nam liceat? 4. 3. 4.

Christifidelibus num liceat metu mortis remigare in Tririmibus Turcarum vexantium Christianos? 4. 5. 10.

Clericum percutiens ex ignorantia crassa num Canonis excommunicationem incurrat? 3. 8. 5.

Coactio alium externum reddit simpliciter involuntarium, non vero alium internum. 4. 1. 1.

Coactum in actibus humanis magis late patet, quam involuntarium, quamvis simpliciter hoc magis late pateat, quam illud. 4. 1. 2.

Comedere carnes dierum vetitis quando nam sit illicitum, etiam cum vita discrimine? 4. 3. 3.

Concu-

Concupiscentia nomine veniunt passiones appetitus sensitivi 8. 1. 1. Concupiscentia consequens auget voluntarium, & culpam. Antecedens Concupiscentia aliquando libertatem interimit. 8. 1. 1. ac saepe culpam minuit. 8. 1. 3.

Confessarius quomodo se gerat cum Penitente, qui per metum leuem infusum aliquid dedit? 6. 3. 1.

Consensus interpretativus non semper in gravitate culpa aequipollet formali. 3. 3. 7.

Contractus bona fidei quinam sint, & in quo differant a contractibus stricti iuris? 5. 1. 5.

Contractus cum errore concomitante, seu incidente in contractu num sit validus ob interpretativum consensum? 5. 5. 2.

Contractus jure positivo irriti sunt sex, celebri versiculo comprehensi. 6. 2. 1.

Contractus metu injusto extorti num sint irriti, an irritandi? variant Doctores. Plurimum autem id interest ad praxim. 6. 2. 1.

Contractus per dolum celebrati probabiliter jure positivo non sunt invalidi, sed solum ad arbitrium iusti metum rescindendi (si sunt rescindibiles) quando dolum, & error circa accidentalia provenit ab altero Contrahente. 5. 4. 4.

Quia tamen opposita sententia est etiam probabilis; plura inde ad praxim deducuntur. 5. 4. 6.

Contractus per metum levem extorti num possint ad arbitrium metum iusti rescindi? 6. 3. 3. Num juramento confirmantur? 7. 3. 2.

Contractus respicientes primario bonum publicum quinam sint? Et quinam respiciunt primario utilitatem privatam? 7. 3. 3. Juramentum superadditum contractui a lege irritum propter utilitatem publicam non obligat. 7. 3. 7.

Matrimonium, & Sponsalia respiciunt publicam utilitatem. 7. 3. 9. Idem dicendum de professione Religiosa. Sed dubitatur, an similiter votum ingrediendi Religionem? 7. 3. 10.

D

Debitum, qui minatur se nihil soluturum, si pars debiti non condonetur, non potest hanc retinere. 6. 4. 3.

Delectatio morosa indirecte volita num vacet lethali culpa? 2. 3. 1. Quid si ea non repellatur positive? 2. 3. 4.

Delectatio morosa quomodo differat a desiderio. 2. 1. 1. In re venerea an datur materia parvitas? 2. 2. 4. An ea vacet lethali culpa in Sponsis, in Viduis, in Conjugibus ab altero absentibus? 2. 2. 5. Quid, si sit de copula in hypothesi, quod esset licita? ibid.

Quid si delectatio morosa sit de alio objecto, quod prohibeatur jure positivo, aut naturali? 2. 2. 7.

Desideria inefficacia etiam conditionata de morte alterius ob emolumentum temporale graviter ledunt charitatem. 2. 4. 5.

Desiderium de objecto pravo sub conditione tollente malitiam, num vacet culpa gravi? 2. 4. 2.

Deus sub conceptu Legislatoris ignorari invincibiliter non potest ab eo, qui potest peccare. 3. 6. 4. Sub conceptu tamen Numinis colendi solum per aliquod tempus potest sic ignorari. 3. 6. 5.

Dispensatio in lege metu extorta num sit valida? 6. 2. 3.

Dispensatio in Voris facilius concedenda, quando emissus sunt passione pravalente. 8. 1. 3.

Donatio inter Conjuges, aut inter Patrem, & Filium, si fiat precibus importunis, num sit valida? 6. 4. 5.

Donatio metu extorta num sit valida? 6. 2. 3.

Dos pro Virginibus constituta restituenda est ab ea, qua fingit se Virginem esse. 5. 3. 9. Cui tamen restituenda sit ambigunt videmus.

Duellum committere volentes num liceat

ceat Famulis metui mortis comitari?

4. 5. 2.

E

Elctmofyna data Panperi ficto quando-
nam fit valida, & non refi-
tuenda? 5. 2. 8. & 5. 3. 1.

Error antecedens, etiam vincibilis, circa
fubftantiam irritat contrattum. 5. 2. 2.

Error circa contrattus in dubio, num fit
antecedens, an concomitans, quid re-
folvendum? 5. 5. 5.

Error in contrattu (ficut etiam in voto)
fi fit circa qualitates fubftantiales, con-
trattum irritat, perinde ac fi fit circa
fubftantiam. 5. 2. 7. Non tamen in
Matrimonio, aut in professione Reli-
giofa. 5. 2. 2.

Error invincibilis circa fidem est poffibi-
lis. 3. 6. 1.

Erroris divifo multiplex. 5. 1. 2.

Error Perfonarum, ficut in Matrimonio, i-
ta in contrattibus lucrativis est circa
fubftantiam. 5. 3. 1.

Error qualitatit quando nam in contrattib-
us redundat in fubftantiam? 7. 1. 4.

Error quicumque circa accidentalia non
reddat contrattum jure natura irritum.
5. 2. 6.

Error, qui fit circa caufam finalem, ir-
ritat votum fimplex, & Sponsalia;
non tamen Professionem Religiofam, &
Matrimonium. 5. 3. 7. Irritat etiam
talit error donationes, & ftipit largi-
tionem. 5. 3. 8.

Error, feu dolus circa accidentalia,
quamvis det caufam Contrattui, inre
pofituro hunc non irritat; efto debeat
ad equalitatem reduci. 5. 4. 1.

Enchariftiam Peccatori occulto clam pe-
tenti num liceat metui mortit miniftra-
re? 4. 4. 6.

Excommunicatio num incurritur, fi pra-
va voluntat retrahatur, antequam ef-
fectus fequatur? 1. 4. 7. Illam proba-
biliter non incurrit, qui volens occide-
re Titium Clericum Inimicum, poff

adhibitam debitam diligentiam, ne a-
lius occidatur, inculpabiliter occidit
Cajum etiam Clericum Amicum. 3.
3. 1.; Tenetur tamen ad refitutio-
nem, qui volens comburere agrum I-
nimit, comburit agrum Amici. 3.
3. 2.

Excommunicatus vitandus num poffit
celebrare, & Sacramenta miniftrare
ad mortem declinandam? 4. 3. 5.

F

Fides explicita Trinitatit, & Incar-
nationit utrum neceffaria fit neceff-
itate medii? 3. 6. 6.

Filius promittens metui reverentia Pa-
renti moribundoolvere de ftio eius
debita, num ad id teneatur? 6. 4. 2.

Fornicationem Deus non poteft precipere;
illamque non praecepit, dum Ofea di-
xit, ut acciperet fibi Mulierem forni-
cariam. 4. 5. 6.

Forum externum ad lites minnendas
multa diffimulat, qua diffimulari non
poffunt pro foro interno. 6. 3. 1. &
7. 3. 3.

H

Homicidium casuale quando nam
trahit irregulavitatem? 3. 2. 1.
Homicidium inadvertenter caufatum a
dante operam rei illicita non trahit o-
nus refitutionit. 3. 5. 5.

I

Ignorantia multiplex eft. 3. 1. 3. Igno-
rantia confequens minus peccati gra-
vitatem. 3. 1. 6. Concomitans invin-
cibilis probabiliter excufat a culpa.
3. 2. 2. Affectus annexus ignorantia
concomitanti qualiter fit peccatimofus. 3.
2. 3. Qui cum ignorantia concomitan-
te occidit Clericum, probabiliter ne-
que excommunicationem, neque irre-
gularitatem incurrit. 3. 2. 4. Quid fi
volens

Index Rerum Notabilium.

volens occidere Clericum A, occidat Clericum B? 3. 3. 1. •

Ignorantia affectata quandonam scientia aequiparetur? 3. 8. 3.

Ignorantia sive invincibilis, sive leviter culpabilis excusatur a pœna per legem imposita; Sicut etiam inadvertentia, & oblitio. 3. 3. 3. Quod verum est etiam relate ad pœnam privationis pendendi debitum. 2. 3. 6.

Ignorantia invincibilis explicatur. 3. 5.

1. Ea dari potest Juris Divini positivi, & Myſteriorum Fidei. 3. 6. 1. Nec non aliquorum præceptorum naturalium. 3. 6. 2., & tunc excusatur a peccato. 3. 6. 3.

Ignorantia invincibilis solius pœna per legem imposita num excuset ab ea incurrenda? 3. 4. 1.

Ignorantia reservationis peccati num excuset a reservatione incurrenda? 3. 3. 4.

Ignorantia vincibilis legum humanarum quandonam peccatum minuat? 4. 7.

1. Num possit a mortali excusare, quamvis sit graviter vincibilis? 4. 7. 5. Et num hæc excuset a pœna per legem imposita? 3. 8. 1.

Ignorantia vincibilis quandonam est speciale peccatum clavibus subijciendum? 3. 9. 4.

Infirmum conculcare sine Baptismo mortuum ad mortem evadendam non est licitum. 4. 5. 7.

Innocentem conculcare ad mortem evadendam a persequente est licitum; Sicut etiam dirigere tormenta bellica adversus Turres hostium, in quibus detinentur aliqui Innocentes. 4. 5. 7.

Intentio habitualis cur sufficiat in Sacramentis suscipiendis, non vero in administrandis. 1. 2. 4.

Irregularitas ex delicto probabiliter non incurritur ab Ignorante invincibiliter huiusmodi pœnam. 3. 4. 3.

Juramentum, aut Votum, in dubio, an sit reservatum, censendum non esse reservatum. 7. 4. 5.

Juramentum metu exteriorum obligat; Secus vero confirmabile votum; cum hoc irritetur jure positivo, non illud. 7. 3. 6.

Juramentum non confirmat contractus jure naturali, sed jure positivo. 7. 1. 2. Quid intersit inter juramentum confirmans contractum, & juramentum non confirmans? ibid. Quotnam contractus possit Juramentum confirmare? 7. 2. 2. De conditionibus requisitis, ut juramentum contractus confirmet. 7. 3. 11.

Juramentum non confirmat contractus exteriores injusto metu, etiam levi. 7. 3. 2. Quid de juramento meticuloſo relate ad contractus sponte initos? 7. 3. 4.

Juramentum superadditum contractui, qui a lege irritatur propter bonum publicum, non obligat. 7. 3. 7.

Juramentum præstitum homini non potest propria auctoritate in evidentem melius commutari; esto possit sic commutari juramentum, ac votum Deo præstitum. 7. 4. 1.

Juramentum a quonam Prelato relaxari possit? 7. 4. 1.

Juramenti, quod homini præstitum sit, relaxationem num debeat præire citatio Parni? 7. 4. 6.

Juramentum de solvendis usuris, aut de dando centum Laroni, servandum est, nisi relaxetur; Quamvis possint deinde ea statim repeti. 6. 1. 8.

Jus positivum potest contractus validare solum quoad eorum effectum, non quoad constitutiva. 4. 5. 3. Non videtur jus positivum convalescere contractus cum errore concomitante celebratos. 4. 5. 4.

L

Legatum impediens precibus importunis num reuocatur ad restitutionem? 6. 4. 5.

Legens libros Hæreticorum hæresim continentes

- sinentes, aut de Religione tractantes ex Ignorantia affectata, num incurras excommunicationem Bulla Cœna? 3. 8. 4.
- Lex humana cur non obligat cum eo rigore, quo Lex Divina, esto Deus sit clementissimus? 3. 5. 5.
- Lex humana quando obligat etiam cum vita discrimine? 4. 3. 3.
- Lex imponens Transgressoribus poenam Capitis, num obliget cum vita jactura? 4. 3. 10.
- Lex naturalis non semper obligat cum vita discrimine. 4. 5. 3.
- Lex vetans aliquem contractum non obligat, ne talis contractus impleatur, si verba legis dirigantur ad actum; secus vero si ad Personam. 7. 3. 8.
- Libertas in quo consistat? 1. 1. 2.
- Libertas in causa non sufficit ad peccandum hic, & nunc. 3. 5. 3.
- Liberum saepe confunditur cum Voluntario. 1. 1. 3.
- Ludens, qui precibus importunis cogit alium ad ludendum, num teneatur restituere, quod lucratus est? 6. 4. 4.

M

- M**agistratus Sacularis num possit iuramenta saltem indirecte aliquando relaxare? 7. 4. 7.
- Matrimonium celebratum cum impedimenti impediensibus, puta cum Voto Castitatis, num liceat ob metum mortis consummare? 4. 3. 7.
- Matrimonium cum errore circa qualitates est validum, nisi qualitas apponatur ut conditio. 5. 2. 6. Sic etiam Sacramenti administratio. ibid.
- Matrimonium metu levi contractum probabiliter est validum. Si tamen metu gravi iniusto celebretur, jure Ecclesiastico irritatur? 6. 3. 6.
- Matrimonium metu extortum quando nam sit validum? 6. 1. 2.
- Meticulosa donatio, aut promissio verius est valida jure natura, quamvis in-

- cutiens injustum metum non possit retinere, qua sic donata sunt. 4. 1. 8.
- Metum mortis occidens Clericum, liceat peccet, nihilominus excommunicationem Canonis non incurrit. 4. 3. 8.
- Metus aliquando reddit actum involuntarium secundum quid positive; aliquando negative tantum. 4. 1. 4.
- Metus gravis ad extorquendum contractum iniuste incussus, num reddat contractum irritum, an irritandum? 6. 1. 3.
- Metus gravis non est causa iusta, ut simuletur Sacramentorum administratio: Solum potest vi talis metus contractus matrimonialis simulari. 4. 3. 6.
- Metus gravis quando excolet a transgressione legis divina positive? 4. 4. 1.
- Metus gravis iustus non irritat matrimonium, nec professionem Religiosam. 6. 3. 7.
- Metus iuste incussus non invalidat contractum. Imo nec metus iniustus, si non incutiat ad contractum incutendum. 6. 1. 1.
- Metui levi aequiparantur preces importuna. 4. 2. 6.
- Metus reverentialis, qui obstat libertati contractus, ac reddat illum rescindendum, quinam sit? 6. 4. 1.
- Metus reverentialis, seclusis minis, num cadat in Virum constansem? 4. 2. 4.
- Metus secundum se non invalidat contractus, dummodo in hoc detur iustus titulus. 4. 1. 7.
- Metus, ut sit cadens in constansem Virum, duo requirit. 4. 1. 9.
- Morale quid sit. 9. 1. 1.

O

- O**ccidere invasorem cum moderamine inculpata treuella, num liceat Invaso, qui sciat illum ad Inferos detrudendum, & an ad id teneatur? 4. 5. 21.

Omissio:

Index Rerum Notabilium:

Omissioni liberæ competit ratio voluntaria. **L. I. 3.**

P

Passiones appetitus undecim recensentur. **8. L. L.**

Peccandi venialiter consuetudo quando nam ferat contemptum legis? **2. L. 5.**

Peccare non licet metu gehenna, ut si quis esset occidendus, dum est in mortali, putetque se ad gehennam detruendum. **4. 5. 5.**

Peccati effectus num clavibus subjiciendus sit? **L. 4. L.**

Peccato alterius cooperari materialiter quando nam liceat? **4. 5. 8.** Ensem vendere volenti alium occidere, aut scalam deferre volenti ascendere per fenestras ad facinus patrandum, num liceat ad mortem evadendam? ibidem.

Peccatum commissum scienter num sit eiusdem speciei cum peccato commissum ex ignorantia vincibili? **3. 9. 2.** In quonam casu Ignorantia vincibilis est speciale peccatum in Confessione explicandum? **3. 9. 4.**

Peccatum de se mortale num possit per accidens esse veniale ex defectu plena advertentia? **2. L. 2.**

Peccatum de se veniale num ratione consuetudinis evadat mortale? **2. L. 5.**

Peccatum pure Philosophicum est impossibile. **3. 6. 4.**

Peccatum sit ne duplex, an unum, si quis v. gr. culpabiliter omittat inquire de precepto jejunii, & deinde non jejunes? **3. 5. 4.**

Periculum physice proximum peccandi permitti potest metu mortis, dummodo fiat moraliter remotum. **4. 5.**

Pontifex num possit relaxare iuramentum. **Tom. I.**

num in prejudicium Tertii? **7. 4.**

Pena privationis petendi debitum cum ignorantia invincibili, sive iuris, sive facti, sive etiam solius pene, non incurritur. **3. 4. 3.**

Præcepta naturalia affirmativa num obligent cum vita discrimina? **4. 5. 3.**

Preces importuna quando nam metui equiparentur, ita ut minuant voluntarium? **6. 4. 4.**

Professio Religiosa (sicut est Matrimonium) valida est, quamvis impellente passione fiat. **8. L. 5.**

Professio Religiosa, si fiat metu reverentia, probabilis est valida solum jure positivo, si metu gravi injusto fiat. **6. 3. 6.**

R

Religiosus, qui precibus importunis obtinet facultatem expendendi, num excusetur a vitio proprietatis? **6. 4. 5.**

Regula humanarum actionum quando nam sit? **9. L. 4.**

Regulares Privilegiarii non possunt relaxare Juramentum Pœnitentibus, sed solum Personis proprii Ordinis, si ea non sint in prejudicium Tertii. **7. 4. 2.**

Relaxare iuramenta quinam possit? **7. 4. 1.** Quanam causa sit sufficiens, ut licite relaxatio isthac peti possit? **7. 4. 5.**

Renunciatio hereditatis Paterna metu reverentia facta num sit irritanda? **6. 4. L.**

Reservatio peccati ignorata num incurritur? **3. 3. 4.**

Restitutionis onus subit, qui volens comburere domum Inimici comburit domum Amici: Esto probabiliter excommunicationem, & irregularitatem non incur-

incurrat, qui volens occidere Clericum Inimicum occidit Clericum Amicum; dummodo debita diligentia adhibeatur ne alia persona occidatur: 3.

3. 2.
Restitutio num facienda ab eo, qui suo malo exemplo alios inducit ad furandum? 1. 3. 3. Et num facienda sit a Confessario, qui culpabiliter omittit monere Penitentem de onere restitutionis? 1. 3. 4.
Restituenda sunt sub gravi qua per meum levem injustum graviter culpabilem extorta sunt, 6. 3. 4.

S

Sacramenta in materia dubia consecrare num liceat ad mortem declinandam? 4. 4. 6.
Sigillum naturale violare quandonam licet? 4. 1. 4.
Sponsalia metu extorta num sint irrita, an irritanda? 6. 1. 10.
Sponsalia, sicut & votum simplex, irritantur, si fiant cum errore circa causam finalem, non tamen Matrimonium, & Professio Religiosa. 5. 3. 7. & 1. 4. 3.

T

Testamentum blanditiis ab Uxore extortum in sui favorem est validum. 8. 2. 3.
Titulus legitimus prater consensum requiritur ad valorem contractus. 6. 1. 4.

Voluntarium quid sit, & Quomplex. 1. 1. 1.
Voluntarium indirecte num requirat expressam voluntatem effectus? 1. 3. 1.
Et utrum effectus pravius in sua causa dicatur indirecte voluntarius, si non deest obligatio vitandi totam causam. 1. 3. 2.

Voluntarium indirectum, & in causa sufficit ad culpam contrahendam, non vero ad contractum inendum. 5. 2. 3. Voluntas quippe actus comparatur ad culpam, tanquam actus cum suo obiecto; & ad contractum comparatur ut principium ad suum effectum. 5. 2. 4. Hinc ad contractus, & ad Sacramentum consiciendum requiritur intentio saltem virtualis. 5. 2. 5.
Voluntas non errat sequendo dictamen rationis erroneum. 9. 1. 4.
Vitam prorogare Carnium esu Carthusianus non tenetur. 4. 3. 2.
Voti nomine, quod dispensari possit, num etiam veniant iuramenta, ac vota iurata? 7. 4. 3. Quid intersit inter iuramentum, & votum? ibid.
Votum emissum ex ignorantia alicujus circumstantia, tunc errore deprehensum non obligat, quando ex vi volitionis votendi, non vero ex vi actuum, vel habituum votentis ea cognita non fuisset emissum. 5. 3. 6.
Votum non servans ad mortem declinandam num sit Sacrilegus? 4. 3. 8.
Votum num obliget cessante causa, ob quam nuncupatum est? 5. 3. 5.
Votum pœnale inculpabiliter violans non tenetur ad pœnam: Sicut nec si cum ignorantia voti, aut pœna leviter culpabilis illud violet. 3. 3. 7. & 1. 4. 4.
Votum simplex emissum cum errore circa causam finalem est irritum; ut etiam